







XXXXXX

XXXXX

XXXXX



U. P. 13  
C. P. 13  
C. P. 13  
C. P. 13





ANNUS  
CISTERCIENSIS:

In quo

PIA, ET BREVI APOSTROPHE  
PROPONUNTUR

Colenda simul & Imitanda

*Gesta præcipua, & eximia Virtutes*

Sanctorum, ac Beatorum utriusque sexûs,  
Ejusdem Sacri,

ET JAM INDE AB ORIGINE SUA  
EXEMPTI ORDINIS.

*Quem STYLI ac PRÆLI labore*

in lucem publicam produxit

RELIGIOSUS CISTERCIENSIS

in Monasterio B. V. MARIÆ

DE MARIS-STELLA

Vulgò Wettingen,

Prope Badenam Helvetiorum.

PARS II.



ANNO MDCLXXIII.







EPISTOLA NUNCUPATORIA.



REVERENDISSIMIS  
IN CHRISTO PATRIBUS,  
AMPLISSIMIS PRÆSULIBUS  
AC DOMINIS:

D. EMMANUELI,

Abbati Imperialis Monasterii Salemitani:  
& Congregationis S. BERNARDI, Sacri  
Ordinis Cisterciensis in Superiore Germania  
COMMISSARIO GENERALI.

*Salemium Fundatum est Anno 1137.*

D. ALBERICO,

Abbati Ebracensi, Franconiæ Primati,  
Visitatori Ordinario, & ejusdem Provinciæ  
VICARIO GENERALI.

*Fundatum est Ebracum Anno 1126.*

D. ELIÆ,

Abbati Cæsariensi, & Provinciæ Suevicæ  
VICARIO GENERALI.

*Fundata est Cæsarea Anno 1133.*

D. MALACHIÆ,

Abbati Alderspacensi, & Provinciæ Bavaricæ  
VICARIO GENERALI.

*Fundatum est Alderspachium Anno 1147.*



EPISTOLA

D. NICOLAO,

Abbati Maris-stellæ, & Helvetiæ, Alsatia  
ac Brisgojæ

VICARIO GENERALI.

*Fundata est Maris stella Anno 1227.*

D. PETRO,

Abbati Luciscellæ in Alsatia, *Fund. anno 1124.*

D. BERNARDO:

Abbati Novi Castri in Alsatia, *Fund. añ. 1128.*

D. THOMÆ,

Abbati Langheimēsi in Franconia. *Fund. 1132.*

D. CANDIDO,

Abbati Altæ Ripæ in Helvetia. *Fund. añ. 1137.*

D. OLIVARIO,

Abbati Parisiensi in Alsatia. *Fund. añ. 1138.*

D. MALACHIAË,

Abbati Raitenhaslacēsi in Bavaria. *Fund. 1147.*

D. CAROLO,

Abbati S. Urbani in Helvetia. *Fund. anno 1148.*

D. FRANCISCO,

Abbati Brunbacensi in Franconia. *Fund. 1155.*



NUNCUPATORIA.

D. ROBERTO,

Abbati Portæ Cœli in Brisgoja. *Fund. añ. 1156.*

D. ROBERTO,

Abbati Bildhusano in Franconia. *Fünd. ã. 1157.*

D. FRANCISCO,

Abbati Speciosæ Vallis in Fræconia. *Fünd. 1157.*

D. MARTINO:

Abbati Campi Principū in Bavaria. *Fünd. 1262.*

D. GEORGIO,

Abbati Stambfensi in Tirol. *Fund. anno 1273.*

D. MELCHIORI;

Abbati Cellæ Principis in Bavaria. *Fünd. 1274.*

D. BONIFACIO:

Abbati Cellæ Dei in Bavaria. *Fund. anno 1286.*

CELEBERRIMÆ

CONGREGATIONIS

CISTERCIENSIS

*Per Superiorem Germaniam*

INCLYTIS PRÆSIDIBUS

DEFINITORIBUS PRUDENTISSIMIS.

Membris Nobilissimis:

*Patribus, Dominis, ac Mecœnatibus meis*

*Gratiosissimis, Observandissimis,*

999



## EPISTOLA



Missi nuper in publicam lucem exigui laboris mei prima parte postquam S. Ordinis Caput Supremum veneratus sum, lex ipsa Rationis iubebat, ut alteram consecraturus partem, ad proxima Capiti membra descenderem: ad Vos, inquam, Reverendissimi & Amplissimi Præsules: qui sub gloriosissimo nomine, ac Patrocinio Mellifui Patris N. BERNARDI Congregationem hanc Vestram circa initium hujus seculi erexistis; invictâ vigilantia, nequicquam obstrepentibus bellorum tumultibus, propagastis; & consiliorum prudentia, pietatis fervore, ac saluberrimis Constitutionibus factam hætenus tectamque conservatis. Concors omnium Vestrum desiderium est, & meta sollicitudinis; ut Regularis disciplina in cœnobijs curæ Vestræ concreditæ non vigeat tantum ac floreat, sed & uberes vitæ laudabilis fructus producat. Huic sacro

mune-



## NUNCUPATORIA.

munere Vestro dignissimæ voluntati promovendæ si quis quærendus est ad excitandos animos stimulus, vix invenietur magis idoneus, quàm Exempla. *Longum enim, ait Philosophus Romanus (a) iter est per præcepta, breve & efficax per exempla: plus ex moribus, quàm ex verbis trahimus.* Hæc non ducunt solùm, sed urgent, & arcano quodam fascino impellunt. Suam exempla personam agunt in libris non secùs ac in theatro: & commentatorum stylo sæpè vivaciùs, quàm suâ linguâ loquuntur. Arguunt vitia sinè palpo, Virtutis decorem sinè fuce demonstrant: tangunt consciæ mentis ulcera, sed sinè tortura legentis; dum non frontis sed cordis ruborem pariunt. *Sic est, ait Theodosij Imp. panegyristes, (b) exasperat homines imperata correptio, blandissimè jubetur exemplo.* Cui consonat illud Theodidacti nostri, quod post Magnum Gregorium frequenter inculcat: *(c) Sermo vivus & efficax exemplum*

§§§§

*plum*



## EPISTOLA

*plum est operis, facile faciens suadibile, quod dicitur; dum monstrat factibile, quod suadetur.* Prototypon exemplorum omnium est Servator humani generis, Via nimirum, Veritas, & Vita: qui sanctimoniam absolutissimam vestigia Spiritus Divini calamo exarata ideò tam sedulo nobis commendavit, ut quemadmodum ipse ambulavit, ita & nos ambulemus. Sacratissimis his vestigiis presso pede inhæserunt illi XII-Viri, qui præeunte sermonem Principe gloriabantur: Secuti sumus te. Horum deinde gesta revolventes Antonij, Pauli, Macharii, Pachomii, Hilariones, dum eandem Apostolicam viam terebant, in hodiernam usque diem sunt nobis pro exemplo Christianæ perfectionis: eandemque ob causam S. Legislator noster Benedictus horum Vitas Patrum quotidie post cænam prælegi tam sanctè præcepit (d) neminem ab hac lege eximens, nisi legitimè impeditum. Magneticam hanc Exem-  
plo-



## NUNCUPATORIA.

plorum vim felicissimè expertus Augustinus disertè fatetur, se isto calcari animum ad ingrediendam prosequendamque, arduam licèt, Virtutis semitam extimulavisse; illud crebrò sibi occinens: *Tu non poteris, quod isti, & ista?*. (e) Præ alijs tamen exemplis nos afficere solent domestica, quasi viciniora, & speciali quadam proprietate ad nos spectantia. Nec alio fine Veteres Romani Avorum Ceras tam religiosa veneratione colebant, quàm ut earum aspectu ad imitanda Majorum facinora accenderentur. Hoc enim, velut Tullio placet, (f) generi hominum propè à natura datum est, ut quâ in familiâ laus aliqua fortè floruerit, hanc ferè, qui sunt ejus stirpis, cupidissimè prosequantur. Abundat profectò Inclyta Cisterciensis familia nobilissimis sanctimonix exemplis, numero & magnitudine admirandis. Quæ ut plurimum oculis ad cognitionem, & animis ad imitationem subjicerentur, ex diversis

Aucto-



## EPISTOLA

Auctoribus hinc inde dispersa in hoc redegi compendium: quod veluti Vobis, Reverendissimi Præsules, mille nominibus debeo, ita quâ par est demissione & observantia offero, Dedicóque. In quo si *Causam efficientem*, uti loquuntur Dialectici, intuemini: lubens fatebor, dignum esse omni contemptu: si verò *formam* spectatis, quam à stylo habet ac typo, hæc mihi videbatur aptissima, tam prolixæ rerum diversarum Iliadi nucem, non scrinium quærenti, & in hoc maximè intento, ne enchiridii compendium excederet: si *materiam*, displicere non potest, nisi nec Cisterciense nomen, nec pietatem amantibus: si denique *finis* à me destinatus attendatur, qui est honor DEI & ejus Amicorum, ac salus animarum, non optandus modò fuit hic labor, sed imperandus. Æqui ergò bonique pios conatus consulite, & in gratioso favoris gremio confoveate. DEUS ex largifluo Bonitatis suæ thesauro



NUNCUPATORIA.

thesauro Reverendissimas Dominati-  
 ones Vestras longævâ, Pacis almæ ple-  
 nâ, ac demum æternâ cumulet felici-  
 tate. Extendat de supernæ Patriæ se-  
 dibus assuetam prodigiis dextram san-  
 ctissimus noster Thaumaturgus (quod  
 in fronte hujus libri pictura insinuat)  
 & hoc insigne decus Germaniæ, Con-  
 gregationem hanc amoris ipsius addi-  
 ctissimam repleat Benedictionis suæ  
 dulcedine, efficiat meritis suis, ut qui  
 hæctenus cum universo terrarum or-  
 be fuimus Virtutum ejus admiratores,  
 pergamus porrò illius esse strenui imi-  
 tatores, tandèmq; nos, tanquam fi-  
 lios non degeneres, promoveat ad  
 consortium gloriæ suæ immortalis. Ita  
 vovet ex Typographeo Maris-stella-  
 no, Calendis Januarii, anno 1683.

Reverendissimarum & Ampliss.  
 Dom. Vestrarum

Cliens humillimus  
 Religiosus Marisstellanus.




(a) Seneca epist. 6. (b) Latinus Pacatus in  
Or. paneg. ad Theod. jun. (c) S. Bern. epist. 201,  
& in serm. de S. Bened. (d) Regulae cap. 42.  
(e) soliloq. cap. 10. (f) Cicero pro Rabir.

### AD LECTOREM.

Paucis hinc rogandus es, Lector benevole, ne  
nimita diligentia ad Pedem Geographicum dis-  
cutias imaginem, quam in libri hujus vestibulo  
posui. Locorum situm ac distantiam ex Tabu-  
li Merianeis desumpsi, & secundum gradus pro-  
portionales ita collocavi, ut omnia diffuse in lon-  
gum latumque Congregationis Monasteria oculis  
uno intuitu subjicerentur: iter enim magis ad  
caelum, quam per terras demonstrare hoc meo qua-  
licunque labore constitui.

Par ratio est de annis Foundationum, quae  
ordinis gratia adjunxi, simpliciter secutus Fon-  
gelinum. Illius error est, nullius per me Juribus  
derogans, si quem forte quis deprehenderit.







ANNI  
CISTERCIENSIS  
JULIUS.

I. Julij. Calenda.



EATE BARTHOLO-*Obijt*  
 MÆE: qui sicut Melli-*anno*  
 fluum Germanum or-*1144.*  
 dine nascendi proxi-  
 mē; ita eum te Christo  
 ac Cistercio parturien-  
 tem, ante fratres reliquos, promptissi-  
 mē secutus es. Rursus ad Claramval-  
 lem, ex Cistercio dimissum, comita-  
 tus es pari mentis alacritate: quamvis  
 S. Abbas Stephanus te non sinē la-  
 chrymis, separationis dolorem testan-  
 tibus, à se dimiserit. Cujus cordi te præ  
 aliis fuisse altiùs inscriptum, decennio  
 post apparuit; cū te ex amantissim  
 Germani sinu raptum, primogenita  
 Filia Firmitati præposuit; illi sponsum  
 ac patrem, sibi novo titulo filium ado-  
 ptans. Huic sanctissimæ familiae post-

*S. Bern-  
nardū  
primus  
sequi-  
tur.*

*Abbas  
Firmi-  
tatis e-  
ligitur.*

Aa

quam



## 2 ANNI CISTERCIENS.

quam annos viginti te humilitate fratrem, solitudine Patrem, ut verbo dicam, BERNARDUM exhibuisti, de dilecta Firmitate terrena, ad Firmamentum cœleste feliciter evolâsti: relictis haud dubiè præclarissimis virtutum tuarum vestigiis, posteros ad imitationem excitaturis, nisi illorum memoriam aut obliterâset vetustas; aut BERNARDUS tui splendoris quadam immensitate, instar solis alia sidera in meridie condentis, obumbrâset.

*Utcunque autem ignota sint sanctimonie tuæ insignia; indubitatum tamen est, ob-  
 Virtutes reli- servantiæ regularis, rigoris in victu, atq;  
 giosi. fervoris in obsequio divino te fuisse studio-  
 sissimum. Hæ virtutes sunt supplicationis,  
 quam tibi porrigo, summa: sinè illis enim  
 scio me nec religiosi nomen, nec cœlum me-  
 veri.*

*Obijt  
 anno  
 1478.  
 S. Ber-  
 nardus  
 agoni-  
 zâti ap-  
 paret.*

B. JACOBÈ, monache Dunensis; insignem laudem promerite ex integritate morum, & cordis candore. Piam vitam excepit mors plena solatii: dum tibi spectabilis adfuit dulcissimus Parens BERNARDUS, & ad beatorum felicitatem invitavit. Præcesserat mortem paralytis triennalis: cujus incommoda non solum prompto per tulisti animo, sed etiam hilari; identidem in laudes Divinæ bonitatis erumpens



pens; quòd te per viam spinà doloris  
 confitam ad se deducere fuerit digna-  
 ta. *Non parum minuit itineris laborem* Crucis  
*viarum infallibtlis peritia. Ad patriam* via, via  
*nostram via regia est, via Crucis; quam* cœli.  
*nempe Rex gloriæ thronum suæ majestatis*  
*repetiturus aperuit. Ora, ut per hanc ani-*  
*mosè ingrediatur, nec me à pessimo seductore,*  
*amore carnali, in viam perditionis abripi*  
*permittam.*

B. JOANNES à S. Dionysio, Fu- *Obje*  
 liensis monache: qui juxta vatis Divi- *anno*  
 ni consilium, sacræ religionis jugum *1622.*  
 portasti ab adolescentia tua: idque ta-  
 li fervoris constantia; ut admirandam  
 Instituti Fulienfis austeritatem absque  
 ullâ, licèt permisâ, relaxatione retinu-  
 eris. Pauculis hîsce verbis te, ac tuæ in-  
 stitutioni commissos, ad virtutis amo- *Tessera*  
 rem excitabas: *Facere, & pati, in silentio* *militis*  
*& solitudine: summam religiosæ perfe-* *religio-*  
*ctionis hoc brevi compendio comple-* *si.*  
 ctens. Atque hæc ipsa verba, quemad-  
 modum erant totius vitæ lex & nor-  
 ma; ita tandem fuere felicissima clau-  
 sula. *Præmuni animam meam quaterno* Vallum  
*hoc virtutum vallo, quo certum est, infen-* *contra*  
*sisimos vitæ melioris hostes arceri: Oium* *vitia.*  
*nampe agendo: patiendo, Amorem propri-*  
*um: silentio, Vanitatem mundi: solitudine*  
*denique, Oblivionem Dei, ac sui.*



4 ANNI CISTERCIENS.

S. BERNARDUS, ser. 40. in Cant.

Utilis  
solitu-  
do, se  
solum  
obser-  
vare, nō  
alios.

Solus es, in quantacunq; hominum  
verseris frequentia. Tantū cave, a-  
liena conversationis esse aut curio-  
sus explorator, aut temerarius ju-  
dex. Etiam si perperam actum quid  
deprehendas; nec sic iudices proxi-  
mum; magis autem excusa. Excusa  
intentionem, si opus non potes.



2. Julij. 6. Nonas.

Obijt  
anno  
1608.

Odor ex  
defun-  
cto cor-  
pore.

B. MARIA, monasterii Nazarethani  
Conversa: quæ designatum pro  
virginæ puritatis custodia partheno-  
nem petitura, ne mundus obstreperet,  
stemmatis, opum, ac formæ superbi-  
am uno humilitatis pondere, velut la-  
pide quodam sepulchrali oppressisti.  
Huic deinde petrae reliquarum virtu-  
tum, per totam vitæ seriem laboriosè  
imposita substructio, quàm solido ni-  
xa fuerit fundamento, vitæ finis ape-  
ruit, dum emanans ex defuncto corpo-  
re suavissimus odor totum monasteri-  
um fragrantia, incolas admiratione  
implevit. *Doce me ex bonorum operum  
speciebus*



*speciebus tale thymiama componere. Ex thure nimirum devotæ orationis, guttis lacrymarum, myrrha mortificationis, aromatis obedientiæ, humilitatis, amoris Divini, charitatis fraternæ &c. Quàm suavis & confortans odor hic erit mihi cum morte luētanti!*

Aromata virtutum.

B. DIDACE Velasquez, monache Eiteriensis, singulari Numinis providentia ad militiam vocate: cujus tyrocinia sub magno illo Heroë, Alphonso Imperatore, posuisti: quo auspice felici semper usus fortuna, jam rude donari merueras. Eo autem ex humanis crepto, sepositâ galeâ, cucullam Cisterciensem à sancto Raymundo Abbate Eiteriensi suscepisti. Vix vota solennia nuncupaveras, cum te ad novâ bellâ salus publica evocavit. Inundaverant Mauri numeroso exercitu magnam Hispaniæ partem: quorum impetum cum Milites Templarii sustinere desperâssent, præcipuum regni munimentum, Calatravam, vacuum reliquere. Hujus defensionem cum post militum fugam nemo in sese recipere auderet, tu Raymundo auctor fuisti, ut barbaris sese opponeret: probante consilium Sanctio Rege, & convolante ad cucullatam militiam haud exigua manu: quâ stipatus Mauros multis præliis su-

Floruit anno 1158.

Calatravâ defensionem.



## 6 ANNI CISTERCIENS.

peratos, tam gravi internecione delivisti; ut reportatis castellorum urbiumque opimis spoliis, ad facta tecta Calatravæ redieris: Institutor secundus, sed cui primus primatum debet, celeberrimæ Militiæ nobilium Equitum, ex eodem Castello nomen trahentis. Inter prædas barbaris ereptas, est locus Monasterii S. Petri propè Gumielem: ibidem, tanquam in hostico, victoriæ tuæ trophæum statuisti sepulchrum tuum; non opere superbum, at hodièque fidelium pietati venerabile.

*Corpus inftar castri custodiendū.* *Meæ quoque custodiæ Deus castrum commisit: corpus nempe meum; cui animam gubernatricem imposuit. Sed prodidit illud sævissimo hosti propria voluntas. Tis strenuissime miles, ferto mihi suppetias; ut quales tu de Africanis, tales ego de avernatibus hostibus triumphos reportem.*

S. BERNARDUS, ser. 2. de Assūt.

*Custodia corporis.* *Bonum castrum custodiet, qui custodierit corpus suum. Utilis profecto custodia, & felix anima, quæ sic custodierit corpus suum, ut nunquam sibi vendicet illud inimicus. Fuit aliquando, cùm hoc meum castrum tyrannidi suæ impius ille subjecerat sibi.*

*Quantum*



*Quantum eo nocuerit tempore, præ-  
sens adhuc indicat desolatio & ege-  
stas.*



3. Julij. 5. Nonas.

**B.** JOANNES, Archiepiscopo Upsa-  
lensis: qui insignes nobilis animi  
dotes sub disciplina claustrali inter Ci-  
stercienfes monachos ad eam perfecti-  
onem excoluisti, quam Sueciæ populi  
dignam fastigio summo judicarunt.  
Nec defuisse tibi parem dignitati ani-  
mum, expertus est ipse Rex Canutus.  
Is enim cum contra jus fasque homici-  
dium perpetrasset, à te liberè corre-  
ptus, ad eò non ausus est irasci; ut in-  
junctam publicam delicti pœnam ea  
submissione sustinuerit, qualem ab ul-  
timo de plebe exegisses. Quin sanctis,  
ac cœlesti sapientia plenis consiliis tuis  
mutatus in alium, quot antè sceleribus  
fædaverat, tot postmodùm virtutibus  
decoravit regium diadema. His meri-  
tis tuis DEUS gloriosam martyrii co-  
ronam imposuit, dum impii Estonum  
piratæ te in propriis ædibus, immani-  
ter trucidarunt. *Muta & me in homi-  
nem alium. Fac me ex tepido ferventem,*

Passus  
anno  
1188.

Liberè  
regem  
arguit,

& emē  
dat.



8 ANNI CISTERCIENS.

*ex pigro vigilem, ex vorace sobrium &c.  
muretur amor rerum terrenarum in desi-  
deria sancta eternorum.*

*Floruit* B. THOMAS, Prior Boni Fontis in  
*circa* Tharesca, magnorum vir meritorum:  
*annum* qui alumnis tuis optimi instar fontis  
*1170.* eras, è quo mutuum fraternæ charita-  
tis affectum, in obsequio divino vigi-  
lantiam, morum gravitatem, tum ad-  
hortationibus, tum exemplo suaviter  
incitati hauriebant. In qua tam lauda-  
bili ac fructuosa exercitatione cum an-  
nos complures transegisses, non im-  
merito post piissimum obitum publi-  
ca fama te sanctitatis encomio exor-  
navit. Scio, quàm gravis coram Deo red-  
denda sit ratio illi, qui hoc merendi tempus  
*Merendi tem-* aut per otium negligit, aut, quod deterius  
*pus nõ* est, ad demeritorum pondus augendum,  
*negli-* peccatis impendit. Unde te obnixissimè ro-  
*gendũ.* go, ut mihi à Deo impetres illam efficaciter  
excitantem ad virtutes gratiam, qua præ-  
terita deiecta aboleam, & caveam futura.

S. BERNARDUS, ser. 68. in Cant.

*Quid* Sufficit ad meritum, scire, quòd non  
*de me-* sufficiant merita. Sed ut ad meritum  
*ritis sè-* satis est, de meritis non presumere,  
*tiendũ.* sic carere meritis, satis ad iudicium  
est.

4. Julij.





4. Julij. 4. Nonas.

**B.** BERTRAME, B. MARIÆ de Floruit  
 Carixto in Lombardia monache: anno  
 qui licet à clâris sanguine parentibus <sup>1195.</sup>  
 esses inter mundanas delicias tenerrimè  
 enutritus, divino tamen instinctu  
 generosè animum ad contemnenda  
 carnis blandimenta adjecisti. Cùm au- *Gulæ*  
 tem in ipso vitæ religiosæ principio *tentati-*  
 inobservatus hostis te per suos cunicu- *onem o-*  
 los impeteret, cibus vulgaribus intole- *ratione*  
 rabili fastidio te affligentibus: de con- *vincit.*  
 filio Abbatis hoc bellum oratione con-  
 fecisti; tam felici victoriâ; ut in pisces &  
 fabis magis gratam inveneris exinde  
 saporem, quàm in divitis olim mensæ  
 omni lautitia. Ac ideo rigore commu-  
 nis abstinentiæ non contentus, qua-  
 si inedia inediam pareret, in eo auste-  
 tatis genere omnes alios superavisti.  
 Ex hac radice sobriæ mentis inter alia *Matrē*  
 cœlestia dona pullulavit intensissimus *Dei mi-*  
 amor in Virginem Deiparam: de quâ *rē colit.*  
 veluti honorificentissimè loqui con-  
 sueveras; ita ferebas gravissimè, si ver-  
 bum unicum audire cogebaris, quod  
 illius gloriam imminueret. Hunc de-  
 votionis affectum vario favore remu-  
 nerata



10 ANNI CISTERCIENS.

*Visio-  
nibus  
illustra-  
tur.*

*Amor  
Mariæ  
in Ci-  
sterciens.*

*Assum-  
ptionis  
festum  
inter  
prodi-  
gia ce-  
lebrat.*

nerata est Mater dulcissima, jucundis apparitionibus te recreans. Inter quas celebrior illa fuit, dum eandem vidisti ornatu regali decoram virenti cespiti insistere, atque ad ejus pedes placidè manantem rivum, trahentem aurei coloris undas, sub quibus diversi splendoris gemmæ ludebant. Eâdem dein interprete cognovisti, fulgenti illo liquore sacrum Ordinem, gemmis verò corda Virgini Matri devota repræsentari. Addebat denique, eo se pretio ante alia Instituta Cisterciense æstimare, quo præ cæteris metallis aurum homines arbitrantur. Instabat aliquando festivus sacratissimæ Virgini dies, quo gloriosæ ad sidera Assumptionis memoriam fideles celebrant. Cujus occasione cùm scires inter nocturnas preces legendam fore quendam Divo Hieronymo perperam adscriptum sermonem, affirmantem; Divinæ Puerperæ animam, non corpus, cœlis esse receptam; potestatem ab Abbate impetrâsti, illam noctem in proxima cœnobii villa transigendi; ne scilicet indigna DEI Genitrice verba aures tuas cruciarent. Et celebrâsti festivas planè vigiliis, non hilariter solùm, sed ad stuporem prodigosè. Nam villæ vicinus, subitò à conspectu comitum dis-

parens



parens, in loco, aliquot millibus passuum dissito te esse, primùm obstupisti, mox gavisus es, quando à cœlesti ephebo in templum deductus, audisti *Raptus mirabilis.* consuetum Officii præscripti pensum ineffabili vocum suavitate per ordinem decantari. Quo ad finem perducto, reversurus ad villam, fratrem germanum, tanquam raptus istius oculatum testem, offendisti: à cujus oculis post breve colloquium subtractus, denique in Oratorio villæ cospectus es; stupentibus referens, quàm felici devotione festum obieris. Pluribus ejusmodi visionibus coronidem imposuit, quæ tibi ab Angelo tuo Tutelari fuit *In Paradisio* exhibita. Is te per calles omnino ignotos in terrestri Paradisi hortum induxit; *radis* cujus sancti cives, Enoch & Elias, *in tur.* ingentis molis librum tibi ostenderunt, omnium Electorum nomina, literis aureis exarata, continentem: inter quæ cum & tuum summa mentis exultatione legisses, ac insuper intellexisses, id nunquam deletum iri: mirum non fuit, te tanto desiderio mortem anhelasse, quanto aliàs tremore miseri mortales illam formidamus. *Mariam Librum esse viventium agnoscunt, quotquot illam ut Matrem Dei cultu debito venerantur. Testes sunt innumeri, quorum nomina de libro*



12 ANNI CISTERCIENS.

Maria  
Liber  
Vitæ. *libro vitæ per peccatum expuncta restituit.  
Ad eandem & ego per te recurro: fac, ut  
nomen meum in dulcissimo illius corde ( in  
quo tot miserrimi peccatores salutis por-  
tum invenerunt ) scribatur.*

Obijt  
anno  
1328. *B. SAGALLO, Abbas Clarimari-  
sci: quod monasterium postquam per  
annos octo in Apostolica perfectione  
reexisti; ut etiam moriturus ostenderes,  
te propter Christum omnia reliquisse,  
non in cœnobio tuo, sed in Claravalle  
tumulari voluisti: ubi ut sanctimonix  
tuæ dignus honor haberetur, in Capi-  
tuli loco cum primariis sanctissimæ il-  
lius eremi luminaribus fuisti depositus.*

\*  
Faciend.  
da ex  
necessi-  
rate  
virtus. *Suadet Christus Servator, terrena relin-  
quere, & quærere æterna. Cujus consilij  
si nulla esset utilitas, quàm sublata per id  
amaritudo mortis, toto pectore foret am-  
plectendum. Conabor ego te sequi; ne ali-  
quando relinquere cogar invitus, quod  
modò cum lucro retributionis immensæ de-  
seram sponte.*

S. BERNARDUS, Tr. de cont. mñ.

Omnia  
relictu-  
rus, à  
seipso  
incipi-  
at. *Age ergo, qui relinquere universa  
disponis, te quoq; inter relinquenda  
numerare memento. Imò verò maxi-  
mè & principaliter abnega temeti-  
psum, si deliberas sequi eum, qui exi-  
nanivit propter te semetipsū. 5. Ju-*





5. Julij. 3. Nonas.

**B**ULPHO de Ulphaso, Dux Neri-  
 cia, sanctæ foeminæ Birgittæ con-  
 junxit idem piissime: qui naturali bo-  
 nitate ad pietatem propensus, ex con-  
 sortio tantæ sanctimonix, animum  
 summis quibusque virtutibus imbuiti.  
 Hinc illa in condonandis, quæ tibi in-  
 gerebantur, injuriis facilitas; in iis ve-  
 rò, quæ DEUM concernebant, vindi-  
 candis severitas: in decidendis subdi-  
 torum causis justa, in patrociniis pau-  
 perum benigna voluntas. Ejusdem piæ  
 uxoris consilio pedes ad D. Jacobi li-  
 mina laboriosum iter suscepisti: ac tan-  
 dem in monasterio Alvastrensi Ordi-  
 nem Cisterciensem amplexus, ultimos  
 vitæ annos in maximo rigore, aliisque  
 monasticæ perfectionis operibus tra-  
 duxisti. *Nimis perversus est, qui in soci-  
 etate bonorum non desinit esse malus: tra-  
 hendus exemplo, cujus est vis maxima in  
 omnem partem. Nee deest unquam tale  
 consortium illi, qui ex humilitatis dicta-  
 mine omnes æstimat se meliores, studetque  
 imitari, quæ virtutis sunt, reliqua cæcis  
 oculis pertransiens.*

Floruit  
anno  
1240.Sancti  
cōjugij  
fructusHumi-  
litas u-  
biq; bo-  
nos in-  
venit.

**B. MARTHA**, Camerae **B. MARIÆ** Circa ã.  
 prope Bruxellas sanctimonialis: quæ 1249.

A a 7

postquam



14 ANNI CISTERCIENS.

Perse-  
veran-  
tia ne-  
cessaria  
ad salu-  
tem

Postquam B. Aleidi, leprâ laboranti, diuturnum indefessa charitate famu-  
latum exhibuisti, ab eadem laboris tui pretiosum minerval, promissum vitæ immortalis accepisti his verbis: *Soror, esto robusta, & in bono persevera; Dominum oravi pro te. & exaudivit me, in libro viventium notata es cum electis. Perseverantiam in bono, quam accipere meruisti, etiam mihi à Deo impetra. Quot pia pr p sita concipio, dum ex lectione sacra mihi de vita in melius mutanda cogitationes suggeruntur! Tu fac, ne hostis malignus illa suis suggestionibus dissipet.*

S. BERNARDUS, Epist. 129.

Elogia  
Perse-  
veran-  
tia.

*Absque perseverantia nec qui pugnat victoriam, nec palmam victor consequitur. Vigor virium, virtutum consummatio est: nutrix ad meritum, mediatrix ad præmium. Soror est patientiæ, constantiæ filia, amica pacis, amicitiarum nodus, unanimi-  
tatis vinculum, propugnaculum sanctitatis. Tolle perseverantiam: nec obsequium mercedem habet, nec beneficium gratiam, nec laudem fortitudo.*

6. Julij.





## 6. Julij. Pridie Nonas.

**B.** FRESCENDIS, nobilis Duacena *Floruit*  
 virgo: quæ tacta desiderio fugien- *anno*  
 di infanientis mundi pericula, consilia *1218.*  
 de capeffendo vitæ, ad votum tuum i-  
 doneæ, ftatu, diu multúmque cum DEO  
 contulifti. Repertum denique locum  
 ab hominum confortio remotum, pro  
 te & aliquot ejufdem mentis fodalibus  
 amicorum subsidio ad habitationem  
 honeftam aptâfti. Cui ut ritus Cifter-  
 cienfium induceres, neceffariò augen-  
 da erant ædificia. Quæ dum molieba-  
 ris, piiffimum laborem interpolare co-  
 natus eft omnis boni inimicus: cujus  
 infigatione fundum constructæ à te  
 domûs ad fe pertinere quorundam a-  
 varitia contendebat. At tu dignum ali- *Romæ*  
 quid animo virili aufa, Romam peti- *caufam*  
 ifti: in qua Curia cùm fola paupertate *agit.*  
 instructa caufam ageres, geminam re-  
 pulfam invictâ patientiâ pertulifti. Ad  
 tertium denique iectum aperta gratiæ  
 janua, & desiderium tuum implevit, &  
 cœnobio Pratenfi felix initium dedit. *honore*  
 Quo celeriter exædificato, oblatum *recusat.*  
 Abbatiffæ munus ex animi demiffio-  
 ne conftanter recusâfti, perfuafis, quæ  
 ad te confluerant, virginibus, ut ex  
 vicino



## 16 ANNI CISTERCIENS.

Con-  
formi-  
tas cum  
volun-  
tate di-  
vina.

vicino monasterio Antistitam adopta-  
verint: quam in gubernatione, majore  
curarum parte in te susceptâ, non pa-  
rum juvisti: ac tandem ad recipienda  
tot laborum præmia feliciter ad cœlos  
evolâsti. *Doce me, in omnibus actionibus  
& consilijs meis ante omnia respicere ad u-  
nicam Dei providentiam, nunquam ad  
propriae voluntatis suggestiones: sed cum  
plena mentis resignatione amplecti, ac pro  
viribus implere, quidquid de me Divina  
Clementia disposuerit.*

Floruit  
anno  
1206.

B. HERMANNE, Heisterbacensis  
monache, & ibidem Cantoris officio  
fungens: cui præter insignem pietatis  
fervorem altissimè infixâ erat fraterna  
charitas, qua prodesse omnibus, ma-  
ximè infestatione diabolica gravatis,  
desiderabas. Quod votum tuum DE-  
US etiam prodigijs promovit; dum  
ipsum nequissimum hostem sub variis  
formis conspiciendum dedit. Videras  
aliquando versantem coram confratre  
quodam, tam in choro quàm refecto-  
rio, vini amphoram, cujus odorem e-  
tiam corporali sensu percipiebas: aliàs  
nigerrimi coloris ursum, ejusdem auri-  
bus nescio quid tali inspiratori conve-  
niens insusurrantem. Et ille quidem  
tua monita contemnens scelesto dis-  
cessu demonstravit, quoniam auctore  
sacrum

Dæmo-  
nem vi-  
det ali-  
osten-  
tantem



sacrum Ordinem deseruerit: felicior utri-  
 que futurus, si consiliis tuis obtem-  
 perans, maligni fraudes tam apertè co-  
 gnitas cavere didicisset. *Damonis, an  
 concupiscentia periculosiores incumbant  
 insidia, incertum est. Neuter ex istis ho-  
 stibus dormit, nullas concedunt inducias,  
 nedum pacem. Tu me ad continuam vigi-  
 lantiam stimula: nec enim aliter, nisi his  
 armis speranda victoria.*

Vigilię  
 vigiliis  
 oppo-  
 nendæ.

S. BERNARDUS, ser. 58. in Cant.

*Quantumlibet in hoc corpore manens  
 profeceris, erras, si vitia putes emor-  
 tua, & non magis suppressa. Unum  
 in tanto discrimine consilium est, ob-  
 servare diligenter, & mox ut rena-  
 scentium capita apparebunt, prompta  
 severitate succidere.*

Vitia  
 in hac  
 vita nō  
 mori-  
 untur.



7. Julij. Nonis.

**B.** FLORENTI, Aureæ Vallis Con-  
 verse, verè converse: nam è Mahu-  
 ris impiissimo dogmate primùm te SS.  
 Episcopi Nicolaus, & Claudius per vi-  
 sum evocaverunt. A Christianis dein-  
 de in Ungaria captus, atq; ad Auream  
 Vallem

Floruit  
 anno  
 1618.



18 ANNI CISTERCIENSIS.

Vallem perductus, postquam sacro Fonte ablutus es, non solum egregii Christicolæ, sed etiam perfecti Religiosi nomen in habitu Conuersorum impleuisti: à mundo auersus toto animo, & ad DEUM conuersus: ad quem beato tandem fine migrasti. *Fac, ut & in mesit vera illa morum conuersio, qualem Deo non solum solenniter promisi, sed etiam sapissimè post peccatorum confessionem firmiter proposui: memor illius comminationis ex psalmo: Nisi conuersi fueritis. gladium suum vibrabit &c.*

Con-  
uersio  
morum

Obiit

circa

annum

1129.

B. ROBERTE, Converse Claræ-  
vallis, scētator diligentissime principa-  
lium virtutum, humilitatis, simplici-  
tatis, & obedientiæ. In quarum exer-  
citio cū purissimum vitę cursum ab-  
soluisses, ad postremum mortis ago-  
nem accurrens piissimus consolator  
BERNARDUS, suaviter pro more  
suo: *Confide, inquit, fili, quia migraturus es de morte ad vitam, de labore temporali ad æternam requiem. Tu verò: quidni, respondebas, pergam ad Dominum, & Creatorē meum? Verè confido, & quantum de misericordia Domini mei Jesu Christi præsumere audeo, certus sum, quia mox visurus sum bona Domini in terra viventium. Præsumptionem periculosam redolere videbantur hæc verba. Proinde*  
solicitus

Magna  
in Deū  
confi-  
dentia.



sollicitus de tua salute sanctus Abbas,  
 humiliùs te de meritis tuis sentire iussit.  
 Cui vultu ad lætitiã composito di-  
 xisti: in nullis te tuis meritis confidere: *Obedi-*  
*solam esse Obedientiam, quæ te tam entia,*  
 ampla spe perfundat: cùm enim nihil *summum*  
 unquam egeris, imò ne cogitaveris, ni- *in mor-*  
 si ex obedientiæ præscripto, illam uti- *te sola-*  
 que coram tribunali Divino pro te re- *rium.*  
 sponsuram: nec ab illa deferri posse, ut-  
 pote quam à primo conversionis mo-  
 mento ad hanc usq; horam nullibi de-  
 serueris. Quo audito mellifluus Pater:  
*Verè, exclamat, beatus es, charissime; quia*  
*caro & sanguis non revelavit tibi sapien-*  
*tiam hanc, sed Pater cælestis. Jam secur-*  
*rus egredere, quia patefacta est janua vi-*  
*tae. Quamvis Obedientiæ non esset pro-*  
 missa in cælo merces, quæ tamen erit im- *Obedi-*  
 mensa; inflammandis ad ejus amorem ho- *entia*  
 minum cordibus sufficeret hæc una felici- *cur a-*  
 tas, tam sanctæ, tam lætæ mortis. Tu ora, *manda.*  
 ut in utroque te sequar.

S. BERNARDUS, ser. 41. de div.

Fidelis obediens nescit moras, fugit *Obedi-*  
 crastinum, ignorat tarditatem, præ- *entia*  
 ripit præcipientem, parat oculos visui, *vera.*  
 aures auditui, linguam voci, manus  
 operi, itineri pedes, totum se colligit,  
 ut imperãtis colligat volũtatẽ. 8. Ju-





8. Julij. 8. Idus.

*Renun-* S ANCTissime Successor Petri, Apосто-  
*ciatus* lorum Principis, B. EUGENI: qui  
*anno* relicta olim Suffraganei, seu Vicedo-  
*1145* mini urbis Pisanæ dignitate, humilem  
*Sedit* monachum in Claravalle induisti: S.  
*años 8.* P. BERNARDO intimè charus, quòd  
*mēs. 4.* in inveniendis gravium negotiorum  
*dies 13.* consiliis mirabili prudentia polleres.  
*Obijt a.* Virtutum omnium veluti quædam fe-  
*1153.* cunda mater est animi demissio, ita  
*Amor* animo tuo altius insedit: abjecta enim  
*humili-* & vilia quæq; obsequia avidissimè am-  
*lia.* bicbas; diu functus munere calefacto-  
*ris;* cujus erat, in loco destinato ignem  
*excitare,* quo fratres seminudi post vi-  
*gílias nocturnas refocillarentur. Expe-*  
*ctabat* inter hæc Innocentius Pontifex,  
*simulque* Abbas Farfensis fratrum co-  
*hortem à* BERNARDO, noviter e-  
*rectis cœnobiis imponendam: quorum*  
*posteriori cum prius promississet, pri-*  
*us satisfactorius, te Abbatem duode-*  
*cim ex more sociis stipatum, ad Far-*  
*fense monasterium destinavit. Non*  
*latuit ea res Pontificem. Quare pro sua*  
*potestate amica vi usus, te unacum co-*  
*mitibus Romæ retentum, inauguravit*  
*Abbatem.*



Abbatem S. Anastasii apud tres fontes, quos per totidem saltus excitavit demessum à Nerone, toti mundo venerandum caput, Gentium Doctoris. Paucis hîc annis præeras, cùm tribus Pontificibus, Innocentio, Cœlestino, & Lucio intra sedecim menses decedentibus, Purpurati Patres, in monasterio S. Cæsarii ad sacra comitia congregati, te Cathedram Divi Petri conscendere jubent. Quibus veluti ex animi demissione difficilem pro suscipi-  
 endo honore te præbuiisti; ita cæremonia solenni ritè inauguratus, quibusdam de Electione præcipitata quæstionem moventibus, paucorum verborum fulmine imposuisti silentium. In-  
 tia Pontificatûs gravissima tempestas turbavit: dum instigante populum Romanum Arnolde de Brixia, hæretico impudentissimo, Urbem rebellem deserere, & Viterbii sedem figere coactus es. Ibi inter alios Principum Legatos ex Orientali plaga, ultra Pontum Euxinum sita, gratulantes Armenorum nuncios excepisti: in quorum præsentia cùm Romano more Sacris operareris, eorum unus, Episcopali dignitate conspicuus, vidit ex templi fœnice in caput tuum emicantem insoliti splendoris radium, per quem sursum  
 deorsum.

*Pontifex ex Abbate eligitur*

*authoritatē servat.*

*Romanam deserit:*

*salutatur ab Eccle-*

*sia Græca.*



## 22 ANNI CISTERCIENS.

*Colum-  
bæ su-  
per ca-  
put ce-  
lebran-  
tis ap-  
parent.*

deorsúmque duæ albi coloris colum-  
bæ ferebantur. Ita dum te Occidens  
ausus est, ut olim in cunis Servatorem  
impia Synagoga, propria sede exclu-  
dere, novos ab Oriente Magos DEUS  
excivit, qui te, tanquam legitimum  
DEI Vicarium debito cultu adorarent:  
& quàm dignum venerentur, his mi-  
raculis demonstravit. Cæterùm quòd

*Cælesti  
sapiètiã  
claret.*

species illa columbarum peregrinis ob-  
lata, nihil aliud indicaverit, quàm di-  
vini Spiritûs te gubernantis præsentia-  
am, manifestum erat ex plusquam hu-  
mana in rebus gerendis prudentia tua:

*Romæ  
excipi-  
tur:*

quam & ipsa denique Roma suspicere  
ac revereri sustinuit. Seu enim factio-  
num, nulla non mala invehentium,  
pertæsa, seu pudore scelestæ perduelli-  
onis victa, sanioribus consiliis paula-  
tim admissis, te ingenti applausu, stra-  
tis per viam olivæ ramis, in Vatica-  
num induxit; at mox instrumenta tri-  
umphî in ferales lapides conversura.

*mox  
fugere  
cogiuntur*

Nam cùm iniquis populi Senatûsque  
postulationibus non annuisses, recru-  
descendentibus turbis denuo non absque  
vitæ periculo cedere, & Gallias, vetus  
asylum Pontificum, petere compulsus  
es. Ubi summo honore à Ludovico,  
Rege Christianissimo, exceptus, felici-  
orem Romam Parisiis invenisti. Atq;

ut tanto



ut tantò majore authoritatis pondere  
 salutis publicæ totius Christiani orbis  
 te impenderes, Concilium Rhemis in-  
 dixisti: in quo damnatus Eon hæreti-  
 cus, repressi errores Gilberti, & decre-  
 ta in Orientem Expeditio. Qua in ho-  
 stem properante, seriatim tandem pax te  
 Urbi restituit. Cujus occasione itine-  
 ris, cordis tui delicias BERNARDUM  
 ad tua Religionis incunabula secutus,  
 Claramvallem invisisti. Eodem dein  
 comite Comitibus generalibus in Cister-  
 cio interesse, tanquam unus ex com-  
 muni Abbatum numero, dissimulata  
 majestate fastigii, conferre consilia,  
 & Caput orbi universo adorandum, Ca-  
 piti ac Generali Ordinis inclinare non  
 es dedignatus. Stupebat sacra illa Con-  
 gregatio, quòd in tam excelso supre-  
 mi honoris gradu inconcussa staret hu-  
 militas, in omnium rerum affluentia  
 illibata paupertas: quàm scitè sub co-  
 nopæis auro & purpura fulgentibus  
 lateret saccus stramine fartus pro qui-  
 ete nocturna, sub talari dignitatis to-  
 ga laneum instar cilicinæ vestis indu-  
 mentum. Solutis Comitibus, Italiam re-  
 petens, Urbem nulla armorum vi (quæ  
 tamen in promptu erat) sed sola virtu-  
 te subactam, ingressus; ut ostenderes,  
 illius mala vinci à te in bono, sumptu-  
 osis

*Concili-  
um ce-  
lebrat.*

*Claram  
vallem  
visit,*

*& Ca-  
piulo  
Gene-  
rali in-  
terest.*

*Ponti-  
fex in  
aperto,  
mona-  
chus in  
occulto.*

*Romam  
tertiò  
repetit.*



ofis ædificiis, ac omni favorum genere exornâsti. Per quinque ultimos vitæ mortalis annos, ut à negotiorum strepitu respiranti non deesset opportunum levamen, mellifluum Doctorem persuasisti, ut plusquam aureos illos *de Consideratione* libros elucubraret: id est; ut divinus ille Apelles effigiem tuam hîsce lineamentis ad vivum exprimeret; quæ deinceps futura esset omnibus Ecclesiæ Prælati absolutissima sanctè vivendi idea. Breve fuit regiminis tempus, si solis cursu, longum, si laborum serie distinguatur, quorum utilitatem totus terrarum orbis percepit. Experta est imprimis Apostolica Sedes: cujus Patrimonio ab alienatas urbes, arces, aliâque Jura, non ferro, sed Verbo divino armatus, recuperâsti. Sensit Lusitania, quæ primum à te Regem, & Archiepiscopum Ulissiponensem accepit. Sensit Hybernia, in qua Episcopales quatuor sedes erexisti: Hispania, conditum tuâ operâ monasterium sanctarum Crucium ostentans: Ordines Religiosi omnes tunc existentes, qui Indultis ac Privilegiis à te donatis in hodiernum usque diem gloriantur: Germania, cujus gloriam solenni apothefosi Henrici Imperatoris auxisti: Palæstina denique ( ut mille alia silentio præteream)

*Libros de Consideratione à S. Bernardo accipit.*

*De universo Orbe optimè meru.*

*Lusitania,*

*Hispania,*

*Germania,*



præteream) quam ut è tyrannide Gentilium eriperes, universam Europam ad arma, utinam tam prospera quàm *Doctos* pia, excitasti. Non alia res tibi viros, *amat, et* Ecclesiasticis dignitatibus ornandos, *promove-* commendabat, quàm virtutum & e- *vet.* ruditionis fama: in quorum delectu tanta usus es felicitate; ut ex Cardina- *Adria-* libus à te creatis duos tibi succedere di- *nus IV.* gnos Patrum suffragia invenerint. Pa- *Alexã-* ce igitur Urbi Orbique reddita, cœ- *der III.* lum, quod hæctenus aliis referare solebas, etiam tibi sanctimonie clavibus aperuisti. Luctus ingens augustam feretri pompam sequebatur, maximè e- *Pater* genorum, qui non communem dun- *paupe-* taxat Christianæ familiæ Patrem, sed *rum.* peculiariter suum deplorabant. Mitigavere tamen aliquantum tristitiam *Prodi-* prodigia, dum ad solum loculi contactum plures infirmi plenam sospitatem, inspectante omni multitudine, *gia ad* sunt consecuti: horrendum vindicante *tumulo-* Divina Nemesei cujusdam clerici temeritatem, stomachantis, illa miracula non meritis tuis, sed loci sanctitati adscribenda. *lum.* *Utique (ut de S. Benedicto ait mellifluus Doctus) nunc valde potens es in cælis, qui tam magnus & potens fuisti in terris, secundum magnitudinem gratiæ magnitudine gloriæ exaltatus. Unam ex*

Bb

caelestibus



Medi-  
tatio.

caelestibus illis divitijs gratiam à te peto: eam nimirum, quam tibi tantopere commendavit, quàmque tu omnibus curis anteferebas, internam devotæ mentis orationem. Hortus est longè nobilissimus, meditatio sacra: sed nisi calitùs irrigetur, aridus est, marcidus, & sterilis.

S. BERNARDUS, l. I. de Cõsid. c. 7.

Consi-  
derati-  
onis e-  
logia.

Quæris, quid sit Pietas? Vacare Con-  
siderationi.... Hac est, quæ regit af-  
fectus, dirigit actus, corrigit excessus,  
componit mores, vitam honestat & or-  
dinat. Postremò divinarum pariter  
& humanarum rerum scientiam con-  
fert.



9. Julij. 7. Idus.

Passi  
anno  
1300.

SANCTI Martyres, monachi Cisterci-  
enses: qui in monasterio de Firmita-  
te unà cum Abbate ab hereticis in odi-  
um orthodoxæ fidei crudeliter inter-  
empti, viam vobis ad sidera vestro san-  
guine stravistis. Fidei petram portæ in-  
feri tunc maximè concutiunt, cùm vita  
mortalis navicula æternitatis portui pro-  
pinquat. Vos me in illis angustijs juvate,  
ut lævissimus hostis adversus hanc petram  
non prævaleat.

S. THE-



S. THEOBALDE, Abbas Vallium Sernay: qui adolescentiam aut inter seria arma, aut bello cessante, inter ludicra militiæ exercitamenta consumpsisti. Quorum tamen vanitas in generosum nobilémq; animum tuum tantum non potuit, ut congenitum amorem erga militiæ cœlestis Reginam labefactaret. Cujus admirabile nomen cum ore proferres, erumpente foras affectu, plerunque hæc vel similia verba jungebas: *Suavissimum, & sanctissimum nomen est, nomen venerabile, nomen benedictum, nomen ineffabile, nomen cunctis amabile.* Grata fuerat Divinæ Matri pietas: quæ ut te totum sibi addiceret, jucundo, & illius inexhaustam bonitatem ob oculos ponente prodigio, usa fuit. Festinabas aliquando ad consuetos hastarum ludos: audito tamen signo campanæ ad Sacrum vocantis, sociis furtim recedens, Divina mysteria quantâ poteras devotione adoravisti. Orationis suavitate absorptus vix horæ dimidium intrâ templi parietes te moratum credebas: cum egresso sodales à certamine reversi occurrunt, ovantium more victoriam acclamantes. Hi mirari, quàm dextrè arma vibraveris; alii, quàm industriâ circumgeris equum; omnes felicissimè reportatum

*Obiit  
anno  
1247.*

*Erga  
B. V.  
mirè  
devotº.*

*Ange-  
lus in  
ludo  
hastico  
ejus vi-  
ces agit*



*Mariæ  
se totū  
devo-  
vet.*

*Ejus  
invoca-  
to no-  
mine,  
mira-  
cula  
patrat.*

tatum bravium gratulari. Tu verò ubi locorum intereà hæseris non ignarus, simul pio miraculi stupore percitus, post perfunctorium ad comites responsum, ædem sacram repetens, conceptis verbis te **MARIÆ** Matris Virginis cultui in perpetuum devovisti. Huc vinculo arctius aliud superaddere mox placuit, Religionem Cisterciensem, quam florere noveras sub speciali ejusdem Mundi Dominæ clientela. Excepit te monasterium de Vallibus Sernay: cùmque omni virtutum decoramentis nulli esses secundus, ad Abbatialem dignitatem evexit. Lucerna in publicam honoris mensam collocata sanctimonix radios per innumera statim prodigia dilatavit: dum invocatum à te salutiferum **MARIÆ** nomē depellebat à cæcis tenebras, à surdis audiendi obstacula, à claudis paralyticis, ab obsessis hostem infernalem. At non defuere, qui existimarent, pertinacem hanc, & propemodum unius **MARIÆ** venerationem, excedere limites tum prudentiæ Christianæ, tum præcepti divini, similem cultum **SOLI DEO** sancientis. His sinistram opinionem dempsisti, referens: Divinam utique majestatem nullibi adorari decentiùs, quàm in suo throno: & hunc esse



esse immaculatæ Virginis sinum, eos duntaxat inficiari, qui non credant, DEUM ex illa natum. Paris brevitatis Humi-  
 responso excusasti crimen, in comitiis litatis  
 Generalibus tibi objectum; quòd nem- opera  
 pe nimiùm vilibus, ac minùs congruis pulchrè  
 muneri tuo functionibus delecteris; excusat  
 abluendo vasa monasterii, imò calce-  
 os fratrum repurgando; instar media-  
 stini cujusdam saxa calcémque hume-  
 ris ad latomos portando. *Coram Judi-*  
*ce Deo, ajebas, faciliùs respondebo de his,*  
*quàm alij de suorum equorum & vestium*  
*superbia. Quidquid temporis negotia*  
*reliquerant vacuum, id totum pietati*  
*contemplationis cedebat. A cujus de-* SS. Tri-  
 liciis ægerrimè te advocari potuisse, mi- nitas ei  
 rum non erat, cùm sæpiùs ibi Chri- ostendi-  
 stum Servatorem, & ipsam, quantum tur.  
 humani capiebant oculi, ineffabilem  
 Trinitatem, spectare merueris. Series  
 prodigiorum post sanctissimam mor-  
 tem adeò ad sepulchrum tuum conti-  
 nuata est, ut jussu Ecclesiasticæ pote-  
 statis sacra ossa in peculiari Sacello pu-  
 blicæ venerationi exposita asserven-  
 tur. *Non est periculum, ne nimietate fervo-*  
*ris in colenda Augustissima cælorum Re-*  
*gina excedam: tu solummodò fac ne ob ni-*  
*miùm in ejus obsequio teporem, me tam ne-*  
*cessario patrociniò reddam indignum.*



S. BERNARDUS, ser. paneg. de B. V.

Mariæ  
nomen  
amabi-  
le

O Magna, ô pia, ô multum amabi-  
lis Maria! tu nec nominari quidem  
potes, quin accendas; nec cogitari,  
quin recrees affectus diligentium te:  
tu nunquam sinè dulcedine divinitus  
tibi insita piæ memoriæ portas in-  
grederis. Et nunc sequimur te, exto-  
tis præcordijs vociferantes ad te: adju-  
va imbecillitatem nostram.



10. Julij. 6. Idus.

Anno  
1169.

Devoti-  
onis  
simpli-  
cis ali-  
mentum  
triplex.

B. ROBERTE, Converse Claræval-  
lis: qui illinc ad monasterium Fon-  
tis Mauriniaci missus, loci sanctimoni-  
am tecum transtulisti, in vera simpli-  
cissimâque humilitate serviens DEO.  
Pietatis exercitia ter geminâ classe di-  
stinguebas: primam Creatori ut Patri,  
alteram MARIÆ ut Matri, tertiam  
BERNARDO ut Patrono, assignans.  
Quàm verò utili devotione his amoris  
titulis animum occupaveris, paucis  
ante mortem diebus didicisti, dum per  
visum deductus in hortum elegantissi-  
mum, gemituum tuorum ac precati-  
onum



onum ephemerides ab Angelis divino tribunali conspexeras exhiberi. Advocatae personam dein agente Deipara, audivisti, decretam tibi esse in diem quintam aeternae felicitatis coronam.

*Tota medicorum schola nunquam inveniet tam certum simul ac facile remedium contra mortis amaritudinem, quale tua invenit simplicitas. Quare ergo meae salutis tam incurius sim, ut in eodem mihi comparando levissimum laborem refugiam?*

Cura  
salutis.

Beati Monachi, & Conversi triginta quinque Grandis-Sylvæ, intra paucos dies contagiosa febris absumpti: quorum aliqui ante exitum paratam vobis alterius vite beatitudinem praevidistis, alii post obitum, felices vos esse revelastis. Pretiosam vestram in conspectu Domini mortem dum pia devotione recolimus, non modica mentem nostram consolatio perfundit promissum, à quodam ex vobis de caelo allatum: Nullum scilicet Cisterciensis Ordinis alumnium ab aeterna salute excludendum, qui in eodem usque in finem perseveraverit: securitatis hujus prerogativam deberi tum Patrum primorum meritis, tum vel maximè favori & amoris MARIÆ. *Orate, o felices animæ, ut unde ad nos detulistis tam nobile promissum, inde donetur gratia perseverandi.*

Anno  
1167.

Solatiis  
ingens.



Obijt  
anno  
1608.

Domat  
demo-  
nes.

Orat  
assiduè.

Carnè  
truci-  
dat.

Vestis  
animæ.

B. PETRONILLA, monasterii S. Annæ in Hispania virgo DEO dilecta: quæ annis triginta Martyrem, si spontanei cruciatus perpendantur, si vitæ puritas, Angelum terrestrem exhibuisti. Sanè fortitudinem humanâ majorem experiebantur maligni spiritus, quos sub larvarum mendacio tibi molestos contemptim faceffere jussisti. Oratio, tum quæ linguâ exprimitur, tum quæ intrâ cordis penetralia inardescit, adeò tibi familiaris erat, ut majorem semper noctis partem hæc sibi pietas vendicaret. Affligendo corpori ea præ aliis eligebas tormenta, quæ contutum diu noctûque dolorem circumferrent: quem cùm ab asperitate cilicinæ vestis impetrare nequires, ferreâ catenâ te tam inclementer vinxisti, ut re post obitum compertâ, omnibus palam fuerit, imbecillem suapte natura vitam non nisi cœlesti ope sustentari potuisse. *Ita nimirum, ut Sponso per omnia placeres, innocentia lilijs, & rosis patientia te compsisisti. Quàm viceversa deformis apparebit anima mea, non inornata solùm, sed & maculis plena! Tu, quæso, in illius me gratiam reduc, atq; ab eodem mihi vestem, si non nuptialis candoris, saltem pullam pœnitentiæ impetra: nam & hanc misericordiæ suæ oculis solet respicere.*

S. B. E. R.



S. BERNARDUS. ser. 84. in Cant.

Tu autem fornicata es cum a-  
 matoribus multis; & tamen re-  
 vertere, dicit Dominus, & ego  
 suscipiam te. [*Hierem. 3.*] Verba  
 Domini sunt: non est fas, suspendere  
 fidem. Credant, qui non experiun-  
 tur, ut fructum quandoq; experien-  
 tiæ fidei merito consequantur.



II. Julij. 5. Idus.

B. JOANNES: qui sub disciplina S. Floruit  
 P. Roberti in Molifmo primùm, & anno  
 inde Cistercii, tam præclarum religio-  
 nis spiritum hausisti, ut post gloriosis-  
 simum Fundatorem præcipuè tibi de-  
 beat Cistercium initii sui & incremen-  
 ti felicitatem. Nam per te ac socios ali-  
 quot impetrata Legati Apostolici fa-  
 cultas migrandi è Molifmo: fixâ post-  
 modùm novâ sede in sylva Cistercien-  
 si, præ cæteris aptior visus es Alberico  
 Abbati, qui ad Paschalem, Christi Vi-  
 carium, pro obtinenda sacri Ordinis  
 Confirmatione mittereris. Itaq; Tro-  
 jam, Italiæ urbem, uno tantùm comite

Labo-  
 rat in  
 fundâ-  
 do Ci-  
 stercio.

Bb 5

petens



*Ejus  
mores  
Curia  
Pont.  
laudat.*

*S. Ordo  
Confir-  
matur.*

petens (ibi enim Pontifex morabatur) eloquentiùs vel solâ præsentia perorasti, quam si Tullianâ facudiâ de rostris Philippicam dixisses. Illa enim gravis actionum sermonumq; modestia; sub paupertina pannorum vilitate latens sinè fuce seria pietas; & inter aulæ inexpertos strepitus suæ consuetudinis humiliter tenax disciplina, monstrum quoddam, & nova vivendi ratio videbatur; quæ ex orbe alio, vitiorum ignaro accersita, homines doceret; etiam Angelos terrestres dari. Unde Paschalis diu sollicitandus non fuit, quin ( uti verba Diplomatis sonant ) *circa difficultatem omnem vestram petitionem admitteret; cum religioni vestræ paterno congratularetur affectu.* His ita feliciter gestis, titulo Fundatoris, sanctitatis, & miraculorum famâ inclytus senex ad superiores migrasti. *Quod magno labore comparavimus, & arctiùs amamus, & diligentius servamus. Tuos in erigendo firmandoque Cistercio labores nôsti. Ergo etiam nunc illos non desere: serva, ne spectet occasum, quod tam difficilis oriens parturivit.*

*Obijt  
anno  
1206.*

B. MATHÆE, Archiepiscopo Casiliensis in Hybernia: qui ex monasterio S. Crucis ad Pontificiam dignitatem evocatus, omnes in tui admirationem



onem rapuisti; nemine te non existi-  
mante totius Insulæ sapientissimum,  
atque doctissimum; quod præconium  
è suggestu lingua, & librorum edito-  
rum sublimis eruditio tibi conciliavit.

*Clarus  
eloquē-  
tiā:*

Tuæ porrò pietatis immortalia reli-  
quisti monumenta, complures Eccle-  
sias, tuis sumptibus erectas, & liberali  
manu dotatas. Ac ut omne benefici-

*libera-  
litate:*

orum genus in subditos tuos effunde-  
res, è cælo alimenta benignitatis accer-  
sisti; restituta iis incolumitate, qui aut  
morbis aut ab infernali hoste afflige-  
bantur. In summo tandem apice vene-

*Et mi-  
raculis*

rationis & gloriæ constitutus, Legati  
Apostolici, & Archiepiscopi, dimissis  
dignitatibus, & resumptâ humillimè  
monachali cucullâ, in tuo monasterio  
sanctè quievisti.

*honores  
abdicat*

*Armis nimirum fortis-  
simis Obedientiæ contra potestates aereas  
in ultimo certamine felicissimè pugnari  
noveras: quæ utinam è manibus meis non  
identidem excuteret propria voluntas! Tu  
me illam, velut gravissimam sarcinam, do-  
ce abjicere; ne inutili gemitu suspirem ver-  
bis, quæ scribit de se*

*Obedi-  
entiæ  
arma.*

S. BERNARDUS, Epist. II.

*Domine Deus meus! cur non tollis pec-  
catum meum, & quare non auferis in-  
iquitatem meam, ut abjectâ gravi*

*Onus  
grave,  
propria  
volūtas*

Bb 6

*sarcinâ*



*sarcinâ propriæ voluntatis, sub levi onere charitatis respirem? nec jam servili timore coërcear, nec mercenaria cupiditate illiciar; sed agar spiritu tuo, spiritu libertatis, quo aguntur filij tui, qui testimonium reddat spiritui meo, quòd & ego sim unus ex filijs, dum eadē lex mihi fuerit, quæ & tibi?*



12. Julij. 4. Idus.

Obijt  
anno

1163.

Gē. VI.

Cæsarē  
in fra-  
trem  
Ordinis  
suscipit

**B**LAMBERTE, Superior Generalis totius Cisterciensis Ordinis. Quam dignitatem per gradus, ceu virtus probata solet, conscendisti. Ex Morimundo enim, domo Professionis, præpositus Claro Fonti, inde ad clavum Paternæ sedis revocatus, non multum supra annum præfuisti, cum sublato è vivis Gozewino, regimen universale suscipere coactus es. In quanta estimatione apud summos terrę principes fueris, manifestum fecit Fridericus Imperator: qui ad Comitata Generalia, te præside celebrata, per Legatos, & humilem fanè pro authoritatis suæ tenacissimo Principe, epistolam supplex rogavit: *Ut in fraternitatem sacri Ordinis reciperetur.*



*reciperetur.* Aliàs cùm eundem conventum Patrum convocavisses, ac totus penè terrarum orbis in partes distractus, nunc Alexandro, nunc Victori, Pontificatum assereret; tu cum sancto Senatu Alexandrum verum Petri Successorem esse, pronunciasti. Cui sententiæ, tanquam divinitùs decisâ controversiâ, pleraq; regna subscripserunt. Sex anniste Patrem Ordo habuit: quibus per continuos labores expletis, ad S. Stephani prædecessoris exemplum, deposito baculo pastorali Morimundum reversus, residuum vitæ triennium uni curæ beatæ mortis consecrasti. *Ut me ad te in hoc salutis negotio imitandum provoces, objice mentis meæ oculis certam, sed incerti momenti, mortis horam: angustias illas separandæ à rebus terrenis animæ: Judicium severissimum: sententiam irrevocabilem. Quæ pericula si non tollet, sanè mitigabit sedula ad mortem felicem præparatio.*

*Alexandro Pontificatûs asserit.*

*Præparatio ad mortem.*

B. DESIDERI: qui militiæ profanæ armis valere jussis, sub sanctissimo Duce BERNARDO in virtutum palæstra te tam strenuè exercuisti: ut cùm ille manipulum fratrum condendę Alcobaciæ in Lusitaniam emitterat, selectis illis athleticis te annumeraverit. In cujus monasterii ædificiis erigendis

*Floruit anno 1147.*



38 ANNI CISTERCIENS.

*Cappa  
illi pro  
navi  
servit.*

*Humi-  
lis obe-  
dientia*

*Præve-  
nienda  
sunt pe-  
ricula  
mortis.*


cùm non languidè desudares, frequen-  
ti prodigio D E U S labores tuos secun-  
davit. Sita est Alcobacia inter duo flu-  
mina, Coam & Bazam ( hinc illi no-  
men) quæ quotiescunque trajicere vo-  
lebas, deficiente scapha, serviebat cap-  
pa: hac enim in undas projecta, sinè re-  
mis & velis in adversam ripam promo-  
vebaris. Sed & jam in altero portu fe-  
licissimæ æternitatis te securum, ce-  
lebrarunt non exigui numeri miracu-  
la. *Non secus ac inter duas ripas velocis-  
simo cursu prætervolat torrens vitæ mor-  
talis. Solvendi ab una (in qua nascimur)  
ad alteram in (qua morimur) necessitas  
est inevitabilis. Tu Cappam (quæ humilem  
Obedientiam designat) mihi substerne, hac  
enim navi portum tenebo securus.*

S. BERNARDUS, ser. 7. in ps. 90.

*Felix, quem circumdat clypeus Verita-  
tis, ut introitum quoq; & exitum ejus  
custodiat: exitum utiq; ab hac vita, &  
introitum in futuram. Siquidem om-  
nino opus erit illic custode; opus erit  
duce fideli; opus erit consolatore ma-  
gno, propter horribiles illas visiones,  
non minùs, quàm hîc adjutore, & pro-  
pugnatore contra invisibiles tentato-  
res.*

13. Jul.





13. Julij. 3. Idus.

**B.** ÆGIDI de Roya, Archicœnobii Obijt  
 Cisterciensis à puero alumne, & he- anno  
 res præstantissimarum virtutum, quas 1447.  
 velut viva sanctitatis vestigia primævi  
 Ordinis palæstritæ, illi pietatis Am-  
 phitheatro impressere. His alacri men-  
 te insistens, morum innocentiam, pu-  
 ritatem Angelicam, & (quæ in hoc exi-  
 lio non minima est, sed minimè mul-  
 torum felicitas) in passiones humanas,  
 id est, effrenis concupiscentiæ furias,  
 dominium, ad eò imbibisti, ut in ean-  
 dem tecum naturam coaluisse vide-  
 rentur. Id ipsum diu admirata est in te  
 Parisiensis Academia: quæ vix paucis  
 aliquot annis te alumnum amaverat;  
 cum laurea Doctorali redimitum, su-  
 spexit sacras literas in publica honoris  
 cathedra exponentem. Huic dignitati  
 aliam facer Ordo adjunxit, commisso  
 Abbatiali munere in cœnobio Montis  
 Regalis. Sed invisa citra tuam culpam  
 ibi exorta tempestas, animo quietis,  
 quàm rixarum avidiori, gravis incum-  
 bens, te persuasit; ut clavo dimisso,  
 vela in Flandriam verteris. Portum  
 Dunenses præbuere: qui te instar missi  
 ad se de cœlis Angeli susceptum, octo  
 supra

Egregi-  
æ vir-  
tutes.Laureâ  
Docto-  
ris in-  
signi-  
tur.Abba-  
tiam  
dimit-  
tit.



40 ANNI CISTERCIENS.

supra decem summa veneratione coluerunt: donec tandem doctrinæ pietatisque meritissimam recepturus lauream, de hoc sæculo migravisti. Plures supersunt scriptis traditi laborum tuorum foetus: è quibus istam pro hac die gnomen loco tesseræ revolvendam assumo. *Sarcinas abjice, tēque tibi restitue,*

**Utilis memoria mortis.** *ne te ipsum deseras. Sensim de morte cogitata: nec dies ulla tibi transeat ( quidquid occurrat ) nec nox aliqua, quæ memoriam ejus non ingerat. Nihil efficacius pro contemnendis totius vitæ illecebris, assidua moris meditatione, dummodo non superficialitatenus insideat.*

**Floruit anno 1195.** **B. HENRICE, Converse Villarii,** omni virtutum cultu ornate: præcelluit tamen reliquas animi demissio & simplicitas: quâ ad laboris diligentiam indefessam, ad charitatem erga pauperes & afflictos vehementer incitabaris. At cum longo jam tempore in inculpata vitæ puritate DEO servisses, gravi mentis desolatione te hostis maligni fraudulentia involvit. Noveras enim, te ex thoro non legitimo genitum. Quam nascendi sortem fatale signum esse credebas æternæ damnationis. Unde tot annorum labores irritos, corporis cruciatus, preces, frustra susceptas, tristissima anxietate lugebas.

Nec



Nec ulla proficiebat industria, deliram persuasionem ex animo tuo eliminare conantium: donec miseratio cœlestis malo remedium apposuit, oblatâ per visum specie amplissimæ cujusdam domûs; quam diversæ conditionis homines impleverant: inde hanc vocem excepisti: *Henrice, omnes hi de legitimo thoro nati sunt, sed omnes sunt reprobi, præter te.* Sic in fiducia consequendæ patriæ cœlestis confirmatus, in pietatis studio usque ad beatum finem perseverâsti. Experimento proprio didicisti, non esse personarum acceptionem apud Deum. De his nempe strictissimum illud instituetur examen, quæ in proprio uniuscujusque corde, non quæ aliunde nascuntur: nemo est, qui hoc nesciat; vix unus tamen è millibus, qui seriò satîs perpendat.

*Divinitus liberatur.*

*Judicium extremum.*

S. BERNARDUS, ser. 8. in ps. XC.

Quid enim tam pavendum, quid tam plenum anxietatis, & vehementissimæ solitudinis excogitari potest, quàm judicandum astare illi tam terrifico tribunali, & incertam adhuc expectare sub tam districto Judice sententiam? Horrendum est, ait Apostolus, incidere in manus Dei viventis.

*Judicari à DEO, formidabile.*

14. Ju-





14. Julij. Pridie Idus

*Floruit  
circa  
annum  
1170.*

*Curiosa  
librorum  
lectione  
seduci-  
tur.*

**B.** WALTERE, Converse mona-  
sterii Meylosensis in Anglia: qui  
stimulante fastidio inscitiae, ad quam  
neglecta in juventute literarum studia  
te damnaverant, multo labore peri-  
tiam assecutus es, vernaculo sermone  
scripta legendi. Quia verò ad hoc stu-  
dium curiositate magis, quam pietate  
impellebaris, & in pervolvenda vete-  
ris historiae sacra pagina, non alium,  
nisi proprii iudicii interpretem adhi-  
bebas: sensim eò dementiae prolapsus  
es; ut Judæorum pertinacia tibi præ  
Christiana pietate placeret, figmentis  
accensens, quæ de Evangelio Gratiae  
credenda proponuntur. In hoc mise-  
rando errore per sepennium te frau-  
dum infernalium architectus detinuit,  
nec ad abjiciendam religionis vestem  
quidquam defuit, quam fugæ clande-  
stinæ opportunitas. Ad cælos intereà  
evolaverat S. Abbas tuus Wallenus:  
cujus jam mortui de suis sollicitudo  
velut multis aliis, ita etiam tibi salu-  
tem attulit. Aliquando enim gravi so-  
mno oppressus, tibi visus es ad eundem  
in tribunali sedentem duci; ejusq; jussu  
horrendis tormentis in pœnam perfidi-  
diæ cru-



diæ cruciari: illius tamen ope in liber-  
 tatem restitui. Ac ne somni merum *Per vi-*  
 phantasma crederes, sanguis per na- *siones*  
 res in pulvinar effusus, & totius cor- *libera-*  
 poris languor convincebant. Temeri- *tur.*  
 tatis ergo nunc tandem agnitæ pœni-  
 tens, cum gemitu & lacrymis obseca-  
 bas, ut qui animæ mederi cœpisset, in-  
 tegro beneficio etiam corpori vires re-  
 stitueret. Nec defuit supplici pius Pa-  
 ter. Nam statim lætiore raptu coram  
 illo stabas, blando jam, & patroni vul-  
 tus exhibente, non Judicis: cujus hor-  
 tatu montem scandisti, è quo incolar-  
 um cœlestium gaudia per imaginum  
 variarum jucunditatem tibi monstra-  
 bantur. Post accepta denique salutis  
 monita tibi redditus, non solùm te in- *mira-*  
 columem sensisti, sed, ut esset visioni *bili ea-*  
 fides, eruditum quoque, & eloquen- *rum*  
 tem, cùm antè impeditior lingua dif- *effectu.*  
 ficillimè verba protruderet. Ne au-  
 tem tanto favori esses ingratus, Divo-  
 rum laudes ligatis in versus elegantes  
 panegyricis celebravisti. Virtutum de-  
 in amore accensus, ad intimam cœli-  
 tum familiaritatem, & frequentes ap- *B. V. ei*  
 paritiones admitti meruisti. Illustri- *appa-*  
 or, tibi que gratior illa fuit, qua Dei- *ret.*  
 param duabus Virginibus stipatam,  
 aspexisti per monasterii cubilia deam-  
 bulantem,



## 44 ANNI CISTERCIENS.

*Mortis  
tempus  
per vi-  
sū co-  
gnoscit.*

bulantem, & quorundam confratrum nomina notantem, cum dicto; hos esse paratos. Arcanum hoc exposuit secreta per illos dies eorum mors, quos videras designari. Atque id etiam ad te pertinere non dubius, felicem illam horam exultans & jubilans expectasti. *Tam subtiles plerunq; sunt maligni suggestiones, ut nisi mens illustretur supernè, nec agnoscere, nec vitare insidias possit. Tu tale internum lumen mihi à Deo impetra.*

*Floruit  
anno  
1320.*

B. M A R I A, monialis S. Dionysii de Odivelas: quæ de regali fastigio descendens, inter virgines Cistercienses humillima pietate vixisti. Condiderat illud monasterium parens, Dionysius Lusitaniæ Rex. Illuc igitur dotem tuam collocatam esse rata, Sponsum simul, qui dotem tulisset ibidem quæstivisti. Nec te spes fefellit: sanè te illum invenisse ostendebant nobilissima virtutum monilia, quibus te, ut illi æternum placeres, exornavit. *Agnoveras procul dubio, quanto jucundius omni terreno fastu sit regnum animæ, sub suavi gubernatione Divina acquiescentis. Unde tam generosâ prudentiâ hereditariam coronam, velut citò perituram abjecisti. Fac, ut etiam in anima mea regnet sola suaviter omnia disponens Dei voluntas: miserum me, si alteri, quàm Deo, servire cogar.*

*Regnū  
animæ  
felix.*

S. BER-



S. BERNARDUS, Tr. de vita & mor. Cleri. c. 20.

Nemo sanæ mentis amplio-  
rem esse in vitijs credat, quàm in virtutibus  
delectationem: præsertim cum sit De-  
us virtutum totius veræ jucunditatis  
fons, lætitiæ & exultationis origo.

Vera in  
virtute  
sunt, nō  
in viti-  
is gau-  
dia.

Neq; enim Carni, seu Mundo, aut  
maligno principi, sed Christo utique  
servire, regnare est.



15. Julij. Idibus.

B. TERESIA, cognomento Vidau-  
ra: quæ à Jacobo Hispaniarum  
monarcha in thalamum regium as-  
sumpta, in illo honoris apice, quàm  
lubrica sit hujus vitæ felicitas, per va-  
rios eventus didicisti. Impellebat ad  
te amandam Regis animum incom-  
parabilis elegantia forma; quam san-  
guinis nobilitas, & naturæ dotes adæ-  
quabant. Quæ tamen omnia à com-  
muni aularum peste invidia, tam secu-  
ra non erant, quin illa de suo gradu,  
quamvis innoxia, dejiceret. At in hoc  
Fortunæ naufragio mens immota ste-  
tit, quæ illo jactationis impulsu à fisco

Floruit  
anno  
1240.

terrenæ



*Mona-* terrenæ vanitatis soluta, liberiore im-  
*sterium* petu in cœli amorem exurgebat. No-  
*cōstruit* vo igitur, quem elegeras, Sponso ca-  
 stissimos hymenæos adornatura, cœ-  
*assūpto* nobium S. MARIÆ de Gratia Va-  
*habitu.* lentiaë erexisti. Quo Cisterciensis In-  
 stituti virginibus tradito, earum ani-  
 plexa habitum, sanctissimam vitam  
 non dissimili morte absolvisti. Cir-  
 ca sepulchrum spectabilis erat ingens  
 numerus tabularum; quas in accepti  
 beneficii gratam memoriam suspen-  
 derant, qui non frustratâ devotione  
 tibi supplices, à quacunq; morborum  
 vexatione liberabantur. Sed per subi-  
 tam inundationem Turiaë fluminis,  
 arenâ limôq; obrutum templum, hæc  
 monumenta amisit. Loco autem ab  
 ea illuvie repurgato, cùm moniales  
 metuerent, ne & in sacra ossa tem-  
*Corpus* pestas sæviisset, aperuere tumulum; in  
*à trib<sup>9</sup>* quo non tantùm nihil sordidi, sed u-  
*sæculis* nâ cum religionis incorrupto vestitu,  
*manet* corpus omnino integrum vividumq;  
*incor-* aspexere: commotis omnium ad pia  
*raptū.* gaudia cordibus, quòd tertio jam post  
 obitum sæculo hæc viva mortis (an  
 mortua vitæ?) imago de corruptione  
 triumpharet. Tanto prodigio moti  
 Ecclesiæ magistratus, sacras exuvias  
 altiori Mausolæo, & publicis honori-  
 bus



ibus dignas esse decreverunt: ubi repetita statim miracula novam præbuere pictoribus tuæ sanctitatis adumbrandæ materiam. *Amor terrenus an cælesti sit præferendus, dubitare homo ratione præditus non potest: cum ille sit mille miseris acerbus, hic autem temporali, & æternum duraturâ lætitiâ felix. Tu hoc imbue cor meum, & doce fugere illam malorum omnium cloacam.*

B. BALDUINE, Abbas S. Pastoris in Diæcesi Reatina: ad cuius monasterii gubernationem te ex Claravalle sua sanctissimus Parens BERNARDUS destinavit, cum primùm Cistercii ritibus fuit inauguratum. Sed hunc honorem duplex causa gravem tibi effecit: animi in primis demissio, quâ te aliorum regimini minùs idoneum censebas. Molestius erat divortium à dulcissima Claravalle; extra quam degere exilium tibi videbatur. Et de hoc tristis animi tui languore querulas ad unum, quem mederi posse speraveras, BERNARDUM, literas dedisti; non tamen accepturas responsum, nisi epistolam, exarata[m] amoris suavissimo præsentem ipsius spiritu; & humilem de te opinionem obedientiæ merito consolaberis. *Sicut mater* (scribit ad te consolator

Amor  
cæle-  
stis.

Obijt  
anno  
1140.

Optat  
ab ho-  
nore li-  
berari:

sed à S.  
Bernardo  
confor-  
tatur.



\* Epist. solator mellifluus \* ) unicum amat filium, ita te diligebam, hærentem lateri meo, placentem cordi meo. Diligam & absentem, Tenera ne solatium meum ex te, & non te videar chari- dilexisse. Eras pernecessarius mihi: atque tas Ber- hinc vel maximè claret, quàm sincerè te nardi diligam. Hodie nempe te non caruissem, in suos. si quæsissem de te, quæ mea sunt. Nunc autem vides, quòd spretis utilitatibus meis, tuis compendijs non invidi, ponens te utique ibi, unde aliquando transponaris super omnia bona Domini &c. Verissimum vaticinium verba hæc ultima fuisse, tum vitæ tuæ celeberrima sanctitas, tum miracula testata sunt: quorum intuitu populus Reatinus sacros cineres tuos in Cathedrali urbis Basilica voluit collocari. Meræ sunt epistolæ, Divina Bernardi scripta, quas ad Christianum orbem universum destinavit. Doce me sic illa pervolvere; ut in me talem fructum producant, qualem tu feliciter ex illis reportasti: præsertim addiscam, quod monet

LECTIO  
SACRA.

S. BERNARDUS, ser. 37. in Cant.

Scien- Noveris te, ut Deum timeas; nove-  
tia du- ris ipsum, ut æquè ipsum diligas. In  
plex u- altero initiaris ad sapientiam, in al-  
tilis. tero & consummaris: quia initium  
sapientia



*sapientiæ timor Domini: & plenitudo legis est charitas. Tam ergò utraq; ignorantia cavenda tibi, quàm sine timore & amore Dei salus esse non potest.*



16. Julij. 17. Cal. Augusti.

**B.** ALANE, ævi tui miraculum, & *Obijt*  
 Parisiensis Academix splendor: in anno  
 qua scientias omnes, artésq; liberales <sup>1294.</sup>  
 tam capaci complexus es animo; ut  
 Magni cognomine, ac Doctoris Uni-  
 versalis titulo te publica fama celebra-  
 ret. Sic arridente fortuna, cum te a-  
 dulationis aura altiùs in dies extolle-  
 ret, nec tibi videretur ulla controversa-  
 rum quæstionum difficultas excedere  
 ingenii tui vires; profundis cogitatio-  
 nibus de exponendo inscrutabili altis-  
 simæ Tri-Unitatis mysterio te immer-  
 sisti. Jámq; huic nodo plusquam Gor-  
 dio, diu satis incubueras solvendo; cum  
 volantes inter ipsa penè sidera conce-  
 ptus interpellavit memoria, Patrum &  
 Doctorum principis, Divi Augustini;  
 quem in simili conatu puerulus, ocea-  
 num in modicam scrobem transfusu-  
 rum se simulans, ponere pennas docu-  
 it, &

*Summos  
erudi-  
tionis  
gradus  
ascen-  
dit.*



it, & gradi humiliùs; ne liquecente ad hunc inaccessi luminis calorem intellectûs mortalis cerâ, fabulosam Icarum mundi pœnam sibi scrutator majestatis imponeret. Damnato igitur vanitatis tumore, quo te erubescabas inflatum, decrevisti ab alto honoris præcipitio tua sponte descendere, & qui ad provehendam nominis famam totum antè mundum reputabas angustum, in angulo aliquo latere, ac omnino nesciri.

*Mundi fastum deserit.* Aptissimum exequendo huic decreto visum est Archicœnobium Cisterciense. Quare illuc te clam proripiens, dissimulatâ, quam antehac egeras, personâ, ovium pascendarum curam, cum habitu Conversorum assumpsisti. At quanquam latentes sub magno pectore pietatis ac doctrinæ thesauros studiosissima humilitate tegebas, non potuit fieri, quin se genius ille, qui te à vulgi vilitate exemerat, aliquo subinde indicio proderet. Adeoque obsequiis tuis familiariter usus Abbas, negotiorum gratiâ Romam petiturus, te inter itineris comites esse voluit. Ubi cum nescio quis impostor perversa dogmata coram Judicibus Controversiarum Fidei (ad quorum concilium etiam Abbas fuit invitatus) subtili sophismatum fuce propugnaret, vide-  
résque,

*Cisterciÿ habitũ Converterorum induit.*

*Romam cũ Ab- bate pe- nit:*



resque, unum aut alterum ex affessoribus hæere perplexum; tu zelo tuendæ veritatis incensus, petitâ prius ab Abbate loquendi licentiâ, impudentis *Hæreticæ* rabulæ audaciam tam gravi argumentorum pondere repressisti, ut lymphafuturæ similis exclamaret: *Diabolum te esse, aut Alanum*: cui pacato animo reposuisti: non equidem te diabolum esse, sed Alanum. Ingrata propemodum tibi erat tam utilis victoria, quòd de hominum memoria extinctum Alanum iterum vivere coëgisset. Verùm altiore Fatorum consilio factum auguror, *Doctrinæ* ne scilicet nobilissimi doctrinæ partus *nae motum* tecum sepulchro inferrentur, quos *Cinnum* stercium redux reliquo vitæ tempore *ta re-* profudisti. *Postquam totum scientiarum* *linquit* *pelagus enavigasti, tunc primùm intellexisti, vanum esse humanæ eruditionis vaporem, nisi ex illo fonte bibatur, quem orbi Doëtor orbis propinat, confessus; nihil se scire, nisi Jesum Crucifixum. Sit igitur & mihi scientiæ hic scopus & unicum Obiectum.*

B. ARNULPHE de Majorica, na. *Floruit* tione Belga, genere nobilis, divitiis *anno* fluens, imò & liberorum aliquot non *1355.* infelix parens. Quæ tamen fortunæ beneficia magnanimiter contempsisti, postquam vel semel BERNARDUM



*S. Bernardi  
conci-  
one con-  
verti-  
tur.*

*Cælitus  
confir-  
matur.*

de suggestu audisti perorantem. Flammas, non verba sparsisse videri potuit Apostolicus orator: moræ enim impatientis, vixdum finita concione ad eundem properasti; humillima devotione efflagitans, ut te filiis suis dignaretur adungere; statuissete, si DEO ita placeret, non alibi, quàm in Claravalle deinceps vivere & mori. Quæ tua petitio lætitia incredibili affecit piissimi Patris animum. Quippe ad suos reversus, affirmare non dubitavit: Christum in tua conversione non minùs admirandum, laudandúmque, quàm in Lazari resuscitatione. Unum te morabatur obstaculum, quò minùs illicò BERNARDO te socium itineris adjungeres. Amplæ nimirum familiæ providendum erat, ut in bonorum distributione futuris litibus præcaveretur. In quibus curis cùm totus esses, te in proposito DEUS novis identidem stimulis confirmavit. Aratro suo quidam agricola insudabat: cùm inopinantem vox bis repetita affatur, jubetque ad te cum his mandatis pergere: Nihil te gratius DEO facturum, quàm si omni seposita mora illo non solùm viæ, sed & conversionis socio destinata exequi festinares. Itaque ad tyrocinium receptus, cùm te de antea actæ vitæ



vitæ noxis coram sancto Abbate in sacro tribunali accusavisses, & ille nihil aliud pœnitentiæ loco injungeret, nisi ut ter Orationem Dominicam diceres, non satis seriò tecum agi existimans, impensè rogavisti, ne tibi parceret, néve pœnas peccatis tuis debitas in alterum orbem differret. At ille: securum, inquit, te reddo, si in Ordine perseveraveris, te finè ulla ignis purgatorii molestia ad cœlos evolaturum. Lætus hoc inexpectato promisso, summa contentione animum ad virtutis studium applicuisti; de hoc maximè sollicitus, ut ne minima quidem labes conscientiæ puritatem deinceps libaret: rigidissima severitate mox castigans, si quod verbum signumve otiosum inadvertenti excidisset. Nec defuit in tali rigore patiendi materia ex frequenti morborum afflictione: sed hanc non rarò cœlum suis favoribus demulsit; dum visus est Angelus candidissima cuculla vestitus molliter manibus tuum caput sustentare, quoties ex more Ordinis te in choro profundius inclinabas. Illud memorabile, quod tibi in extremo certamine sudanti evenit. Jacebas aliquamdiu immotus, ita ut primo quoq; momento expiraturus videreris: cùm subitò receptis viribus: *Ver-*

*Mira-*  
*tur cle-*  
*mentia*  
*S. Ber-*  
*nardi:*

*qui illi*  
*vitam*  
*eternã*  
*pollice-*  
*sur.*

*Debilẽ*  
*Angelus*  
*confor-*  
*tat.*



Verba  
mori-  
turi, di-  
gna no-  
tatu.

rissima sunt, exclamas, quæ Deus promi-  
sit. Quæ verba cùm aliquoties causam  
sciscitantibus reddidisses, denique in  
hunc sensum exposuisti. Illis, inferebas,  
à Servatore nostro centuplum promissum  
est, qui ejus amore omnia reliquerunt:  
Et ego quidem fateri possum, me etiam-  
num frui cælestis promissi dulcedine, sed  
verba non invenio, quibus immense ju-  
cunditatis delicias vel leviter adumbrem.  
Sanè dolores, quos fero, pro totius mundi  
divitijs non venderem: ex illis enim tam  
ineffabilem voluptatem percipio, ut cum  
hac nulla tormentorum acerbitas videat-  
ur intolerabilis. Si tanta sacri gaudij  
inundatio datur adhuc mortali & misero,  
quantus lætitiæ torrens absorbebit unitos  
summo Bono? His dictis, spiritum placi-  
do cum suspirio suaviter emisisti. Ver-  
ba Cedro dignissima! Utinam cor meum  
sit ista cedrus, ut illi hæc monita inscribe-  
rentur: tunc præsertim relegenda, cùm a-  
liqua fortè molestia pulsat animum veræ  
patientia minùs memorem!

S. BERNARDUS, de contē. mū. c. 16.

DEI in  
nos be-  
nigni-  
tas.

Quid de incerto fine, de certa brevi-  
tate laboris, retributionis æternitate  
loquar? Novit Deus figmentum no-  
strum, consulit pusillanimitati nostræ,  
humana



humana obviat cogitationi, anxietatem abigit, prevenit trepidationem. Ait enim: Centuplum accipietis, & vitam æternam possidebitis. [ *Math. 19.* ]



17. Julij. 16. Cal. Augusti.

**B** WERNERE, Eberbacensis mo. *Obijt*  
*nache:* qui nondum Sacerdotio, at *circa*  
 cœlo maturus, tenerum pudorem in *annum*  
 gratum DEO sacrificium, mystam a- *1219.*  
 gente morte, immolavisti. Cùm au-  
 tem circa ultimum fatalem ictum te  
 in sævitix victimam dæmones pertra-  
 here conarentur; tu his validissimum *B. V.*  
 scutum, MARIAM, opposuisti: quæ *moriē-*  
 ut à te piissimè culta semperfuerat, ita *tē pro-*  
 in illo periculo invocata spectabilis *pugnat*  
 adfuit; ac fædas inferni larvas tanto  
 impetu egit in fugam; ut te ad felicissi-  
 mum risum induxerit: sub ipso enim  
 hujus victoriæ plausu jubilans anima  
 præeuntem ad sidera Reginam cœli  
 secuta est. *Dubium non est, & utique tu*  
*modò feliciter intueris, maximam electo-*  
*rum partem festivis laudibus accinere vi-*  
*ctorias Matri misericordix, quas ab omni-*  
*bús retrò sæculis de humani generis hoste*  
*reportavit.*



56 ANNI CISTERCIENS.

reportavit. Utinam & me miserum, sub peccatorum vinculis gementem, suum facere spoliū dignetur!

Floruit anno 1190. B. ARNOLDE, monache Hemmenrodensis. Non immeritò cœnobium illud cœlum quoddam terrestre dixerim, tot sideribus tuo sæculo illustre, quot inquilinis.

Inter Angelos spectatur.

Inter quæ etiam te numeravit B. Isembardus; dum patefactis sibi per visum cœli januis, te junctum Angelorum choris, & cucullâ radios de se candidissimos spargente amictum conspexit. Angelica nimirum vitæ tuæ puritas ad hanc te gloriam evehit: congruum quippe fuerat, ut nobilem personam, quam in tragica vitæ mortalis arena indueras, in lætiore cœli theatro non deponeres. In-

Hominis dignitas. *gens Dei bonitas erga hominem: quem ita paulò minorem Angelis esse voluit, ut illi tamen aspirare liceat ad idem dignitatis fastigium. Sed vereor, ne mihi aliquando illud psalmi objiciatur: Homo cum in honore esset, non intellexit, comparatus est jumentis insipientibus &c.*

S. BERNARDUS, ser. 24. in Cant.

Peccati metamorphosis. *Erubescere anima mea, divinam in peccorinam mutasse similitudinem: erubescere volutari in cano, quæ de cœlo es.*

An non



*An non tibi videtur ipsis bestijs quodammodo bestialior esse homo, ratione vicens, & ratione non vivens?*



18. Julij. 15. Cal. Augusti.

BEATI quatuor monachi IGNIA- *Circa*  
 CENSES: quos interim, dum no- *annua*  
 mina vestra in Libro vitæ aliquando *1147.*  
 legam, Candidos appellabo; omen à  
 divina revelatione mutuans, quæ cui-  
 dam è sanctis senioribus vestris facta  
 fuit. Conspexerat ille Cæmeterium *Mors*  
 multis liliis floridum, & in amœnita- *eorum*  
 te insueti spectaculi lætissimus hære- *visione*  
 bat. Cùm subitò dolet, ex iis quatuor *præo-*  
 à splendidis ephebis demessa auferri. *stendi-*  
 Quos postquam rogavit, ut has sibi *tur.*  
 delicias non inviderent; eorum alter:  
*Ne indigneris, inquit, optime senex, no-*  
*stra sunt hæc lilia; quatuor nunc tollimus,*  
*reliqua, cùm maturuerint, pariter in cæ-*  
*lestia viridaria translaturi. Quidnam*  
*hæc visio portenderit, ex vestro felici*  
*per illos dies obitu fuit admonitus.*  
*Non est odor cælo gravior, quàm liliorum.*  
*Vos à pestifero afflatu venenosi serpentis*  
*custodite cor meum; irreparabile damnum*  
*est, si flos iste vel semel emarcuerit.*



Obijt  
anno  
1247.

Humi-  
litem  
amat.

Promo-  
vetur.

Humi-  
litas  
merito  
amada.

B. BERTHA, prima Marchetensis  
cœnobii Abbatissa: quæ à molestissi-  
mo conjugii fisco adhuc in juventutis  
flore soluta, meliores deinceps amo-  
res in Aquiriensi Parthenone quæsi-  
visti. Ubi præ aliis virtutum tuarum  
ornamentis spectabilis erat animi de-  
missio, quâ pertinaciter amoliebaris,  
quidquid specimen alicujus honoris  
præsefererat. Sed id nempe humilita-  
tis fatum est, ut honor fugientem in-  
sequatur. Nam ea tempestate Joanna  
Flandriæ Princeps monasterium Mar-  
chetanum à fundamentis erexerat, in-  
certa, cuinam Instituto commendaret:  
persuaserunt denique illam insignes  
animi tui dotes, ut sub tua gubernati-  
one Cistercienses in illud Virgines in-  
duceret: te ad consensum jure sangui-  
nis compellens, quo illi proximè eras  
conjuncta. Cæterùm laudatissimâ vi-  
ginti annorum præfecturâ docuisti:  
eos felicissimè præesse, qui optimè sub-  
esse didicerint. *Quemadmodum nimia  
suimet æstimatio res est nemini non odiosa,  
ita vicissim mens humilis ubique invenit  
suos amatores. Tu doce me humilitatis non  
fucatam virtutem vel ideò saltem sectari,  
quòd Deus, ut eam me doceret, descendit  
à suæ majestatis solio, quo nihil aliud, ad  
ignominiam Crucis, quâ nihil profundius.*

S. BERTHA



S. BERNARDUS. ser. 13. in Cant.

*Magna, & rara virtus profectò* Magna  
*est, ut, magna licet operantem, ma-* virtus,  
*gnum te nescias, & manifestam o-* humili-  
*mnibus tuam te solum latere sancti-* tas ho-  
*tatem: mirabilem te apparere, &* norata.  
*contemptibilem reputare. Hoc ego*  
*ipsis virtutibus mirabilius iudico.*



19. Julij. 14. Cal. Augusti.

**B**. GUMARE, Rex Sardinia: qui *Floruit*  
*audita celeberrimi nominis fama,* anno  
 quâ BERNARDUS per sua prodi- 1154.  
 gia & sanctitatem toti terrarum orbi  
 notissimus erat, ipsummet videre, am- *Amat*  
 plecti, & auribus dulcissimam ejus sua- *S. Ber-*  
 dam excipere desideravisti. Itaque ad *nardū.*  
 Claramvallem profectus, tuum qui-  
 dem, sed non illius votum exsatiasti:  
 optantis nimirum, & tunc frustra per-  
 suadere conantis, ut vanitate mundi  
 relicta, DEO potiùs, quàm hujus vi-  
 tæ illecebris, servires. Quanquam ve-  
 rò tunc surdo fabulam canebat; futuri  
 tamen non ignarus, his te verbis remi-  
 sit ad Sardos. *Ego quidem instanter pro*  
*tua conversione Dominum rogavi, sed ad*

Cc6

*presens*



## 60 ANNI CISTERCIENS.

*præsens exaudiri non merui: & nunc abi-*  
*re te patior, quia retinere non licet invi-*  
*tum: scias autem, te huc iterum de Sardi-*  
*nia rediturum. Hujus vaticinii even-*  
*tum quamvis in hac vita sanctus Pater*  
*non viderit; vix tamen cœlo receptus*  
*erat, cùm tu tardi assensûs pœnitens,*  
*ad sacros saltem Cineres supplex ac-*  
*curristi, primogenito priùs filio in re-*  
*lictæ regni hæredem publicis ritibus in-*  
*augurato. Religionis vestem à S. Ro-*  
*berto, BERNARDI dignissimo suc-*  
*cessore suscepisti: eo quidem ætatis vi-*  
*gore, ut quadragesimum annum non*  
*excesseris. Unde valido corpori nihil*  
*arbitratus difficile, arduos tum absti-*  
*nentiæ ac vigiliarum, tum agri, & hu-*  
*milium functionum labores, summo*  
*gaudio, nec minore intuentium ad-*  
*miratione, ferebas. Alacritatem hanc*  
*accendebat frequens BERNARDI e-*  
*tiam vigilantæ oblata præsentia: ad*  
*quem denique de facie ad faciem in-*  
*tuendum, annis meritisque plenus, fe-*  
*licem spiritum emisisti. Meritissimo ru-*  
*bore suffundor, cùm te de tanto fastigio*  
*ad infimos abjectionis gradus descenden-*  
*tem, opulentiissimi regni divitias extrema*  
*paupertate calcantem, aspicio: cùm mea*  
*me conscientia arguat, quàm frigidè has*  
*virtutes amem. Tu aliter me doce vivere.*

B. MAR-



B. MARGARITHA, è Regibus  
Cypri oriunda: quæ post sanctum ma-  
trimonium in monasterio Flinensi S.  
Ordini mancipata, amoris affectus a-  
deò in piarum animarum sponsum de  
mundo transtulisti; ut impetu consue-  
tudinis diuturnæ raptus ad superna a-  
nimus, nihil terrenum, sed continuam  
dilecti præsentiam sentiret: assiduo  
gemitu anhelans ad dulcissimos, quos  
denique beata mors conciliavit, amo-  
ris amplexus. *Utinam & meum cor hoc*  
*desiderium inflammet, quo stimulante diu*  
*noctūque Dominum quærerem, tam sua-*  
*viter me ad suos amores invitantem!*

Obijt  
anno  
1275.

Amor  
DEI.

S. BERNARDUS, ser. 85. in Cant.

*Quærit anima Verbum, cui consen-  
tiat ad correctionem, quo illumine-  
tur ad cognitionem, cui innitatur ad  
virtutem, quo reformetur ad sapien-  
tiam, cui conformetur ad decorem,  
cui maritetur ad fecunditatem, quo  
fruatur ad jucunditatem.*

Christ'  
quare  
quæra-  
tur.



20. Julij. 13. Cal. Augusti.

B. JOANNES, Mullbrunnensis cœ-  
nobii Abbas: qui furenti per totam  
Wirtembergiam in Catholicos hæresi

Obijt  
anno  
1547.

Cc7

cedere



cedere coactus, post diuturni exilii æ-  
rumnas, in sacratissima, & orbe toto  
ex quotidianis miraculis celeberrima  
B. MARIÆ V. Eremito, intra Helvetiæ  
montes, ad supernam patriam migra-  
visti, ibidem in majori Basilica hono-  
rificè reconditus. *Non dubito, quin illa  
periclitantium Patrona, in loco sibi longè  
charissimo, mortem tibi suis favoribus fe-  
cerit feliciorum. O si tua apud ipsam pro  
me intercessio hoc mihi in morte solatium  
afferret!*

*Cövers*<sup>9</sup> B. MASCÉLINE, monache Cla-  
*anno* rævallis: qui magneticam illam BE R-  
*1133.* NARDI in animos pro arbitrato suo  
fingendos vim dulcissimam expertus,  
celeri deditioe plurimæ in Germania  
juventuti exemplo fuisti, ut in eisdem  
*Voca-* piæ capturæ castes certatim incurreret.  
*tur à S.* Cùm enim ille Apostolici Legati mu-  
*Bern.* nere fungens Germaniam concilian-  
dæ pacis gratiâ peragraret, tu ab Al-  
berto, Archiepiscopo Moguntino, S.  
Patri obviàm missus es, ut eum ad me-  
tropolim usque comitareris. Cui cùm  
itineris tui causam exponeres, dicerés-  
que, te à Domino tuo missum, ut suo  
nomine hospitii humanitatem offer-  
res: reposuit ille, postquam te aliquam-  
diu fuit intuitus: ab alio te Domino  
missum, cui deinceps sis serviturus. Tu  
verò



verò sermones tuos à sancto Abbate non fatìs intellectos autumans, repetiisti: imò à Domino Archiepiscopo te hæc afferre mandata. Rursus ille: *Falle-Vocari-* ris, ait, *major Dominus est qui te ad me oni ob-* *misit, Christus.* Suspicatus ergo illius *stinatè* mentem esse, ut pauperem Christum, *resistit:* relicto sæculo sequereris: Num tu, inquis, optime Pater, ex me monachum facere paras? nihil minus animo meo unquam sedit. Contra mellifluus Pater: *Licèt,* respondit, *modò nolis, fiet tamen.* At tu deflexo ad alia colloquio, ne cogitare quidem, minùs audire aliquid de exoso monachi nomine, inexpugnabili pertinacia decrevisti. Longè autem aliter de vate tuo sentire nondum ad vesperum inclinata dies te docuit. Jam in conspectu Moguntia erat, *sed non* sed non ultrà in votis: una jam Clara- *diu.* vallis stupenti suam metamorphosin animo obversabatur: quam statim rebus domesticis obiter expeditis, egregio juvenum globo stipatus petiisti, & ibidem, uti novo BERNARDUS oraculo promiserat, vitam sanctitatis famâ clarissimam posuisti. Nullibi *Obedi-* acriùs suas in nos *technas struit hostis in-* *fernalis, quàm ubi in vitæ ducem eligitur* *entia* *dux vi-* *tæ.* *Obedientia.* Hanc & ego elegi: tu fac, ut *illam unicè tecum ut ducem sequar.*

S. BER-



S. BERNARDUS, ep. 77. & s. 77. in  
Cantica.

Se se-  
ducit,  
qui se  
ducit.

Qui se sibi magistrum constituit, stulto se discipulum subdit. Seductori dat manum, qui dissimulat preceptori. Et qui dimittit oves in pascuam absq; custode, pastor est non ovium, sed luporum.



21. Julij. 12. Cal. Augusti.

Obijt  
anno  
1132.

**B.** DANIEL, qui dignitati tuæ, quâ internobiles Venetiarum Patricios eminebas, plus ex contemptu, quàm censu amplissimarum opum accessurum ratus, fulgentem auro gemmisq; togam cum paupere Cisterciensium cuculla permutasti. Verùm ibi te honor invenit, ubi tu illius fugam quæsiveras. In Abbatem enim cooptatus, non solùm eximia florebas veneratione in vita, sed etiam ultra mortem tua sanctimonia nominis gloriam produxit. Etiam ego Daniel appellari merebor, si tuo patrocinio efficies, ut inter inimicissimos salutis meæ leones, quærentes, quem devorent, à letifero peccati morsu innoxius vivam.

B. G. A.



B. GABRIEL: qui cum in adolescentiæ bivio constitutus, de capeſſendo vitæ instituto conſilia tecum agita-  
*Obijt anno 1620.*  
 res, feliciffimæ certitudinis oraculo, ab ipsa Angelorum Regina Cisterciensi B. V. ei  
 Ordini nomen dare juſſus es: id enim *man-*  
 ſibi, ſuóque Filio gratiffimum fore, *dat Ci-*  
 bi autem ad æternam ſalutem conſe- *ſterciens.*  
 quendam infallibile remedium. Ali- *ordinẽ*  
 orum tamen perſuaſionibus victus, ad *ample-*  
 Carmelitas, ut non minùs MARIÆ *eti.*  
 devotos, acceſſiſti, ſed irritò ſucceſſu:  
 nam prodigio illinc recedere coactus,  
 in monaſterio Nucaleniſi ad tyrocini-  
 um fuiſti admiſſus. In quo te non tam  
 Ordinis, quàm cœli candidatum eſſe,  
 expertus es: quod nempe frequenti ſo- *Rapi-*  
 latio ad te orantem deſcendit, aut ad *tur in*  
 jucunda arcanorum ſuorum ſpectacu- *cælum.*  
 la extra ſenſus corporeos abduxit: imò  
 nondum elapſo anni curriculo, ad vo-  
 ta cordis tui, priuſquam Vota ſolen-  
 nia nuncupares, récepit. Morienti ad-  
 fuit Chriſtus; & ut ad triumphum eo  
 duce ſcires te pergere, victoriarum ſu-  
 arum ſuarum trophæis, id eſt vulneri-  
 bus, & ſpineâ coronâ, conſpicuus. Quo-  
 tiescunque infernus, aut concupiſcentia *Chriſto*  
 ſuis me bellis infeſtant, ad eundem *duce*  
 meum refugiam: certus ero victoriæ, cer- *victori-*  
 tus præmiũ, ſi ſub his vexillis pugnavero. *a certa.*

S. B E R-



## 66 ANNICISTERCIENS.

S. BERNARDUS, ser. I. in oct. Pasc.

Victo-  
ria ten-  
tationū  
probat  
filium  
DEI.

Bene ergo, quod natum est Deo, vincit mundum, ut sit testimonium cœlestis generationis victoria tentationis: & sicut is, qui filius est per naturam, mundum cum suo principe triumphavit: sic & nos victores inveniamur, quotquot sumus filij adoptionis.



22. Julij. II. Cal. Augusti.

Obijt  
anno  
1165.

S. Ber-  
nardū  
imita-  
tur:

à quo  
Prior  
consti-  
tuitur.

B. GAUFRIDE: qui beatissimo Pa-  
tri BERNARDO sanguinis & a-  
moris vinculo eras ab ineunte ætate  
conjunctissimus: cui etiam veri amo-  
ris genio perquam similis esse conten-  
debas, pressis vestigiis illius virtutes,  
inter difficillima præsertim illa Claræ-  
vallis initia, rerūque temporalium  
extremam penuriam, æmulatus. Nec  
latebat pium Patrem laudabilis fer-  
vor, & summarum rerum capax indo-  
les. Quam ob causam te secundum à  
te esse voluit, Prioris officio tibi con-  
credito. Ubi te non tam in curarum  
partem assumptum, quàm toti illarum  
ferendæ moli parem esse, ipsemet glo-  
riabatur, dicere solitus: non se æstima-  
re, se



re, se à Claravalle absentem, quamdiu te sospitem sciret. Sed & communis omnium fuit opinio, apertè fatentium; dum sanctum Abbatem Ecclesiæ necessitas in Italia diutiùs detineret, BERNARDUM alterum Romæ, in Claravalle alterum, illum reipublicæ Christianæ, hunc Ordinis negotia, utriusque prudentia, sanctimonia, & felicitate tractare. Id ipsum deniq; Lingonensibus fuisse persuasum, testari possunt urgentissimæ preces cleri, populique, BERNARDUM sibi Episcopum expetentis. Cui cum omnem pro more consensum abnueret; flagrantia in se supplicum studia restinguere aliter non potuit, quàm ubi te, velut alterum se, sibi substituit. At hæc promotio grave in animo tuo delulum peperit; dum una ex parte humilitas, & à dilecto divortium ab onere refugere, ex altera summi Pontificis, & Abbatis autoritas submittere humeros jubebat. Parere tandem compulsus, te populo Pastorem exhibebas, ut monachum nunquam exueres: ro non deesset virtutum exemplar, nec pauperibus pater. At terebantur interea, crescente annorum numero, corporis vires: quod tu in diu agitati consilii favorem arripiens, ab Alexandro

P. M.

*Alter**Ber-**nardus**vulgò**diuitur.**Ad E-**pisco-**patum**promo-**vetur**invitus**sed dig-**nissim?*



## 68 ANNI CISTERCIENS.

Episco-  
patum;  
dimit-  
tit.

P. M. post repetitam sæpiùs supplica-  
tionem impetrâsti facultatem, dimif-  
fo pastoralis munere, redeundi ad Cla-  
ramvallem. Ibi juxta cellam, quam o-  
lim BERNARDUS incola nobilita-  
verat, constructo humili sacello, in  
eodem loco reliquos vitę dies exegisti  
ut quos necessitas mortis in hoc exilio  
separaverat, aliquamdiu hæc terrena,  
mox cœlestis habitatio ad nunquam  
interrumpenda amoris fœdera con-  
jungeret. *Si humili prece aliquid suppli-  
care à te liceat, id ante omnia rogabo, ut  
qui mortalis fuisti, jam in patria felix, sis  
michi alter Bernardus. Quantum de terri-  
bili mortis horrore decedet, si geminum à  
vobis in illo conflictu patrocinium habebō!*

Floruit  
anno  
1145.

B. ANDREA, Magni illius Petri,  
Tarentasię Archiepiscopi, frater ger-  
mane: qui eodem duce, unà cum pa-  
rente & omni familia, numerum reli-  
giosi coetûs in Bona Valle auxisti: &  
in rigidissima Ordinis observantia, a-  
liisq; pietatis operibus, usque ad vi-  
tę finem perseverans, mortem tam  
sanctâ familiâ, imò, ut rectiùs dicam,  
cœlo dignam, oppetiisti. *Gravis est vio-  
lencia mortis, quâ nos hac terra despoliat.  
Sed est in promptu remedium: sponte hanc  
relinquam, seu potiùs cum cœlo permuta-  
bo: hoc sanè mors non rapiet, sed dabit.*

S. BER-



S. BERNARDUS, de cōtem. mū. c. 1.

Ecce, nos reliquimus omnia, & <sup>Verbi  
divini  
virtus.</sup> secuti sumus te. [Math. 19.] Hæc  
nempe sunt verba, quæ contemptum  
mundi in universo mundo, & volun-  
tariam persuasere hominibus pauper-  
tatem. Hæc sunt, quæ monachis clau-  
stra replent, deserta Anachoretis.



23. Julij. 10. Cal. Augusti.

B. JAQUELINA, Flinensis mona-<sup>Floruit</sup>  
sterii in Belgio Abbatissa: quæ no-<sup>anno</sup>  
bilissimi stemmatis claritudinem vir-<sup>1450.</sup>  
tutum splendore adeò superavisti, ut  
omnia Gratia & naturæ dona in te <sup>Ornata</sup>  
ornandam conspirasse; ac monasterii <sup>magnis</sup>  
clavum non tam à te, quàm ipsamet <sup>dotibus</sup>  
prudencia teneri, videretur. Charita-<sup>Chrita-</sup>  
tis affectus dispensare in filias tam so-<sup>te,</sup>  
lerti artificio noveras, ut quælibet se  
propè solam crederet amari. Quotidie  
singulas visere, solari, & humanissi-<sup>Prudē-</sup>  
mæ frontis hilaritate excitare langu-<sup>tiâ.</sup>  
das, aut ferventioribus instillare stu-  
dium sectandæ perfectionis: has xeni-  
is, alias adhortationum suavitate ad  
virtutum amorem allicere. Unde vul-  
gari



gari passim præconio Parthenon Flin-  
 nensis non tam virginibus, quàm vir-  
 tutibus dicebatur esse sacratus. Quo  
 factum est, ut magnatum liberis certa-  
 tim ad hanc felicitatem confluenti-  
 bus, augeri ædificia oportuerit. Quæ  
 tanta dexteritate à fundamentis sur-  
 gere iussisti, ut commoditas cum de-  
 core certaret. Inter tot maternæ soli-  
 citudinis curas sola nescire volebas, te  
 etiam tibi aliquid debere. Cancris enim  
 morbus pectus tuum foedâ sævitiâ di-  
 lacerans, non vocem, non gemitum  
 expressit; nec ex alio, quàm cœlesti  
 pharmacopæo expectabas in imma-  
 nem cruciatum remedia: cùm intereâ  
 conductus non levi salario medicus,  
 tardior, quàm pro mandato, ad foro-  
 rem Conversam accurrens, moram jo-  
 cosè excusaret: quòd solùm conversæ  
 alicujus periculum esset denunciatum:  
 tu stimulo pietatis incitata: Si, inquis,  
 gravia pericula mea, medice, destituis-  
 ses, forsitan inveniisses apud me negligentia tua patro-  
 stringit nam: sed quia me videris ludibrio tuo ar-  
 guere, tanquam de sororibus meis plus u-  
 ni, quàm alteri faventem; ne veniam spe-  
 ra. Num enim ista, quia humilior, & ideo  
 fortè amari dignior, desinit esse filia mea,  
 ut charitati meæ possit esse vilis? Alijs de-  
 inceps operam tuam nava, qui se patian-  
 tur con-



*tur contemni: ego de saniore medico meis  
provisura sum. Fulmen hoc erat, cha-  
ritatis ardore succensum, & cui post  
aliquot primùm annos, recepto in pri-  
stinam gratiam medico, mansuetudi-  
nis pluvia successit. Dies abeat, prius-  
quam heroica virtutum tuarum acta  
recenseam: adeòq; emeritam nunc vo-  
tis meis prosequar ad superoseuntem:  
ac rogabo; ut tuâ me prudētia doceas, sin-  
ceros inter ac infidos medicos in delectu  
non errare: illi sint mihi in pretio, qui ab  
anima morbos expellunt; corpus si Deus  
velit esse sanum, dabit & medicos: si verò  
id nolit: nescio quid stultius optare possim,  
quàm, quod non vult Deus.*

DEUS  
optim<sup>9</sup>  
medi-  
cus.

B. JACOB E, Converse Villarien-  
sis: qui damnatis profanæ militiæ va-  
nitatibus, pietatis arma sub Christi ve-  
xillo contra infernales hostes appre-  
hendisti: posteriore bello vel ideo fe-  
licior, quòd ductus in cœlum trium-  
phus (qualem nec vetus Roma dedis-  
set) fuerit brevissimi laboris stipendi-  
um. *Mira res, quòd apud nos fidem non  
inveniant tot argumenta, quæ nobis via  
civiliùs umbrâ evanescentem fabulam, nihil  
præter inane somnium esse demonstrant:  
quam tamen nescio quantis nominibus di-  
gnamur: voluptatem, gaudia, delicias il-  
lam vocamus, cum sit mera afflictio spiritus.*

Floruit  
circa  
annum  
1300.

Vitæ  
morta-  
lis va-  
nitas.

S. B. E. R.



S. BERNARDUS, de dil. Deo. c. 7.

Infania amato-  
rum mundi. *Si famelicum hominem apertis faucibus vento, inflatis haurire buccis aërem cernas, quo quasi consulat fami; nonne credas insanire? Sic non minoris insanie est, si spiritum rationalem rebus putes quibuscunque corporalibus non magis inflari, quam satiari.*



24. Julij. 9. Cal. Augusti.

Circa annum 1400. *Puritatissima.* **B.** MARGARITHA, monasterii de Sylva Benedicta monialis: quæ à primæ innocentie annis in sacro gynæceo piè educata, adeò sagax in exteriores corporis sensus imperium obtinuisti; ut per portas illas nihil etiam minimum admiseris, quo illibati pudoris integritas aliquâ maculâ potuisset aspergi. Hinc Virginis Filius, cui te in sponsam penè infans devoveras, tam vehementi suæ dilectionis ardore cor tuum implevit; ut nullibi suavius quiesceres, quàm coram illo, sub Panis sacrati velamen recondito, prostrata. Inde te non fames, non frigus, non somnus avocabant. Cui pietati ut securius



curiùs indulgere tibi liceret, sacræ sup-  
 pellestilis curam tibi Abbatiſſa com-  
 mendavit. Hic ſi veteres Poëtæ cho-  
 rum novem Nympharum voluiſſent  
 augere decimâ, te ſub nomine Mundi-  
 tiæ confecraviffent; animi, corporis,  
 ac templi puritate divina apud ipſos  
 thura merituris: ad eò nihil uſpiam pul-  
 veris aut ſordis oculos intuentium of-  
 fendit. Diligentia primaria erat circa  
 veſtes, aliâque ornamenta, quæ ad ſa-  
 croſanctam Oblationem ſpectant: ea  
 enim tanta cum reverentia tractabas,  
 ut ſi Divorum Reliquias manibus  
 contingeres: non immemor nimirum,  
 quanto, & quàm dilecto Myſtæ loca-  
 res operam, qui & hoſtia ſimul eſſet &  
 ſacerdos. Et is quidem meliùs cœle-  
 ſtes tibi honores decrevit, cùm te me-  
 ritis & miraculis claram, in ſancta ſan-  
 ctorum introduxit. *Doce me puris ma-*  
*nibus & corde divina mysteria tractare:*  
*nam & minimas ſordes averſatur ille pu-*  
*ritatis amator, ille ſcrutans corda & re-*  
*nes Deus.*

*Sacræ  
 ſupelle-  
 ſtilis  
 curam  
 agit.*

*Sancta  
 ſanctè  
 tracta-  
 da.*

B. CUNO, Converse Hemmenro-  
 denſis, olim caſtri Malburgenſis domi-  
 nio dives, ac bellicâ laude illuſtris: qui  
 tota ætate armis dicata, tandem jam  
 ſenex ad religioſa caſtra tranſiens, non  
 minùs impigrum in ſacro, quàm antè

D d

in pro-



*Equū  
à rap-  
tore re-  
petit:*

*quem  
ad Dei  
tribu-  
nal vo-  
cat.*

*Ad ejus  
agonē  
advolant  
15000.  
dæmo-  
nes.*

in profano certamine, militem egisti: præteriti temporis jacturam, animi contentione compensans. Ea tempestate nobilis quidam monasterio præstantem equum rapuerat: ad quem ut quondam commilitonem missus, cum humili supplicatione nihil profecisses; fretus æquitate causæ, iniquum prædonem ad DEI tribunal vocasti; datis paucorum dierum induciis, post quos uterque coram Judice compareret. Sibilis ille tunc excipiebat simplicis antagonistæ minas. At postquam inaudivit, te statutâ horâ inter Ecclesiæ sacramenta piè decessisse, nudus pedes equum manu ad monasterium duxit, nec destitit tumultum tuum calidissimis lacrymis rigare, donec placatum esse Judicem, te revelante, constiterit. Sub ipsa verò mortis tuæ hora, malignus ex orco hospes feminam diu jam vexatam per aliquod temporis spatium deseruerat: sed statim reversum cum Sacerdos absentia causam fateri coëgisset, se unâ cum quindecim milibus sociorum ad agonem tuum frustra advolâsse, respondit: te enim rectâ cælos petiisse, nec suorum quempiam propiùs accedere ausum, quòd missationibus monachorum spissatus aër te iustar valli incinxerit. Questus de-  
inde



inde fuit, te quadraginta annis mundo, vix tribus DEO serviisse, nimia tamen DEI in homines clementia cœlo potitum. *Sicut in artefactis, ita in opere Con-*  
*salutis, non quæri solet, quàm diu, sed* tibus  
*quàm bene: & saepe apud Deum volun-* piis ad-  
*tatis piæ pretium supplet temporis moram.* est De-  
*Tu voluntatem meam excita; ut omnes ad* us.  
*serviendum Deo vires impendat: succur-*  
*ret non pigrè conanti gratia cœlestis.*

S. BERNARDUS, de dil. Deo. c. 6.

*Diligam te, Domine, Deus meus, ad-* DEUS  
*jutor meus. Diligam te pro dono tuo,* diligē-  
*& modo meo, minùs quidem justo, sed* us pro  
*planè non minùs posse meo: qui etsi* vixib<sup>9</sup>.  
*tantum debeo, quantum possum, non*  
*possum tamen ultrà, quàm possum; pe-*  
*tero verò plus, cùm plus donare digna-*  
*beris, nunquam tamen, prout dignus*  
*haberis.*



25. Julij. 8. Cal. Augusti.

B. GERKINE, Alvastræ in Suecia Obijt  
 .Converse: qui per annos quadra- anno  
 ginta intrà clausuræ monachalis septa 1345.  
 spontanea solitudine delitescens, non  
 aliis unquam, nisi cum solo DEO col-  
 loquiis







ne deinceps aliquis sacro otio tuo molestiam faceretur. Contigit paulò ante vitæ finem, ut S. Birgitta ad Alvastram diverteret: cujus frequentia cum viris, licet religione & doctrina conspicuis, colloquia, non satîs cum sanctitatis illius fama convenire, putabas: sed dempsit errorem in primis visio celestis, qua illam sub oratione sublimè in aëra elevatam vidisti: deinde vivus ejusdem sermo; quo tibi propinquum intrà paucos dies ad felicem patriam transitum denunciavit. *Nec sinè cibo corpus, nec sinè orationis nutrimento anima vivere potest. Tu fac, ut non minore aviditate de suo alimento animæ, quàm corpori, provideam.*

*Horæ obituus illi à S. Birgitta prædicitur*

*Oratio.*

B. PHILIPPA, regis Lusitanorum aulæ decus, & Cisterciensis Ordinis virgo clarissima: quæ in communi virtutum censu, quales sunt, suimet contemptus, animi & corporis puritas, afflictatio spontanea, precandi studium, pares habuisti fortasse non paucas; sed ingenii felicitate nullam. Mirabantur magni nominis viri, qui diuturno labore sibi aliquam Linguarum peritiam comparaverant, se à tenerri-  
ma virgine non æquari duntaxat, verum etiam vinci. Præter alios ingenii nobilissimos foetus, in lucem editos,

*Clara dono linguarum.*



*Libros  
latinos  
Lusitane  
nicè  
reddidit.*

laudatur præcipuè opus prolixo laboris, quo Laurentii Justiniani, Veneti illius Tullii, libros Lusitano sermone donavisti. Dignus erat tam sublimis spiritus, in quo domicilium figeret amor Divinus: hic non secus atque in regno suo Princeps, omnes actiones tuas efformabat: hic denique post emeritum vitæ præsentis cursum te sibi in perpetuas æternitates conjunxit. *Vix fieri posse videtur, ut homo agnoscat, & non simul amet Deum; adeò beneficiorum & copia & magnitudine à summa illa Bonitate penè obruimur. Tu, ô regia virgo, suavissimum hunc ignem in pectore meo vehementer accende.*

*Amor  
DEI.*

S. BERNARDUS, de dil. Deo. c. 5.

*Maxima in  
nos beneficia  
DEI.*

*Ipse totum Deo sese debere non ignorat, quem sui totius non ignorat auctorem. Quid ergo ego, qui Deum meum teneo vitæ meæ non solum gratuitum largitorem, largissimum administratorem, pium consolatorem, sollicitum gubernatorem: sed insuper etiam copiosissimum redemptorem, æternum conservatorem, ditatorem, glorificatorem? Quid retribuam Domino pro omnibus his?*

26. Julij.





26. Julij. 7. Cal. Augusti.

**B**ANNA, monasterii Nazarethani *Obijt*  
 in Belgio Conversa, admirandæ anno  
 sanctitatis fœmina: quæ quanta cha- 1600.  
 ritate aliis ad serviendum te impende-  
 bas, tam inclementi austeritate in tei-  
 psam sæviebas: cibi ac somni parcissi-  
 ma, in oratione assidua. Sed veluti ex- *Angeli*  
 tremamundani gaudii luctus occupat; *accinuit*  
 ita ultimâ hujus exilii horâ, dolores *moriendi*  
 tuos inæstimabilis lætitiæ finis exce-  
 pit, Angelis inter cantus festivos ani-  
 mam tuam in cœlum deducentibus.  
*Quàm multa heu! animam meam premit* *Luctus*  
*lugendi necessitas! Tu oculos meos lacry-* *peni-*  
*mis, manus flagellis imple, quibus præve-* *tentiæ.*  
*niam cruciatus, peccatis meis debitos, ni-*  
*mis horribili æternitate brevissimam ne-*  
*gligentiam ulturos.*

**B. GARZIA** de Vera: quem & Ma- *Obijt*  
 jorum ceræ, & raræ prudentiæ fama, anno  
 in splendorem aulicum Jacobi Hispa- 1255.  
 niarum Regis produxere. Quin & su-  
 pra invidiæ metum te evexit armorum  
 gloria, quæ te magnorum sepe exerci-  
 tum in Saracenos ducem, multa lau-  
 ro coronaverat. Sed altiora spiranti  
 animo viles erant triumpho, nisi qui



80 ANNI CISTERCIENS.

*Mona-  
chum  
quin-  
quage-  
narius  
induit.*

*Victo-  
ria sui.*

totum cum fastu suo mundum in vin-  
cula compegissent. Campus ad hanc  
pugnam designatus est Hortense Asce-  
terium: nova nimirum ferta collectu-  
rus eras ex Hortensium virtutum flo-  
ribus, postquam campestris olea cœ-  
perat displicere. Hic victoriâ de teipso  
reportatâ, quandoquidem nullam pro  
tali corona herbam Roma decrevit,  
auream coelum emerito donavit. *Bea-  
ta, licet difficilis, victoria, quâ quis sei-  
psum sibi subjugat, & ex mundi mancipio  
facit amoris divini libertum! Tu de cælo  
hac mihi vincula injice, pro alis servient,  
quibus ad sidera ferar.*

S. BERNARDUS, de dil. Deo. c. 10.

*Abne-  
gare se-  
ipsum,  
res est  
ardua.*

Defecit caro mea, & cor meum.  
[ps. 72.] *Beatum dixerim, & san-  
ctum, cui tale aliquid in hac mortali  
vita rarò interdum, aut vel semel, &  
hoc ipsum raptim, atq; unius vix mo-  
menti spacio, experiri donatum est. Te  
enim quodammodo perdere, tanquam  
qui non sis, & omnino non sentire tei-  
psum, & à teipso exinaniri, & penè  
annullari, cœlestis est conversationis,  
non humana affectionis.*

27. Julij.





27. Julij. 6. Cal. Augusti.

**B. ÆGIDI**, Converse Villarii: qui ad *Circa*  
*laboris refrigerium, &, quam DE-annum*  
 us in hac vita sæpe largitur, pietatis 1300.  
 mercedem, donatus es gratiâ contem-  
 plationis rerum cœlestium. Hæc divi-  
 na lux è corde tuo velut stella promi-  
 cabat: ex cujus splendore facile erat re-  
 liquas virtutum dotes conjicere: non  
 enim nisi in humili, puro, ac **DEUM**  
 ardentè amante animo Spiritus ille  
 dator munerum inhabitare consuevit. **Amor**  
*Doce me hæc terrena sic in usum et contem-* **DEI.**  
*plationem admittere, ut ex ijs Creatoris bo-*  
*nitatem & potentiam agnoscam, mihi que*  
*sint stimulus, ad eundem totis viribus a-*  
*mandum & laudandum.*

**B. CHRISTIANE**, monasterii *Floruit*  
 de Eleemosyna Converse: qui flebi- *anno*  
 lem hujus mundi scenam in prima ad- *1145.*  
 huc adolescentia non juveniliter con-  
 siderans, cùm omne scelerum genus  
 instar malignæ contagionis grassari,  
 ac innumeros quotidie in perniciem  
 præcipitare videres; ne & te hæc pestis  
 afflaret, ad eremum confugisti. Hic *Rigor*  
 non solùm à vitioso, sed etiam à com- *vita,*  
 muni hominum vivendi modo abiisti.  
 Alimentum dabat pauxillum panis,  
 D d s cum potu



*supra  
humana  
nas vi-  
res.*

*Ad O-  
bedien-  
tiam  
aspirat*

*Cister-  
cium  
glorio-  
sum a-  
spicit  
in reve-  
latione.*

*Fugat  
larvas  
demo-  
nis.*

cum potu, quem rivulus præterfluens propinabat. Corpus flagellis penè discerptum asperrimâ hieme collotenus aquis immergebas, ut sic more fabrorum, candentem calybem frigidâ indurantium, ad omnis doloris patientiam illud quodammodo ferreum redderes. Licet autem fat roboris contra hostes ab his armis sperare potueris; plus tamen securitatis promisit obedientiæ præsidium. Relicta igitur solitudine, vitæ cœnobiticæ in Eleemosyna te addixisti: tanto statim sanctitatis augmento, ut revelationes quotidianæ, & prodigia nominis tui famam ad S. Raynaldum, communem Ordinis Patrem, perduxerit. Qui cùm te Cistercium vocasset, in medio itinere vidisti subitè cœlos aperiri; ibi geminus psallentium chorus cernebatur: inferiorem monachi Cistercienses impleverant; in altiori cum Angelis cantabat Raynaldus, Abbatiali quidem veste ornatus, sed supra Angelicum fulgorem radiante. Satiato ad votum colloquiis tuis beato Patre, tuis restitutus. ad ultima bella provocatus es ab hoste humani generis: sed hujus fanatica terriculamenta, larvarumque gesticulationes, acri corporis diverberatione, aut, cùm id pugnæ genus non placuit, solâ



solâ mentis in DEUM elevatione abegisti. His victoriis ne deesset laurea, feliciter occumbenti, coronam cœlum dedit. *Severus ille tuus vivendi rigor disertè exponit mirabile Christi paradoxum, pro lucro vitæ melioris, hanc fluxam perdere suadentis. Incipe tandem, ô anima mea, a versari amorem carnei domicilij tui, ex amoris hujus aut odij prudentia, tota, sed longè diversissima, pendet aternitas.*

Desiderium  
vitæ æternæ.

S. BERNARDUS, de dil. Deo. c. II.

*Tempus hoc animabus, non corporibus, est assignatum: dies salutis utiq, non voluptatis. Omnia tempus habent. [Eccl. 3.] Animabus nunc operam dare necesse est: nam in carne qui seminat, solam exinde metet corruptionem.*

Animæ  
nunc,  
nō corpori  
cōfulendum



18. Julij. 5. Cal. Augusti.

B. HENRICE, totius Ordinis Cisterciensis Supreme Parens, in Generalium serie XXXI. Jojacensi monasterio antè præfueras, eâ prudentiâ, quam Patres Ordinis parem esse censuerunt, sustentando oneri regiminis

D d 6

universa.



## 84 ANNI CISTERCIENS.

Regib<sup>9</sup>  
charus

universalis. Hâc eâdem factum est, ut Philippi Francorum Regis aversus à Cistercio animus non tantùm ad pristinam benevolentiam, sed ad largitionem ingentium Privilegiorum fuerit inflexus: quem suum erga te affectum inter privatos ac publicos sermones non dissimulavit, *Dilectum suum te & Fidelem* solitus appellare. Non inferiore gratiæ loco te habuit Clemens PP. V. qui te eleganti epistola ad Concilium Viennense vocavit, nec indonatum dimisit. Hos terræ favores S. Ordini comparatos tandem cœlum uno, sed aliis omnibus preferendo, compensavit, cùm te post gubernationis annum decimum sanctis Prædecessoribus tuis adjunxit. *Unum mihi à summo Pontifice Christo Jesu Indultum exora, non plus quàm duo verba complectens: ut nempe per infinitam ejus misericordiam merear feliciter mori.*

E<sup>9</sup> Pö.  
tificib<sup>9</sup>.Mors  
felix.Obijt  
anno  
1179.Mirè  
fecun-  
dus.

B. GUICARDE, quem S. Parens Stephanus Hugoni, primo Pontigniaci Abbati, ad Sedem Antisiodorensis promotus, subrogavit, sancto sanctum substituens. Virtutum tuarum, & ex illis germinans, filiorum fœcunditas tam celebris fuit, ut undecim numeraveris monasteria ex te Parente nata, tempus autem præfecturæ, ad annos

nos



nos triginta produxeris. Ex tam numerosa prole clarissimus eminebat S. Thomas Archiepiscopus Cantuariensis; qui cum nefarie in exilium eiectus, Romæ apud Alexandrum III. moraretur, ærumnarum suarum aliquod in Pontigniaco solatium quæsit, suscepto S. Ordinis habitu, quem ipsemet Pontifex consueto prius ritu sacraverat. Tanti Præsulis contubernio tam diu beatus fuisti, donec Ecclesia Lugdunensis te Archiepiscopali diademate, quamvis maximè renitentem donaverit. Præter alia dignitatem tuam memoriæ posteritatis commendantia est sanctissimus Parens BERNARDUS: S. Bernardi sacra Lipsana solennibus cæremoniis è tumulo in aram produxisti, quarto post ejusdem apotheosim anno. Cæterum duo hominum genera habebas eximia: egenos, & eruditos: illos sæpe invisere, ope & consilio juvare; hos ingentibus donis tuo lateri jungere, in præcipuis curis fuit. Expleto demum quarto post decimum sanctæ administrationis anno, in castro (quod tuæ industriæ sedes Lugdunensis debet) pium laboribus finem imposuisti: corpus ad sepulturam Pontigniaco sibi vendicante. *Sola fuit, quæ te ad terræ cælique honores provexit, humilitas:*



*Humi- Cistercio congenitum hoc decus, Angelo-  
litas. rum & Præsulum thronos implevit. An  
igitur arrogantia me adeò fascinabit, ut  
malim per momentum extolli, deprimen-  
dus æternùm, quàm humiliatiōe nec gra-  
vi nec longa, mercari honores cœlestes?*

*S. BERNARDUS, de V. Isaiæ. s. 2.*

*Humi- Certi estote, fratres, eum, qui super-  
litas so- bis non pepercit Angelis, nec homini-  
la Deo bus parciturum. Sola ei placet hu-  
placet. militas, sive in Angelo, sive in homi-  
ne: & qui sedet in throno, solos elegit  
subditos, è quibus repleat templum.*



*29. Julij. 4. Cal. Augusti.*

*Gene- B. ALEXANDER, Cisterciensis to-  
ral. IX. tius familiæ, & Germaniæ tuæ ma-  
Obijt gnum ornamentum. Et magnus qui-  
anno dem eras in oculis tuis, quando Colo-  
1175. niæ in primo ætatis flore generis no-  
bilitas, Ecclesiasticus honor, & fama  
non vulgaris doctrinæ, altissimæ spei  
tumore te inflaverat. Peragrabat eo  
tempore Germaniam BERNARDUS  
sacri belli classicum canens, non tam  
militibus sub Innocentii PP. auspicio  
in Palæstinam ituris, quàm animabus  
ab interitu*



ab interitu vindicandis. Suaviter ille te ad mundi contemptum invitans, ostendebat, quàm vilia sint, & vel ipso nihilo minora, quibus te magnum esse existimes: si ad magna aspires, unum esse cœlum ambitione generosa sanè dignum, at soli humilitati promissum. Sed jam degustatæ vanitatis fiscus pectori tuo tenacior inhæserat, quàm ut ad primum medici contactum revelletur. Arcessenda erant è cœlo pharmaca. Proxima igitur post illud colloquium nocte, quiescentem te aggrediens, suam tibi vestem injicere velle, visus est: quæ bis repulsa, te denique invitum contexit, pedumque pastorale sibimet nequicquam irata manus à porrigente accepit. Experrecto lætissimum erat, quòd defricare cum somno metum licuerit, in tonso adhuc capite Canonicum in strato reperienti. Adcòque velut agræ mentis insomnium è memoria excutiebas. At necdum omnes aculeos melliflua apis consumpserat. Eadem enim die prandenti S. Patri piscis perca fuit appositus: quem ille fausta precatone, quasi sacro embannate delibutum, tibi in tesseram officiosæ amicitiae transmisit. Vix degustaveras gratissimum ferculum, cum in imbrem liquecere oculi, pectus in-

*S. Bernardi  
monita  
cõtem-  
nit:*

*Et ap-  
paritio-  
nem.*

*In cibo  
hami  
sancti  
amoris  
glutit.*

fueto



sueto dulcedinis arcanæ sensu concu-  
 ti, simul ad vigilem jam redire memo-  
 riam præteritæ noctis, somnio aliquid  
 majus spirantis, imago. Crescebat in  
*quo ca-* singula momenta vis ardoris. Quare  
*pt<sup>o</sup> Ber-* cunctationis impatiens, è vestigio ad  
*nardo* tantæ novitatis originem festinans, in-  
*adha-* ter ingenui gaudii lacrymas recensui-  
*ret.* sti non ignaro, quid acciderit. Nec ul-  
 trâ te avelli ab eo passus, comitem iti-  
 neris ad Claramvallem usq; te adjun-  
 xisti, felicissimus spectator miraculo-  
 rum, quæ quotidie à magno Thau-  
 maturgo patrata, viarum spatia suo  
 potiùs, quàm milliarium numero di-  
 stinguebant. Ita susceptâ de illius ma-  
 nu cucullâ, pars una vaticinæ visionis  
 effectu suo gavisâ fuit, nihilo tardiùs  
*Mox* alterâ subsequente. Cùm enim Gran-  
*promo-* dis Sylvæ monasterium, tunc recens  
*vetur.* Clarævalliunitum, Abbatem deside-  
 raret, tibi baculum illum pastorem  
 commisit, sexto post tyrocinium men-  
 se nondum præterito. Quàm prospe-  
 ro autem rerum omnium successu vi-  
 ginti annis præfueris, non latuit Pri-  
 mores Ordinis Patres, qui supremam  
*Gene-* potestatem humeris tuis imposuerunt.  
*ralis e-* Incredible gaudium erat omnibus per  
*ligitur.* orbem filius tam dignum venerari Pa-  
 rentem: ut proinde Comitia Generalia  
 celebranti



celebranti præsentibus Episcopi ( inter quos Lugdunensis, ac Tarentasiæ Archiepiscopi ) primæ in sacro senatu cathedræ honorem non inviti detulerint, ipsi in humilibus subselliis ab ore, & jussis tuis pendentes. Nec mirum fuit, te à filiis tuis tam eximiè coli, quando ipsemet Orbis Christiani summus Antistes, Alexander, te illis Cistercii congregatis panegyricâ sanè epistolâ commendare dignatus est, ut post enumerata Cistercii in Apostolicam Sedem laboriosæ fidelitatis obsequia scribere non dubitaverit: *Accedit ad hæc omnia, dilectorum Filiorum nostrorum Cisterciensis, & Clarevallis Abbatum sollicitudo laudabilis, & devota: qui non humano instinctu, sed superni consilij spiritu provocati, pro pace Universalis Ecclesiæ labores maximos & pericula subierunt. Debitores ergo vobis, pro tam multiplici charitatis vestræ munere, constituti, vos, & sacrum Ordinem, quem servatis, omni, quâ possumus, affectione diligimus &c.* Præcesserat hanc epistolam peracta feliciter à te Pontioq; Clarevallensi ad Imperatorem Fridericum Legatio: quam secuta est alia non imparis fortunæ ad Angliæ Regem. In continuo tamen æstutantum negotiorum in seipsum se recipiens animus, divinorum contemplati-

*Magno honore à filiis colitur.*

*Item ab Alexandro.*

*Anno 1170.*

*Legationes ad Reges obit.*



90 ANNI CISTERCIENS.

*Curre-  
re ad  
cælum  
dicitur*

templationi ea spiritûs libertate vacabat; ut pietatis hujus conscii, non ire te, sed currere ad cœlos dicerent. Ad hujus sanctissimi cursûs felicem metam nonus regiminis annus, inter tristes filiorum singultus piè obdormientem perduxit. *Unico tantùm die negasti*

*Vocâti  
DEO  
respon-  
dendū.*

*aurem vocanti per Bernardum Deo, quam tamen morulam longi temporis austeritate castigavisti. Quid ego faciam, toties ad meliorem vitam monitis, exemplis, beneficijs, ac terroribus vocanti Deo non respondens? O si illo Melliflui Patris philtro me (quod tibi accidit) mutares in alium!*

*Floruit  
anno  
1235.*

B. BEATRIX Nazarethana, sic dicta à cœnobio, cui ultimò præfuit: orta parentibus, non minùs pietate quàm auro ditibus. Anno ætatis sexto matre defuncta genitor relicto sæculo, monasterium Vallis Floridæ restauravit, ac in eodem te unà cum reliquis tribus filiabus collocavit: ipse in habitu Conversorum & humilibus cœnobii obsequiis confenuit. Te autem, ut ad solidam virtutem tanto feliciùs adolesceres, nobiles quibusdam virginibus tradidit imbuendam: quarum diligentia factum est, ut brevè ad votum parentis instructa redieris. Is ab Antistita impetravit, ut sacram Ordinis vestem tibi liceret gestare, quamvis primùm



primùm octenni. Quo tempore jam  
 supra ætatem maturæ, unica cura fuit,  
 in intimos cordis recessus penetrare, e-  
 jusque inclinationes vestigare; vocatis  
 ad trutinam singulis actionibus: qui-  
 bus si quid imperfectionis deprehen-  
 debas aspersum, illico talem nævum  
 ad singulare certamen provocâsti, tam  
 diu debellandum, donec oppositæ con-  
 suetudinis vigilantia constaret extin-  
 ctum. Optabas interea, ut licet rapi-  
 dissimo volatu anni periodum sol per-  
 currat, singuli menses annum absolve-  
 rent: ne te defectus ætatis à tyrocinio  
 tam molesta temporis morâ suspende-  
 ret. Admissa denique, tyronem veste,  
 sed vita veteranum exhibebas. Proba-  
 tionis curriculo ad finem properante,  
 quoties in memoriam redibat lætissi-  
 ma illa hora, quæ te per emissâ Vota  
 Christo consecraret, toties lacrymis,  
 ex ardenti desiderio prorumpentibus,  
 non vestes tantùm, sed & pavimentum  
 irrigabas. Quanquam verò te Christi  
 sponsam solenne sacramentum inau-  
 gurâisset, non satis tamen hoc nomine  
 te dignam judicaveras, nisi Candido  
 Rubiundo Dilecto color uterque te si-  
 millimam efficeret, pingeretque can-  
 didum Cisterciense Velum sanguinis  
 purpura. Multum jam cruoris profu-  
 derant

*Funda-  
 mētum  
 solidū  
 ponit  
 futura  
 sancti-  
 tati.*

*Ardet  
 deside-  
 rio sus-  
 cipien-  
 di Veli,*

*Et con-  
 formā-  
 di se  
 sponso.*



*Durè  
se affli-  
git.*

*Coronã  
spineã  
capiti  
impo-  
nit.*

*B. Ida  
famili-  
aritate  
proficit*

derant catenæ, flagra, & quidquid a-  
liud tormentorum iuvenit ingeniosus  
patiendi amor. Una deerat corona,  
quæ te Regi cœlorum nuptam testa-  
retur. Itaque, seu Sponso, aiebas, pla-  
ceo ut liliam, me nempe dulciùs quæ-  
ret inter spinas: seu vulnera me rosam  
probant, hæc spinas pro cunis habet.  
Si spinas sylvæ negabunt, rapiam vel  
de ipso vertice Patientis Dilecti hor-  
rens dumetum, meoque imponam.  
Mox spoliatae sepes optatum sertum  
composuere: quod non molli manu ca-  
piti impressum, statim in gemmas ef-  
floruit, tum ab oculis crystallinas, cum  
de spinis purpureas. Novos dein flores  
huic intexuit coronæ prodigium illud  
sanctitatis, Ida Nivellensis: quæ te ad  
monasterium Ramejæ missam, in ar-  
ctissima dilectionis fœdera recepit. Ex  
qua tantæ propensionis causam scisci-  
tanti, cum nihil amari dignum in te  
deprehendas, respondit: non se ad hos  
affectus moveri illis dotibus, quas mo-  
dò possideas, sed futura Divinæ Boni-  
tatis chrysmata intueri, quibus proximi-  
mè sis ad sublimes familiaritatis cum  
cœlo amicitias initianda: prædixitque  
diem, quæ tibi hanc felicitatem sit pa-  
ritura. Ea postquam illuxit, tantæ rei  
expectatione exultans, totis animum  
viribus



viribus ad dignum supernæ gratiæ receptaculum aptavisti. Effudit se tandem divinus ille torrens, raptamque suavissimo impetu in medio beatarum mentium cœtu constituit. Hic præunte Psalte Regio musicæ cœlesti vocem quoque tuam miscebas inter hilares cum Angelis choreas: altiùsque semper ascendens, in ipsam deniq; SS. Trinitatis abyssum absorberi videbaris. Detinuit te hæc vis immensi gaudii per aliquot horas: cui finem ingratiſſimum fecit cujusdam monialium intempestiva sollicitudo; quæ rata, te alto somno immersam, vellere te non cessavit, donec ad sensus redieris. Nec tamen evanuit illico cœlestis ambrosiæ sapor; sed ultra mensem in te mirabiles cordis subsultus, & quibus liberam erumpendi potestatem permittere cogebaris, non sinè intuentium stupore excitabat. Ex hac sanctimonix schola ad proprium monasterium, simulque ad bella gravissima rediisti: quibus te subito angelus sathanæ per arma corporeæ sensualitatis tanta importunitate exercuit, quæ cordatissimum quemque virum fregissent. Toto triennio duraverunt hæc pugnx: inter quas tot victoriæ, quot horæ numerabantur: animum tuum non solum

*In cœli mirabiliter rapitur.*

*In solitos lætitiæ stimulos excitatur.*

*Horribili tentatione exagitur.*

nullo



*Sola  
resigna-  
tione in  
volun-  
tatem  
Dei vi-  
strix.*

*Christ<sup>o</sup>  
eam cō-  
secrat  
in spō-  
sam:*

*Et pa-  
sci sa-  
cris de-  
licijs:*

nullo vel levissimo nævo, sed nec tri-  
stiore aliquo metu libante. Quin adeò  
in una spe Divinæ dispositionis fixa  
hærebas, ut ne precibus quidem, aut  
lacrymis (quas cæteroquin promptas  
habuisti) liberari ab hoste rogaveris,  
in id unum studiosissimè intenta, ne  
aliud quidquam optares, quàm imple-  
ri in te voluntatem supremi Numinis.

Appetebat sub hæc tempus, quo juxta  
illius sæculi morem publicis in Eccle-  
siam cæremoniis per Episcopum eras u-  
nà cum aliis Sororibus consecranda.  
Symbolum hujus inaugurationis fuit  
annulus & corona: quæ cum Antistes  
reliquis interfaustas preces tra-  
deret, tu subito supra sidera existens, à  
Christo, Pontificem induto, & annulo  
in sancti fœderis inviolabilem arrham,  
& aureâ coronâ in præmium gloriosæ  
victoriæ, donata es. Exinde continuus  
tibi patebat accessus ad Spontum: qui

modò sub persona Pastoris te velut o-  
viculam per cœli viridaria vagabun-  
dam ducebat. Mutatâ dein scenâ vide-  
ri à te voluit in splendore suæ majesta-  
tis, ostendentis tibi Omnipotentia suæ  
immensas divitias. His autem deliciis  
ita te commodabas, ut iis carere sem-  
per humillimè parata, solum ubique  
Beneplicitum DEI respiceres; restrin-

gens



gens omne desiderium, quod proprii  
 commodi aviditate operationes divi-  
 nas antevertere videretur. Meta nimi-  
 rum fueras nulli sagittæ penetrabilis,  
 nisi quæ ex pharetra divini amoris de-  
 scenderet. Cùm itaque tota Seraphi-  
 cis aliquando ignibus arderes, adfuit  
 arcu suo armatus cœlestis Cupido, &  
 tam sensibile jaculum cordi tuo infi-  
 xit; ut media inter corporis ac solius  
 animæ vitam, non alium, nisi amoris  
 Divini spiritum traheres. Hinc inun-  
 datio illa amorosæ dulcedinis, dum  
 ad sacrosanctum Epulum accedebas.  
 Hinc lumen illud clarissimum, quo sa-  
 cræ Scripturæ mysteria disertissimè ex-  
 ponebas. Hinc denique illud altissimæ  
 perfectionis complementum, emortua  
 a penitus, & extincta, propria volun-  
 tas: cujus loco divina quædam inter-  
 na motio omnes actiones tuas mode-  
 rabatur. Licet enim Nazarethanæ vir-  
 gines suo te monasterio præfecerint,  
 illique muneri te totam videreris im-  
 pendere, non habebas opus, ut moro-  
 sa reflexione te fatigares, decerneresq;  
 quid à te temporis aut rerum circum-  
 stantiæ postularent: sed omnia tam  
 quieta gubernandi facilitate dispone-  
 bas, quasi non tu temporis, sed illud ti-  
 bi ad placitum obsecundaret. Enim-  
 verò

*Divini  
 amoris  
 sensibi-  
 li jacu-  
 lo cor-  
 illius  
 trans-  
 figitur.*

*Perfe-  
 ctionis  
 summæ  
 apicem  
 conscē-  
 dit.*



Prodi-  
gijs cla-  
ret, &  
spiritu  
prophe-  
tico.

verò ne quid tam placidum felicitatis  
cursum turbaret, prodigiosa manu ab  
afflictis morbos, & maximè internos  
abesse pro imperio iussisti. Non mino-  
ris miraculi fuit illa cognitio, quâ &  
absentia & futura perspectissima ha-  
bebas. Ne tandem te homines Deam  
crederent, mors persuasit, quam velut  
lætissima excepisti, sic è filiarum oculis  
multum lacrymarum expressit. *Qua-*

*Dulcis in Deo quies.* *ta fuit illa felicitas tua, spiritum potius di-  
vino, quàm humano viventis! O si & ego  
tandem agnoscerem, & assequi conarer,  
ineffabile solatium cordis, quod calcato  
proprie voluntatis dominio, in solo Dei  
amore, ceu dulci sopore mersum, quiescit!*


S. BERNARDUS, de dil. Deo c. 10.

Unio  
huma-  
nae vo-  
luntatis  
cum  
divina.

Fiat voluntas tua sicut in cœlo  
& in terra. O amor sanctus & ca-  
stus! dulcis & suavis affectio! Quo-  
modo stilla aquæ modica multo infu-  
sa vino deficere à se tota videtur, dum  
& saporem vini induit & colorem: sic  
omnem tunc in sanctis humanam af-  
fectionem quodam ineffabili modo ne-  
cessè erit à semetipsa liquefcere, atq;  
in Dei penitus transfundi voluntatem.

30. Julij.





30. Julij. Pridie Cal. Augusti.

**B** GUIDO, ingentibus honorum titulis celebrande. Atque in primis anno te sacer Ordo salutavit Patrem universalem, hujus nominis II. in serie XVI. miratúsque est animi tui firmitatem, siye in respuendis opibus, siye in aver- *Ingens donum respuit.* tendendis ab Ordine damnis. Offerebat Henricus Imp. 30000. argenti marcas; quas, ut à rapinæ macula non immunes, generoso contemptu ad Principem remisisti. Porrò cum à toto S. Ordine intolerabilem auri summam exigeret Innocentius III. minatus, nî *Grave damni ope B.V. impedit* mox penderetur, se, extincto Cisterciensi nomine, monasteria sub hastam condemnaturum: tu destitutus omni ope humana, ad thronum MARIÆ, semper Cistercio propitium confugisti armatus precibus, quas per totum Ordinem peculiare indixeras. Inter has *Psalms. pœnitē. institu-* erant septem Psalmi, vulgò pœnitentiales appellati, quot diebus Quadragesimalis Jejunii nudis pedibus, & ad *it.* luctum composita voce, per ambitum recitandi. Quæ consuetudo his etiam temporibus, licet cum aliqua moderatione, conservatur. Exorata per hanc **E**e devotionem



*Maria* devotionem Piissima Mater, seriò mo-  
*Patro-* nuit Pontificem: ut à consilio extin-  
*nam se* guendi amantissimi sibi Ordinis desi-  
*exhibet* stat, nisi subita ipse morte velit extin-  
*Cistercij* gui. Protinus verò aliam illi mentem  
 fuisse expertus es, cùm te Romam vo-  
 catum Purpurâ ornavit, titulo Cardi-  
 nalis Episcopi Prænestini: misitque in  
 Germaniam Legatum. Accessere de-  
 inde ad honoris & benevolentiaë cu-  
 mulum Archiepiscopales Infulæ Rhe-  
*Immo-* mensis Ecclesiæ. At nullam quietem  
*ritur* admisit tuus ille fervor obeundi pro  
*labori-* Republica Christiana labores: quorum  
*bus pro* occasione Gandavi moratus, contra-  
*Eccle-* etâ febrî, inter piissimam Sacramento-  
*sia.* rum susceptionem vitam mortalem  
 clausisti. *Non premunt me graves curæ,*  
*Cura* *quas ad Matrem misericordia deferam,*  
*salutis.* *præter unum salutis aternæ negotium. Tu*  
*me hoc ita doce in precibus illi commenda-*  
*re, ut exauditum me fuisse ultimi agonis*  
*mei felicitas testetur.*

*Obijt*  
*anno*  
*1217.*

B. ARNALDE, Cistercii Abbas &  
 Superior Generalis Ordinis XVIII. in-  
 ter alia virtutum decora ob singularis  
 prudentiæ laudem venerabilis: hoc e-  
 nim elogio Honorius III. specialiter te  
 in suis ad te literis honorat. Cujus effi-  
 caciâ commissa ab eodem negotia  
 ostenderunt, cùm in conciliandis An-  
 gliæ &



glia & Franciæ Regnis successu felicitum in componenda inter Ordinis Primates de subordinatione regiminis universalis controversia, per sapientiam tuam ad longum tempus stabilita. Sed *Clavio* ab his curis te sennum avocavit: quod *dimit-* totum, relicto regimine, in piorum o- *tit.* perum, & maximè precum, devotione traduxisti. *Oratio magnum est humanæ infirmitatis solatium: ut autem mea ad cælos, ne sterilis sit, ascendat, doce me orare, prout præscribit*

S. BERNARDUS. ser. 3. de Epiph.

Oratio justi cælos penetrat. [*Ec. Oratio.* 35.] *Oratio, inquam: non cujuslibet, sed justi. Nam qui avertit aurem suam, ne audiat legem, oratio ejus erit execrabilis.*



31. Julij. Pridie Cal. Augusti.

BADAME, monasterii Langhei-Flornis mensis Præsul: qui celeberrimæ do- *anno* mûs structuram non tam fundamento 1132. saxorum, quàm virtutum imposuisti. Quarum famâ moti magnates novel- lam plantationem liberalibus donis auxerunt: tu vicissim in pauperes & peregrinos

E e 2

regrinos



*Libera-  
lis in  
hospi-  
tes.*

*Omen  
finis est  
princi-  
pium*

*Obijt  
anno  
1577.*

*Christi  
præsen-  
tiâ con-  
tinuâ  
gaudet*

regrinos adeò benignus eras, ut passim cœnobium tuum diceretur publicum paupertatis hospitium. Nec deseruere hanc pietatem posteris, sed virtutum tuarum strenuissimi æmulatores, moderno regularis observantiæ flore demonstrant, à quàm generosa radice originem ducant. *Felices laborum progressus plerunque deberi principijs, & tu in condendo cœnobio tuo comprobâsti, & ex tritissimo adagio (Dimidium facti qui bene cœpit, habet) jam pueri discimus. Exordiar etiam ego actiones meas auspice Deo: toties nempe mihi gratulabor de fine, quoties hoc utar principio.*

B. M A R I A de Satillon, monasterii Bellopratensis D E O dicata virgo: quæ purissimâ vitæ innocentiam, non secus ac vim magneticâ, Sponsum Virgineum tibi copulavisti: tam familiari quidem charitatis vinculo, ut sub amabilis pueruli forma tibi nunquam non præsens manifestè ostenderit, delicias suas esse, indulgere filiis hominum suam præsentiam. Quemadmodum verò una lex amoris est unio voluntatum, ita suam divinus ille Sponsus in tua potestate esse voluit, ut ad impetrandos ab ipso quoscunque favores sufficeret, insinuare, quid optares. Nescio proinde, liceâtne dicere, te mortuam esse, dum  
felix



felix anima, caduci corpusculi soluto  
 connubio, in æternos dilecti amplexus  
 transivit. *Quàm rarus favor est, visu* DEI.  
*corporeo Deum conspiceret: tam facilis, ju-* præsen-  
*cundus, & utilis est mentis oculo intuitus* tia.  
*Divinæ ubique præsentia. Sit mihi diur-*  
*nus nocturnusque hujus dulcissimi exerci-*  
*tij monitor ille psalmi [15.] versus: Provi-*  
*debam Dominum in conspectu meo semper,*  
*quoniam à dextris est mihi &c.*

S. BERNARDUS, ser. 69. in Cant.

*Da mihi animam, nihil amantem,*  
*præter Deum, & quod propter Deum* Animæ  
*amandum est; cui vivere Christus non* verè  
*tantùm sit, sed & diu jam fuerit: cui* spiritu-  
*studij & otij sit, providere Deum in cõ-* alis fi-  
*spectu suo semper: cui sollicitè ambula-* gna.  
*re cum Domino Deo suo, non dico ma-*  
*gna, sed una voluntas sit, & facultas*  
*non desit: & ego non nego dignam*  
*sponsi curâ, majestatis respectu,*  
*dominantis favore, soli-*  
*citudine gubernantis.*







ANNI  
CISTERCIENSIS  
AUGUSTUS.

I. Augusti. Calenda.

Obijt  
anno  
1142.



Pro-  
phetia  
dono  
clarus.

EATE PETRE: qui per antiquum Monasterium Morerolæ in Hispania primus ex sacro Ordine Cisterciensi Abbas sanctissimè re-  
xisti, nominis tui claritatem extollentibus prodigiis, & Prophetiæ dono; quo inter alia Berengariæ, Hispaniarum Reginae, diu sterili, nec foecunditatem, nisi ex tuis ad DEUM precibus, speranti prolem vaticinatus es, quæ in lucem edita, & in prodigii memoriam Sanctii desiderati nomine donata, suis in Cistercienses favoribus abundè confessa est, illorum pietati se ortum & regnum referre acceptum. Obitum tuum illustravit gloriosa visio, qua periclitanti Novicio mirabili splendore fulgens



fulgens, suppetias ferre conspectus es. Apertissimum denique sanctitatis tuæ <sup>Vestes</sup> argumentum fuere vestes; quæ cum <sup>prodi-</sup> generatione asservatæ, suo contactu <sup>gys il-</sup> demones morbósq; fugaverunt. De- <sup>stran-</sup>prehendet & me aliquando hora, pericu- <sup>tur.</sup>lis & angoribus plena: tunc, ô beate, ad Auxi-  
me descende, jura trementem lumine tuo: <sup>lium in</sup> ut oculos claudente corpore, anima ad cla- <sup>morte.</sup>ritatem diei æternæ admittatur

Beati Monachi Alvastrensis cœno- <sup>Anno</sup> bii, PETRE, OLAE, & TORDO: <sup>1345.</sup> quos DEUS jucunda visione de im-  
minente felicitate cœlesti securos fecit.

Beato enim Gerekino morti proximo <sup>Electio</sup> tres nominum vestrorum initiales li- <sup>illis re-</sup> teræ, aureo fulgore micantes, in aëre vela- <sup>tur.</sup> apparuerunt: quas ille agnoscens, sibi  
vobisque gratulatus est, quòd charissi-  
mos commilitones infra octiduum fe-  
licissima patria sit iterum conjunctu-  
ra. *Donate me gratiâ ita instituendi vitam  
ut & ego vobis in celo conjungi merear.*

B. PETRONILLA, monasterii <sup>Obijt</sup> de Parco Dominarum Conversa: quæ <sup>anno</sup> à Bonitatis Divinæ muneribus matu- <sup>1650.</sup> rē præventa, statim à cunis tam seriam  
morum compositionem referebas, ut <sup>Matu-</sup> & compares & adulti haberent in te, <sup>ra ante</sup> quod imitarentur. Illecebras mundi <sup>etatem</sup> adedò damnabas; ut lectuli vicem dura <sup>virtus.</sup>



*Nimia  
afflicti-  
et aro-  
ne peri-  
clita-  
tur.* humus subiret, mollisque sindonis lo-  
co tenerum corpus ambiret catena, eâ  
quidem acerbitate tormenti; ut sub fer-  
ri rubigine putrescens cutis, insinuato  
intrâ vitalia vulnere, te ad ultimum  
vitæ periculum redegerit. Ope tamen  
cœlesti restituta sanitas te gravioribus  
mox procellis objecit. Cùm enim præ-  
*Solici-  
tatur  
ad nu-  
ptias:* ter morum venustatem te formæ spe-  
cies ornaret; non paucorum juvenum  
vota te sponsam destinabant. Quibus  
accessit parentum voluntas, vim haud  
obscurè minitantium, nisi sponte in  
nuptias consentires. Et horum quidem  
*quas  
fugâ  
decli-  
nat.* palam detrectare imperium, ingenuæ  
pietati tuæ piaculum grande videba-  
tur. Sed violenter abiupit deliberandi  
moras amor Sponsi divini: in quo re-  
positâ omni fiduciâ, clam paternas æ-  
des deserens, in Parco Sororibus Con-  
versis adscripta es. Post emissâ deinde  
solennia Vota amanti hanc legem di-  
xisti; ut ab illo excluderetur nemo præ-  
*Odio  
sui fla-  
grat:* ter te solam: odio fatali carni indicto;  
quam sinè remissione flagris, ciliciis,  
inediâ cruciabas; pane etiam, quo so-  
lo propemodum utebaris, cineribus  
*Et cha-  
ritate  
proxi-  
mi.* consperso. Vicissim charitatis explen-  
dæ pabula studiosissimè conquirens,  
nunquam lætior esse cernebaris, quàm  
in laboribus, quos aliæ ob vilitatem,  
molestiam-




molestiamve, subterfugerant. Pio insuper noctium furto, aliarum opera *In ius-*  
 peragebas, quò illis interdium quietius *vandis*  
 liceret obsequio divino vacare. Vicio *alijs in-*  
 alicui obnoxios, humilibus verbis de- *defessa.*  
 hortabaris: quæ si sperata non seque-  
 batur emendatio; tamdiu precibus cœ-  
 lum fatigasti, donec illud ad votum  
 tuum inflexeris. Non rarò etiam per  
 visum edocta es de obstinatorum in-  
 teritu, qui monita tua contemnebant.  
 Tanto charitatis ardori angusta nimis  
 erant monasterii septa: morbo & pau- *Erga*  
 pertate afflictis manum gestiebas por- *paupe-*  
 rigere. Cujus desiderii conscia Abba- *res est*  
 tissa, eam tibi curam demandavit: quæ *libera-*  
 ingruente summa annonæ penuria, *lissima:*  
 cum tibi jamjam præcipere cogitaret,  
 ut parumper manum retraheres, ma-  
 gna cum admiratione vidit; farris cu- *non si-*  
 mulos adeò non decrevisse; ut totum *nè pro-*  
 id, quod egeni asportaverant, horreis *digio.*  
 intulisse te, non illinc desumpsisse, ne-  
 mo non judicare potuerit. Quònam  
 intereà thesauros tuos reposueris, post  
 felicissimum obitum cellula tua ape- *Vera*  
 ruit; cujus tota supellex fuit corolla ex *pau-*  
 globulis precatoriis composita: reli- *peritas.*  
 qua nempe in cœlum præmiseras. *Aut*  
*Divinis promissionibus derogare fidem,*  
*aut fateri necessè est, veram paupertatem*



Rerum terre-  
narum cōtēpt<sup>9</sup>. parere hujus ac futurae vitae summam felicitatem. Cur igitur non prompto animo te sequar, cum certus sim, me tunc caelo fore proximum, ubi terrenarum rerum abundantiam à me longissimè removero.

S. BERNARDUS, ser. 4. de Adv.

Christi imitanda paupertas. Imitemur, quoad possumus, Christum, qui sic dilexit pauperatē; ut, quamvis in manu ejus essent fines terrae, tamen non habuit, ubi caput reclinaret... Quem & super Lazarum, & super civitatem flevisse, & in orationibus pernoctasse legimus, risisse verò, aut jocatum nunquam.



2. Augusti. 4. Nonas.

Floruit anno 1150. \* de quo 27. April. B. STEPHANE, Prior Obacinæ, & magni illius Stephani ibidem Abbatidis discipule, qui Obacinam, multaque alia monasteria à se per labores miraculis plenissimos constructa, Cistercio subjecit. \* Et illæ quidem leges non eodem ab omnibus animo admittebantur; quòd, licet arctissimæ essent, assueto rigori vestro moderationem inducerent. Abrogabant enim crudam consuetudinem illam, quâ ad tollendum de



dum de medio gulæ pruritum, omnes  
 recentes cibos à mensa excludebatis; *Miræ*  
 non antè fami concedendos, quàm ca- *contra*  
 rie & vetustate corruptus sapor desit- *gulam*  
 set palatum demulcere. Quam viven- *pugna.*  
 di austeritatem etiam post susceptos  
 Cistercii ritus usque ad beatam mor-  
 tem constanter retinuiſti. *Maximam vi-*  
*tiorum partem expugnavit, qui gulæ ha-*  
*benas induit. Tu exemplo me tuo incita, ut*  
*diligentiùs deinceps me in hoc bello exer-*  
*ceam.*

B. GUILIELME, Melliflui BER- *Obijt*  
 NARDI proles longè dignissima. Ad *anno*  
 illum te Anglia misit, alterum in te O- *1143.*  
 lim BERNARDUM receptura. Insu-  
 lam hanc maximè corporum candor  
 commendat: at Angelico Doctore pla-  
 cuit præ illo candor animi tui; quem  
 ideo consiliorum suorum, quæ secre-  
 tum postulabant, frequentem adhibuit  
 arbitrum. Indelebile mutui hujus a- *Scribit*  
 moris monumentum celebrabit sera, & *epistolã*  
 nunquam laudes BERNARDI taci *in im-*  
 tura posteritas, in prodigiosa illa epi- *bre sinè*  
 stola, quam illo dictante scripsisti in *imbre.*  
 medio imbris sinè imbre circumquaq;  
 ex nubibus ruente, cùm tamen sub dio  
 sedentem ne gutta quidem tetigerit.  
 Cùm altero nimirum Moyse agebas,  
 qui liquidum elementum, revocato ex



Rubro mari miraculo, contra Orcinum Pharaonem ( inundationis illius fabrum ) pro temporario vallo iussit esse statarium. Aliis membranam pluviis rigari optabat Piissimus dictator, quas mox effudit nepos Robertus, \* è Cluniaco ad Claramvallem, olim inconsulta temeritate desertam, hoc magnete reductus. Ex Patris amantissimi sinu te patria rapuit, cunas, quas tibi dederat nascenti, Cistercio paratarum in noviter condito Rievallis monasterio: id est, seminario virorum, eruditione & sanctitate clarissimorum, qui per tria propè sæcula totam Insulam monasteriis, prodigiis, & glorioso tandem sanguine illustraverunt. Ab Anglis ad Angelos denique transiisti anno sanctissimi regiminis duodecimo. Non diu post obitum visitans Rievallem sanctus Wallenus, ad sepulchrum tuum, pro te precaturus, accesserat: cum inopinantem percellit suavissima musica, videtque te splendida veste ( quam varii decoris gemmæ distinxerant ) ornatum, per claustrum ambitum procedere, præeunte innumera candidatorum caterva: cui de gloria tua læto, dixisti: hunc gemmarum & te comitantis turbæ numerum signum esse singularis in cœlo præemii, quod  
 ex studio

\* de

quo 29.

Novēb.

Prim<sup>o</sup>

Anglię

infert

Cisterc.

Ordinē.

Post o-

bitum

glorios<sup>o</sup>

appa-


ret.



ex studio ac labore indefesso conver-  
tendi ad pœnitentiam peccatores fue-  
ris consecutus. *Utinam ego meam sal-* **Cura**  
*tem servare animam, & virtutum operi-* **salutis**  
*bus ornare studerem, & non majore cura* **animæ.**  
*foverem corpus, jam quidem perniciosissi-*  
*mum peccati instrumentum, mox futurum*  
*sagina bufonum, & fœtens sterquilinium.*

S. BERNARDUS, ser. 6. de Adv.

*Quousq; igitur caro misera & insipi-* **Conso-**  
*ens, ceca, demens, & prorsus insana* **latiões**  
*caro, transitorias & caducas querit* **carnis,**  
*consolationes, imò desolationes, si forte* **sunt de-**  
*contingat repelli, & indignam judica-* **solati-**  
*ri hac gloria, magis autem nihilomi-* **ones.**  
*nò ineffabili in æternū cruciari pœna?*



3. Augusti. 3. Nonas.

**B**LAURENTI, Dunensis mona- **Floruit**  
**sterii** Converse, cultor eximie Au- **anno**  
gustissimæ cœlorum Regina: in cuius **1261.**  
amorem tanto devotionis æstu solebas  
inardescere, ut à sensuum usu diu alie- **Amat**  
nus, nihil præter illum casti amoris i- **tenerri-**  
gnem sentiret. Qui cùm aliquando te **mè B.**  
sub ipsa refectione dulcissimo impetu **V.**  
occuparet, delegatus à magna Matre  
E e 7 **coelestis**



## 110 ANNI CISTERCIENS.

*quæ ei  
decadē  
globu-  
lorum  
donat.*

cœlestis ephebus, dono decem globu-  
lorum recreavit, quos funiculo infer-  
tos, manu terere consuevimus, dum  
eidem sacratissimæ Virgini statas ad  
numerum preces persolvimus. Favor  
iste Marianæ clementiæ multis stimu-  
lo fuit, huic orandi modo maiore de-  
inceps pietatis studio incumbendi, ut  
pote quem scirent MARIÆ gratissi-  
mum esse. *Doce me tam devotè orare, ut  
dum globulos precatórios manus meæ ver-  
sant, mens illa divina mysteria revolvat,  
quæ in orationibus continentur.*

*Floruit  
circa  
annum  
1300.*

B. BARTHOLOMÆE, Prior Cla-  
rævallis: qui fraterna simul & paterna  
solicitudine, in spiritu humilitatis &  
mansuetudinis, sacram illam congre-  
gationem rexisti. Et quanquam soli-  
tariæ pietatis desiderium à publico ad  
rerum divinarum contemplationem te  
violentiam suavissimam attrahebat; præ-  
ponderans tamen charitas otiosa esse  
non potuit, donec æternam tibi à la-  
boribus requiem mors imperavit. In-

*Amor  
erga su-  
perio-  
res.*


*grati & levis animi signum est, sinistra  
censura dijudicare superiorum, Dei apud  
nos vices agentium, labores. Tu fac, ut e-  
go sim ex eorum numero, qui illorum soli-  
citudinem pro merito æstimantes, amoris,  
venerationis, & gratitudinis majoris in-  
citamentum exinde arripiunt.*

S. BER-



S. BERNARDUS, ser. 53. in Cant.

Is, qui alijs præest in sollicitudine, vix <sup>Superi-</sup>  
 unquam; vel raro, vacat sibi; dum <sup>or aliis</sup>  
 semper timet sui penuriam facere sub- <sup>magis,</sup>  
 ditis: & non placere Deo, quòd com- <sup>quàm</sup>  
 muni utilitati propriam præfert qui- <sup>fibi vi-</sup>  
 etem, & contemplationis dulcedinem. <sup>vit.</sup>



4. Augusti. Pridie Nonas.

**B.** THOMA Lombarde: qui in Supe- <sup>Obijt</sup>  
 ratensi Hispaniæ monasterio Ci- <sup>anno</sup>  
 sterciensem cucullam, simulque invi- <sup>1606.</sup>  
 ctum animi robur hæresi aliquando  
 opponendum, induisti. Postquam e-  
 nim fatiſ altas apud te radices virtus <sup>Hæresi</sup>  
 egerat, in natalem Hiberniam rever- <sup>bellum</sup>  
 sus, arrepto Verbi Divini gladio, ex- <sup>indicit.</sup>  
 stirpandis sævientiū errorum zizaniis  
 omnes vires exeruisti. Hauriebat ex  
 imperterrita constantia tua etiam ani-  
 mos populus Waterfordiensis: quod <sup>Festum</sup>  
 tunc maximè obstupere malesani de- <sup>Corpor.</sup>  
 fertores, dum in solennissimo Festo, <sup>Christi</sup>  
 quo per communem pietatis orthodo- <sup>solenne</sup>  
 xæ triumphum sanctissimum Domini <sup>agit.</sup>  
 Corpus adoramus, consuetâ cæremo-  
 niâ per omnia amplissimæ urbis com-  
 pita



112 ANNI CISTERCIENS.

pita gloriosissimum Pignus circumferbas, nemine contrà hiscere auso. Elisabethà deinde ( Anglicanâ illâ Medea ) è vivis raptâ, cives adeò in amorem Catholicæ veritatis accendisti; ut Regi potiùs obedientiam abjurare, vitæ & fortunarum pati jacturam, unanimi consensu decreverint, quàm ab orthodoxæ Ecclesiæ unione discedere.

*Plurimos ad veram fidem reducit.*

*Peste moritur.*

*Caput mortui incorruptum.*

Diutiùs in sævam pestem pugnavisses, nisi charitatis fervor, per quem, contempto mortis periculo, lue pestifera laborantibus te impendebas, diem supremum accelerasset: quam longè antè præcognitam non minore cordis tui lætitiâ, quàm piæ plebis mœrore obiisti. Apertum post plures inde annos sepulchrum, caput adhuc omnino integrum, & spiranti simile ostendit: idque in sacrario repositum multo fidelium accursu cultum fuit. *Mihi Medea totis viribus insectanda, erit propria voluntas, radix, ut hæresis, omnium malorum: utilius sanè bellum non geram.*

*Passus circa annum 1350.*

B. MICHAEL, Martyr insignis sacræ militiæ Cisterciensis de Montesia: qui æstuans desiderio infideles ad dogmata Christianæ legis adducendi, antequam in publicum campum prodires, corpus diuturna afflictatione ad tormentorum patientiam obfirmasti.

Ingenti




Ingenti deinde animo, sola Christi in Cruce pendentis effigie armatus, cum barbaris deorum simulachris congressus es. At insanire te infani Gentiles *Nec* arbitrati, ut in suos ritus transires, *vo-*minis, luptatum illecebras, nisi consentias, *nec* le-tormenta proposuere. Quæ tamen *o-*nocinijs mnia cùm generosè contemneres, in à fide furorem versi te vivum concremarunt. *move-*Idolis suis hanc se victimam litare pu-tur. tabant; sed malè: nam neque suâ heca-tombe gratius cœlo holocaustum de-dissent. *Etiam aliquod martyrii genus* **Cruce** *est, Crucem cum Salvatore nostro portare.* **marty-** *Tu aufer à me noxiam trepidationem, quâ* **rium** *levissimum hoc onus humeri mei formi-* *dant, & immissum fortè à Deo, nimis im-* *patienter excutiunt.*

S. BERNARDUS, ser. I. in Pasch.

*Neminem audiamus, fratres, non* **Perfe-** *carnem & sanguinem, non spiritum* **veran-** *quemlibet, descensum à Cruce sua-* **dum in** *dentem. Persistamus in cruce, mori-* **cruce,** *amur in cruce: deponamur aliorum* **exēplo** *manibus, non nostra levitate. Caput* **Christi** *nostrum deposuere viri justī, nos ergo* *dignatione sua Angeli sancti depo-* *nant.*

5. Augusti





5. Augusti. Nonis

*Circa*  
*annum*  
1101.

**G**Loriosissima Instituti Cisterciensis Patrona MARIA: quæ hodierna die (ut constanti traditione à sanctis majoribus nostris accepimus) à monachis, cum Abbate Alberico in Archicœnobio Cisterciensi laudes tuas canentibus visa es in chorum descendere, eorúmque cucullas, nigro tunc tinctas colore, mutare in candidas. Hinc albi Cisterciensium vestitûs origo. Id si ve per visum solummodo, ut quidam opinantur, sic intuentibus apparuerit, si ve per inauditum prodigium ita revera contigerit; summum est tuæ in hanc sacram familiam benevolentiae argumentum. Tu, ô Clementissima Domina, *interiorem animæ vestem effice in me candidam: non illam suis nequitijs mundus, non concupiscentia sordibus, non malignus stygia pice inficiat. Tunc autem maximè ad me miserum descende, cum ad Filium tuum, Judicem meum vocabor: illi me reconcilia, repræsenta, & commenda.*

*Obijt*  
*circa*  
*annum*  
1219.

B. HILDEGUNDIS, Germaniæ monialis: quæ fructum tuæ in D. Joannem Baptistam devotionis sub vitæ finem lætissimè experta es; dum ille te morti proximam dignatus est consolari, &



lari, & ad cœlestem patriam deducere. *Maximum illum inter natos mulierum meo nomine precare, ut & me sua in agnis mei sudoribus visitatione dignetur.*


B. JOANNES Baptista à S. BER- *Floruit*  
NARDO, Congregationis Fuliensis anno  
lumen singulare, quod omni virtutum 1600.  
splendore adeò radiabat, ut humilitas  
tua, in cruciatibus patientia, obedien-  
tiæ alacritas, nemini non visa fuerit i-  
mago nobilissima genuinæ sanctitatis.  
Hæc denique lux etiam ultra monaste- *Lux in*  
rii limites sese effudit ea nocte, quâ fe- *ei? obi-*  
licem animam ad cœlos emisisti: tam tu ap-  
luculentus enim fulgor emicabat, ut *pares.*  
accolæ, & transeuntes ad montis radi-  
cem peregrini accurrerint, sacram æ-  
dem ab incendio erepturi. *Accende in*  
corde meo illum ignem sanctissimum, quo *Amor*  
tota inflammatur domus cœlestis: in amore *DEI.*  
nimirum summi & per omnem æternita-  
tem nunquam satis amandi Boni.

S. BERNARDUS, ser. de S. Joã. B.

*Nónne Deo subjecta eris anima mea?* *DEUS*  
*Alioquin non ero lucernæ ardens, nisi* *arden-*  
*toto corde, tota mente, & ex omnibus* *ter dili-*  
*viribus meis diligam Dominum De-* *gendus.*  
*um meum. Sola enim est charitas,*  
*quæ accendit ad salutem, sola, quam*  
*infundit*



*infundit, & inflamat spiritus.*



6. Augusti. 8. Idus.

Obijt  
anno

1273.

19. Ap.

Cultui  
divino  
addi-  
tus.

Ponti-  
ficibus  
charus

Laus  
DEI.

**B.** GUIDO, Superior Generalis Or-  
dinis Cisterciensis, eo nomine III.  
post regiminis Prædecessores, XXIII.  
Vir eras zeli semper integri, & antepo-  
nens ubique privatis communia: in-  
tentus studiose, ut divina quàm decen-  
tissime peragerentur. Unde pretiosa  
ex bombyce, auro, vel argento templi  
ornamenta, primævis legibus inter-  
dicta, primus permisisti: rectè nullum  
existimans honorem esse nimium, qui  
supremæ majestati exhiberetur. Gra-  
tus eras Alexandro, & Urbano IV. PP.  
quorum hic te inter Purpuratos retu-  
lit, titulo Presbyteri Card. S. Lauren-  
tii in Lucina. Porrò Clemens IV. ope-  
rà tuâ egregiè usus, Legatum te dixit  
ad Daniæ ac finitima regna, totâmq;  
penè Europam. Post Concilium Vien-  
nense tandem sanctè morienti Grego-  
rius X. indoluit, sed cœlum applausit.  
*Ne bestijs ingratiore pro beneficijs in nos  
Divinis inveniamur, unicum est, quod  
tanto Numini præstamus obsequium, quo  
immensam illius bonitatem digna devotio-  
ne laudamus. Fac, ne sim in hoc opere ne-  
gligens.*

B. GE-



B. GEZELINE, Anachoreta mirabilis: qui post diuturnam in disciplina cœnobitica exercitationem ad vetera Patrum Ægypti certamina anhelans, in vasta solitudine provinciæ Luxemburgensis, suscepti contra principes tenebrarum belli castra metatus es. *Rigor vitæ supra vires humanas.* Nullo utebaris tecto, præter cœlum; nulla omnino veste, nullo cibo, si crudas herbarum radices, & pro deliciis subinde quæsitas quercuum glandes, excepero. Placebat S. Abbati BERNARDO vitæ tuæ rigor, nuditatem tamen non probabat: quam obrem tibi ex sua Claravalle amictum religiosum transmisit: quem quidem in reverentiam donantis induisti, sed rarissimè, nunquam persuadendus, ut à statuta semel austeritatis lege vel latum, ut dicitur, unguem recederes. Cùm denique tibi ex hac vita migrandum esse præscires, in proximi pagi Ecclesia SS. Viatico cibatus, in diu habitata eremo nemine præter cœlum spectante, animam Creatori tradidisti. *Clarus miraculis.* Requiei tuæ locus æde sacra ob miraculorum frequentiam fuit exornatus: quibus in dies crescentibus, Luxemburgum sacras exuvias intrà mœnia recepit. *Desidiæ nostræ vitium est, quòd præ cœlo terram amemus, quamvis certi, nos manentem civitatem*




Desiderium  
coeli.

*civitatem non habere. Erige tu oculos meos ad amplissima cœlorum habitacula, ut assuescat anima mea illuc pijs prævolare suspirijs, quo illam vocant & nobilissima origo, & æternæ felicitatis promissio.*

S. BERNARDUS, ser. 4. de dedic.

Cœlū  
est consumma-  
tio felicitatis.

*O admirabilis domus, & dilectis tabernaculis, & atrijs concupiscibilibus præferenda! In tabernaculis enim gemitus est pœnitentiæ, in atrijs gustus lætitiæ, in te satietas gloriæ. Hæc infima est domus orationis, media expectationis, tu gratiarum actionis & laudis.*



7. Augusti. 7. Idus.

Obijt  
anno  
1196.  
20. Jā.

**B.** DANIEL, Abbas Camberonæ, unde quaque magne, seu genus, seu iustitutio, seu denique regiminis felicitas spectetur. Progeniem duxisti à nobilissimo stemmate Gerardimontensi: religiosæ vitæ doctorem habuisti BERNARDUM, vi plusquam humana in animos dominantem: cujus iudicio dignissimus inter omnes visus eras regendæ Camberonæ. Ibi te Reges in enodandis rerum difficillimarum controversis non infra oraculi  
authorita-



authoritatem suspiciebant. Sobrietatem monasticam in summis negotiis ita colebas, ut famem nunquam, ne pane quidem sæpius solo mensam instruente, expleveris. Satiabat intereà mentem lectio sacra: quam ne noctis tenebræ impedirent, digiti de se lucem spargentes pro lampade serviebant. Sensit denique tui per annos triginta duos continuati regiminis felicitatem Camberona, tum in celeberrimo flore regularis observantiæ, cùm in bonorum temporalium affluentia, quæ in sinum etiam recusantis liberalitas magnatum congeffit. Laboribus tuis cùm terra non haberet, quod dignè rependeret, emerito seni præmia cœlum dedit. *Gratiâ, quâ olim apud reges terræ pollebas, nunc amplissimâ frueris apud regum Regem. Ab eo mihi unam illi fideliter serviendi gratiam impetra.*

*Sobrietati additus,*

*& lectioni sacræ.*

*Auget monasteriū.*

B. ANSULPHE, Clarævallis monache: qui adhuc tyro, divinæ Bonitatis singularem favorem dulciter experiri, & in cœpta salutis via confirmari meruisti. Sollicitus enim de tua & sociorum perseverantia, DEUM, ne suos ope destitueret, multis precibus & lacrymis obsecrabas. Eosdem aliquando gemitus cùm anxie reciperes, vidisti coram te in suæ Crucis throno sublimem

*Floruit anno 1160.*



*Christo  
illi be-  
nedicit.*

Gratia  
DEI.  
neces-  
saria.

sublimem generis humani Servato-  
rem, tibi quidem, ac sociorum alteri  
bene precantem: sed cum eandem gra-  
tiam pro tertio quoque peteres, tristi-  
tiam simul & iram spirantes oculos in  
eum contorquentem. Et is veluti suo  
ad sæculum reditu visionis tibi myste-  
rium exposuit; ita tu per sanctam in  
piis operibus perseverantiam æternæ  
felicitatis bravium obtinuisti. *Tam be-  
nigna tibi manu benedicientem Jesum ora,  
ut & mihi ad sanctissimos ejus pedes pro-  
voluto benedicat: id est, ut gratiam talem  
largiatur, qualem ipse novit ad salutem  
consequendam mihi adeò esse necessariam,  
ut absque illa sit actum de celo.*

S. BERNARDUS, ser. 5. de Ascen.

A Chri-  
sto lu-  
men  
gratiæ.

*Nobis autem unde in his tenebris  
Veritas, unde charitas in hoc sæculo  
nequam, in hoc mundo, qui totus po-  
situs est in maligno? Putasne erit, qui  
intellectum illuminet; qui inflammet  
affectum? Erit utiq; si convertamur  
ad Christum, ut velamen de cordibus  
nostris auferat.*



8. Augusti.





8. Augusti. 6. Idus.

**B.** ROGERI: qui à sancto Patriar-  
 cha BERNARDO in Hispaniam  
 cum beato Vitali Abbate missus, in e-  
 rectione monasterii Meyrensis tam fe-  
 lix potensque opere & sermone fuisti;  
 ut rudis antehac, & sacrorum ignarus  
 Galleciæ populus, proximè ad primi-  
 tivam veteris Ecclesiæ sanctitatem ac-  
 cesserit: tam plebe, quàm magistratu  
 sua bona ad pedes vestros, tanquam  
 Apostolorum, pia simplicitate certa-  
 tim abiciente. Quin imò non multum  
 temporis elapsum est, cùm præter ali-  
 os complures, qui Cisterciense Institu-  
 tum amplexi sunt, supra viginti nume-  
 ravit Meyra ex Principum Comitum-  
 que prosapia natos. *Dociles nimirum fi-  
 unt discipuli, cùm doctrina, quæ traditur,  
 exemplo, quasi vivo quodam interprete,  
 illustratur.*

Obijt  
anno  
1160.Exem-  
plo, &  
doctri-  
nâ ru-  
des in-  
struit.

S. FAMIANE (quod nomen tibi  
 miraculorum fama imposuit, aliàs e-  
 nim Guardus vocabaris) qui anno æ-  
 tatis octavo supra decimum relictis  
 parentibus, & ampla hereditate, vitæ  
 cursum à peregrinatione ad Aposto-  
 lorum limina exorsus es, in eadem pi-  
 etate denique finiendum. Sex annis

Ff

in hoc



in hoc labore consumptis, totidem alios institutioni vitæ sanctioris apud Anachoretam quendam in Galleſia dedisti. Quo vivis erepto, aliquamdiu Compostellæ ad Divi Jacobi sepulchrum egisti excubias. Inde ad devia, sylvasque reversus, quinque & viginti annos herbis tantùm & aquâ vitam sustentasti. Cùm verò cognovisses, noviter adductum in Hispanias Ordinem Cisterciensem passim laudari, æstimari etiam ab omnibus inter perfectissima Instituta; ejus amore in monasterio Ursariæ habitum senex tyro suscepisti. Ut tamen aliquam prioris vitæ speciem retineres, te Abbas vicinum cœnobio sacellum jussit incolere, peregrinis illud frequentantibus sacra facturum. Sed ea ipsa frequentia, quam semper fugeras, mentem tibi injecit, denuo Romam repetendi. At jubentibus per visum Petro & Paulo Apostolis mox Galleſium rediens, urgente per viam siti, è solida rupe ictu baculi fontem excitasti, qui in hodiernum usque diem feбри laborantibus sanitatem propinat. Reducem Galleſiani cives summa cum lætitia exceperunt: sed non diu duratura: quippe cœlitùs de instante ex hac vita discessu te audientes admonitum, in suę tristitiæ lenimentum,

ut tanti

*Eremiticam vitam amplectitur.*

*inde Cisterciens. Ordine.*

*Fontem è rupe producit.*




ut tanti hospitis cineres jure civitatis donarent, princeps templum in sepulturam offerebant. Quo tu cognito, alium extra muros locum cum omnium admiratione designasti: qui licet antehac fuerit obscurus; postquam autem innumera ibidem patrata miracula Adrianum IV. Pont. persuasere, ut te sanctorum catalogo, quarto post obitum anno, insereret, constructâ ingentis operis Basilicâ, manifestum fuit, te gloriæ tuæ præscium, hanc umbram elegisse, ex qua DEI & amicorum illius honor clariùs resplenderet. Non sine gravi tristitia experior, petram pumice sciorum esse cor meum: tu illud virgâ timoris Dei percute, ut in lacrymas liqueſcat, quibus diuturna peccatorum febris sanetur.

S. BERNARDUS, de cõt. mūd. c. 14.

Absterget Deus omnem lacrymam. [Apoc. 21.] Felices lacrymas, quas benigna manus Conditoris absterget: & beati oculi, qui in talibus liqueſieri fletibus elegerunt, quàm elevari in superbia, quàm omne sublime videre, quàm avaritiæ, & petulantia famulari.





9. Augusti. 5. Idus.

*Obijt* S. W A L L E N E: qui parente Comite,  
*anno* & matre regina genitus, à vitrico  
 1160. Davide Rege Scotorum liberaliter in  
 3. Aug. aula educatus, in apparatu splendidif-  
 simæ vanitatis didicisti mundum con-  
 temnere: & in medio voluptatum æ-  
 stu venerem frigere docuisti. Cùm e-  
 nim ex illo genere quædam innoxium  
 in te naturæ donum, venustum fron-  
 tis pudicæ jubar, sibi destinâisset in præ-  
 dam, & cum significatione flammæ  
 affectûs ingentis pretii annulum ti-  
 bi donavisset, ad rogam, commodè  
 tunc ibi succensum, damnâsti invisam  
 mercem: rectè arbitratus, minorem es-  
 se jacturam, si hoc igne aurum, quàm  
 altero innocentia periret. Ut his peri-  
 culis caput subduceres, ad Divi Augu-  
 stini castra in monasterio S. Oswaldi  
 confugisti. Hic Sacerdotii simul ac mi-  
 raculorum potestate donatum, Kirka-  
 mienses Canonici in Priorem adopta-  
 verunt, insigni mox prodigio recreati.  
*Insi-* Nam cùm sacratissima illa nocte, quâ  
*as sibi* natum humano generi Servatorem fi-  
*stru-* delium pietas adorat, Sacrum faceres,  
*ctas ge-* post prolata Consecrationis verba, vi-  
*nerosè* sus es pulcherrimum Pusionem, aurea  
*vincit.* redimitum  
*Cele-*  
*branti*  
*appa-*  
*rei in*  
*forma*



redimitum corona gestare manibus, & *Pueris.*  
 suavissimè amplecti. Aliàs cùm sum- *li Chri-*  
 pturo sacrosanctum in sacrificio San- *stus.*  
 guinem Canonico grandis aranea in  
 Calicem esset illapsa, dubium consilii *Ara-*  
 iussisti, sinè metu veneni exhaurire sa- *neam*  
 crum vasculum: duplici prodigio feli- *glutiè.*  
 cem; dum & absque horrore fædum *ti vitâ,*  
 animal transmisit in stomachum, & *Et sa-*  
 eodem die sinè incommodo per digi- *nitatè*  
 tum egrediens aspexit. Hujusmodi fa- *conser-*  
 cta admiranda cùm omnium ore cele- *vat.*  
 brarentur, tibi que summas in regno  
 cathedras vox populi, & Principum fa- *Honorè*  
 vor eapropter destinaret: dimissâ eti- *fugit.*  
 am hac præfecturâ, in Warda, cœno-  
 bio Cisterciensium te abdidisti. Quod  
 indignè ferens frater germanus, vir po-  
 tens ac fervidus, tam diu gravis Abbati  
 fuit, donec te ad Rievallem dimiserit,  
 sub S. Ailredi autoritate protegen-  
 dum. Sed quod aperta vi non potuit, *Dæmo-*  
 occultis machinis efficere conatus est *nis in*  
 inimicus: qui tibi adhuc tyroni persua- *sidiâs-*  
 sit; rigori sacri Ordinis vires tuas non *vincit.*  
 sufficere; adeoque meliùs facturum,  
 si derelictis orphanis te patrem restitu-  
 eres. Jámi que discessurus pedem extra  
 cellæ limen extuleras; cùm subita vi  
 raptus in angulo, in quo solebas ad o-  
 rationem procumbere, te positum in-  
 venisti



venisti. Quo prodigio confirmatus, mirabiles fecisti in sanctitate progressus, quorum intuitu sanctus Abbas te non multis post probationem annis monasterio Meylrosensi præposuit. Ubi mitem tuum in omnes, præsertim delinquentes, animum nemo fuit, qui non amaret: viceversa severitas, quâ & otiosum in te verbum castigabas, rapiebat omnes in admirationem. Inter hæc frequenter cælum aspiciebas apertum, ibique jam vagientem in cunis, aut adoratum à Magis; jam post sævissimos cruciatus triumphantem JESUM contemplantaris. Quin & ipsius sacrosanctæ Triadis mysterium oculis tuis oblatum, licet cautissimè celares, aliquando tamen in suggestu divini spectaculi memoriâ absorptus, dum de alio rem gestam referre te credebas, de tua persona totum sermonem texuisti. Fueris in his planè admirandus: at ampliore stupefescendi materiam dedit benignitas tua in egenos. Quatuor eorum millia, fame urgente, circumcercâ Meylrosam castrorum more obsidebant: quos modico farris acervo, vix unius vehiculi onere, per tres menses aluisti; eandem semper magnitudinis formam retinente cumulo, donec redeunte messe, & piâ obsidione solutâ, frumentum

*Mitis alijs, in se rigidus.*

*Revelationibus illustatur:*

*quas invivus prodit.*

*4000. pauperes diu modico farre alit.*



frumentum, quasi jam abundè prodigioso munere perfunctum, cœpit paulatim decrescere. Alio tempore cùm plorantibus ad monasterii fores nihil *Panis* esset in promptu, quod distribueres, *pauper* præter panem, qui pransuris fratribus *ribus* jam erat appositus: illos tu persuasisti, *eroga-* ut dimidiam quisque partem miseris *tus,* è cederet. In cœlesti nimirum penario *cælo* hunc reponebant. Nam recumbentes *reddi-* ad cœnam, miri candoris saporisq; *pa-* tur. nibus mensam repererunt instructam. Quod quidem incredibile egenorum, ac filiorum tuorum solatio sæpiùs fertur accidisse. Ceterùm in te plus aliquid homine etiam bruta agnoscebant. *E-* quus tuo usui destinatus neminem nisi *Equi* te sessorem admittebat, ferox, indo- *mira in* mitus, vix patiens freni: sub te verò le- *eum ob-* ni & placido gressu procedere solitus. *sequen-* Imò cùm te infirmum propriis in sel- *tia.* lam viribus eniti non posse cerneret: toto corpore in terram demisso te excipiebat. Is denique, licèt sub ultimos vitæ tuæ dies esset validissimus, recusato tamen pabulo statim emarcuit, domino supervivere renuens. Alius *Dæmo-* adhibendus erat modus domandæ in- *nem* fernali belluæ, tibi in templo oranti *fugat.* histrionica formarum varietate molestæ. Quam cùm solo Crucis signo sæpe abegisses



abegiffes: collecto tandem omni viri-  
um suarum apparatu, militem squam-  
matâ loricâ terribilem mentitus, nare  
& oculis flammâs evomens, candens  
igne jaculum in te vibrabat. Opponen-  
da erat mendacio veritas. Quare tu ad  
Aram confugiens, sanctissimum Chri-  
sti Corpus pro scuto apprehendisti: à

*Morbi* *dolores* *à Deo* *petit.* *Languēs* *sanat* *alios.* *Literas* *è celo* *accipit.* *Mira-* *cula* *post o-* *bitum.*

cujus conspectu adeò evanuit; ut redi-  
re deinceps nunquam præsumpserit.  
Hujus denique belli & laborum finem  
denunciavit acutis doloribus te exagi-  
tans febris: quam ideo à DEO petiisti,

ut terreni pulveris nævos hic ignis de-  
coqueret. Sed ne vel ille languor à be-  
neficiis in filios vacaret; quatuor ex iis  
jam penè conclamatos datâ Benedicti-  
one jussisti è lectulo surgere sospites.

Alter felicissimæ migrationis nuncius  
fuit epistola, à Christo & ejus Virgine  
Matre transmissa, quæ de mortis ho-  
ra & salute æterna te certiozem reddi-  
dit. Corpus solenni parentatione tu-  
mulatum, non funus fuit, sed asylum

infirmorum, ab omni morborum ge-  
nere liberatorum: qui tam importunè  
accurrebant; ut ad conservandam qui-  
etem monasticam, illis occludi januas  
oportuerit. Dum autem peregrinis ne-  
gabatur accessus, tua se sollicitudo in  
domesticos effundebat: quibus per vi-  
siones



siones gloriosas in variis necessitatibus adfuisti. Jucundum iis spectaculum præbuit post quadraginta & octo annos integrum, & dormienti, quàm mortuo similius, sacrum corpus. Sola cerata syndon tumbæ injecta in cineres defluxerat, ne ipsa hunc thesaurum diceretur à corruptione conservâsse. *Corpus manet 48. annis incorruptum.*

*Epistolam mortis nunciam universo humano generi scripsit jam olim Deus: cui funera quotidiana subscribunt. Felix ero, si illam ita legero ac relegero, ut ad hanc subscribendi necessitatem nulla me hora imparatum inveniat.* *Mortis memoria.*

**B. U R R A C A:** quæ cum illibato Floruit virginitatis flore fœcunditatem prolis anno desiderans, totum assẽm hereditatis 1200. paternæ ad construendum monasterium **B. M A R I Æ** de Renunzo profudisti: atque ut verè matrem te scires, adductæ ex Huelgeni Parthenone Cistercienses filia te Abbatissam sibi imposuere, quibuscùm plurimas sub sancta gubernatione addidisses, laborum acceptura mercedem felix anima, terrenum corporis habitaculum reliquit. *Floruit anno 1200.*

*Tu ex opibus tuis domum Divinæ majestati condidisti: doce me omnes facultates meas ita impendere, ut corpus meum efficiam tale habitaculum, in quo mansionem facere Deus non dedignetur.* *Corpus templi DEI.*



S. BERNARDUS, de dil. Deo. c. II.

Corpus  
coope-  
ratur  
in bo-  
num

O quàm verum locutus est, qui dixit:  
Diligentibus DEUM, omnia co-  
operantur in bonum! [Rom. 8.]  
Valet diligenti animæ corpus suum in-  
firmum, valet & mortuum, valet &  
resuscitatum. Primò quidem ad fru-  
ctum pœnitentiæ, secundo ad requiem,  
postremò ad consummationem.



10. Augusti. 4. Idus.

Floruit  
anno  
1215.Here-  
ticos  
impu-  
gnat.

B GUIDO: qui ex Abbate Vallium  
Sernay in Episcopum Carcassonæ  
assumptus, & ab Innocentio III. ad e-  
radicandos Albigenſium errores in A-  
quitaniã miſſus, multos labores pro  
Eccleſia exantlaſti. Et quamvis in il-  
lam Expeditionem plures alii fuerint  
deſtinati: nullus tamen repertus eſt,  
qui tam generoſè contempſerit pericu-  
la, aut tanto charitatis ardore devios  
reduxerit ad ſalutem. Ita ut à piis co-  
natibus non niſi ad mortis imperium  
deſtiteris. *Pugnanti mihi contra hoſtes  
animæ tu præbe vires: calum enim, pro  
quo laborandum eſt, ideo corona vocatur,  
quòd non niſi legitimè certantibus detur.*

B. LAU-



B. LAURENTI, Converse Clare-*Floruit*  
 vallis: quem mellifluus BERNARDUS *anno*  
 non in vita solùm, sed etiam in cœlo *1155.*  
 beatus summopere dilexit: ac seu in-  
 venit seu fecit idoneum, ad peragenda  
 suo nomine diversa negotia apud ter-  
 rarum principes. Prout statim post e-  
 jus sanctissimum obitum à Philippo  
 Priore (juxta BERNARDI adhuc su-  
 perstitis mandatum) in Siciliam ad re-  
 gem Rogerium missus es. Audita verò  
 regis morte, cùm inops consilii Rome  
 hæreres, sancti Patris opem non fru- *S. Ber-*  
 stra implorâsti. Nam in splendore am- *nardus*  
 plissimæ lucis tibi apparens, iter profe- *illi glo-*  
 qui jussit, felicem reditum ad Claram- *riosus*  
 vallem pollicitus. Vaticinio eventus *appa-*  
 respondit. Successor enim Rogerii te *ret.*  
 multo auro ad perficiendam templi  
 Clarævallis fabricam, Romani in-  
 gentis speciei bobus, donavere: quæ *Per*  
 omnia per media prædonum, Italiam *prædo-*  
 latè infestantium, pericula, incolumis *nes il-*  
 in Claravalle deposuisti. Eâdem fortu- *latus*  
 nâ usus es in certamine contra infero- *transit.*  
 rum prædonem, te horribilis monstri  
 formâ aggressum, fatentémque, se il-  
 lum esse, qui innocentem Jobum exa-  
 gitavit. Unicus ictus hoc bellum ab-  
 solvit; dum te Crucis signo frontem  
 muniente, turpis larva evanuit. Extre-




mos vitæ annos in continuis ad dilectissimi parentis tumulum vigiliis impendisti: tam tenera sacri amoris dulcedine, ut locum, in quo solebas ad orationem procumbere, lacrymarum in pavimento relicta vestigia indicaverint. *Formidabilis esse non desinit infirmitati humanæ malignus serpens. Sed tu mihi arma ostendis, quibus si non segniter illum aggrediar, multas mihi victorias audeam polliceri.*

S. BERNARDUS, hom. 4. sup. Miss.

Regnū  
Christi  
in ani-  
ma.

*Quis ex vobis est, qui juxta interpretationem nominis Jacob, supplantet diabolium de corde suo: luctetur cum vitijs & concupiscentijs suis: ut non regnet peccatum in suo mortali corpore, sed regnet in eo Jesus: & nunc quidem per gratiam, in eternum per gloriam?*



II. Augusti. 3. Idus.

Obijt  
anno  
1206.

**D**ANIEL, monache Hemmenrodensis: qui ad conservandam innocentiam, augendūque robur spiritūs, carnem, velut sævissimum utriusque hostem



hostem, severa simul & continua castigazione sub jugum misisti. Unde vitam Angelicæ puritati parem in te amans cœlum, multis te donis affecit. Quæ tamen alto silentio suppressisset humilitas, nisi linguam obedientia solvisset. Hac jubente, factus es: frequens tibi esse cum Christo, Cruci suæ affixo colloquium: qui cùm aliquando tibi promisisset, se, quidquid peteres, datum; id unicum te rogavisse, ut lacrymas in potestate haberes, quoties aut illius amarissima Vulnera, aut mundi scelera in memoriam redirent: & hanc gratiam pectori tantam afferre lætiti-  
*Donum lacrymarum petenti à Christo confertur.*  
 am, ut terrena omnia tibi videantur felle amariora. Id sanè moriturus vel maximè ostendisti; dum animam in dulci balneo natantem, psallens & jubilans ad æterna gaudia transmisti. *Aperi tu mihi fontem miserationis divinæ, & ex illo imple cor meum: ut erumpat aliquando tandem lavacrum peccatorum meorum, à me tot aridis gemitibus desideratum.*

O sacrosanctum Diadema Regis æterni Christi JESU! quod olim Judæorum infanus furor (aut magis peccata mea) ex horrentibus spinis contextum, Divino Vertici crudeli violentia impressit: ac duodecimo inde sæculo

Ff7

Principum

*Festum instituitur anno 1240.*




Principum illo sanctissimo, Ludovico Francorum Rege, ex Palæstina translatum, hodierna die non minore pompa quàm pietate Parisiis susceptum est. In cujus Susceptionis perennem memoriam sacer Ordo Cisterciensis, primum in Regno Franciæ, postea per totum Ordinem, solenne festum instituit.

*Spinae Christi cuspides? cur laceratis innocentiam, & nobis parcitis reo? mihi debentur hæc vulnera, debita. scelus ego patravi, in me convertite tela: laniate hoc noxium caput, donec saltem pro sanguine lacrymas exprimatis.*

S. BERNARDUS, ser. 50. de divers.

*Christi corona diversa. Videant eum peccatores in corona miseriæ, id est spinea, & compungantur. Videant eum filia Sion, anime affectuosa, in corona misericordiæ, & imitentur. Videbunt eum impij in corona justitiæ, & peribunt. Videbunt eum sancti in corona gloriæ, & æternaliter gaudebunt.*



12. Augusti. Pridie Idus.

Circ. a. 1211. **B**UDEWOLTA, monialis S. Walburgis prope Coloniam: quæ in limine vitæ mortalis digito, ut dicimus, monstra-



monstravisti, quo duce ad conservandam innocentiam usa fueris. Ultimum enim spiritum exhalatura, manum extendens: Ecce! ajebas, charissimæ sorores, adest sub specie pulcherrimi juvenis Angelus meus, animam meam rectâ ad cœlum viâ deducturus. *Si & ego nunc Angelo meo, pia monita inspiranti obsequens, & pro fideli patrocinio gratus fuero, eandem mihi procul dubio felicitatem in morte non denegabit.*

*Angelus ad-est mori-venti.*

Beati CLARAVALLENSESMONACHI & CONVERSI: quorum exuvias olim sanctissimus Parens vester ex veteri monasterio ad novum cœmeterium inter pios cantus, & gratulatorias lacrymas, transportavit. \* Cùm verò numerus vester jam ultra nongentesimum excrevisset, Philippus XXI. Abbas, assistentibus Archiepiscopo Lugdunensi, & Episcopo Othoniensi, rursus è terræ sinu elvatas, in singulari Sacello, Comitum Flandriæ dicto, collocavit: \* ubi in hodiernum usq; diem vestra apud DEUM merita multis miraculis declarantur. *Jungite, ô felices animæ, vestras pro me inter hujus vitæ pericula adhuc fluctuante, preces: juvate, ut qui desidero gloriosè vobiscum resurgere, nunc è desidiæ meæ somno resurgam. Non ero gloriæ particeps, nisi fuero laboris.*

\* anno 1148.

\* anno 1269.


Collaborandū conregnare volenti.

S. B. E. R.



Beati  
in cœlo  
nostrū  
advētū  
deside-  
rant.

*Festinemus, obsecro, dilectissimi, festinemus: tota nos multitudo curiæ cœlestis expectat. Exultare Angelos fecimus, quando conversi sumus: proficiamus, & festinemus complere de nobis eorum latitiam.*



13. Augusti. Idibus.

Floruit  
anno  
1425.

Præesse  
renuit.

Refor-  
matio-  
nem in-  
ter pri-  
mos  
promo-  
vet.

**B.** MARTINE de Logroño, Prior monasterii Montis Sion: quod manus ad eò tua refugiebat humilitas; ut illud in te recipere non ante acquieveris, quàm tibi Reformator Generalis promiserit, se de minoribus noxis, si quas ratione officii te incurrere contingat, pro te Judici DEO responsurum: de gravibus nempe te conscientia puritas absolvebat, demebatque de futuris metum diuturna virtutum exercitatio. Imponenda erat tali fundamento nobilissima Reformationis, eo tempore inchoatæ structura; quæ Ordinem Cisterciensem primævo splendore per omnem latè Hispaniam restituit, & jam in tertium usque sæculum felicissimè conservat. *Doce me pro levioribus*



ribus peccatis, in qua per incuriam meam  
singulis penè momentis impingo, esse soli  
cium: quantum enim malum sit, illa vili-  
pendere, dies magna docebit, quâ Judex  
supremus otiosa etiam verba vocabit ad  
penam.

Fuga  
peccati  
venia-  
lis.

B. BERNARDE, Clarævallis mo-  
nache: cui cum nequissimus everfor in-  
nocentiæ, infernalibus spurcitiarum  
faculis ad eò esset importunus, ut in  
pertinacis mali remedium unus place-  
ret ad sæculum reditus, in quo plenis  
buccis infame virus ingurgitares. Hor-  
tatu tamen Prioris è cœlo petiisti au-  
xilium: quod eadem mox vespera præ-  
stò fuit. Dormienti enim visus est vir  
procerus ad stare, & invisum ulcus, tot  
gemituum causam, ferro recidere, &  
cani, quem adduxerat, devorandum  
projicere. Ex quo momento ab illa pe-  
ste immunis, illæsum florem sepulchro  
intulisti. Novit turpissima inferni vom-  
ica, quantum displiceat purissimis Dei ocu-  
lis execrandæ illius sordes: omnes proinde  
astus adhibet, ut summum animæ castæ  
decorem sua fuligine deturpet. Fuit, qui  
asserere non dubitavit: idem esse, compla-  
cere sibi in desiderijs honestati contrarijs, ac  
ejectum à demone stercus ore excipere. Ec-  
quis non horreat? quis non fædo lurconi  
ad simeti porcini amorem sollicitanti hunc  
triviale

Floruit  
anno  
1222.

Gravi-  
ter ten-  
tatus,

libera-  
tur per  
visum.

Reme-  
dium  
contra  
tenta-  
tiones.



*triviale[m] versum pro umbone objiciat, dicatque: Te cum turpissima pice tua  
Execror, aversor, detestor, abominor, odi?*

S. BERNARDUS, hom. 1. sup. Miss<sup>o</sup>.

Humi-  
litas  
Mariæ  
imitan-  
da.

*Non omnium est virginitas: multo  
tamen pauciorum est cum virginitate  
humilitas. Si igitur virginitatem  
MARIÆ non potes nisi mirari,  
stude humilitatem imitari, & sufficit  
tibi. Quòd si & virgo es, & humilis  
es, quisquis es, magnus es.*



14. Augusti. 19. Cal. Septemb.

Obiit  
anno  
1167.

B. AMALRICE: qui Institutum Cisterciense in monasterio Caroli loci juvenis amplexus, per virtutum viam ad Abbatialem dignitatem, inde ad Episcopatum Sylvanectensem ascendisti: utrobique muneris tui administrator vigilantissimus: unde meritò boni Pastoris mercedem apud superos recepisti. *Nec indonata erit in cælo virtus, nec vitia impunita. Conabor ego, ut cum ad grandia merita infirmitati meæ aspirare non liceat, pro viribus saltem demerita fugiam: nam & hic labor præmij non vacuus erit.*

Opera  
defini-  
unt  
mercedem

Beati



Beati quadraginta Monachi Magi-*Passi*  
 ensis cœnobii in Hibernia: quos unâ *circa*  
 cum Abbate furentes hæretici capite *annum*  
 truncârunt. Aberat à monasterio & 1591.  
 cæde cellerarius, vir senex, & in glori-  
 osissimam cœli Reginam admodum  
 pius. Qui visa tam cruenta strage, vo-  
 bis quidem martyrii lauream gratula-  
 tus est; sed interim inter pias lacrymas  
 doluit, in solenniſſimo pervigilio su-  
 peresse neminem, qui scandentis super  
 sidera Virginis triumphum solito can-  
 tu celebraret. Hæc dum ille tristi ani-  
 mo volveret, vos reassumptis capiti-  
 bus, Vespertinas preces tam suavi mo-  
 dulatione cantâstis; ut jam vobiscum  
 in cœli gaudiis lætari pius spectator si-  
 bi videretur. Mirabatur ille prætereâ  
 rubentem circulum singulorum guttu-  
 ra cingentem, quâ nempe tyrannorum  
 enses transierant: sed & palmas coro-  
 nâsque, commune omnium victorum  
 suum sibi pæana canentium decus. At  
 vos nobili musicâ ad finem perductâ,  
 æterno Festum júbilo acturi, corpo-  
 ris exuvias terræ, cœlo animas trans-  
 scripsistis. *Utinam arido pectori meo illa-* *Devo-*  
*beretur unica scintilla devotionis, quâ vos* *tio in*  
*sub prodigiosa psalmodia arsisistis! neque e-* *oratio-*  
*nim ad Deum ascendis, nisi accensum ora-* *ne*  
*tionis thymiama.*


*Post*  
*marty-*  
*rium*  
*Vespe-*  
*ras ca-*  
*nunt.*

S. B. E. R.



S. BERNARDUS, de dil. Deo. c. 12.

Tria genera laudantium Deum. *Est, qui confitetur Domino, quoniam potens est: & est, qui confitetur Dño, quoniam sibi bonus est: & item, qui confitetur, quoniam simpliciter bonus est. Primus servus est, & timet sibi: secundus mercenarius est, & cupit sibi: tertius filius est, & defert Patri. Itaq; & qui timet, & qui cupit, utriq; pro se agunt: sola, quæ in filio est, charitas non querit, quæ sua sunt.*



15. Augusti. 18. Cal. Septemb.

Festum Assumptionis Mariæ *A*ugustissima cœli terrarumque Imperatrix M A R I A : quæ hodierna die sideribus invexisti triumphum, ad cuius pompam tota æternitas conquistavit ornatum. Eburneo Virginitatis curru sublimis fœcunditas, ad cœleste Capitolium ferebatur, solium occupatura, quod solo DEO esset inferius. nec tantum sub pedibus tuis fulgebat cum sole luna, sed orbis universus tuo partu redemptus, Liberatrici suæ applaudebatur. Jubilabat cœlum, desertorum spirituum ruinas ex tuis spoliis restauraturum. Solum fremebat contritum Virgineo



Virgineo calcaneo Serpentis caput, totas animarum myriades è suis per te faucibus eruendas, velut perpetuam triumpho appendicem, videns, & frustra invidens. Ad universalem hunc *quod* orbis Christiani jubulum suam quoque *singu-* symbolam jure meritissimo confert S. *lari de-* Ordo Cisterciensis, innumeris benefi- *vorione* ciorum donis tibi devinctus. Utpote *cele-* quæ in Fundatore Roberto per annu- *brat* lum prægnanti ejus matri porrectum, Ordo inviolabili amoris fœdere, nondum *Cister-* natum Cistercium tibi copulavisti. A *ciensis* te candidam vestem Albericus, cingulum Stephanus, chirothecam Amædeus, Gualterus Birbachius auream Cru- *ob in-* cem, Fastradus Gen. VII. Immaculati *gentes* Uteri tui partum ad amplexus & oscu- *favores* la suscepit. Omnem excedunt nume- *ab ea* rum gloriosæ apparitiones, quibus jam *acce-* visa es adesse moribundis, jam meten- *ptos.* tium sudores detergere: alios ad suscipiendum Ordinem invitare promissis, alios ne illi nocerent, minis & suppliciiis abstergere: aliàs habitu Cisterciensi ornata juvare orantes, aut suggerere precum formulas, quibus coli delectareris. Quin etiam plures in intima cœli adyta deducere dignata es, ibique ostendere, quo gratiæ loco apud te sint tui clientes. Hunc ipsum favorem experiri



## 142 ANNI CISTERCIENS.

*Contigit  
hæc ap-  
paritio  
circa  
annum  
1215.*

*Sub  
pallio  
Mariæ  
Cister-  
cienses  
in cælo  
cernun-  
tur.*

periri meruit felix ille Conversus, to-  
ta mentis devotione tibi addictus. Is  
cùm aliquando spe obtinendæ coele-  
stis patriæ inter orandum solito magis  
incaluisse; subito raptu se vidit in me-  
dio supernæ civitatis consistere. Ubi  
oculos per omnia Beatorum subsellia  
circumferenti, summus in tanta læti-  
tia dolor occurrit, quòd nullum de fa-  
milia Cisterciensi in illo felicitatis lo-  
co deprehenderet. Itaque ad sanctissi-  
mos pedes tuos provolutus, anxie de  
hac absentia questus est. Quem tu in-  
speratâ mox lætitia perfudisti, expli-  
cato per spatium immensum pallio,  
sub cuius alis exultantes utriusq; sexus  
catervas incredibili gaudio aspexit, ac  
sibi redditus, Abbati suo recensuit. Ut  
tam exquisitæ benevolentia gratum  
tibi animum S. Ordo exhibeat, quot-  
quot ab origine sua erexit Basilicas,  
sub invocatione gloriosissimi nominis  
tui voluit esse sacratas, suspensa ubiq;  
in Ara primaria, hodierni triumpho ef-  
figie. Sed ut hæc antiquissimæ pieta-  
tis monumenta sileant, Matrem te Ci-  
sterciensium esse, tuo te Lacte convin-  
cet vel solus BERNARDUS, hæte-  
nus præter Æterni Patris tuumque U-  
nigenitum, Uberis Virginei collacta-  
neum nullum agnoscens. Cujus mel-  
lissimis



litissimis verbis (utinam non nimis impari devotionis affectu!) te nunc alloqui, & humili confidentiâ rogare præsumo: *Ut per te accessum habeamus ad filium, ô benedicta inventrix gratiæ, genitrix vitæ, mater salvis: ut per te nos suscipiat, qui per te datus est nobis...* Fac, ô benedicta, per gratiam, quam invenisti; per prærogativam, quam meruisti; per misericordiam, quam peperisti: ut qui te mediante fieri dignatus est particeps infirmitatis & miseriæ nostræ, te quoque intercedente participes nos faciat gloriæ & beatitudinis suæ, *Jesus Christus Filius tuus, Dominus noster, qui est super omnia Deus benedictus in sæcula.* [serm. 2. de Adv.]

B. M A R I A, monialis S. Clementis in Hispania, ætate quidem juvenis, sed virtutum maturitate provecta, quæ cum pridie hujus festi graviter ægrotares, ardentibus suspiriis Matrem misericordiæ rogavisti; ut ipsâ horâ, quâ gloriæ quondam suæ thronum conscenderit, te ex carnis ergastulo evocaret. Non solùm annuit pio desiderio Virgo clementissima; sed sub primum auroræ diluculum, comitante beatarum Virginum choro, spectabilis adfuit, & lætantem animam secum in cœlos eduxit. *Omniium gratiarum fontem esse Mariam, à cœlesti nuncio docemur, qui illam*

Affectu  
devoti-  
onis  
plena  
oratio  
ad MA-  
RIAM.

Obiit  
circa  
annum  
1600.



144 ANNI CISTERCIENS.

qui illam Graviâ plenam salutavit. Sed una hæc feliciter moriendi gratia reliquas omnes superat. Hanc tu mihi impetra.

Floruit circa annum 1217. B. CONRADE, Converse Heisterbacensis: qui in simplicitate cordis fideliter DEO serviens, occultas aliorum cogitationes sæpe per revelationem ad proximi salutem cognovisti: atque inter alia, ut sub obsequio divino pigri discerent somnum excutere, dæmonem vidisti instar serpentis in humero eiusmodi endymionis haud rarò quiescentem. Cùm autem te solitarium aliquando gravis infirmitas obruisset, deficiente ope humana, de animæ salute anxius, Christum Crucifixum consolatorem habuisti: qui etiam te monuit; in subitis periculis totam spem in sanctissima ejus Passione securè reponere. Morti tandem vicinus, quòdam te illa vocet, Angelorum cantus edocuit. *Doce & me in usu promptèque habere istam fiduciam: quam nempe pariet frequens, & pia Passionis Dominicæ meditatio.*

S. BERNARDUS, s. 2. in Cena Dñi. *Habeamus eorum, quæ contemptibilia Christo sunt illata, continuam, & indefinentem memoriam: non utiq; otiosam, non tepidam, non torpentem: sed compassionis*



*compassionis ardore super omnia plurimum delectantem, & imitationis privilegio omnia impetrantem. Unde Propheta: Delectare in Domino, inquit, ut speretâ mundi omnium vitiorum jucunditate, suavior ejus recordatio sit: & dabit tibi petitiones cordis tui, non carnis.*



16. Augusti. 17. Cal. Septemb.

**B. BONIFACI** Clarævallis Conventus. Floruit se: qui geminum mihi virtutis imitandæ speculum exhibes: Obedientiæ alterum; quam in rebus etiam levissimis deliberatè transgredi, reputabas inter delicta gravissima: alterum puritatis; quam in animo & corpore te ingerrimam conservâsse testati sunt cœlestes Genii, qui tibi ex hac vita migraturo in magno numero & splendore spectabiles aderant. *Quàm longè aliter multa agerem, si Angeli mei præsentiam, quæ nullo momento me deserit, mente semper revolverem!*

**B. ATHANASI** de Villa Gomez, Obijt monasterii Nucalensis monache: qui anno per insolitam in morte lætitiâ, con-

Gg


scientiæ



*Odor suavis et tumulo exit.* scientiæ tuæ puritatem fecisti manifestam. Aliquot deinde post obitum annis tua apud DEUM merita declaravit peregrinæ suavitatis odor, non ex Arabia nempe, sed Patria felice, missus, qui de sepulchro tuo egrediens, totum coenobium implevit. Hortus, in quo flores odoriferi, cæloq; gratissimi nascuntur, est cor humanum. Areolam hanc meam tibi committo; insere talia germina, quæ acceptum Deo & hominibus odorem spargant.

S. BERNARDUS, de dil. Deo. c. 3.

*Quinã odores Sponso celesti placeãt* Gaudet sponsus celestis talibus odoramentis, & cordis thalamum frequenter libentèq; ingreditur, quod ejusmodi refertum fructibus, floribusq; respersum invenerit: ubi suæ videlicet aut Passionis gratiam, aut Resurrectionis gloriam, sedula inspicit cogitatione versari.



17. Augusti. 16. Cal. Septemb.

*Floruit anno 1222.* B. ADOLPHE: qui triplicem performavit: nam in hujus mundi theatro sustinuit; sed gradatim semper meliorem. Prima fuit Canonici majoris Ecclesiæ Colonien-



Coloniensis; vel ideo bene acta, quia pericula lapsus prævidendo cavisti. Eam verò personam ut exueres, te persuasit monachorum in Campo MARRIÆ semel duntaxat inspecta disciplinæ regularis observantia: quæ tibi præmundi deliciis adeò repentè placuit; ut eâdem mox horâ monachum indueris. Ultimam vitæ scenam in cathedra Ecclesiæ Osnaburgensis absolvisti, ad eam dignitatem generis & virtutum nobilitate provectus. Solenne illud, *Actum bene*, felicius, quàm suis olim Roma histrionibus, cœlites acclamârunt, postquam mors consueto epilogo finivit comœdiam. *Suam cuique personam Deus imponit. Felix, qui illam sic agit, ut vitæ hujus brevissima fabula transeat ad lætam, non tragicam æternitatem*

*Pio monacho-  
rû exē-  
plo con-  
versus.*

B. LUDO, Converse Hemmenroden-  
densis, unam eandemque ob causam anno  
DEO & hominibus chare, ac dæmoni-  
bus formidabilis, ob animi nempe &  
corporis incorruptam puritatem. Tu-  
um in spiritus malignos dominium  
magno suo bono expertus est infirmus  
quidam, te præsentem, animam agens.  
Videbas enim circa illum volitantes  
corvos, & alia monstra, vel solo colo-  
re fatiis terrificis. Sed in Herculem ni-

*Floruit*

*anno*

*1200.*

*Dæmo-*

*nes vi-*

*det, &*


*fugas.*



mirum inciderant, prædæ, cui inhiaverant, vacua à te relegata ad suas tenebras. *Callidissimo cum hoste confligendum est homini cæco & infirmo. Impar ulli, qui negat victoriam, ut negetur consensus. Quàm facilia sunt hæc arma! quàm horribilis pœna manet, jugum turpissimæ servitutis spontaneâ prorsus insaniam amplectentem!*

S. BERNARDUS, ser. 3. in XL.

In tentatione recurrendū est ad DEUM. *Qui sumus nos, aut quæ fortitudo nostra, ut tam multis tentationibus resistere valeamus? Hoc erat certè, quod querebat Deus: ut videntes defectum nostrum, & quòd non est nobis auxilium aliud, ad ejus misericordiam tota humilitate curramus.*



18. Augusti. 5. Cal. Septemb.

Passus anno 1572. **B. CORNELI**, monache S. Salvatoris Antuerpiensis: qui illinc in Zelandiam missus, monasterio in urbe Zirikzea sito, titulo Prioris per aliquot annos laudabiliter præfuit. Cùm autem deploranda illa Fidei orthodoxæ everfio majorem Belgii partem depopularetur, desertorum impio furore etiam



etiam in te sæviente, invictò animo contumelias, vulnera, & ipsam deniq; mortem gloriosus Martyr toleravisti. Satiùs *Parem mihi fortitudinem à Deo impetra* est pati *contra hæresum caput, malignum demo* quàm *nem, ut promptior sim ad ferenda marty-* peccare *rum tormenta, quàm admittendas vel se-* mel illius suggestiones.

B. ADAM, Morinensis Episcopo: *Clavũ* quam Ecclesiam cùm sedecim annos *dimisit* gubernasses, gloriosius in illa die ma- *anno* gna te sub cuculla, quàm tiarâ, ad VI-1229. tam rediturum ratus, filiorum BERNARDI numerum in Claravalle primùm, dein in cœlo auxisti. *Ita nimirum est: resurrectionis gloriam hujus vite laboribus mercamur. Ibi demum apparebit, quanta vanitas fuerit, carnis illecebras perditè amavisse.*

S. BERNARDUS, ser. 6. de Adv.

*Si Christi membra volumus inveniri,* Corp-  
*sequendum est sinè dubio Caput no-* ris cura  
*strum: ut videlicet prima nobis repa-* aliò re-  
*randarum sit sollicitudo animarum:* fervan-  
*corporis verò curam illi tempori re-* da.  
*servemus, & differamus in illum di-*  
*em, quo reformandi corporis gratiâ est*  
*venturus.*





19. Augusti. 14. Cal. Septemb.

Cōtigit  
anno  
1538.

**S** THOMA, Cantuariensis Archie-  
piscopo: quem Henricus II. Angliæ  
Rex diu exagitatū, tandem per fa-  
tellites suos anno 1170. ad Martyrii  
palmam promovit: hac verò die post  
368. annos Henricus VIII. monstrum  
illud impietatis, dum publico edicto  
sacras tui corporis exuvias è sepulchro,  
innumeris miraculis glorioso, extrahi,  
& in cineres redigi jussit, geminavit  
coronam. Ridebas nempe stultissi-  
mam tyranni insaniam, his flammis  
novos tibi splendores addentem, sibi  
interea struentem rogam, quo scele-  
stos furores æterno ardore luet, nun-  
quam eluet. *Ad cineres tuos ego me sisto  
supplicem, rogans, ut animi tui adjutus  
robore, de duplici hoste anima, mundo &  
demone, duplici laureâ ornatus moriar.*

Floruit  
anno  
1150.

**B. GUERRICE**, Abbas Igniacensis:  
quem admirabilis ille Piscator homi-  
num **BERNARDUS** in captura Leo-  
diensi, inter alios plusquàm triginta,  
genere & doctrina claros, Tornaco ad  
Claramvallem adduxit, effigiem in te  
suam vivis coloribus expressurus. Et  
ne perita artificis manus erraret, pri-  
ma lineamenta coelum duxit, Angelis  
sub nocturna



sub nocturna psalmodia ad lectionem eunti tibi candidam vestem induere visis. Octavo post probationem anno te sanctus Parens monasterio Ignia-  
 eenfi, Filiaë sibi præ cæteris dilectæ, de-  
 dit Patrem familias. Hic inter se gravi  
 duello certabant honor, & animi de-  
 missio; cum tu opere & sermone refer-  
 res Præsulem omnibus numeris abso-  
 lutum, ac vicissim humilitas se tali of-  
 ficio reputaret inidoneam: neque pa-  
 teretur, ut inter penè continuos mor-  
 borum cruciatus aliquid de consueto  
 Ordinis rigore, aut exhortationum la-  
 bore remitteres. Quas tanta styli sua-  
 vitate profundebas; ut postmodum  
 melliflui Doctoris permixtæ sermoni-  
 bus, pro iisdem habitæ fuerint, donec  
 filiorum tuorum opportuna sedulitas  
 genuinum auctorem prodiderit. Id-  
 ipsum autem impeditum ibat humili-  
 tas. Morti enim proximus, cum excus-  
 sis omnibus conscientiaë angulis, nihil  
 deprehenderes, quod te gravaret, nisi  
 declamatos à te sermones absq; facul-  
 tate Superiorum Ordinis, publici juris  
 factos: codicem illum afferri, & ignis  
 pabulum esse iussisti. Phœnicem fuisse  
 illa tua scripta dixerim: quæ nempe  
 è suis cineribus, anticipatâ transcripti-  
 on e redempta, modò per omnium pi-

*Veste  
candida  
ab An-  
gelo in-  
duitur.*

*Ejus  
humili-  
tatis:*

*doctri-  
na:*

*priori-  
tas cō-  
sciētiæ.*



Innocē-  
tia ra-  
ra.

Discuf-  
fio con-  
f. e. i. x.

etatis & doctrinæ amantium ora cir-  
cumvolant. Testes post obitum tu-  
um fuere, qui omnia cordis tui arcana  
pernoverant, vix potuisse te innocen-  
torem mori, si te primum à suscepto  
sacro Baptismate momentum rapuif-  
set. Quoties heu! defleo miseræ conscien-  
tiæ meæ densissimam noctem, & clamo ad  
Dominum, ut illuminet tenebras meas!  
Tu me in hac obscura sylva cespitantem  
adjuva; præfer cacuiienti divinæ gratiæ  
lumen, quo peccata mea verè agnoscam,  
agnita dignè castigem; neque discussionem  
hanc differam in illam diem magnam, &  
amaram valde, quando omnia cordis ab-  
scandida cum horribili confusione profe-  
rentur in lucem.

S. BERNARDUS, ser. 3. de Adv.

Confel-  
fio im-  
petrat  
Justifi-  
catio-  
nem

Nihil, quod in se est, Deus à nobis  
exigit amplius; tantum dicamus ini-  
quitates nostras, & justificabit nos  
gratis, ut gratia commendetur. Di-  
ligit enim animam, quæ in conspectu  
ejus & sinè intermissione confidat,  
& sinè dissimulatione dijudicat se-  
metipsam.



20. Augusti





20. Augusti. 13. Cal. Septemb.

Felicibus Patriæ supernæ civibus, ac  
flentibus exilium suum mortalibus,  
dulcissimum & venerabile nomen,

**B E R N A R D E:**

Cujus hodierna die gloriosam in cœ-  
los assumptionem totus Christianus *Obijt*  
Orbis, sed præcipua pietate filii tui re- *anno*  
colunt. Ad quam pro merito tuo, & *1153.*  
voto meo dignis celebrandam præ-  
coniis, vel tuâ, vel Angelicâ linguâ o-  
pus haberem: sed quia neutrius copiam  
sperare, nec tacere licet; suscipe, quod  
ad sanctissima vestigia tua humiliter  
adrepens amoris affectus impolito sty-  
lo profundet. In recensendis elogiis  
tuæ sanctitatis, sequar insignem cultor-  
em tuum, [a] qui magno scriptorum [a] *Ja.*  
tuorum Operi hoc laudis tuæ compen- *Merlo*  
dium præfixit, per hoc festivæ solen- *Horst.*  
nitatis octiduum materiam piæ medi-  
tationis mihi præbiturum. Is itaq; no-  
tissimo, etsi non summo honoris titu-  
lo in primis te salutat

**S. R. E. DOCTOREM  
EXIMIUM, MELLIFLUUM,  
THEODIDACTUM.**

Egregii, id est, supra alios eximii Do-  
ctoris



ctoris prærogativam tibi assignavit  
Innocentius III. dum formulam Orati-  
onis inter publica sacra dicendæ dicta-

[b] año 1201. vit [b] Mellifluum te esse nemo nega-  
vit hæctenus, nisi plusquam avernali

felle corruptus. Theodidactum clama-  
bunt quercus & fagi, si homines ob-  
mutescant: sub quarum umbra cœle-  
stem eloquentiæ rorem hausisti. Non

[c] año etat. II. enim plus temporis, quàm paucos pu-  
eritiæ annos, jubente piissima Matre,  
in addiscendis linguæ latinæ elemen-  
tis, consumpsisti. [c] In quo studio

ferenissimi ingenii lumen tam felices  
radios concepit; ut divinam facun-  
diam tuam, æquali ubique alveo fluen-  
tem, admirentur omnes, imitari co-  
nentur multi, assequatur nemo. Soli-  
citaverat animum tuum primis in Ab-  
batiali munere annis non levis anxie-  
tas, ne novellum gregem, minùs ido-  
neo Verbi divini pabulo nutrires. At

*Docere* sustulit hunc timorem Sapiencia DE I  
*jubetur* Incarnata: quæ sub forma speciosissi-  
*à Chri-* mi pueri te alloquens, securum fecit;  
*sto.* placere divinæ majestati labores tuos,

eósq; fructum uberrimum germina-  
tuos. Confidentiùs inde stylum du-  
cens, primum ex foecundissimo inge-  
nio partum emisisti, Explanationem  
Legationis Angelicæ, qua *Missus est ad*

MARIAM



MARIAM Redemptionis humanæ  
 Nuncius: qui in tua dissertatione vix  
 suomet ore meliùs Oratoris personam  
 egisset. Cùm de *Deo diligendo* loqueris,  
 tot faces spargis, quot verba. Eugeni-  
 um tuum *Considerare* docens, Magistri  
 Pontificum Pileo te coronas. Dum Mi-  
 lites Templi alloqueris, belli ducem:  
 dum adhortaris Episcopos, Prælatos,  
 Clericos, Monachos; omnium te pro-  
 bas *Mytagogum*. De *Gratia & libero*  
*Arbitrio* scribens, novo Manichæo (*Cal-*  
*vino*) novum opponis *Augustinum*. In  
 enucleandis Scripturis, adæquas eru-  
 ditionem *Hieronymi*: in Sermonibus  
 panegyricis, exscribis suavitatem *Am-*  
*brosii*; gravitatem utriusque *Gregorij*:  
 ascendis ad majestatem Magni *Leonis*;  
 profundis aurea *Chrysostomi flumina*.  
 Doctor Angelicus *Thomas* palmam ul-  
 trò concessit, cùm sacri Epithalamii  
 tui telam rogaretur pertexere; fassus,  
 neminem, nisi tuo spiritu viventem,  
 dignè in styli tui labores successurum.  
 Etiam ego aliquid de tuo spiritu, O Doctor  
 optime, desidero; non quo doceam, sed que  
 tam dulci facundia doces, & sanctissimo  
 exemplo confirmas, opere complere discam.  
 Securius certè moriar, si aureos Humili-  
 tatis gradus frequentius, quam Maronis  
 carmina scandam.

Præter  
 Episto-  
 las, &  
 Sermo-  
 nes per  
 annum  
 extant  
 ejus in-  
 dubia  
 Opera  
 XVI.

Omnium  
 Docto-  
 rum  
 dotes in  
 se unum  
 collegit

Quid  
 ab hoc  
 Docto-  
 re dis-  
 cendū?



*Obijt* B. HUGO, Monasterii Tennenba-  
*anno* censis, aliàs de Porta coeli monache:  
 1264. qui proclivem in vitia indolem lubri-  
*Mores* Ducis de Zeringen adeò corrupisti; ut  
*in aula* præcipiti cursu in interitum ruiſſes, nã  
*corrũ-* ſuperi frenum injeciffent. Initium ſa-  
*pit.* lutaris remedii morbus fuit: quo pro-  
*Terre-* ſtratus, ultimam in ſingula momenta  
*tur vi-* horam expectabas. Cùm ſubitò ſtabu-  
*ſone:* lum, in quo jacebas, impletur dæmo-  
*panite:* num ſpectris, vespertilionum more te-  
 eto & parieti adhærentibus. Tanti ter-  
 roris cauſam non malè ad peccata tua  
 referens, eadem intenſiſſimo cordis  
 dolore deteſtari cœpiſti, ac ſimul ad  
 cœlites emittere gemitus, lacrymas, &  
 ampliffima promiſſa vitæ melioris.  
*confor-* Succedit illico huic pluviæ ſerenus aër:  
*tatur,* per quem advolans Angelorum prin-  
 ceptis, monſtra infeſta ſuo fulgore ab-  
 egit. Spe ergo ſalutis indubiæ conce-  
 pta, Abbatem de Porta Cœli Conra-  
 dum accerſiſti: à quo ad monaſterium  
 lecticæ ſubſidio deportari juſſus, rece-  
 pta ſtatim ſoſpitate, Cisterciensem ha-  
 bitum obtinuisti. Hic iterum fraudi-  
 bus ſuis effecit ſpiritus nequam, ut la-  
 borum tædio ad vomitum redire jam-  
 jam cogitaveris. Sed per viſum à fra-  
 tre germano, olim defuncto, meliùs  
 ſapere



sapere didicisti. Illius quippe monita  
 tam vehementem in animo tuo pepe-  
 rerunt solitudinis amorem; ut per 55. *Amat*  
 annos in Ordine expletos ter dunta- *solitus-*  
 xat, obedientia cogente, monasterii *dinem.*  
 septa fueris egressus. Jamque Sacerdo-  
 tio marurus (inferiores enim Ordines  
 ante ingressum receperas) repentino *Prodi-*  
 timore correptus es, apparente in ma- *gio præ-*  
 nu tua litera S, quam tristis vates Se- *eñte fit*  
 pulchrum interpretabaris. Quidam ve- *Sacer-*  
 rò pius senex eo anno te Sacerdotis of- *dos:*  
 ficio sanctè functurum prædixit. Cujus  
 vaticinii veritatem tua pietas compro-  
 bavit; dum sacrosancta mysteria mo- *Piè ce-*  
 rosè quotidie & amorosè tractabas: *lebrat*  
 quod totius corporis compositio, & *sacrum*  
 lacrymæ prodebant. Singulis præte-  
 reà diebus horario orationum penso  
 psalmos omnes Regii Cantoris adjun-  
 xisti. Pari pietatis fervore communem *Se dirè*  
 Ordinis rigorem augebas spontaneis *affligit.*  
 cruciatibus; ferreum catenæ cingulum  
 non antè deponens, quàm rubigine  
 exesum, ultrò à carne fuerit avulsum.  
 In cujus tamen doloris vicem à DEO *Morbū*  
 impetravisti afflictionem magis acer- *è Deo*  
 bam ex continuo renum morbo pro- *perit.*  
 venientem: cui etiam deniq, fuisti im-  
 mortuus. Accessit ad patientiæ am-  
 pliorem materiam perpetua, etiam in



*Cœlestium visionum solatijs gaudet*  
 morbis, à vino, & carniùm esu abstinentia. His virtutum insigniis longa consuetudine firmatis, frequentia meruisti de cœlo tolantia. More solito noctem festo Pentecostes præviã orando in Ecclesia transigebas: sub cujus medium vidisti Servatorem nostrum in Aram descendere, & per ordinem monachos, conversosque omnes Tenenbacenses suomet sanctissimo Corpore cibare: jubere deinde, ut ab Angelo cunctorum nomina libro vitæ inscribantur. Inter hæc autem de cujusdam fratris, non satis in opere divino seduli, salute dubitanti, rursus Christus etiam illius electionem promisit.

*Emendatione*  
 Alterius in sectanda perfectione socordiam jucunda apparitione Regina cœlitum manifestavit: quam conspexisti sedentibus ad frugalem mensam fratribus insulsum cætera cibum, infuso cœlesti nectare, dulcorare, uno solum conviva omisso. Eadem die cum singuli post decantatum *Salve Regina* ad aquę lustralis aspersionem accederent, se denuo videndam exhibuit, omnes, præter unicum, sacro illo rore perfundens. Ex quo tristi omine non parum anxius, non desisti monitis animum illius, & precibus cœlum fatigare; donec utraque visione redeunte, tam in templo

*Eñ, & alios B. V. aqua lustrati aspergit.*

templo



templo quàm mensa spectavisti communis favoris participem. Dum vires *Obli-*  
per ætatem adhuc essent validæ, te ad *berali-*  
œconomix labores, ob vitæ morumq; *tatem*  
perspectam integritatem idoneum an- *in ege-*  
te alios, Abbas Pistrinæ præfecit: po- *nos offi-*  
tius dixerim, egenis dispensatorem li- *cio pri-*  
beralissimum dedisse. In eos enim tua *vatur:*  
charitas tam prodiga fuit; ut Abbas  
te, velut stupidum dissipatorem (per  
injuriam instigante invidia) amove-  
rit. Sed tum denuum facti eum pœni- *mox re-*  
tuit, postquam sub avara aliorum ma- *stitu-*  
nu supra consuetum horrea doluit ex- *itur.*  
hauriri, quæ tua scilicet prodigalitate  
ditaveras. Eo tempore ad fruges agri  
visendas exire jussus, fronti primùm *Equus*  
tuæ signum Crucis impressisti: eodem *renuēs*  
deinde & equum muniturus, sed tur- *signū \**  
bulenta agitatione rennentem, cursui *corrui-*  
suo permisisti: qui revertentem te subi-  
to lapsu, innoxio tamen, destituēs, e-  
marcuit. Jam octogesimum tertium  
ætatis annum numerabas: cùm sub o-  
nere tam gravi fatiscentes artus, præ-  
foribus mortem esse ostendebant. In  
ipso igitur sanctissimi Patris BERNAR- *Mortis*  
DI solenni festo, postquam inter solito *horam*  
ardentiora suspiria Sacrum in aurora *præno-*  
dixeras, paulò ante meridiem petiisti *scit.*  
à stupentibus, ut exitum tuum S. Oleo  
munite



munire festinarent. Vix ad finem per-  
ductis cæremoniis ac precibus, facies  
tua mutari, & instar faculæ ardere cœ-  
pit, te ultima hæc verba proferente:  
*SS. Trinitas, tuum famulum in angustijs  
positum ne derelinquas.* Sub quibus pia  
anima in cœlum evolavit: ibi autem  
te felicem lætari, variæ de tua gloria  
revelationes, & facta ad tumulum mi-  
racula testantur. *Claudant, te opitulante,  
etiam meæ viæ epilogum hæc verba: Et  
ut confidenter illa eloquar, impetra mihi  
sincerum tuum de peccatis meis dolorem,  
veram ad Deum conversionem, Et in bono  
perseverantiam.*

Obijt  
anno  
1260.

Amat  
S. Ber-  
nardū:

Et B.V.

Et ege-  
nos.

B. PETRE Pot, felix ac celebris a-  
more in mellissimum BERNARDUM:  
qui nimirum ejus solenni festo vitam,  
nuptiale scædus, fundationem mona-  
sterii S. Salvatoris Antuerpiæ, suscep-  
tionem habitûs Cisterciensis, ac deniq;  
longum æternitatis iter es auspicatus.  
Alterum horoscopi tui fortunatissi-  
mum sidus Virgo fuit Deipara: cujus  
pulchritudinem, qua nunc cœlos glo-  
riosa illustrat, sæpe inter orandum in-  
tueri meruisti. Te porrò sidus propi-  
tium ac prodigiosum experti sunt pau-  
peres: quibus ut pro piissimo commi-  
serationis affectu succurrere posses; fru-  
mentum sub manibus erogantis au-  
gebatur.



gebatur. Non minimum est inter felicitatis humanæ vota, stemma perenni heredum successione, quasi immortalitate quadam donare. Hac tu gemina gloriaris. Quamdiu enim stabit Cistercium, plena erit sacra Domus à te erecta filiis BERNARDI, qui te alterum ab eo Patrem celebrabunt. Honoris deinde pars non inferior est; quòd in hodiernum usque diem superstites sint plurimi, Principum, Ducum, Marchionum, Comitum titulis clari, qui suæ stirpis originem à te se accepisse fatentur. *Felix erat sub illustri hoc sidere, Bernardo, ortus tuus, felicior vita, finis felicissimus. Utinam tam beatus essem & ego, ut veluti vitæ meæ horizontem sub eodem sidere constitui, ita in ultimæ lucis caliginæ propitiis ille splendor mihi illucescat.*

Duplex  
glorio-  
sa poste-  
ritas.

S. Bern-  
nardi  
patro-  
cinium


S. BERNARDUS, s. 3. de SS. Pet. & c.

*Studeamus, fratres, vivere vitâ justorum; sed morte eorum mori multò magis desideremus. Sapientia enim justorum novissima præfert; ibi nos iudicās, ubi nos invenerit. Omnino necesse est, vitæ præsentis finem futura coherere principio; nec ibi tolerabilis dissimilitudo est.*

Ex fine  
hujus  
vitæ pē-  
det ini-  
tium  
futuræ.

21. Augusti.





21. Augusti. 12. Cal. Septemb.

Alterâ hâc die te, Pater sanctissime, venerabor ut

MARIÆ DEIPARÆ  
CLIENTEM INTIMUM.

*vide 13. Maij.* SI lingua mea illo Lacte maderet, quo te M A R I A, Matrem se monstratura potavit, altius aliquid Cliente proferret. Sed magnæ Matris oraculo standum est. Cùm enim Spiræ ad salutationem piissimam, *Salve Regina*, à te (ut multi non dubitant) inventam, devotam illam clausulam addidisses: *O Clemens, ó pia, ó dulcis virgo Maria*: ex ejusdem Icone, audiente omni populo, dulcis echo insonuit, *Salve Bernarde*. Filium te appellâssêt, nisi Ubera Virginea, & Materni cordis amorem, tam Unigenito suo, quàm clientibus vellet esse communia. Quale autem nomen inveniam summæ dignationi, quâ Virgo sacratissima totius universi pretium, & unicas delicias suas, in sinu tuo dissuaviandas non semel tantùm reposuit? Porrò si quis amoris istius argumenta clariora desiderat; scriptorum tuorum mella degustet: ex quibus nisi cor suum sentiat in  
amorem

anno  
1146.



amorem MARIÆ liquefcere, definat  
 credere, fe effe hominem. Transfiliat  
 tamen ftudiofus lector lamentabilem  
 MARIÆ Lamentationem: quisquis  
 enim mellifluum nomen tuum illi ser-  
 moni præfixit, ftupiditatem potiùs fu-  
 am, quàm BERNARDUM, lectori  
 propoluit. Epiftolam deinde ad Can. Epift.  
 Lugdun. legat cum fale. Præponit illa 174.  
 Ecclefiæ iudicium (an non meritò?) im-  
 maturæ quorundam, & quid coleret  
 ignaræ devotioni: *Honor, ais, Reginae ju-  
 dicitum diligit, virgo regia falso non eget  
 honore, veris cumulata honorum titulis,  
 infulis dignitatum &c.* Execretur deni-  
 que infanum illum chamæleontem, 298 ad  
 Nicolaum (quo ad fcribendas epifto-  
 las aliquamdiu ufus fueras) conantem  
 impudenti mendacio maculam gloriæ  
 tuæ afpergere, quam nescio quis fom-  
 nians in tuo jam in cœlis beati pectore  
 re viderit, indelebile futuram suppli-  
 cium; quòd Virgineæ Matris Concep-  
 tionem non docueris ab omni macula  
 fuiſſe immunem. In barathro quæ-  
 rendæ ſunt ignominia, non in cœlo;  
 ubi à liquidiffima puritate divini lu-  
 minis abforpta omnia, unumque cum  
 DEO, maculam ferre non poſſunt, ni-  
 ſi furore impio illa fimul ſupremo Nu-  
 mini affingat. Ego te meliùs aspicio  
 febrī

vide

Bellar.

de ſcrip

tor. Ec.

v. Ep.

298 ad

Eugen.

Fabula

inſulſa

de S. B.



164 ANNI CISTERCIENS.

febri decumbentem, & Salutem infirmorum MARIAM, comitantibus SS. Benedicto, & Laurentio, porrectâ medicâ manu te à languore liberantem:

Amor  
erga B.  
V.

*Simulque per utriusq; amores rogo, ut me gravissimè languidum, illius miserationi commendes. Doce me illam tuo amore amare, quemadmodum ex Conversis tuis aliquem in fide dubium, jussisti tua fide ad S. Eucharistiam ingenti suo profectu accedere.*

Obijt  
anno  
1141.

B. HUMBELINA, unica soror & cura ultima BERNARDI: quæ post Tesselini parentis obitum nobili viro nupta, quàm virili animo germani fratres mundi vanitates calcaverant, tam foemineo tu iis inhærebas. Multa de Clarævallis sanctimonia inaudieras, sed visui hæctenus incomperta. Itaq; quantùm desiperent illi orbis exules, ex opposito demonstratura, omnem mundi muliebris fastum induta Clarævallem petiisti. At longè aliter cecidit hujus belli alea: cùm te in primis Andreas ad monasterii portam, suæ custodiæ demandatam, non jam sororem, sed stercus pretiosè involutum, & rete diaboli salutaret; sanctus Abbas ne conspectu quidem dignaretur: donec te consiliis ejus parituram non solum verbis, sed multis etiam lacrymis promisisti.

Vani-  
tati de-  
dita:

Fratres  
invisit:



promifisti. Tum denique ad te descen-  
 dens, solâ præfentiâ efficaciffimè per-  
 fuafit, quod erat fuafurus. Eum namq;  
 olim è paterna domo difcedentem vi-  
 debas elegantis formæ juvenem; tunc  
 verò penè vivum cadaver. Cùm dein  
 ille de hujus vitæ brevitæ, quam fe-  
 quitur immenfa æternitas, differeret:  
 arduam ad cœlos viam per fpinas, non  
 voluptatum rofas aperiri: ipfum DEI  
 Filium in Crucis, non plumarum le-  
 ctulo mortem elegiffe: jam ipfa opta-  
 bas exefi vultûs pallorem, quem antè  
 in germano horrueras. Matris deniq;  
 vivam ita tibi refricavit memoriam:  
 ut heroicæ illius virtutes ftatim in te  
 cum omnium admiratione reluxerint.  
 Illico abjecta veftium pompa: & au-  
 rum in hæc fuperbiæ irritamenta pro-  
 digi folitum, pauperes omne aufere-  
 bant. Tempus, quod antè lufui, jocis,  
 choræis, diu noctûque precibus, & fa-  
 cræ lectioni datum. Tam piam meta-  
 morphofin veneratus tandem & ipfe  
 maritus, ultrò te ad monafterium Ju-  
 lejum, vel ut alii vocant, Villetum di-  
 mifit: quod brevè in alteram Claram-  
 vallem convertifti; prima, quæ obser-  
 vantiam Ciftercienfem (ut vero simil-  
 limum eft) fœminis tradidit; cùm an-  
 tehac fimpliciter Divi Benedicti legi-  
 bus sub

*S. Ber-  
 nardi  
 præfen-  
 tiâ, &  
 collo-  
 quio in  
 aliam  
 mutata*

*matris  
 virtu-  
 tes imi-  
 tatur.*

*Mona-  
 fterio fe  
 inclu-  
 dit.*



*Fratri  
sancti-  
tatem  
assecu-  
ta:*

bus sub directione Molismi illæ moniales vixissent; quod ex obitu tuo manifestè conjicitur. Postquam enim per viginti annos austeritate affligendæ carnis, humillima infra omnes abjectione, assiduitate in diurnis nocturnisq; precibus, vivam fraternæ sanctitatis imaginem expressisti; imminentem ex fatali ægritudine mortem prævidens, id periculum quantocyùs intimari iussisti BERNARDO: qui promptè reliquos germanos adducens, suavissimo verborum suorum nectare fugientem animam adeò revocavit; ut securi de illius noctis periculo ad quiescendum omnes secesserint, relicto uno Petro, emerito sene Molismensi, qui cœnobio Villetano multis jam annis ad conscientiæ moderationem præerat. Sed is fortè ex vigilatis aliquot noctibus lassus, pedem cubili extulerat. Cùm attonito Angelus occurrit, monétque, ut ad te mox morituram sinè mora revertatur; se intereà etiam reliquos vocaturum. His celeriter lectulum circumstantibus, ultimum vale illis psalmi verbis dixisti: *Lætata sum in his, quæ dicta sunt mihi, in domum Domini ibimus.* Atque ut germani quoque tecum de felicitate tua lætarentur, statim BERNARDO, quantum sanctissimis illius monitis

*sanctè  
mori-  
tur.*



monitis deberes, gloriosa apparitione ostendisti. *Ita nempe certissimum est, de quo ipsemet sanctissimus Germanus, & in morte præsens Patronus tuus, gloriatur (serm. 22. de divers.) filiorum suorum animas de manibus suis ad cælum evolare liberrimas. Tu meas perfer ad illum preces, & unâ mecum obsecrâ, ne me in ultimis angustijs meis deserat.*

S. Bernardus  
moriē-  
tium  
patro-  
nus.

B. HEYDENRICE, Abbas Zede-Floruit  
lizzii in Bohemia: cujus monasterii gu-  
bernatio cùm nomen tuum effecisset *annum  
celeberrimum, à Waldsassensibus po-  
stulatus, Paternæ domui fuisti præpo-  
situs. Hoc tamen clavo non nisi per bi-  
mestre retento, ad filios reversus, ultra  
quadraginta annos in summa sanctita-  
te, & omnium bonorum incremento  
Abbatiale munus administravisti: DE-  
O scilicet, cui omnia committebas, vir-  
tutibus tuis, ut clariùs lucerent, anno-  
rum seriem æquante. Millies deceptam  
se deprehendit humana sapientia, quæ ne-  
glectâ Dei providentiâ in fabricavis à se  
consilijs confidit. Contrarium ut agam, id  
est, ut in solius Dei verè paterna dispositi-  
one quiescam, me docet*


S. BERNARDUS, ser. 5. in vig. Nat.

*Crede ergo te Deo, committe te ei, ja-  
cta in eum cogitatum tuum, & ipse te  
enutriet*

In Deū  
fiducia.



enutriet: ut fiducialiter, & fideliter dicas: Dominus sollicitus est mei: neq̄ enim hoc sapiunt homines amantes seipsos, homines scioli, & solliciti pro seipsis, curam carnis perficientes in desiderijs.



22. Augusti. II. Cal. Septemb.

*Vix  
habet  
in hoc  
genere  
sibi pa-  
rem.*

**T**ertia hac die triplicem triumphum tuum ex ter gemino hoste considerans, te, fortissime athleta **B E R N A R D E**, in primis suspicio

**TERROREM DÆMONUM.**

*Circa  
annum  
1130.*

**P**rælusisti huic in principes tenebrarum imperio quinque annorum puerulus: dum pellendo capitis dolori strygem, carmen magicum adhibituram, indignans abegisti; jam tum naturali quodam impetu superstitionem, velut serpentis antiqui foetum, execratus. Sed sponte agnovit hoc dominum malignus: ad te enim cum duæ foeminae ducerentur, ab infessoribus infernalibus liberandæ: in ipso itinere hospitium suum alter deseruit; fallus, nequicquam se tuæ potestati resistere, quem



quem olim juvenem nullis machinis de innocentia dejicere valuerit. Arma ad domandos demones, Herculeis fortiora erant res quælibet tuo contactu sacratæ. Expertus id Pontius Bellævalis Abbas, qui Stolâ, tuâ quondam in Sacrificio veste, garrulum veteratorem ad infernale spelæum religavit. Hujus prodigiosæ virtutis non ignari filii tui, capillos, & ejusmodi alia studiosè aservabant. His cùm dente in Daniam asportatis Eskylus, regni Primas, aliquot de expulso nequissimo hoste numeravit victorias. Alter in Italia Abbas turpem mimum è foemina eodem remedio proscripsit, quamvis obstinatum, & cur cedere nollet, Gozevini Generalis mandato se inter sannas excusantem, quo tibi nimis numerosa ad tumultum miracula interdixerat. Difficilior ad jussa tua fuit, qui in Mediolanensi foeminâ domicilium fixerat. Sed & is suas repetiit tenebras, postquam præsentem sub Panis sacrati forma Judicem illi suum opposuisti. Ibidem alius simulatâ fugâ, eodem die pristinae sedi dominari ausus est. Hunc Cremonæ, licèt Syrulum Bernardulumq; deterrimus sannio rideret, appensâ paucorum verborum schedulâ, in exilium relegavisti. Eundem spurcissimum canem

*Inscio,  
& ab-  
senti  
cedunt  
demo-  
nes.*

*Mira  
mali-  
gni a-  
stutia.*

*Fuga-  
tur Ev-  
chari-  
stia:*

*& sche-  
dulâ.*

H h

nem



*Accu-  
santem  
refellit.* nem Nannetis baculo prohibuisti, ne ad mulierem, inauditâ petulantia diu vexatam porrò accederet. Tot præliis subactus spiritus mendax, non veritus tamen est, te gravi morbo laborantem coram Christo Judice reum agere. At ubi te sacratissima Passionis Dominicæ arma in se vibrantem vidit: suo se silentio turpis Rhadamantus damnavit.

Si fictæ pietatis larvam exuat, truculentior ipso dæmone salutis hostis est hæresis. Quam cùm tu, invicte veritatis assertor BERNARDE, non semel contuderis, extollo te hodie ut

## HÆRETICORUM MALLEUM.

*Argu-  
rias A-  
bailar-  
di ex-  
plodit:  
  
ipsum-  
que cõ-  
vertit.* Primam in hæreses pugnam tibi obtulit Petrus Abailardus: qui cùm te ad singulare certamen coram celebri conventu subeundum Senonas vocavisset, confusâ repentè memoriâ, expertus est, quàm infeliciter præsumpserit vana sua dicacitate simplicitatem tuam obruere. Utcunque autem ad omnia sacræ potestatis fulmina immobilem, uno tandem colloquio non solùm ad palinodiam, sed etiam (quod maxime quærebas) ad meliorem vitam persuasisti: quam in monasterio Cluniacensi laudabili



laudabili exitu senex finivit. Hujus  
 discipulus, pejor magistro, Arnaldus *vide e-*  
 de Brixia, spargebat crassissimos erro- *pistolas*  
 res per Italiam: jámq; Romam con- *Bern.*  
 tra Innocentium armaverat. Queni *195. 196.*  
 tu stylo infecutus Româ primùm, de- *ubi il-*  
 inde Constantiâ exturbâsti. Sed is de- *lius vi-*  
 nuo venenatum caput erigens, factio- *ta &*  
 nibus subdolis tantùm potuit; ut po- *dogma*  
 puli Romani furiis cedere noviter ele- *descri-*  
 ctus Eugenius, & Vaticanum in Fran- *bitur.*  
 cia quærere coactus fuerit. Hic pro fi-  
 lio simul, & communi orbis Christia-  
 ni Parente arma stringens, acri graviq;  
 epistola Senatam populúmq; Roma- *epistola*  
 num eò adduxisti: ut, licèt serò, seriò *191.*  
 tamen Pontifici sese submiserit. Non-  
 dum pacata erat Italia: cùm in Gallia *Henrici*  
 Petrus Tolosanus detestabili furens in- *Tolosa.*  
 fania, parvulis sacrum Baptisma, tem- *errores*  
 plis, & Imaginibus honorem, Defun- *ppri-*  
 ctis orationes fidelium, Christi in Ev- *mit:*  
 charistia præsentiam negans, noxium  
 virus longè latéque diffudit. Cujus op-  
 primendi spem unam in te reposuere  
 probi omnes. Nec defuisti rogantibus:  
 sed Apostolico armatus zelo falsa do-  
 gmata scripto inprimis & verbo con-  
 futâsti: rudem verò plebem, imposto-  
 ris nefarii fraudibus circumventam,  
 miraculorum lumine ad agnitionem



*Trini-  
tarios  
hæret.  
expu-  
gnat.*

veritatis adduxisti. Plus aliquantum negotii facessebat Gilbertus Porretanus Episcopus: qui mortali oculo SS. Trinitatis arcanum penetrare præsumens, aliquid in DEO videre se credebat, quod non esset DEUS. Is inventis à se loquendi subtilitatibus mordicùs inhærens, post multas tandem de-certationes, in Concilio Rhemensi opinionibus suis rejectis, in gratiam rediit Eugenii Pontificis.

Agmen hostile claudant auctores, ac fautores scissurarum in Republica Christiana: utrique à te, Apostolicæ Sedis Defensor inclyte, debellati, exclamare coguntur, te fuisse

## SCHISMATICORUM FLAGELLUM.

*Anno  
1130.*

Sævissimæ tempestatis origo fuit ambitio Petri Leonis: qui post Innocentium III. aliquorum suffragiis intrusus, assumpto Anacleti nomine, per rapinas, sacrilegia, & latrocinia vendicare sibi Pontificatum conatus, totum orbem in partes distraxit. Octo annis grassata est hæc pestis: quo tempore in diversis Conciliis, ad vocis tuæ oraculum suspensis Ecclesiarum, regnorumque principibus, assertus Innocentius, in Aquitania prostratus unà cum

*usque  
ad añ.  
1138.*



nà cum instigatore suo, Gerardo Engolismensi, Dux Guilielmus: victus, te vaticinante, Lotharii Cæsaris armis Rogerius Siciliae Rex: ipse tandem inauspicatus Pontifex pavenda morte sublatus, eique succedens Victor à te victus, & ad Innocentii pedes abjectus. Nec immeritò te tunc ex Urbe egredientem plebs clamore publico Pacificatorem Orbis, Ecclesiasticae Libertatis vindicem, Patriæ Patrem, salutavit. Tot, ac sanctorum hostium gloriosissime victor, adesto & mihi venenatis undique telis exposito. Non ferent hostes mei præsentiam tuam in cælo jam triumphantis, cum adhuc mortali nemo se opposuerit, nisi vincendus.

Schisma  
an-  
tipapæ,  
laboris  
Bern.  
maxi-  
mums.

B. LAMBERTE: qui sancti germani tui, Petri Tarentasiensis consilia, & post susceptum Cisterciensem Ordinem, virtutum vestigia tam strenuè secutus es, ut Cheseriaco præpositus Abbas, sanctimonix & prodigiorum gloria clarissimus ex hac vita discesseris. Miraculis Divinae misericordix accensetur conversio peccatoris, sub diuturna male consuetudinis tabe sepulti: hoc ut in me Deus operetur, efficiat, oro, tua pro me intercessio.

B. GODEFRIDE, monache Vilarientis: qui Parthenoni Camerae MARIÆ in conscientix moderatorem deputatus 1122.

Hh3

deputatus 1122.




Angeli  
moriēti  
præsen-  
tes.

deputatus, munus illud Angelica pu-  
ritate, ac animarum fructu te admini-  
stravisse, musica cœlestis indicavit, quæ  
multorum auribus excepta est, cum tu  
spiritum exhalares. Tu *fideli custodia sa-  
crarum virginum, cœli præmia meruisti:*  
*me quoque ad seriam excita vigilantiam*  
*pro sponsa Christi, anima mea: ne hoc opus*  
*Divina elaboratum manu, & sanguine*  
*Divino reparatum, meâ culpâ intereat.*

S. BERNARDUS, ser. 48. in Cant.

Vigilā-  
dum  
temper  
inter  
tentati-  
ones.

*Donec in carne est anima, inter spi-  
nas profectò versatur: & necesse est, ut*  
*patiatur inquietudines tentationum,*  
*tribulationumq; aculeos. Quòd si li-  
lium est ipsa, juxta Sponsi verbum:*  
*videat, quàm vigilem, sollicitumque*  
*esse oporteat super custodia sui, septa*  
*undiq; spinis hinc inde aculeos inten-*  
*dentibus.*



23. Augusti. 10. Cal. Septemb.

**T**Ria iterum hodie elogia de mille-  
nis produco. Atque ut ab infimo  
incipiam, te contemplanor, utinam  
& imitaretur

HUMIL



## HUMILITATIS

IDEAM ABSOLUTISSIMAM.

Hic rursus ad scripta tua provoco. In illis enim quàm abjecta de te sentis u. *vide* bique, præsertim in epistolis, quibus *serm. de* aut peccatoris, aut contemptu aliquo *S. Ben.* aspersum vocabulum plerunque præfigere solebas. Gravissimis contume- *Epist.* liis laceffitus, tantùm abest, ut vim vi<sup>223.</sup> repelleres, quin te, quasi injuriam intulisses, reum sistens, lædentem deprecatione humillima placare studeres.

Increpantium germanorum durissima *In ad-* verba, te præsumptionis in miraculis *versis* patrandis arguentia; uti & alapam à *semper* Canonico quodam inflictam, invicta *sibi si-* mansuetudine decoxisti. Eadem im- *milis.* mota stetit; eùm ratione improspere Expeditionis in Palestinam multorum

linguæ in famam tuam proscindendam insurgerent. Parem animi firmitudinem apud te invenit Innocentius III. cùm oblitus, se suam tibi debere *vide* *Baron.* *ad añ.* *1143.* aram, acri epistola silentium tibi imposuit, ne frequentibus scriptis illum ultra fatigares. Sed clariùs demissio tua ex Infulis relucet, quas cùm Mediolanum, Genua, Lingones penè obtruderent, constanter recusasti. Denique ex prodigiorum splendore; quæ cùm



*Mira-  
culorū  
gloriā  
à se re-  
pellit.*

patrāsses innumera, & ea negare salvā  
veritate non posses, saltem scire nole-  
bas, à te esse profecta, vel aliquid ex iis  
glorię & existimationis tibi attribuē-  
dum. Ab hoc ultimo gradu ad supre-  
mum respiciens, intueor te

## SERAPHINUM AMORIS DIVINI.

*vide  
serm. 3.  
in Can.*

Nulla est in libris tuis pagina, quæ  
cœlestem hunc non spiret calorem.  
Quàm ardentes gemitus ex imo pecto-  
re eructas, quando Salomonicum il-  
lud paramantium in theatrum pro-  
ducens, sublimi dissertatione modò  
sponsi, modò sponsæ personam agis?  
Quot frigida corda etiamnum ignis  
hic tuus adurit, cùm *Jesū dulcis memo-  
ria* suavissimo Jubilo tuo refricatur?  
Hic ipse ignis aliquando erupit, dum  
canticum Ambrosianum in matutinis  
precibus decantares: tunc enim lucu-  
lentam flammam ex ore tuo egreden-  
tem Claravallenses filii tui spectavêre.  
Quis autem ille amoris æstus fuerit,  
cui in pabulum sese de Crucis arbore  
demisit, brachiis te constringens Fons  
Amoris, Patiens JESUS? Verùm non  
soli tibi ardebas, totus penè Orbis in-  
cendii hujus ardore incaluit. Hęc flam-  
ma germanos tuos cum triginta sociis  
deduxit

*Ex ore  
cātātis  
ignis e-  
gredi  
visus.*



deduxit Cistercium: hæc sub cerevisia illa famosa latuit, quam nobilium juvenum cohors, cum admiratione subitæ mutationis, bibebat: hæc rete & hamus fuit in tuis per Franciam, Belgium, & Germaniam Capturis: hæc vincula solvit Constantini, verè à te, si quisquam alius, Conversi, dum ad infame lignum duceretur: hæc post tertiam apostasiam desperatum alium Conversum cœlo asseruit: hæc Humbelinam sororem ex vanissima effecit sanctissimam: hæc frumenti acervos prodigiosè auxit, ne pauperes esurire videres: hæc extinctam fame mulierem vitæ restituit: hæc irruentem imbrem in duas partes divisum, jussit intactis egenis, stipem expectantibus, ex utroque latere delabi: hæc ad recuperandam Terram sanctam Martiali spiritu accendit Reges, Principes, summos, infimos. Quidquid denique beneficiorum à te acceperunt, inprimis Ecclesia universa, quam non semel sub gravis persecutionis turbine laborantem sustentasti solus: injustè oppressi, quorum communis eras ubique patronus: morbis animi corporisve afflicti, quos, exeunte de te divina virtute, sanabas omnes: hæc omnia ex purissimo charitatis tuæ fonte manarunt. Ab

*In lucrandis  
Christo  
animabus  
mirabilis  
artifex*

*in pauperes,*

*peres,*

*Et undecimque  
afflictos  
suum bene-  
ficus.*

Hæc

amore



*In Bul-  
la Ca-  
noniz.*

amore ad odium transeo, quo te ipsum  
adeò persecutus es, ut Alexander III.  
affirmare non dubitaverit, te in coelis  
esse

## MARTYRII

## LAUREA CORONATUM.

*Prodi-  
gium  
ingens  
fuit, in  
tanto  
rigore  
vitam  
durasse*

Si sanguinis effusione æstimandum est  
Martyrii meritum; testes adduco fla-  
gella, & longo cuspidum ordine grave  
cingulum, quibus jam tyro teneram  
indolem tam inclementer affixisti; ut  
in vultu tuo, cætera amabilissimo, tri-  
stia severitatis tuæ vestigia deprehen-  
dens Guilielmus, Catalauni Episcopus,  
cùm te Abbatem inagurasset, supplex  
à Patribus Ordinis annalem in te po-  
testatem impetraverit; sed quæ contra  
pii Præsulis votum tibi duplicavit do-  
lores. Nam casæ extra monasterii mu-  
ros constructæ impositum barbaro cu-  
idam stoloni, de arte medica (cùm o-  
mnia potiùs alia, quàm medicus esset)  
vanè glorianti, commisit: qui patien-  
tiam tuam diris vexationibus exercuit.  
Duo sunt solatia, quæ reparandis post  
laborem viribus imbecillitati humanæ  
DEI Bonitas indulset, refectio ex cibo  
ac somno: utramque tu in meram pa-  
tiendi materiam convertisti. Alimen-  
ta enim vix unquam sinè maximo su-  
mebas

*Hæcca-  
sa ad-  
huc in  
Clara-  
valle  
extat.*



mebas cruciatu, graviùs torquebant  
 admissa. Nocturnam quietem aut ex-  
 pugnabas vigiliis, aut sacris commen-  
 tationibus interrumpebas, aut deniq;  
 gaudebas, cùm illum morbi omnino  
 non admitterent: dicere solitus: nihil  
 temporis tibi perire inutiliùs, quàm  
 somni. Ut adeò, si multorum Christi-  
 anæ palæstræ athletarum, uno die vel  
 ictu consummata certamina; tuæ 40.  
 annorum tolerantia conferam, æquè  
 gloriosa in triumphale fertum Lauri  
 folia te contexuisse deprehendam. Im-  
 muta, ò animorum dominator mirifice, ti-  
 midum cor meum, & levissimas etiam ab-  
 horrentem molestias: quas tamen si te imi-  
 tando patienter ferrem, miseratio Divina  
 susciperet in temporaneam satisfactionem  
 pro peccatis meis, quibus millies me eter-  
 nis supplicijs dignum feci.

Hostis  
somnia.

Mar-  
tyrium  
longũ,  
diffici-  
lius est  
brevis.

Patien-  
tia  
merces.

S. BERNARDE Alzirane; sic di-  
 ste à loco sepulchri, non longè ab Al-  
 zira Hispaniæ multis prodigiis glorio-  
 si. Cunas enim regias aula Zaeni de-  
 dit, qui Valentia, tunc Mahometem  
 colenti, imperabat. Insignia regni post  
 mortem parentis Almanzori fratri na-  
 tu majori, tibi labores publici cessere.  
 Quibus procurandis ad Hispaniæ Im-  
 peratorem legatum, errore ducum in  
 vasta sylva nox occupavit. Circa cujus

Passus  
anno  
1180.



*Errado  
ab er-  
rore re-  
ducitur.*

medium æris campani sonitum, & in aliquot horas productum cantum stupentibus auribus excepisti. Illucescens autem aurora te statim dubio exemit: postquam nempe ad monasterium Populetanum indicio soni delatus, à loci Abbate de Instituti ratione edoctus es.

Cujus narratio animum tuum tam valido Fidei orthodoxæ desiderio implevit; ut illinc non antè statueris recedere, quàm doctrinâ Christianâ plenè institutus. Deceptos igitur morbi simulatione comites ad fratrem remisisti.

*Baptizatur:*

Mox salutari lavacro ablutus, dimisso Amethi nomine Bernardus vocari voluisti. Legebas inter alia sanctorum gesta etiam sanctissimi Patris vitæ feriem: & cùm eandem imitari te pro voto non posse videres, nisi integritatem amoris integra morum similitudo exprimeret;

*Ord. Cisterciense.*

rogasti Grimaldum Abbatem, ut te inter filios suos reciperet. A quo religiosa veste ornatus, majore in dies diligentia studebas, ut in virtutum palæstra promptissimum quemque præcurreres. Ne autem nobilis illa in negotiis tractandis dexteritas otiosa jaceret; œconomix curam tibi Abbas commisit, ingenti egenorum commodo: in quos cùm nimis liberalem te alii quererentur; inspectis ratiociniis, deprehenderunt,



prehenderunt, acceptis duplo majora  
 fuisse expensa, horrea verò supra con-  
 suetum, nec aliunde, nisi divinitus re-  
 dundantia. Angebat intereà pium a-  
 nimum dolendus tuorum in sua cæci-  
 tate interitus: à quo illos erepturus,  
 primo statim congressu materteram  
 persuasisti, ut ejuratâ Mahumetis insa-  
 niâ, opes, quas possidebat ingentes, in  
 sacros & pauperum usus converterit;  
 quarum partem non exiguam Popu-  
 leto donavit. Tam prospera expediti-  
 one audaciam addente, fratris quoq;  
 ac sororum conversionem tibi polli-  
 cebaris. At vix in ejus conspectum ve-  
 neras, cùm ille, ut erat ingenio ferox  
 & barbarus, stricto in te ferro irruit;  
 nec abstinuisset à cæde, nisi intercessis-  
 sent sorores, in se recipientes tuum ad  
 patrias leges reditum. In quo cum illis  
 colloquio tu felicior, utramque sacro  
 Fonte lustratam, Mariæ & Gratiaë no-  
 minibus inaugurâsti, relictâ cum su-  
 perstitione Zaïdæ & Zoraïdæ appel-  
 latione. Nobilem hanc prædam in tu-  
 to collocaturus, sub nocturno silentio  
 arreptâ fugâ, in sylvâ cum sororibus,  
 & consciis aliquot famulis latuisti: sed  
 insequens Almanzor interceptum, ad-  
 acto per cerebrum clavo arbori affigi;  
 Virgines autem lanceis confossas, feris

*Pro di-  
 giosè  
 auget  
 añonã.*

*Suos  
 ad Fidẽ  
 conver-  
 tit.*

*Fratre  
 relin-  
 Et ante,  
 sorores  
 Bap-  
 zat.*

*Marty-  
 rio co-  
 rona-  
 tur.*



*Celitus detegitur corpora Martyrum.*  
 exponi iussit: sed è servulis quidam è-  
 lapsus, ac sylvæ tenebris tectus, pur-  
 purata sanguine corpora terræ com-  
 mendavit: quæ post quadraginta d-  
 in annos inventa Rex Jacobus mar-  
 moreo Mausoleo templóq; exornavit.  
 Verùm postliminiò occultata, ac cœ-  
 litùs iterum detecta Rex Catholicus in  
 novam lucem priori sæculo produxit,  
 auxitque monasterio Ordinis SS. Tri-  
 nitatis Fratrum de Mercede. *Sunt &*

*Voluntatis, & memoria cōversio.*  
*anima meæ duæ quædam sorores, Volun-  
 tas ac Memoria. Has tibi trado converten-  
 das. Exuat illa vetustum nomen; nec dein-  
 ceptus unquam Propria, sed Obediens voce-  
 tur: hæc verò res vanas & noxias ejuret;  
 nihilque admittat, nisi divinum sit, cœle-  
 ste, & spectans ad felicem æternitatem.*

*Obijt  
 anno  
 1325.*

B. JOANNES, Abbas Waldsassii,  
 qui ob sanctimoniam, sapientiam in  
 consiliis, facundiam in sacro suggestu,  
 zelum denique religionis, venerabilis  
 & acceptus eras omnis conditionis,  
 ac statùs hominibus, præsertim Henri-  
 co VII. Imperatori, qui familiaribus  
 epistolis te in suis negotiis consulere  
 solebat. *Doce me querere favorem non  
 mundi, sed cæli; nec velle placere oculis  
 hominum, sed Dei: Intentionem deniq; in  
 actionibus meis ita ad Deum dirigere, ut  
 illius, non hominum judicia respiciam.*

S. B. E. R.



Qui ad terrificum tribunal Christi ipso jam defectu naturæ miserandus urgeris; illi te oportet præparare iudicio, illius curiæ affectare favorem, timere repulsam. Quid illorum sententiâ conturbaris, quorum nec laude probatus, nec vituperatione reprobus inveniris?

DEI,  
non  
homi-  
num ju-  
dicia  
metu-  
enda.



24. Augusti. 9. Cal. Septemb.

Quinta hæc dies exponet, te verissima appellatione vocari

PROPHE TAM  
LUMINE DIVINO  
ILLUSTRATUM.

Suus o-  
rat jam

Ex vereri & recentiori historia docemur, viros illustres, antequam nascerentur, plerunque per vaticina omnia fuisse Orbi promissos. Te sub catuli specie Mater Aleidis prævidit. Cujus præfagii veritatem te implevisti, lupi testantur, quos imperterrita libertate ab Ovili Dominico abegisti. Expertæ sunt & Oves, præsertim errantes, quarum greges planè innumerabiles saluberrimæ

in ma-  
terno  
utero  
vates.



*A pue-  
riiia  
assueti  
visioni-  
bus.* berrimæ linguæ remedio reduxisti in  
viam salutis. Interiores mentis purif-  
simæ oculos aperuit nox illa supra o-  
mnem meridiem illustris, quâ pueru-  
lus quinquennis Nascentem mundi  
Servatorem vidisti. Hoc deinceps lu-  
men in futuros rerum eventus sinè ob-  
staculo penetravisse, agnovit fratrum  
primogenitus Guido, te ad Cistercium  
sequi non posse, uxore renitente, do-  
lens: sed remoram amovente morbo,  
quem fueras pertinaci comminatus.  
Idem Gerardo obortum est, postquam  
digitorum tuorum lateri ejus impressa  
vestigia lancea hostilis, & ferreas erga-  
stuli januas, vaticinium tuum aperuit.  
Iniquè gravabat Ludovicus Franciæ  
Rex Episcopum Parisiensem: ad quam  
litem solvendam à Comitibus Generali-  
bus Legatus, cùm Rex sana consilia, &  
preces sanè humillimas contemneret,  
quarto postea anno intentatam perti-  
naciæ suæ pœnam in primogeniti sui,  
jam diademate coronati, immatura  
morte tristis aspexit. Plus admirati-  
onis habuit vaticinium Alphonso Lu-  
sitanæ Regi nunciatum: cui cùm in  
sudore vultus tui memorabilem de Sa-  
racenis victoriam impetrasses; & ille  
nec DEO, nec tibi ingratus, Alcobaci-  
am, velut triumphii monumentum æ-  
ternum



ternum, munificentiam verè regiam ere-  
 xisset: in datis ad eum literis, gratia-  
 rum actionem, & prophetiam inseru-  
 isti, *In divisione, inquit, reddituum, di-*  
*videtur à vobis corona vestra.* quam im-  
 plevit Henricus Cardinalis, ultimus il-  
 lius stemmatis Lusitaniæ Princeps. Ad  
 hujus vatidici spiritus lumina spectat  
 gemina in Claravalle visio: quarum  
 prior ingens incrementum prænun-  
 cians, infinitam hominum vestes suas  
 lavantium multitudinem exhibuit: al-  
 teram proposuit cohors Angelorum, *Fixa in*  
*Deo u-*  
*bique*  
*mente,*  
*intue-*  
*batur*  
*futura*  
*velut*  
*presen-*  
*tia.*  
 in quo post plures deinde annos novi  
 monasterii ædificia surrexerunt. Aliarum  
 apparitionum tantus est nume-  
 rus, ut grande volumen contexendum  
 foret, obiter tantum recensere volen-  
 ti, quoties filiorum tuorum precibus  
 extremam alibi morientium luctam  
 commendaveris: quoties te longè ab-  
 sentem corpore, spiritu tamen præsen-  
 tem; & excitantem pro more psallentes,  
 conspexerint Claravallenses tuis  
 quoties denique tibi per quietem obla-  
 ta fuerit species illorum, quos postri-  
 die ad mundi contemptum, nihil mi-  
 nus tunc cogitantes, eras vocaturus,  
 vel prodigioso sanitatis beneficio do-  
 naturus. *Sed & mihi in mellifluis libris*  
*tuis*



Ut vi-  
vimus.  
sic mo-  
rimur.

*tuis seriò vaticinavis: dum mortem, quam nemo sanæ mentis non desiderat beatam, & matura ad illam præparatione pendere, ut sit felix, passim prædicis. Sufficiet mihi hoc vaticinium identidem versare animo: vitámque meam sic instituere, ut de illius eventu æternùm gaudeam.*

Floruit  
anno  
1235.

B. BARTHOLOMÆE: libero-  
rum sanctimoniâ insignium genitor  
piissime: quos omnes post mortem u-  
xoris cum reliqua familia, in tribus à  
te conditis monasteriis Cistercio con-  
secravisti. Major pars cessit Nazare-  
thano Parthenoni: cui & tu denique  
in habitu ac labore Converforum usq;  
ad vitæ finem humiliter serviebas. Ex  
hac autem miseriarum valle migratu-  
ro cùm flentes filiæ assisterent, tu eas  
gaudere potiùs iussisti, quandoquidem  
coeleste promissum de tua illarúmque  
æterna felicitate reddiderit te securum.  
*Ridere in hoc exilio, an flere deceat, monet  
vulgaris ille versiculus, semper rememo-  
randus: Fleres, si scires, unum tua tempo-  
ra mensem: rides, cùm non sit forsitan u-  
na dies.*

Floruit  
circa  
annum  
1232.

B. TUDECA: quæ non procul ab  
Acroniano lacu solitariam domum  
cum paucis aliquot sodalibus incolens,  
vitæ sanctimoniâ vicinos ad tam libe-  
ralia dona permovisti; ut ad radicem  
montis



montis Puffii in sine monasterium In-  
stituti Cisterciensis construxeris. Ubi  
in sincera puritate mentis DEO servi-  
ens, securam de retributione cœlesti a-  
nimam conspectui Judicis presentasti.

*Quàm terribilis erit impijs justissimus Ju-  
dex, tam amabilis apparebit innocentibus.*  
*Sed modò tempus est placandæ illius con-  
tra nos iræ, si vultum parcentis, non vin-  
dicantis aspicere aliquando cupiamus.*

Placan-  
dus Ju-  
dex an-  
te judi-  
cium

S. BERNARDUS, ser. 3. sup. Miss.

*Non possunt perire, pro quibus Fi-  
lius orat, ne pereant: pro quibus Pa-  
ter tradidit Filium in mortem, ut vi-  
vant. Æqualiter ergo ab utroq; ex-  
pectanda est venia; quibus æqualis  
est in pietate misericordia, par in vo-  
luntate potentia, una in Deitate sub-  
stantia.*

Spes de  
miseri-  
cordia  
Divina.



25. Augusti. 8. Cal. Septemb.

Purgatum mentis oculum à me exi-  
git hodierna dies, quæ te, Innocen-  
tiæ speculum BERNARDE, exhibet

Doct̃or  
Ange-  
licus  
hoc dat  
illi elo-  
gium.

ANGELUM

PURITATE VIRGINEA.

Suffragatur huic titulo Doct̃or Ange-  
licus: qui cùm disertè novem præci-  
puas



puas gemmas totidem virtutibus mystica comparatione aptasset, ita concludit sermonem. *Lapides isti significant novem Ordines Angelorum, quibus dotatus B. Bernardus: qui habuit in se virtutes, & officia omnium novem Ordinum Angelorum.* \* Quamvis autem rarissima sit ista felicitas, ut quis innocentie vestem de lavacro sacri Baptismatis illabem sepulchro inferat; id tamen ut de te sine dubitatione credam, argu-

\* in  
serm.

Lac à  
sola  
matre  
recipit.

mento mihi est, ætatem præcurrens Divina Gratia: quæ Rationis vice te gubernans, infantiam adultis actionibus informabat. Nec enim ab aliis unquam nisi matris uberibus pendere sustinebas: cum ipsa cæteroquin pro more matronarum nobilium, reliquos liberos nutricibus lactandos committere soletet. Ea deinde fuit adolescentis

Ejus  
formæ  
struuntur  
insidias:

species, & pulchritudo nativa, ut inter amœnissimæ frontis lilia rosasque, pudor & verecundia propriam sedem elegisse viderentur. At illa formæ venustas, quantum ad te pertinebat, innoxius thesaurus, alienis tamen oculis

quas  
prodendo  
fugat.

patens, prædones ad rapinam allexit. Verum jam gnarus, furibus nihil esse magis invisum proditione, structas in tenebris insidias, adhibitâ loco luminis voce, *Larrones adesse clamitans, dis-*

si pavisti



sipavisti. De alia infestare te ausa lo-  
 qui supersedeo, utpote etiam à te solo  
 silentio ad fugam coactâ. Admiror in- *Præca-*  
 terea severitatem rigentis balnei, quo *vet in-*  
 in improvisum oculi niçtum, sub sa- *cendio,*  
 lutationis obsequio quibusdam virgi- *extin-*  
 nibus impertitum animadvertisti. Cæ- *ctâ mi-*  
 terum ut omni te periculo vitiosi ar- *nimâ*  
 doris prorsus eximeres, sensuum exte- *scintil-*  
 riorum armis adeò carnem spoliavisti, *lâ.*  
 ut se vivere penè ignoraret. Oculorum  
 limes erat obedientia vel necessitas: ad *Sensus*  
 alia parum differebas à cæco: nam in *reddis*  
 conclavi tyrocinii quot essent fenestæ, *penè in-*  
 & cujus coloris pavimentum superius, *sensibi-*  
 totius biennii incola nesciebas. Auri- *les.*  
 um seras penetrabat omnino nihil, ni-  
 si de cœlo esset accersitum: quas cùm  
 aliquando amicis, te tyronem in visen-  
 tibus, ultra propositum liberaliùs ape-  
 ruisses; internæ consolationis dulcedi-  
 nem, sub illo colloquio amissam, vix  
 25. dierum lacrymis recuperasti. Gu-  
 stus ita erat emortuus, ut saporis ama-  
 ri dulcisque discrimen non facilè agno- *Sine*  
 sceret. Prodigium erat Medicæ artis *carne*  
 peritis, *ingentem animam* tam imbecilli *in caro-*  
 membrorum fulcro non sustentari so- *ne vi-*  
 lùm, sed & sufficere ad continuos, ta- *vit.*  
 lésque labores, quibus vel Athlantis  
 humeros fabulosa antiquitas censuis-  
 set fuisse



190 ANNI CISTERCIENS.

set fuisse succubituros. Sed ita nempe fieri oportebat, ut in carne viveres sine carne, verè Angelus terrestris. *Non indignabitur celestis Genius, in custodiam mihi datus, si & à te iam inter ipsorum choros latente petam, ut Angelum te mihi exhibeas: id est, ut custodias me in omnibus vijs meis, tunc maximè, cum viam universæ carnis ero ingressurus.*

**Obijt** B. JOANNES Marione, Fulienfis  
**anno** monache: qui per arctissimam novi-  
**1600.** ter institutæ Reformationis semitam

firmiter pede progressus, multos ad san-  
 ctimoniam tuam imitationem verbo non  
 minus quàm exemplo induxisti. Sed

**Hono-** tunc se clarissimè ostendit heroica vir-  
**res con-** tus, cum ad recipiendos honores gene-  
**temnit.** rosus animus inexpugnabilis fuit. *Ad*

*illam nimirum exaltationem aspirabas, quam humilitati non terrena vanitas, sed æterna Veritas promisit. Utinam eadem & me pertraheret ad humilitatis amorem!*

**Floruit** B. ARNOLDE de S. Severino, mo-  
**anno** nache Hemmenrodensis; qui in hoc u-  
**1187.** num omnes curas impendisti, ut inter

orandum mens tua DEO esset intimè  
 conjuncta. Atque ut vanarum cogita-  
 tionum molestiam dispelleres, sub ipsa

**Orare** pietatis contentione digitos movere  
**studet** solebas more ludentis in cythara: unde  
**devotè.** ferventiùs te orantem, vulgari prover-  
 bio, cytha-



bio cytharizare dicebant. Quod suo aliorumque ingenti commodo expertus est B. Gualterus Birbachius, è naufragii & prædonum periculo per tuas preces ereptus. Cùm enim navigationis in Rheno socii ob tempestatem & insidias ultima metuerent, spe salutis eos erecturus: *Metum, aiebat, deponite: perire non possumus: nam in spiritu vidi Arnoldum nostrum pro nobis cytharizantem. Sonet etiam nunc ante Deum cythara tua; per quam oratio mea, mille mentis evagationibus à Deo distracta, cum vera tandem aliquando devotione concordet.*

*Orans,  
absentes  
servat.*

*Oratio.*

S. BERNARDUS, ser. I. de Nat.


*Quærat devotionis aquas, quisquis seminaverit bonorum operum semina: ut irrigatus fonte gratiæ bonæ conversationis hortus non arescat, sed in perpetua viriditate proficiat. Orat enim pro hujusmodi Propheta: & holocaustum tuum, inquiens, pingue fiat. Ut bona opera fervore devotionis, & dulcedine spiritalis gratiæ condiantur.*

*Oratio  
est bo-  
ni o-  
peris  
condi-  
mentum.*



26. Aug.





26. Augusti. 7. Cal. Septemb.

*Sancto.* **M**irabilium factorum tuorum glo-  
*rum* riam, Apostolica virtute præmi-  
*vix ali.* nens BERNARDE, sive ex numero,  
*us ita* sive ex magnitudine placeat dimetiri,  
*per to-* non erit tam inaccessus in orbe locus,  
*sum or-* non gens tam inculta ac dissita, quæ  
*bem ex* fateatur, te esse

*mira-*  
*culis*  
*1601165.*

THAVMATURGUM  
 INTER SANCTOS  
 MAXIMUM.

Argui fortasse simplex audacia mea in hoc dicto metueret, nisi gravissimi viri auctoritate fulciretur. Ea est Bellarmini, scriptoris clarissimi, qui de te hoc profert elogium. \* *B. Bernardus 2. Cont. pluribus miraculis claruit, quàm ullus lib. 4. Sanctorum, quorum vitæ scriptæ extant. cap. 14.* Et adolescenti quidem jam solum cœlûmque obtemperasse, vidit præter alios plures Hugo Matisconensis: quem à proposito adeundi tecum Cistercii resiliens, deductâ ex aëre innubi pluviâ, & mox iterum detersâ, ad meliorem mentem te vocasti. Amplissimam deinde prodigiorum segetem tibi obtulere Clarævallis primordia, ad  
 cujus



cujus extremam egestatem sublevan-  
 dam non alio usus es, quàm prodigio-  
 rum thesauro: cujus clavis erat oratio, *Ope mi-  
 raculo-  
 rum a-  
 lii Cla-  
 ram-  
 vallē.*  
 ad quam, cùm urgebat necessitas, te  
 nunquam prosternebas; quin ad mo-  
 nasterii januam invenirentur, qui ob-  
 lato argento suorum desperatam vale-  
 tudinem tuæ pietati commendarent.  
 Illi autem plerunque in reditu obvios,  
 & de sospitate recepta gratulantes ha-  
 buere, pro quibus tuas preces expeti- *Mirū*  
 erant. Morbos ab aliis quasi per jocum *in mor-  
 facessere jubebas. aut adesse. Quod præ bos im-  
 aliis didicit Galdericus avunculus, me- peritū.*  
 dicam manum tuam, quam pridie ob-  
 jurgaverat, in acutissimo capitis dolo-  
 re expertus. Id ipsum de se refert Gui-  
 lielmus Abbas S. Theoderici: quem ex  
 Claravalle ante definitam à te diem  
 discessurum, revocatâ, quam ab eo pe-  
 puleras febris, remanere coëgisti, do-  
 nec sospitem ad suos remittere placue-  
 rit. Sed ut immenso quodam miracu-  
 lorum tuorum oceano portum com- *Ita nu-  
 meras  
 mira-  
 cula S.  
 Bernē.*  
 pendio attingam; pro me loquantur  
 surdi & muti, quorum 180. audiendi *Ignati-  
 us Fir-  
 minus.*  
 fandique facultatem reddidisti. Ac-  
 currant 126. claudi, quos crexisti in  
 pedes: hi 221. cæcis utantur ducibus, à  
 te luminis usu donatis; manus tollant  
 ad sidera, 184. brachiis aut alia parte

Ii

corporis



*Suūa  
prodi  
giorum  
est 870.*

corporis manci, grates pro recepto vi-  
gore referentes. Tres porro mortui vi-  
tam, 125. contracti restitutas vires, 11.  
amentes serenitatem Rationis, 60. de-  
nique alii diversis languoribus afflicti  
plenam sospitatem se tibi debere fate-  
antur. Et ista quidem enucleatè recen-

*Major  
est eorū  
nume-  
rus,  
quæ à  
scripto-  
ribus  
non re-  
censentur.*

sent fide dignissimi gestorum tuorum  
scriptores; qui tamen & id credi vo-  
lunt; his plura notantium diligentiam  
subterfugisse. Enimverò quis illo-  
rum inerat numerum, quæ de fenestris  
hospitiorum edidisti: dum frequentis-  
sima multitudo, maximè Coloniae &  
Mediolani, fores obsidens, te ab egrès-  
su prohibuit: ita ut Spiræ Conradus  
Imperator te propriis humeris efferre  
ex Ecclesia non erubuerit, ne ab irruen-  
tium, & saltem vestes tangere cupien-  
tium, impetu opprimereris? Quis pa-  
nes Tolosanos ad numerum revocet;

*Inau-  
dita in  
Deum  
fiducia*

quos cum distribueres, adderetq; Go-  
defridus Carnoti Episcopus: firma fi-  
de sumpturis fore salubres: tu rejecta  
omni conditione, simpliciter gustanti-  
bus sanitatem promisisti? Si in pulve-  
re vestigiorum tuorum invenerunt so-  
lem cæci; in unda, quâ manus lavisti,  
morbidi pharmacum; quæ Rhetorica  
non *antonomasticè*, quæ historia non *e-*  
*minenter*, quæ Grammatica non *super-*  
*lativè*



XXVI. AUGUSTI. 195

lativè: quod denique prælum non pat-  
 mari Cånone describat Thaumaturgum,  
 imò miraculum inter patratores mira-  
 cùlorum? Tot miserorum clementissimè S. Ber-  
 misertus, divinam manum tuam & mihi nardus  
 misero porrige. Non est opus, ut infirmi- patro-  
 tates meas multis tibi verbis exponam: a nus mi-  
 calce usque ad verticem non est in me sani- ferorū.  
 tas. ad quam mihi restituendam nihil re-  
 stat, nisi ut humillimè orantem exaudias.

B. SIBOTE, Baro de Gundelfin-Floruit  
 gen, Episcopo Augustane: quam Pon- anno  
 titiciam sedem cum inclytis virtutum 1260.  
 actibus, præsertim munificentia erga  
 Cistercienses, per annos plurimos egre-  
 giè illustravisses; tandem ut te sacri e-  
 jusdem Instituti verum amatorem o-  
 stenderes, in monasterio Cæsariensi,  
 admirante tota Germania, sed applau-  
 dente cælo, magni Præsulis nomen  
 sub humili cuculla condidisti; assecu-  
 tus vitæ finem, uti optaveras, sanctis-  
 simum. Sagittæ de arcu excussæ non in-  
 congruè comparatur velocissimè transvo-  
 lans vita humana. Nobilissimam metam  
 Deus cælum præfixit. Infelicem! qui aliò  
 labores & studia sua collineat.

B. BALDUINE, Dunensis mona-Floruit  
 che, piorum librorum lector studiosis anno  
 sime: ex quibus cum unum singulari- 1276.  
 ter charum aliquando amisisses, ab o-



*Libri  
amissum  
orando  
reparit.*


ratione non prius surrexisti, quam illum coram te positum aspexeris. In Levitarum numerum relatus, sub sacra functione toto in DEUM animo raptus, verecundâ morum modestiâ Angelum repræsentabas: ad quorum consortium assumptus es, antequam altiori Ordinum gradui per ætatem idoneus fores. *Non juveniri solum, sed omni ætati imitanda virtus est, verecundia: cujus pulchritudo licet seipsam satis commendet; ex contrario tamen magis elucescit, quod nempe in ipsis etiam bestiis execramur, ne dum in homine.*

*Verecundia.*

S. BERNARDUS, ser. 86. in Cant.

*Ejus e-  
logia.*

*Verecundia est expunctrix malorum, propugnatrix pudicitia innata, specialis gloria conscientia, & fama custos, vita decus, virtutis sedes, virtutum pramatura laus, & insigne totius honesti.*



27. Augusti. 6. Cal. Septemb.

Claudet Octava hæc dies solenne festum, téque, ô summum Cistercii decus BERNARDE, venerabitur

PATRIARCHAM

ORDINIS PROPAGATIONE.

Latebat



Latebat in sylvæ tenebris septendecim  
 annis sterile Cistercium: cùm S. Abbati *Ad v. t. S. Bern. in Ci- steriensi*  
 Stephano, non tam dilatandi, quàm *revelatur S. Steph.*  
 conservandi Ordinis cupido, oracula  
 cœlestia promiseret; ingens brevè ori-  
 turum sidus, quod sacri Instituti radi-  
 os per omnes mundi plagas circum-  
 ferret. Et Patrem te fecundissimum  
 fore Stephanus agnoscere potuit, cùm  
 te triginta jam in sæculo filiis auctum  
 suscepit. Firmata biennio pòst apud  
 Claramvallem sede, divinum illud al-  
 veat adeò numerosa prole identidem  
 implevisti; ut licèt bina vel terna quot-  
 annis apum examina emiseris, aliquot  
 tamen alumnorum centurias continu-  
 a serie numeraveris in domo paterna. *700. filios in sola Clara valle reliquit.*  
 Sanè ex hac vita migrantis fatalem le-  
 ctulum septingenti ambiebant. Sub  
 38. annorum regimine circiter octo-  
 ginta filias è proprio sinu produxisti:  
 quarum viginti tulit Gallia, undecim  
 Hispania: septem per Campaniam di-  
 stribueras: sex Belgio, quinque Anglis, *80. mo- nasteria a fundavit.*  
 ac totidem Hibernis dedisti: Burgun-  
 dia quatuor accepit, eundem nume-  
 Italia, & Sabaudia: Succis, cum Germa-  
 nis utrique binas admiseret: Hungari-  
 am denique, & Daniam singulis dona-  
 visti. Sed hæ simplici Patris titulo te  
 venerabantur: donec progenitæ ex iis



Pater  
160. mo-  
nasteri-  
orum  
obit.

neptes proneptésque, ad centesimum sexagesimum excrecentes numerum, magni Patriarchæ honorem tibi asseruere: rarâ, & hæctenus inauditâ gloriâ: dum Ordini, cujus auctor non fu-  
cras, nomen Bernarditarum tribuisti. At contrahenda sunt tandem vela, & tenendus silentii portus. Quis enim sum ego, ut id assequi me posse in te dignè exornando existimem, cui aliquot sæculis summa ingenia se fatentur succubuisse? Relinquam ea, quæ superant vires meas, robustiore stylo armatis: ego te sub una Pietatis imagine mihi propono; hac pia invitatus epigraphæ, quæ plerunque ad effigiem tuam solet apponi:

Simu-  
lacrum  
singu-  
lare pi-  
etatis  
est Ber-  
nardus

*Si Pietas proprium vellet sibi sumere vul-  
tum,*

*Hanc, Bernarde tuam sumeret effigies.  
Ad hanc, velut post Deum ac Mariam sa-  
lutis meæ asylum, humillimâ mentis fidu-  
ciâ procumbo: hanc imploro in temptationû  
periculis: in afflictionum procellis invoco:  
vitæ meæ cursum ita tu dirige, ut moriturus,  
pro patrocínio tuo gratias tibi æternas  
referam verbis Seraphici Doctoris Bona-  
dit. de ventura, quæ ad calcem opusculi à se con-  
victi scripti apposuit:*

*DE O gratiarum actio, & B. BER-  
NARDO, seruo ejus dulci & fideli.*

**B. G. E.**



B. GERARDE, Sacrista Claræ-  
vallis: qui juveniliū annorum tene-  
ritudine perconstans animi robur su-  
perata, in virum perfectum evalisti. *Obijt*  
Cūque tempus propinquaret quo e-  
meritus miles transires ad palmam, &  
solita pietate sub noctis silentio puras  
ad DEUM manus levares, divinitus *anno*  
pulsatâ mortuali tabulâ vicinæ mortis *1162.*  
admonitus, horam ultimam ingenti le-  
titia expectavisti. Receptis deinde de-  
votione summa Ecclesiæ Sacramentis,  
junctas manus immobiliter ad iconem  
pendentis in Cruce Servatoris extensas  
nec post emissam innocentem ani-  
mam retraxisti. *Mortē instare*  
*præno-*  
*scit.*  
*Saluberrimè me moneas,*  
*ut multo piorum assuum exercitio bonas*  
*consuetudines mihi studeam comparare: si*  
*nempe tua tam sancta morte opto defungi.*

B. RAPATO, Comes Abember-  
gensis: qui consentiente pia conjuge *Floruit*  
Mathilde, monasticam paupertatem *circa*  
in coenobio Ebracensi, magno Ordi-  
nis emolumento, amplexus es: dum *annum*  
exemplum tam nobile plurimos ad se-  
quelam induxit; ac te promovente he-  
res tuus, frater germanus, insignis mo-  
nasterium Hefibrunnense (aliàs Fons  
Salutis) crexit, & magnificè dotavit.  
*Non deest & mihi Fons salutis, de quo in-*  
*numera & immensa in me beneficia pro-*



200 ANNI CISTERCIENS.

manant. Quam ad hunc fontem gratias debent  
am, considerare me docet

S. BERNARDUS, ser. 19. de divers.

Christi  
in nos  
benefi-  
cia.

Quid ultra facere debuit Christus, &  
non fecit? Cujus vel saxum pectus  
tanta & talia, à tanto & tali collata  
beneficiorum multitudo non emolliat?  
Quidquid igitur es, quidquid potes,  
debes creati, redimenti, vocanti.



28. Augusti. 5. Cal. Septemb.

Norm-  
isse vi-  
delur.  
Orca ã.  
1200.

B. JOANNES Præcursor, in Villa-  
rio sacrae suppellectilis custos, præ-  
terea tyronum & Conversorum instru-  
ctor: quas functiones tam impigra ob-  
ibas alacritate, ut nullum temporis  
momentum non utilis aliquis labor  
distingueret. Arctioris silentii horis  
cum DEO aut piis libellis loquebaris,  
aut stylo concipiebas, quæ meditando  
inveneras. His studiis usque in senium  
continuatis, cum amor divinus totum  
pectus tuum inflammasset, dum in die  
Dominica, quæ à Palmis Servatori o-  
lim substratis nomen habet, verba illa  
cantarentur: Clarifica me Pater &c. re-  
pentino igne exarsuans, dissolvi cupi-  
bas, &



ebas, & esse cum Christo. Deficientibus itaque in dies viribus, uni huic curæ totum te impendisti, ut ultima hora non imparatum inveniret. Huic tuę pietati invidus ille, cujus invidiã mors *Ad-* intravit in mundum, verè omnem la- *mone* pidem movit; ut patientiæ tuę castel- *gravi-* lum in illo luctu periculo expugnaret: *ter la-* ingens quippe saxum è muro in ca- *ditur.* put decumbentis excussit, vulnus infligens, per quod animæ patuisset via ad cœlum: sed hæc parabatur laboribus tuis merces, ut Martyrii Laureola coronatus de morte triumphares. *Utinam Temp<sup>o</sup>* & meo animo inesset hæc pia temporis sa- *ferax* lubriter impendendi avaritia; quam in *lucris.* me parere deberet consideratio lucri, dum *pro brevissimo labore finem non habitura* *quies rependitur.*

B. MALACHIA, Episcopo Jacen- *Obiit* sis: ad quod dignitatis fastigium te *c-anno* vexit præter eruditionem, vitæ inte- *1606.* gritas, quam juvenis in Hortensi monasterio imbiberas, & gemina muneris Abbatialis administratione feceras *Exem-* perspectam. Admirabili utebaris in *plar E-* gubernatione decennali solertia. Nam *piscopo-* Clericorum omnium per totam Dice- *rum.* cesim nomina, doctrinam, mores, in libro descripta gerebas; illinc hauriens consilia, sinè personarum acceptione, *His* promovendi



*Paupere-  
res ju-  
vat.*

promovendi idoneos; & ab officiis ar-  
cendi indignos. Altera curarum pars  
egeni erant: quibus multò plus erogare,  
quàm à cathedræ proventibus acci-  
pere videbaris. In prædicatione Verbi  
divini apparebat in te zelus Apostoli-  
cus: quem ornabat insignis facundia.  
Nulla tamen laborum moles tam gra-  
vis incumberebat, quin monasticæ disci-  
plinæ rigorem à te strictissimè, usque  
ad extremam vitæ horam, exigeres.  
*Imitari conabor hanc vigilantiam tuam:  
& sicut hætenus ultima inter curas fuit  
salus animæ; ita deinceps primum locum  
obtinebit.*

*S. BERNARDUS, s. 3. in vig. Nat.*

*Cura  
salutis.*

*Dicendum cum sancto: Anima mea  
in manibus meis semper. [ps. 118.]  
Et sicut, quod in manibus nostris te-  
nemus, non facile obliviscimur: sic  
nunquam obliviscamur negotium a-  
nimarum nostrarum, & illa cura  
principaliter vigeat in cor-  
dibus nostris.*



*29. Aug.*





29. Augusti. 4. Cal. Septemb.

B. GUILIELME, monache Heister-<sup>Obijt</sup>  
 bacensis: qui triplicem amoris di-<sup>anno</sup>  
 versi aleam celeri cursu expertus, in ul-<sup>1110.</sup>  
 tima tandem felicitatem sinceram in-  
 venisti. Deperibat te Mundus; splen-  
 dorem generis, opes, & delicias offe-  
 rens: sed has jam puer contempsisti. A-  
 maverat sacer Ordo, summa futuræ  
 sanctimonix spe de te concepta: hanc  
 altera ab emissis Votis die mors præ-  
 cidit. Sic cælo tandem victoria cessit:  
 ad quod te lætissimo itinere pergen-  
 tem Prior conspexit. *Æterno multis e-  
 xitio fuit longioris vitæ securitas, quam  
 nobis falsò promittere solemus. Tu doceme  
 securitatem bene moriendi in quotidiana  
 ad mortem præparatione reponere.*

B. MEYNERE, Prior Hemmenro-<sup>Floruit</sup>  
 densis: qui ad consilium melliflui Pa-<sup>anno</sup>  
 tris BERNARDI, relicto Trevirensi <sup>1170.</sup>  
 Canonicatu, monachum eximix pie-  
 tatis induisti. Nam præter statutum  
 orationis in Choro pensum, bis per  
 diem omnes Davidis psalmos percur-  
 rebas. Nec ab ista devotione impediti  
 te permittebas officiorum laboribus,  
 à quibus per annos triginta nunquam  
 liber fueras. Laudabilem deniq; vitæ  
 cursum



Scalā  
ad celiū  
scādit.


cursum emeritus senex beata morte absoluiturus, scalam vidisti, à lectulo tuo in cœlum usque pertingentem: quam etiam post læta consolationis verba, ad circumstantes facta, feliciter conscendisti. *Erexit & mihi scalam, unicam sanè ad cœlos viam, sanctissimus Legislator; quam nisi nunc scandero, frustra tuam moriens expectabo. Tu manum prebeconanti, ne semper in infimo volentium, et non facientium, gradu inutiliter hæream.*

Scala  
graduū  
humili-  
tatis.

S. BERNARDUS, de morib. Cler. c. 14.

Laterā  
scalæ  
virtu-  
um

Totum, quod à via vite & disciplina deterret filios hujus sæculi, totum quod exercet interim servos Dei, in his duobus est, qua sub uno versu Propheta commendat: *Vide, inquit, humilitatem meam, & laborem meum. Hac sunt latera scalæ, Vilitas, & Asperitas: quibus deinceps interna virtutis, & gratia gradus firmiter inserantur.*



30. Augusti. 3. Cal. Septemb.

Obijt  
anno  
1167.

**B**ERO, monasterii de Armentera à te constructi Abbas: qui cùm aliquot annis in sterili conjugio piè justè-que vixisset: heredem opulentissimæ possessionis-



possessionis DEUM scripturus, ædem  
 ipsi sacram condidisti, monachis ex  
 Claravalle adductis, qui illam primi  
 incolerent. Hi te non Fundatoris tan-  
 tum, sed etiam Abbatis titulo coluere.  
 Quod varia Principum Diplomata di-  
 fertè testantur, tui celeberrimam me-  
 moriam posteris, etiam sub successore  
 Martino, Magni Eronis nomine ho-  
 norantia. Non defuit, qui nimis cre- *vide*  
 dula pietate opinabatur, te senem il- *Angel.*  
 lum fuisse, quem ajunt, ultra duo sæ- *Mãriq.*  
 cula a viculæ cantu raptum, dum ver- *ad an.*  
 ficulum psalmi, *Mille anni ante oculos 1167.*  
*tuos, tanquam dies hesternæ &c. medita. c. 7.*  
 retur. Sed prodigiosum contemplato-  
 rem illum, quacunque demum ætate  
 vixerit, à te longe fuisse alium, histo-  
 ricæ veritatis indagatores multis rati-  
 onibus demonstrant. *Ege interim ver-* *Ator-*  
*ficulum illum insigam memoria mea: ex* *nitatis*  
*eo dimetiar hujus vitæ non tam brevitæ* *ponde-*  
*tem quàm nihilum: alterius verò longitu-* *ratio.*  
*dinem, seu felix seu tristis eveniat, immen-*  
*sam. Si enim minus nihilo sint mille anni,*  
*quis numerabit infinitas wyriades, quæ*  
*tamen nec initium sunt æternitatis, ne-*  
*dum finis?*

**B. GUNTHERB:** qui ex oppido *Obÿs o.*  
 Bonnensi oriundus, unà cum duobus *ã. 1111*  
 sociis Cisterciense Institutum in mona-



sterio Novi Castri amplexus es. Quorum alter à te summè dilectus cùm morte præmatura decessisset, ex desiderio continuandi in cœlo tam dulcis consortii, multum lacrymarum ad illius tumulum effudisti. His denique finem fecit vox inde emissa, paucos intrà dies pii voti te compotem futurum

In Deo pollicita. *Nihil tam vehementer desidero solo ferat cor humanum, quàm suam felicitatem: licitas. sed quoties alibi hanc quærimus, quàm ubi tu illam invenisti, in cælo nimirum, & in Deo, qui solus hunc amorem exsatiat!*

S. BERNARDUS. ser. 83. in Cant.

DEUS *Magna res amor: si tamen ad scopus* *Magna res amor: si tamen ad suum recurrat principium, si sua origini redditus, si refusus suo fonti, semper sumat, unde jugiter fluat.*  
 amoris



31. Augusti. Pridie Cal. Septēb.

Passi  
 sæculo  
 1500.

SANCTI Martyres Anglicani, illustres victimæ furibundæ hæresis: quos in variis Insulæ locis per diversa tormentorum genera, Henricus VIII. & Elisabetha promoverunt ad palmam. Vestra quidem nomina cœlo magis nota sunt quàm terræ: quia tamen in plenissima monachis cœnobia pestis hæc dira defævit, invictos animos vestros, cùm no-



cùm nomina latent, nostra devotione veneramur. Vos de vestris jam coronis securi, nobis adhuc in prælio stantibus succurrite: tam facile illud vobis, quàm infirmitati nostræ necessarium.

B. GERTRUDIS, Abbatissa Bilo-*Floruit*  
cæ in Flandria: quæ à parentibus ob anno  
raram formæ venustatem conjugio *1400.*  
destinata, per mirabilem lacrymarum  
pugnam impetravisti, ut tibi Christo  
Sponso adhærere liceret. Cùm enim *Lacry-*  
soror tua pretioso vestis ornatu com-*mis cœ*  
pta jamjam ad monasterium deduce-*sorore*  
retur, atque uberrimè hanc sortem su-*de sta-*  
am defleret: tu è contrario ploratu mi-*tu eli-*  
nimè infantili diceres, te verò infelicis-*gendo*  
simam, cui pro virginali velo virum *certat:*  
parentes obtruderent. Pro felici utrim-  
que omine acceptum est hoc duellum;  
utrique sua permissa libertas; par utro-  
bique exultatio, nisi quòd optimam  
te partem elegisse, paulò altiùs gloria-  
baris. Sic admissa, velut olim corpo-  
ris specie cæteros homines, ita brevè  
sacras virgines animi decore anteibas.  
Elucebat præcipuè charitas: ad quam *Ardeat*  
pro voto exercendam gratissima occa-*chari-*  
sio fuit, annexum monasterio xeno-*tate.*  
dochium, receptaculum quocunque  
morbo infectorum. Hic tibi nec ulce-  
rum graveolentia nauseam, nec obse-  
quiorum



quorum extrema vilitas creavit horrorem; quin omnibus infatigabili diligentia, parique animi puritate infervires. A quo labore etiam in Abbatissam electa te nunquam eximi patiebaris. Atque ita Mariæ simul ac Marthæ munere fideliter expleto, sanctimonie famâ celebris, migrasti ad Sponsum. Ad

*Odiū concipiendū summū peccatū odiū, & peccatū virtutis amorem, sufficeret ista seriò perpensa dignatio, per quam fidelis anima Dei sponsa dici meretur; licet nulla inferorum tormenta Deus minaretur. Tu esto anima mea pronuba, eamq, de non servata fide dolentem Sponso reconcilia.*

S. BERNARDUS, Dō. i. p. Epiph. s. 2.

*Magna dignitas anime Deam amat. Unde tibi, o humana anima, unde tibi hoc? unde tam inestimabilis gloria, ut ejus sponsa merearis esse, in quem desiderant Angeli ipsi prospicere? Vide, quibus brachijs vicaria charitatis redamandus, & amplectendus sit, qui tanti te aestimavit, imò qui tanti te fecit.*



ANNI





ANNI  
CISTERCIENSIS  
SEPTEMBER.

I. Septembris. Calenda.



**B**EATE THEODAR-  
DE, monache Caræ Sil-  
væ in Dania: qui ex vi-  
ta hac misera ad meli-  
orem discessurus, pate-  
fecisti, quàm tibi præ-

ter alia virtutum insignia cordi fuerit  
pudoris integritas: cui conservando e-  
tiam ultra vitam curas extendisti, cœ-  
lo sollicitudinem tuam adjuvante. In-  
de enim instructus, quâ die & horâ sis  
moriturus, instantissimis precibus im-  
petravisti, ut lavacrum, mortuis exhi-  
beri cosuetum, paucis ante obitum  
horis vivus reciperes; atque ita custo-  
dia verecundiæ in tua potestate mane-  
ret. Gratum fuit hoc spectaculum su-  
peris; quorum plures, præeunte Serva-  
tore, fatali lectulo assistere, animam-  
que ad

obijt  
anno  
1157.

Cavet  
pudori  
post o-  
bitum.

Cœlites  
moriantur  
assistens



## 210 ANNI CISTERCIENS.

que ad beatitudinis suæ felicissimas sedes transferre, visi sunt. *Sequar te, me*

**Studiū puritatis.** *adhortantem ad amorem pulcherrimæ virtutis; cuius odor adeò gratus est cœliiibus: ut egredienti animæ obviam processerint: id officij toties præstituri, quoties tanta puritatis domicilium invenerint.*

**Floruit circa annum 1270.** **BÆGIDI**, monache S. Martini de Castañeda: qui post diu probatam vitæ monasticæ sanctimoniam ad eremum te cum socio contulisti. In qua ita apud vicinos terræ incolas inclaruisti; ut sepulchro tuo ædem sacram instruxerint: in qua mox contra omnes morbos antidotum, præsertim surditatem, è longinquo advenientes supplices obtinuerunt. *Periculi majoris est surditas cordis, quàm aurium. Tu hanc in me tibi supplice sana: ut tandem audiam Evangelicæ illius tubæ vocem: Facite dignos fructus pœnitentiæ, antequam terribilis tuba insonet: Venite ad Judicium.*

**Verbi divini auditio** **S. BERNARDUS**, ser. 2. de vig. Nat. *Quisquis ardentem non desiderat pœnitentiam, videtur operibus dicere, non indigere se pœnitentiæ: & ita suam non confitetur culpam, aut non posse ei prodesse pœnitentiam: sic & divinam non confitebitur bonitatem.*

2. Septemb.





2. Septembris. 4. Nonas.

**B** MARGARITHA, Virgo Lova-Passa  
 niensis: quæ unà cum hero tuo Vil. circa  
 larium petens, ut sacrum Cisterciense *annuum*  
 Velum susciperes, in ipso itinere à la- 1225.  
 tronibus crudeliter interempta, loco  
 vestis candidæ purpuream coelis intu-  
 listi. Corpus in undas projectum pisces *Prodi-*  
 adverso flumine trahentes, non longè *gijs ejus*  
 à Lovanio in ripam exposueré. Quod *merita*  
 invetum piscatores, ne in suspicionem *mani-*  
 patrati sceleris venirent, sabulo texe- *festan-*  
 runt. Sed justum sepulturæ honorem *tur.*  
 tibi denegante terra, cœlum parenta-  
 vit, accensis circa tumulum lampadi-  
 bus, quæ sinè oleo per totam noctem  
 splendebant. Ad quam lucem popu-  
 lus magnâ frequentiam concurrens, cru-  
 entas exuvias è terra refossas in medio  
 civitatis tumulavit, superimpositâ sta-  
 tim ædiculâ, quæ in hodiernum usq;  
 diem splendore prodigiorum illustra-  
 tur. *Elucet in re ad miserie nostræ solati-*  
*um, Divina in nos miserationis propensio;*  
*quæ solius voluntatis pietatem tot prodi-*  
*gijs commendavit. Tu Deum ora, ut qui dat*  
*velle, det etiam perficere.*

B. CLEMENS, cognomento Gi- *Ob. añ.*  
 menez, monasterii Vallis Paradisi in 1534.  
 Hispania



*Imita-  
tur  
Mariae  
virtu-  
tes:*

*qua ei  
mori-  
bundo  
assistit.*

*Cru-  
scutum  
contra  
hostes.*

Hispania monache: qui sacratissimam  
Virginem Deiparam pro vitæ speculo  
tibi proponens, animi corporisq; pu-  
ritatem, tuimet contemptum, carnis  
affligendæ severitatem, aliásque ejus  
virtutes egregiè æmulatus es. Illa vi-  
cissim sese clementissimam erga te pa-  
tronam exhibuit; præsertim circa ulti-  
mam cum morte luctam. Cùm enim  
demon viriliter dimicanti per horribi-  
les larvas importunus insisteret, adfuit  
illa multo circumfusa splendore: quo  
infestum agmen in fugam aversum in-  
tegram tibi permisit victoriam. Cui tu  
latissimum præana accinens, Servato-  
ris in Cruce pendentis effigie instar ve-  
xilli in altum erectâ: *Vicinus, ajebas,  
vicinus, fratres, susus est fugatusque ho-  
stis.* Inter quæ verba auspiciatissimam  
certaminis gloriosi Ducem secutus es  
ad triumphum. *In manibus nostris est,  
quoties non sponte vinci volumus, de ho-  
ste maligno victoria; modò fortissima Cru-  
cis arma in subsidiumprehendamus; per  
quæ nempe primum de orco trophæum ipsa  
Dei virtus erexit. Hac itaque sint unica  
spes mea, hoc scutum meam in ultimo cum  
inimicis meis conflictu.*

S. BERNARDUS, ser. 1. de Epiph.  
De te, Domine Jesu, suppleo, quod  
minus



minus habeo in me. O dulcissima  
*reconciliatio!* ô satisfactio suavissima!  
 ô verè reconciliatio facilis, sed per-  
 uilis; satisfactio parua, sed non par-  
 uipendenda! Etenim quàm facilis  
 modò, tam difficilis erit postea. Et si-  
 cut modò nemo est, qui reconciliari  
 non possit, ita post paululum nemo, qui  
 possit.

Recon-  
 ciliatio  
 nostra  
 Chri-  
 stris est.



3. Septembris. 3. Nonas.

**B** HENRICE, Trecensis Episcopo:  
 qui illustre illud cœli Austriaci si-  
 dus Ottonem, unà cum aliis quindecim è  
 prima Germanorum nobilitate  
 juvenibus Parisios comitatus, in redi-  
 tu Morimundense monasterium invi-  
 sisti; & cum sociis, sese mutuò adhor-  
 tantibus, mundo mortuus, Religioni  
 sanctiùs vivere cœpisti. Veluti autem  
 reliqui omnes ad Ecclesiasticas digni-  
 tates promoti sunt; ita & te Villarium  
 Metense primum Abbatem, deinde ul-  
 tra viginti annos Urbs Trecensis Anti-  
 stitem venerabatur. Sed texerunt ni-  
 mirum, non exuerunt animum ac ve-  
 stem Cisterciensem Pontificia corpo-  
 ris ornamenta: quod etiam post fata  
 testatum

Obiit  
 Anno  
 1169.



## 214 ANNI CISTERCIENS.

testatum esse voluisti, delecto in sepulchrum monasterio Bulencuriæ, à te olim monachis de Claravalle accersitis impleto. *Fac, ut animus meus cum exteriori veste concordet: est enim turpissimum mendacij genus, aliter vestiri, aliter vivere.*

*Floruit* B. EUPHEMIA, monasterii Hovenensis in Flandria monialis: quæ *anno* propè adhuc infans insidiantem calcaneo tuo serpentem antiquum, post *1219.* quotidianas victorias, vix denique in senectutis crepusculo penitè contrivisti. A spectris tibi passim occurrentibus quesitura quietem, caput virgineo Cisterciensium velo obnubilare decreveras: quod consilium cum nequissimus histrio sub larva senis frustra dissuasisset, & reluctantem jamjam è fenestra acturus esset præcipitem; invocato MARIÆ nomine, confusus abscessit. Sociatæ postmodum sacris virginibus etiam verbera ingessit, quorum sævitiam aliquando brachii tumor, aliàs ejectus è pectore cruor prodiderat. His tamen torturis nihil aliud effecit, quàm ut Divini amoris ignem in corde tuo, quasi per ventum contrarium, vehementiùs accenderet, ac plures tibi tolerantia coronas contexeret. *Provocant me victoria tua ad alacritatem pugnandi*



gnandi contra hostem, absque meo consensu nihil usquam nociturum. Si enim tibi verberum tyrannide auxit victorias, cur ego verbis, quæ sola suggerit, sterni me patiar infirmior fœminâ miles?

S. BERNARDUS, ser. de Purific.

Quod frequenter, imò & semper admonere cupio fratres meos, obsecro & nunc: ambulemus non secundum carnem in carne, ne displiceamus Deo. Resistamus diabolo, & fugiet à nobis: ut liberè jam ambulemus in spiritu, & in cœlis sit conversatio nostra.

Caro, & diabolus à Deo separant.



4. Septembris. Pridie Nonas.

B. SIMON, olim Abbas Caziaci, sub amictu nigro; ac tandem in cuculla candida Clarævallis alumne. Cujus ut te civem esse juberet Mellifluus Abbas, multis precibus frustrâ rogaveras à superstite: vaticinio interim illius sustentatus, quo tibi fuerat pollicitus, te sub tectis Clarævallis extremum mortalis exilii certamen subiturum. Mox ergo ut ille cœlites auxit, abjectâ honoris sarcinâ, ad Claramvallem accurristi. Nec te à continuo perducendæ ad altiores gradus sanctimonix labore

Obijt  
anno  
1161.



bore debiles per ætatem vires retarda-  
bant, quin ubique venerabilem te præ-  
dicaret sanctæ æmulationis fervor, in  
juvenibus aliàs sua dignus admiratio-

*Ange- ne. Septennio inter terrestres illos An-  
lico cõ- gelos moratus es: quo tempore etiam  
sortio cœlestes non rarò ad te colloqui fami-  
gaudet. liaris gratiã descendebant: qui deniq;  
inter jucundissimos cantus dignam su-  
o consortio animam secum ad sedes  
æternùm felices rapuere. Utinam ego*

*Can- fuliginosos habitus animi, firmatas pessi-  
dor cõ- ma æctuum frequentatione consuetudines,  
sciētiz. opposito virtutum colore mutarem! Fru-  
strã enim consortium Angelorum sperabo  
ex vestimenti colore, nisi candor animi te-  
statur, me esse cœli Candidatum.*

*Obijt  
anno  
1346.*

**B. FRIDERICE**, Episcopo Eistet-  
tensis: qui ad sedem illam à Joanne  
XXII. Pontifice Summo assumptus es,  
cùm te illi & generis & virtutum no-  
bilitas commendãssent. Præeras antè  
Waldsassensi & Eberbacensi cœnobio:  
& quia inter filios morari non licebat  
vivo, mortuum te illis reddidisti; ap-  
positus illustrissimis Majorum cineri-  
bus, Comitum Leuchtenbergensium.  
*Ex regendi industria tu gloriam in terris,  
& in cœlo gloriam assecutus es; doce me  
ita regere animam meam, ut huic regno  
succedat regnum cœleste.*

**S. B. R.**



S. BERNARDUS, *serm. 3. de Adv.*

Habes sub te, cui custodiam & disciplinam oportet exhibere, corpus tuum, quod sine dubio regendum accepit spiritus tuus. Debes ei custodiam, ut non regnet in eo peccatum: debes & disciplinam, ut dignos faciat pœnitentiæ fructus.

Custodia corporis.



5. Septembris. Nonis.

B. WALTERE Abbas Dunensis, & paupertatis & pauperum singularis amator: hos sanè supra te tibi charos fuisse testatus es, quando seminudum mendicum propria veste, cum aliud in promptu nihil esset, contexisti: in tales omnem mundi substantiam, si liquisset, effusus. Quem miserationis affectum cum pro voto, vetante inopia, explere non posses; atque aliàs solitariae pietatis desiderium te sollicitaret ad secessus delicias, curam pastorem dimisisti, sed statim per mortem successoris repetendam. Rediit simul cum regimine de filiis & egenis, sed accessione fortunarum jam paulò felicior charitas; donec te cœlum illis, maximo utrorumque luctu, eripuit. Gratissima

Obijt  
anno  
1189.Pau-  
peres  
fovet

K k

tissima



Miseri-  
cordia  
erga se.  
ipsum. *tissima Deo virtus est misericordia: quæ,  
qua ratione mihi sit exercenda, Propheta  
monet: Miserere, inquit, animæ tuæ.  
Et illa scilicet nuda est meritis, & ne nu-  
ptiali Veste careat, Virtutibus vestienda.*

Obijt  
anno  
1168.

Obsti-  
natis  
vindi-  
ctam  
divinã  
prædi-  
cit.

B. GODEFRIDE, Abbas Schon-  
augiæ: qui ob eruditionis aliarumque  
virtutum famam ex alio monasterio  
ad gubernacula Schonaugiæ vocatus,  
magnanimo ardebas conservandæ S.  
Religionis zelo. Id horribili, præter a-  
lia mitiora, exemplo didicere aliquot  
Conversi: qui cum vestium quoddam  
genus contra Ordinis morem præde-  
cessorum indulgentiã ipsis concessum,  
velut jure sibi debitum à te importu-  
nè exigerent; spretisque paternis ad-  
monitionibus, pertinaces jussionibus  
tuis refragarentur; eò tandem perversi-  
tatis devenere, ut sacratissima Na-  
centis Christi nocte monachorum cel-  
las effringere, & indebita illa sibi vesti-  
menta, ne & aliis usui forent, in mille  
frusta discerpere decreverint. Nec te  
latebat furiosum consilium. Pridie er-  
gò convocatis vatidico incensus ardo-  
re prædixisti: præ foribus esse divinam  
in contumaces vindictam; nisi quan-  
tociùs resipiscerent, irreparabili dam-  
no experturos, quàm sit horrendum,  
incidere in manus DEI Ulcipientis.

Surdis



Surdis fabulam cantabas.: at profectò tragicam: nam perduellium antesignanus, dum in crepusculo complices ad audaciam concepti facinoris accensurus per omnes angulos discurret, subitò fronte in terribiles rugas contracta, oculisque fædè distortis, corruens, infelicem animam emisit. Quod ferale spectaculum velut à te multas commiserationis, ita à fontibus pœnitentiæ lacrymas expressit: peperit prætereà in filiorum animis reverentiam & amorem, cum celebri sanctimonix fama, quam posteris reliquisti. *Sacræ nobis & profanæ historie passim obtrudunt pavenda superbiæ à Deo puniæ exempla. Compri- mat suo quoque aculeo superbiæ meam*  
*Rex apum*

S. BERNARDUS, ser. 1. de Adv.

*Quid superbis terra & cinis? Si superbientibus Angelis Deus non pepercit, quanto magis tibi, putredo & vermis? Nihil ille fecit, nihil oporatus est; tantùm cogitavit superbiæ, & in momento, in idu oculi insanabiliter præcipitatus est.*







6. Septembris. 8. Idus.

*Floruit circa annum 1222.* **B. MICHAEL** monache Hemmen-rodensis: qui seculo illo aureo floruit, quo Cistercium primæva fertilitate exuberans, suis liliis paradisum cœlestem catervatim implevit. His te esse confertum, B. Isembarto divinitus innotuit, dum cœlesti contemplatione supra sensuum caliginem elevatus, te in illis civitatis supernæ hortis supra omnem humani decoris celsitudinem splendere vidit. Idem spectator tuus à te edoctus dicere solebat: Tria esse venena, quæ florem innocentiae in anima passim, vulgatâ jam nimum peste extinguant: Desideria nimirum terrena; Negligentiam in cultu DEI, linguæ denique & gulæ intemperantiam. *His fœtentibus morbis ne laboret anima mea, tu meritorum tuorum remedijs me aut agrum sana, aut sanum præserva.*

*Floruit anno 1202.* **B. JOANNES**, Archiepiscopo Lugdunensis: qui deductum ex Comitum sanguine genus virtutum comitatu effecisti tam illustre, ut Ecclesiæ Gallicæ certatim sacras tibi Fasces offerrent. Prima fuit Pataviensis: Narbona deinde vix te receperat, cum Lugdunum te in Archiepiscopali sede collocavit.



locavit. Adiunxit huic honori Julius II. titulum Legati Apostolici. Restabat aliquid; his omnibus haud paulò <sup>Hono-</sup> sublimius, generosa divitiarum ac di- <sup>res &</sup> gnitatum abjectio: quam meritò mi- <sup>opes</sup> rata est Francia, cùm te vidit è tanto <sup>abjicit.</sup> fastùs humani fastigio descendentem ad tam gratam Cœlo, quàm Mundo invisam Clarævallis paupertatem. Ibi tamen invenisti, quam omnes optare solemus magis quàm quærere, expeditam ad cœlos viam. In <sup>Vani-</sup> <sup>tatem</sup> <sup>mors a-</sup> <sup>petit.</sup> *suprema illa angustia prodit sese rerum terrenarum vanissima vanitas: tunc desideria cæca suam cernunt stultitiam, & execrantur. Felix, qui generoso contemptu vimores istos prævertit.*

S. BERNARDUS, ser. 4. de Adv.

*Filij Adam, genus avarum & ambitiosum, audite: Quid vobis cum terrenis divitiis, & gloria temporali, quæ nec vera sunt, nec vestra sunt?* <sup>Diviti-</sup> <sup>arum</sup> <sup>vanitas</sup>



7. Septembris. 7. Idus.

B. EDMUNDE, monache Pontigni-Floracensis, altiorum scientiarum peritiâ esse videri per celebris: quam ad commune S. Ordinis commodum, maximè verò ad <sup>circa a.</sup>



Augustissimæ Deiparæ honores promovendos strenuè impendisti. Merebatur tam exculta eruditione pietas de terra Lauro coronam: sed hanc rectius in Orbe altero à Sede Sapientiæ accepisti. *Nullo saculo defuere, cultores eximij tam eximia super omnia Matris: ita pariter ipsa clientibus suis nunquam defuit. Utinam mea qualiacunque obsequia benigno respiciat oculo!*

*Amat  
cliētes  
suos V.  
Maria.*

*Obijt*

*anno*

*XI 45.*

B. HUMBERTE, olim Casæ Dei monache, sub communi observantia sacre D. Benedicti Regulæ; jam tum veneratione omni dignum exemplar Asceticæ pietatis: quod ad summam perfectionem excoliturus, celeberrimo animorum ad omnem sanctimoniam formandorum artifice BERNARDO in ipso Clarævallis exordio adhæsisti. Gratus hospes Parenti mellifluo, gratior filialis amoris amplexu, gratissimus denique ob vitæ puritatem, utpote quam non suis duntaxat, sed & sibi proposuerit imitandam. Ex supernæ gratiæ ornamentis, quæ in te observaverat perspicax indagator, singulariter eminebat generosus omnium commoditatum; corpori blandientium, contemptus; exutisque vel minima cupiditate paupertatis amor. Unde perpetua florebat in pectore tuo serenitas,

*Amatur à  
S. Bernardo.*



renitas, mater illa mansuetudinis; à  
 cujus quietissimo centro te nulla re- *Sibi u-*  
 rum mutatio unquam dimovebat; a- *bique*  
 n. oenâ frontis constantiâ nec in riden- *similis.*  
 di levitatem, nec asperitatem dejecti  
 mœroris, quidquid accideret, exerran-  
 te. Hanc in immobili statione conti- *Humi-*  
 nebat demissio animi: quam actione *litas:*  
 & loquela tam exhibebas modestè, ut  
 omnem abesse fucum, ingenua simpli-  
 citas ostenderet. Alter virtutum cu- *Silen-*  
 stos erat verborum studiosa parcitas: *tium.*  
 nemo enim disertum te esse noverat,  
 nisi qui perfectionis religiosæ consilia,  
 aut in subeundis cum hoste maligno  
 præliis subsidia, aut de rebus divinis à  
 te colloquia postulabat. Tum verò *Affiduo-*  
 promptissimè solvere linguam gaude- *itas in*  
 bas, cum statutis diu noctûque horis *opere*  
 sacra Regii Vatis carmina cantaban- *divino.*  
 tur. A quo labore nec avocabant ne-  
 gotia, licet tibi Priorem agenti incum-  
 berent non rarò gravissima; nec retar-  
 dabat virium ex morbis nata debilitas.  
 Vinum instar toxici respuebas: & cum *Sobrie-*  
 illud infirmo tibi propinaret obedien- *tas.*  
 tia; non nisi obrutum, & quodammo-  
 do submersum aquis, modicè admitte-  
 bas. Dimidio seculo te in hac palæstra  
 pugilem sacer Ordo spectavit: cujus  
 temporis aliquot annos in condenda,



stabiliendâque Abbatia Igniacensi desudâsti: inde autem dissimulante magis, quàm probante BERNARDO, in Claramvallem reversus, qualem vi-

*Ei di-* *te coronidem imposueris, ipse dulcissime S. simus Parens stylo, utriusq; sanctimoniâ digno posteris consignavit. Cujus*  
*Bern.* *patris & ego nunc verbis te alloquor. Ecce!*  
*patris* *jam coram te est, Pater dulcissime, fons ille*  
*tat,* *puritatis, quem toto ardore animi sitiabas.*  
*sermo-* *Ecce! immersus es in illum Divinæ pietatis*  
*ne in* *abyssum, cujus memoriam abundantia*  
*ejus* *suavitatis tam devotè eruere solebas.*  
*obitu.* *Loquere ad eum pro nobis verba consolatoria: ut delicta nostra corripiat modò in misericordia, nec differat in diem illum tremendum inexorabilis Justitiæ suæ.*

S. BERNARDUS, ser. de hoc B. Humb.

*Levior* *Scio ego, quia durum est homini dis-*  
*est pu-* *luto apprehendere disciplinam; verbo-*  
*gna,* *so silentium pati; vagari solito, stabi-*  
*quàm* *lem permanere: sed durius, & multo*  
*poena.* *durius erit, futuras illas molestias to-*  
*lerare.*



8. Septembris. 6. Idus.

*Novu-* *B. WALTERE de Beaumont, sive*  
*isse vi-* *de Pulchro monte, pie asceta mo-*  
*nasterii*



nasterii Valcellensis. De illo nimirum  
 eras numero, quos Servator noster se-  
 orsum à turba ductos in montem, cœ-  
 lesti sapientiâ instruxit, docuitque vi-  
 vere verè beatos: pauperes scilicet, cor-  
 de mundos, charitate ferventes, pati-  
 entiâ invictos. Per hos arduos vitæ af-  
 ceticæ gradus ascendisti ad montes æ-  
 ternæ felicitatis. *Eandem ego præ oculis  
 meis viam habeo, quam tu emensus es: ne  
 autem vel aliquo errore à recto tramite se-  
 ducar, vel lassitudine deficiam, tu mihi ro-  
 bur & lumen è cælo submitte.*

desur  
 circa  
 annum  
 1200.

B. ALPHONSE, Converse ex Hi-  
 spania: qui cum Abbate tuo ad Comi-  
 tia Generalia profectus in Cistercium,  
 conspecto Clarævallensi monasterio,  
 DEUM intimo cordis affectu precatus  
 es, ut tibi in tam sacro, tot suspiriis de-  
 siderato loco mori liceat. Nec defuit  
 piæ voluntati Bonitas divina. Illico e-  
 nim te adorta febris non antè deseruit,  
 quàm ex Cistercio reversi Præsules te  
 exultantem, spectaverunt è Valle hu-  
 mili ad celsissima cœlorum fastigia e-  
 volantem. *Deum facturum esse volun-  
 tatem timentium se, jam olim promissu: cui  
 sancto timori si & ego studuero, non erit,  
 cur mortem timeam.*

Obijt  
 anno  
 1167.  
 præt in  
 valle.

S. BERNARDUS, hom. 3. sup. Miss.


Kk 5

In solis



Con-  
cordia  
volun-  
tatis  
huma-  
næ cum  
Divina.

*In solis bonis Deus ita est, ut etiam sit cum ipsis, propter concordiam voluntatis. Nam dum suas voluntates ita justitiæ subdunt, ut Deum non dedecet at velle, quod ipsi volunt: per hoc quod ab ejus voluntate non dissentiunt, Deum sibi specialiter jungunt.*



9. Septembris. 5. Idus.

Obijt  
anno  
1400.

Christi  
dolores  
piè me-  
ditatur

**B.** VIOLANTIA, Aroucæ in Hispaniis Abbatissa: quæ juxta sacrae Regulæ monitum, nihil Operi Divino præponens, indefesso studio illud ad decorem atq; gravitatem promovisti. Contemplationi sacratissimæ Passionis Dominicæ singulari affectu dedita, acerba illius arma multis lacrymis rigare solebas. Hanc tui cordis pietatem omnes alumnae adeò imbibere, ut tot vivas tuarum virtutum imagines post te reliqueris, quot filias. Tumulus tuus peregrinum, è cælo nempe accersitum, odorem emittit: in quem quisquis sese miseria aliqua oneratus prosternit, liberationis lætitiâ reportat. *Præservat ab animi morbis, eosque sanas serius sepulchri aspectus: nec sanè horribilem illam foream metuet, qui semper metuet.*

B. GUILI-



B. GUILIELME, Congregationis Fulienfis monache: qui Verbi Divini tam indefessa quàm diferta prædicatione Normanniæ populos ad eam aviditatem te audiendi accendisti, ut templa confluentem undique multitudinem non caperent, sed extra municipia obviam quamque arborem pro suggestu conscendere cogeret, ut tam nobili pabulo satiarentur. Piissimos tamen hos labores tuos ad eò parvi æstimabas; ut circa vesperam totius diei actiones discutens, te velut hominem nullius frugis, ac prorsus inutilem amarè defleres. *Quàm longè aliter æstimat labores suos nugaces arrogantia mea! quàm stultè captat humana laudis ventos inanes! immemor moniti illius: Si feceritis hæc omnia, dicite: servi inuiles sumus.*


Obijt  
anno  
1624.

Conciator  
in signis

S. BERNARDUS, ser. 13. in Cant.

*An blanditur popularis favor, quòd verbum bonum, & bene fortasse deprompseris? Sed Christus donavit os, & sapientiam. Nam lingua tua quid nisi calamus scribe? & hoc ipsum mutuò accepisti.*

DEI  
dona  
sunt, si  
quæ sũt  
in no-  
bis bo-  
na.







10. Septembris. 4. Idus,

Obijt  
anno  
1157.

SERLO, amplissima Congregati-  
onis Savigniacensis Caput, & Ab-  
bas primarie: quæ cum viris eruditio-  
ne & sanctimonia claris per Franciam  
Angliamque floureret, uberores tamen  
virtutum fructus eam credebas germi-  
naturam, si hic Ordinis Benedictini  
Palme Viti Cisterciensi infereretur.

Anno  
1148.

Quare in Comitibus Generalibus sup-  
plex petisti, ut tibi unà cum triginta  
Filiabus, amplissimis cœnobiis, ejus-  
dem sacri Instituti amplectendi facul-  
tas concederetur. Condecorabat Pa-  
trum tunc Cistercii conjunctorum fa-  
miliam suâ præsentia Eugenius III. P.  
M. & ipse Cisterciensis, BERNARDI  
filius: quo maximè promotore, quod  
rogaveras, consecutus es: ita tamen, ut  
pro genuina Matre solam agnosceres  
Claramvallem: lege quidem ad eò non  
ingratâ, ut, ceu tenerrimè amans fili-  
us è dilectæ sinu non recessisses, nisi te  
recenter natis filiis per necessarium Pa-  
trem Protoparens Mellissius Savigni-  
acum repetere compulisset. Postquam  
verò illum ad se superi rapuere, nullius  
ultrâ moræ patiens ad Claramvallem  
properasti: ibique reliquos emeritæ vi-  
tæ annos

Præfe-  
turâ  
se ab-  
dicat.



tæ annos summo tam Abbatis Roberti, quàm totius inclyti coetûs solatio percurristi; cùm in suada tua dulci simul ac piè facunda, redivivum spirare BERNARDUM suum Claravallis sibi gratularetur. *Loquere tu in interiorem mentis: meæ aurem: impelle argumentorum impetu voluntatem meam, ignavum illum cunctatorem, ad serias pro æterna salute vigilias.*

B. O G L E R E, Locedii in Lombardia Abbas, terror immundorum spirituum: quorum plurimi cùm cives oppidi cujusdam non procul à Januis divexarent, illuc vocatus, indicto tri-duano jejunio, afflictos in Ecclesiam adduxisti: ac primùm orcinos hospites adventûs sui causam jussisti edicere. Horum omnium vox una fuit: se de illorum esse numero, quos olim Servator porcis immisos in mare præcipientes egit: nunc verò à DEO tortores destinatos in petulantis linguæ vindictam, quæ in Matrem Virginem insultare nimis impudenti licentiâ per eas Italiae partes non verecundaretur. Hac confessione extorta, fœdos cœli terræque exules ad sua ergastula relegâsti. Ad non minoris mali remedium operâ tuâ usus est Innocentius III. in finibus Lombardiæ: Execrabilis enim ibi

Obijt

anno

1205.

Dæmones su-

gat,

gat,

tortores

Marię-

masty-

gum.



*Duella  
proscribit.*

consuetudo invaluerat, ut litium quarumcunque decisio non nisi armorum arbitrio sanciretur: barbaro sanè iudicio, cum summa injuria esset pro summa Juris. Hac peste strenuè profligata, in Armeniam usque eadem auctoritate Apostolica missus, quot gesta, totidem reportasti victorias: quibus meritam denique coronam imposuit beata mors, felicitis post labores quietis prodromus. *Non est, unde & ego, licet exhaustus viribus miles, spicula hostis infernalis metuum: si me armis defendam, quæ mihi offerunt præclari horum bellorum duces: quorum mihi antesignanus est*  
S. BERNARDUS, ser. de S. Andr.

*Arma  
contra  
hostes.*

*Cruce  
terror  
demonis.*

*Sit ergo gaudium nostrum in tribulatione; & non habet malignus, unde illiciat, non habet unde dejiciat: liberati sumus à laqueo venantium, pariter & à verbo aspero. Nihil enim proficit in eo, quem Crux Christi delectat.*



II. Septembris. 4. Idus.

*Obijt  
anno  
1123.*

B. BOEMUNDE Abbas S. Joannis de Tarauca in Lusitania: qui à S. BERNARDO in plagam illam longè distitam cum sociis missus, Cisterciense nomen ad tantam venerationem prorexit



provexisti, ut, cùm amore novæ in ea tunc terra sanctimonix tuæ vulgus & Principes inter se liberalitate certarent, integra monasteriorum stemmata, velut ex fertili radice, deinceps pullulaverint. Auxit famæ gloriam corpus jam exanime: quod bidui spatium in Ecclesia expositum mera balsama spirabat: non capiente sacrâ æde, licet amplâ, accurrentes populos, pii osculi velsibus pedibusque libati pretio sospitatem mercantes. Scio, etiam me à multis animæ morbis liberandum, si virtutum tuarum vestigia devotè deosculer, id est, diligenter imitari studeam.

*Auge-  
tur opi-  
bus, &  
filijs.*

B. HENRICE, dicte de Soliaco: qui sicut sanguine geminos Franciæ & Angliæ Reges proximè contingebas; ita regio animo mundi superbiam calcans, in monasterio Loci Regii humilem monachum induisti. Sed neq; sub cuculla latere virtus potuit, quin in lucem præfecturæ produceretur; ostensura, quantis honoribus sit digna. Infestabant ea tempestate Bituricensium fines hæretici Catarelli: ad quod opprimendum monstrum, cùm in te uno Herculem Cleri populique vota sperarent, invitum licet, in solium Episcopale sustulerunt. Et verò Herculem nacti sunt, utrâque Minervâ præliantem.

*Obijt  
anno  
1200.*

*Hære-  
ticos e-  
limi-  
nat.*



Prudentiâ clarus  
 liantem. Postquam enim aureis eloquentiæ catenis ad agnitionem veritatis immanior belluis turba adduci non potuit; ferro armatos in eam ciues immisisti; qui primo congressu septem trucidatis millibus turpem Hydram penitens deleverunt. Pro Laurea sacræ victoriæ Purpuram Urbanus III. donavit: quam tu vicissim ingentibus meritis decorasti: elucente præsertim in componendis magnatum discordiis divina quadam, & vel hostibus venerabili prudentia. Hunc deniq, orbem relicturus, inter filios tuos Loci-Regii præstolatus es horam fatalem: ut ubi Cisterciensem spiritum hauseras tyro, eundem ibi miles emeritus redderes Christo Imperatori. *Indue etiam mihi animum regium, ut aeterno Regi, nunc in solio miserationis sedenti, fideliter serviam, lætusque aspiciam aliquando in throno severæ justitiæ venturum.*

S. BERNARDUS, ser. 2. de Epiph.

Occupanda mature Dei misericordia.  
*Videte Regem Salomonem, alioquin non erit vobis tutum, videre illum Ecclesiasten. Idem enim, qui Salomon, id est pacificus in exilio est; Ecclesiastes, id est concionator erit in Iudicio. Hic ergo rector est morum, in Iudicio discretor*



cretor meritorum, in regno distributor  
premierum.



12. Septembris. Pridie Idus.

**B**WALERANE, Abbas Urſi-Cam. *Obijt*  
pi: ad quod Monasterium è gemi- *anno*  
no murorum & morum fundamento *1142.*  
erigendum te sanctissimus Patriarcha  
BERNARDUS destinavit, non ig-  
narus, qualem sibi in te pepererit in  
Christo Filium, cujus paternæ curæ  
nepotes tutò concrederet. Inter hos  
clarissimus fuit Erveus de Baugentio,  
filius nobilis ac tenellus, sed Patri in *Vaticini-*  
munere & vigore egregiæ mentis suc- *niun S.*  
cessurus. Is est, quem idem Mellifluus *Bern.*  
Parens adhuc infantem spiritu vatici-  
co præviderat insigne Ordinis orna-  
mentum esse futurum. Cùm enim par-  
tes Flandriæ inviseret, ut Legatus A-  
postolicus, ex ipsa puelli amabilis spe-  
cie divinam gratiam agnoscens, etiam  
per visum edoctus est, sibi que visus in  
Missarum solennibus sacris datum An-  
gelo pacis osculum ad puerum illum  
transmisisse. Cœlestis ephebi persona  
te designabat (tanti nimirum apud su-  
peros eras meriti) quæ tunc ætate jam  
maturum Erveum dono sacrae vestis  
effecisti tuum simul & Bernardi filium.

Paterne



Paternus amor nec exspiravit cum vita mortali: eidem namque sano adhuc & vegeto, nec de mortis periculo cogitanti visus es nuncius post paucos dies imminentis felicissimi ad superos transitus. *O te felicissimum nuncium! negotij scilicet, cuius eventum quia ignoramus, ideo formidamus tremebundi. Sed quid querimur, omnia nos momenta monent, auribusque nostris clamant illud: Dispone domui tue &c.*

Obijt  
anno  
1661.

Amore  
Jesu  
flagrat

B. DOMINICE, monache celebris Cœnobij Nucalensis in Hispania: qui suavissimi nominis JESU amore totus propemodum ignis, nihil nisi teneros affectus spirabas. Tota supellex pauperis cellulæ fuit illius Infantuli imago; coram qua quidquid à Chori laboribus erat vacuum temporis, diu noctûque in genua provolutus, inter pias lacrymas transigere, illi animas in piacularibus flammis luentes, illi multorum afflictiones ex ardenti charitatis affluentia commendare, in illo denique totus vivere solebas. A deò ut hac pietate passim notâ, vulgò Dominicus à puero JESU dicereris. Nec mirum erat, te in tantis deliciis terrenarum nugarum omnimodam contraxisse oblivionem, quando amabilissimus ille Pusio, ut solet, copiosissimam amoris vicem



vicem rependit: nunc te ad spectanda  
 Cœli gaudia, nunc ad castissimos am-  
 plexus trahens: à quibus ne æternùm  
 abstraheris ultrà, eâ, quâ desiderabas  
 horâ ad felicissimam te patriam evo-  
 cavit. *Quid miseri mortales quærimus  
 in sordibus terrenis gaudia, id est, cur  
 amplexamur stercora, & non potius toto  
 mentis impetu cum Apostolo aversamur,  
 ut in omnium gaudiorum fonte hic & æ-  
 ternùm delectemur?*

S. BERNARDUS. ser. 15. in Cant.

*Electuarium habes, ô anima mea, Amor  
 reconditum in Vasculo Vocabuli hujus, Jesu.  
 quod est Jesus: salutiferum certè,  
 quodque nulli unquam pesti tuæ inve-  
 niatur inefficax. Semper tibi in sinu  
 sit, semper in manu: quo tui omnes in  
 Jesum & sensus dirigantur & actus.*



13. Septembris. Idibus.

**B** GUNTELINE: qui ob exoticas Floruit  
 magni corporis vires, celebratus in circa  
 tota passim Anglia pugil, ut acceptam annuum  
 hanc à natura dotem naturæ auctori 1160.  
 consecraret, voto te ad suscipiendum  
 iter Jerosolimam obstrinxisti, contra  
 Gentiles sub vexillis Christianis mili-  
 taturus.



*totum  
mutat,**invidē-  
te da-  
mone,**appro-  
bante  
Deipa-  
rā.**Mira  
videt  
raptus.*

taturus. De quo consultus à te quidam S. Ordinis Cisterciensis Abbas suavit, ut compendiarium magis viam ad Jerusalem supernam sub signis Cistercii eligeres. Cui consilio sine mora obsecutus, tyrocinium ingressus es. Sed & ibi militiam esse, indutus firmam infernalis hostis ostendit; tam sævis in te verberibus debacchatus, ut tridui spacio omni usu sensuum orbatus fueris. Interea spiritus in alterum raptus orbem, primùm duce Divo Benedicto Misericordiae Matrem, perseverantiae te in bene cœptis admonentem, inde Paradisi hortos vidit: admissus est porò ad inspicienda supplicia sceleratos æternùm cruciatura, aliàque id genus plura, quæ post tertium diem tibi reditus Abbati per ordinem recensuisti. Dictis fidem fecit, præter allata illinc arcana, statim restitutus ope Divi Benedicti corpori vigor; ac tota deinceps vivendi ratio; quæ talis fuit, ut facile constaret, ad quàm seria spectacula fueris admissus. *Relegam ego illud iter tuum oculis sedulæ contemplationis: nec dubito quin, sic sæpiùs spectata inferorum tormenta, & è diametro opposita cæli felicitas optimas inanimum meum cogitationes sit inductura.*

B. PETRE, Monache Monasterii  
Morero-




Morerolensis: qui ob simplicissimam *Floruit*  
 quandam, & ab omni vitiorum conta- *anno*  
 gione immunem vivendi rationem, *1142.*  
 quasi coelum non terram incolens, Pe-  
 trus DEI appellatus, amoris Divino  
 proximos sacræ charitatis ardores in  
 Deiparentem adjunxisti. Quæ tui cor-  
 dis in eam propensio te ad eò totum *B.V. co-*  
 rapiebat, ut Incruentum Sacrificium, *lit piè.*  
 quoties Obedientia permittebat, ejus  
 honori litares. Non erat hæc tua ge-  
 mina pietas hominibus ignota; sed ne  
 & merita ignorarent, post fata inter  
 cœlestes Paradisi cives eo fulgore re-  
 splendens apparuisti, quæ omnium  
 siderum lumina superabat. *Eluxit ex*  
*illustribus illis gloriæ tuæ radys, quàm*  
*nemo frustra veneretur Mariam: præjer-*  
*tim si non labijs duntaxat, sed & virtu-*  
*tum ejus imitatione colatur.*

S. BERNARDUS, ser. 2. de Aqua d.

*Quid nos alia concupiscimus, fratres? Gratia*  
*Quæramus gratiam, & per Mariam DEI re-*  
*quæramus: quia quod quærit invenit, Mariã*  
*& frustrari non potest. Quæramus quæri-*  
*gratiam, sed gratiam apud Deum: tur.*  
*nam apud homines fallax. Quærant*  
*aliij meritum, nos invenire gratiam*  
*studeamus.*

14. Septemb.





14. Septembris. 18. Cal. Octob.

*Passus* **B. CORNELI** Abbas in Hybernia, qui  
*anno* ab hostibus orthodoxæ fidei in cru-  
 3585. cem actus, ac dein spirantibus adhuc  
 membris in quatuor partes distractus,  
 Laureatum ad superos spiritum trans-  
 misisti. *Exora mihi à Christo, Martyrum*  
*duce & præmio, perseverantiã; nam &*  
*illi promissa est gloriæ corona.*

*Obiit* **B. PETRE** Abbas Morimundensis:  
*anno* qui studijs liberalibus Lutetiæ puer in-  
 1199. cumbens, cum omnium sanis ob inge-  
 nii tarditatem peteris, ob eamque  
 causam gravi tristitia marceres, obvi-  
 um habuisti sub viri forma stygium

*A de-* præstigiatores, artium omnium pe-  
*mone* ritiam tibi pollicentem, si ipsius te cli-  
*decipi-* entelæ addiceres. Sed displicuit tanti  
*tur:* emere pœnitendam scientiam: ille ta-  
 men etiam sine pacto gemmam dona-  
 vit, quam cum manu gestabas, tanta  
 pollebas eloquentia, ut doctissimum  
 quemque longè superares. Plautum

*Gravi-* homines sed non superi dedere: subji-  
*ter a-* tō enim morbo correptus, jussu vocati  
*grotat.* Sacerdotis gemmam ac dein, ut cir-  
 cumstantibus videbatur, animam ab-  
 jecisti. Jamque circa feretrum ritus  
 mortuales agebantur, cum tu repente  
 amoto



amoto tumbæ operculo caput erigens,  
 non sine cantantis turbæ terrore & fu-  
 gâ, vivere te ostendisti; narrâstique  
 stupentibus: raptum te ad Divinum  
 Tribunal, ac traditum tortoribus; qui  
 ad eò in te sævierint, ut pæna illa om-  
 nium, quæ sub sole sunt, tormento-  
 rum acerbiter excedat: & in his cru-  
 ciatibus in omnem retrò æternitatem  
 detinendum fuisse, nisi persona quæ-  
 dam, plena majestatis, te ex licitorum  
 unguibus ereptum, communi viventi-  
 um societati restituisset. Quàm altè  
 inhæserit animo tuo hæc tragœdia,  
 potuit ex reliqua vitæ methodo cog-  
 nosci. Illicò enim ad Morimundense  
 asceterium properans, tam inclementi  
 austeritate corpus tuum tractabas, ut  
 ad tot afflictiones sustinendas te re-  
 bur non aliunde, quàm è cælo prodi-  
 giosè accersere, nemo dubitaverit.  
 Consonabat morum severitas; dum  
 curiosi actionum tuarum explorato-  
 res, ne verbulum ullum joco vicinum,  
 non frontem vel ridenti similem, ocu-  
 los verò vix unquam à lacrymarum  
 imbribus siccos deprehenderint. Abba-  
 tialem sedem ascendere coactus, non  
 ultra triennium præesse acquievisti, ne  
 publica negotia severioribus studijs  
 impedimento essent. Verùm duobus  
 successo-

*Redit  
ad vitã*

*Et mi-  
ra nar-  
ras.*

*vitam  
ducit  
rigidif-  
simam.*



successoribus celeri fato raptis, ad paternas denuo curas vocatus, quatuordecim annis clavum tam strenuè tenuisti, ut propagato per Filias insignes S. Ordine, compositis per loca etiam longè diffita controversiis, domi forisque inclytus; clara, si quisquam alius, sanctimonix famâ ex Morimundo tuo, ad vitam immortalem discesseris. *Quam imbelles sumus milites! cælum, quod sola vi rapiendum esse, quotidie audimus, & te cum innumeris fecisse, laudamus, ingredi speramus, per stratum mollibus rosis iter. Exilium, non patriam petit, qui spinas in via horret.*

S. BERNARDUS, s. 3. de Nat. Dom.

Christi exem-  
plo præ  
mollibus a-  
manda  
aspera.

*Merito carnalis prudentia inimica est Deo, & seculi quoque prudentia stultitia nominatur. Quid enim? Christus utique, qui non fallitur, elegit, quod carni molestius est. Id ergo melius, id utilius, id potiùs eligendum: Et quisquis aliud docet vel suadet, ab eo tanquam à seductore cavendum.*



Floruit  
anno  
1201.

15. Septembris. 17. Cal. Octob.

B. STEPHANE Grandis Sylvæ Con-  
verse; qui felici confratrum aliquot  
in pa-



in patriam cœlestem transitu incitatus, ardenti desiderio cupiebas dissolvi & esse cum Christo. Nec distulit Divina clementia implere desiderium tuum. Nam feбри correptus alacri animo te ad postremum agonem comparasti. Hunc mentis Jubilum cùm is in te cerneret, qui tui curam agere iussus erat, te rogavit, ut inter cœlites receptus tuis precibus illi quoque celestem ab hoc exilio migrationem impetrares. Elapsis itaque paucis diebus illi visus es veste amictus rutilante, felixque futuræ beatitudinis nuncius, si tamen prius commissum in juventute delictum, & hætenus sub cineribus oblivionis sepultum, exomologesi & seria poenitentia deleverit. *Impetra mihi lumen, quo tenebrosos conscientia meæ angulos investigem, & nunc delicta mea poenitentia aboleam, antequam mortis caligo me obruat.*

B. ACHARDE, Monache Clarævallis mellifluo Bernardo in paucis dilecte: animi enim tui fidelissimi puritatem intimè pernoscent, te contra diabolicas technas jam tyronem paternè præmunivit. Erat è tyronum numero, qui clam ad secularis vitæ vomitum rediturus, spolium librorum furtivè secum auferre proposue-

LI

rat.

Floruit  
anno  
1142.



*Dæmonis fallacias deprehendit.*  
 rat. Cujus fraudis non ignarus sanctus Abbas, te pridie præmonuit; ut eam noctem ageres pervigilem, intentus in transfugam, ne cum rapina elabere-  
*Apostatae interitus terribilis.*  
 tur. Nocte igitur jam in auroram ver- gente devicto viriliter somno, vidisti duos horrendæ proceritatis gigantes ingredi cubiculum, quorum alter as- sam veru gallinam, fædo serpente cir- cumvolutam, gestans, altè stertentem excitavit, atque eduxit. Nec mora; tu adscitis in subsidium sociis deserto- rem à fuga retraxisti: qui tamen in ma- lo pertinax dimissus quidem fuit; sed eadem mox die à dæmone correptus turpem fugam terribili interitu luit. Neque contentus malignus hostis, se in fonte vindicasse, te sub militis de- formis specie ad singulare certamen provocavit. At in Achillem nempe incidit, tam strenuo pugni ictu à te multatus, ut comminutum cerebrum in terram effundere visus fuerit. Ex quo ictu, ne ludicram fuisse pugnam putares, manus tumorem, tamque pu- tidum fætorem contraxit, ut integro anno, non sinè gravi molestia inhæ- serit. Prælium confecerat, sed non bellum. Idem enim veteraror jam noctu precibus incumbenti lampades fulguris instar coruscantes objecit;  
 jam



jam verbera quin & vulnera infixit; *semper*  
 qua sævitia nihil aliud effecit, quam ut, *victor.*  
 te ad omnem impetum immobili, vi-  
 ctus & confusus abscesserit. Deinceps  
 aliis te laboribus destinavit dulcissi-  
 mus parens, quos illi in construendis  
 aliquot cœnobiis egregios navâsti. Ul-  
 timos piissimæ vitæ annos tyronibus  
 erudiendis donâsti, ingenti eorum  
 fructu; utpote ab artis hujus summo  
 Magistro enutritus, & experientia lon-  
 gâ exercitatus. *Firma tuis meritis ma-*  
*num meam cum hoste maligno luctantem:*  
*irrequietus est, & mille fraudum arti-*  
*fex, sed militi cordato & in gratia divina*  
*spem suam collocanti minimè formidandus.*

S. BERNARDUS, ser. 5. de XL.

*Ecce inflammat inimicus desiderium* *Negato*  
*cibi: Vanitatis, aut impatientia cogi-* *consen-*  
*tationes ingerit: aut excitat libidinis* *su vict'*  
*motum: tu solummodò ne consenseris;* *est dia-*  
*& quoties restiteris, toties corona-* *bolus.*  
*beris.*



16. Septembris. 16. Cal. Octob.

B. MARIA de Arroyo Monialis *Circa*  
 stemmate & animo generosa: quæ *annum*  
 post mariti obitum, quem juvencula *1260.*

L 1 2

duxe-



duxeras, ut te à procorum sollicitatione redderes immunem, Sororem Men-  
ciam Abbatissam secuta, Cisterciense  
Velum nobilissimo capiti imposuisti.  
Exinde soli pauperi adhærens Christo  
animum adeò à rebus terrenis abduxi-  
sti, ut etiam alios cœlesti amoris igne  
accenderes. *Felix animus! qui hos ge-  
minos amores, cœli nimirum ac terræ, sa-  
gaci oculo rectè discernit: quàm sanctus  
ille, quàm suavis & jucundus: quàm con-  
trà vanus hic, & omni amaritudine ple-  
nus!*


*Floruit  
circa  
annum  
1245.* B. MILO Abbas Calisii: qui ad il-  
la gubernacula ex Archi-Cœnobio Ci-  
sterciensi vocatus, regendi curas ita di-  
vinarum rerum contemplationi soci-  
âsti, ut nullum temporis momentum  
destinato certo labore vacaret. Majo-  
rem tamen partem sibi vendicabat li-  
brorum lectio; ex qua velut ex cel-  
la Divini spiritûs vinaria in publicum  
rediens, haustam inde doctrinam no-  
bili eloquentia profundebas. Ut per-  
petuâ tui memoriâ ad imitationem  
piæ occupationis posterî excitarentur,  
tibi sepulchrum in eo ambitûs loco sta-  
tuerunt, ubi solet lectio librorum fre-  
quentari. *Expertî nôrunt, quàm salu-  
bria ex libris monita ad salutem hauri-  
antur. Lacti Lectio non est dissimilis, quo  
nimirum*



nimirum anima nutriur, & ad impug-  
nanda vitia roboratur.

S. BERNARDUS, ser. 7. de Adv.

Et faciles sumus ad seducendum Fragi-  
& debiles ad operandum, & fragi- litas  
les ad resistendum. Si discernere huma-  
volumus inter bonum, deficiamus; si na.  
conamur resistere malo, dejicimur &  
superamur.



17. Septembris. 15. Cal. Octob.

B. CASIMIRE Abbas Monasterii Floruit  
Olivensis in Prussia: qui ab irruen- circa  
tibus in eam regionem Barbaris, cum annum  
toto filiorum cœtu immaniter truci- 1224°  
datus victricem animam ad recipien-  
dam in cœlis coronam emisisti. Irru-  
unt in nos nocentiores omni barbarie ho-  
stes è Luciferi castris; horum nequitia ne  
mihi noceat, tua in conflictu auxilia im-  
ploro.

B. STEPHANE, Converse Claræ- Floruit  
vallis: qui in illa totius sanctimonie anno  
schola nihil animo tuo altius impressi- 1160.  
sti; quàm Christi Servatoris primari-  
um dogma: Discite à me, quia mitis  
sum, & humilis corde. Licet enim di-  
ligentiâ in laboribus, orandi fervore,  
abstinentiæ maceratione, esses inter



*Animi  
demissio**in sui et  
aliorum  
æstima-  
tione:**landa-  
ra à S.  
Bernar-  
do.*

primos, tua tamen animi demissio te infra ultimos deprimebat. Cujus despicientiæ tuæ gratissimum specimen aliquando sanctissimo Abbati Bernardo dedisti; cum ad ejus pedes provolutus madentibus oculis rogasti, ut sua te ope saltem eò proveheret in perfectionis studio, ne semper in postremo gradu cogereris hæerere: nam te præteritæ noctis vigiliis in unico confratre triginta singularia gratiæ supernæ dona per contemplationis examen deprehendisse, quarum omnium te vacuum doleas. Miretur fortasse aliquis piissimi Magistri censuram super his precibus tuis: sanè in publica concione dicere non dubitavit; præferre se humilem illam de te æstimationem triginta illis virtutum ornamentis, quæ tu in alio pia utilique curiositate observata illi enumeraveras. Exaltari meruit, juxta Divini promissi oraculum, tam profunda humilitas. Primam te extollendi machinam admo-verunt cœlestes Alites, qui animam tuam è corpusculi carcere suis alis ad sidera transferre sunt visi. Alteram addidère prodigia, quæ tumulum tuum plurima illustraverunt. *Quàm jucunda floreret ubique animorum pax & quies, si in nostras infirmitates non essemus tal-*

*pa,*



pa, in aliorum defectus lynces. Ego tecum oculos in me convertam, aspiciam utique sat gravia pondera, quæ spiritus in sublimè tendentes suppressant.

S. BERNARDUS, ser. 34. in Cant.

Oportet humiliter sentire de se, nitentem ad altiora; ne dum supra se attollitur, cadat à se, nisi in se firmiter per veram humilitatem fuerit solidatus. Humilitas.



18. Septembris. 14. Cal. Octob.

B. VULCHINE Abbas & Auctor Floruit  
 Monasterii Sichemensis in Saxonia. anno  
 Vocabant ad hos labores te ex Vol. 1141.  
 kenrode nota pietatis tuæ merita,  
 publico illic theatro dignitatis expo-  
 nenda. Gaudebant eorum fructibus  
 Conventuales filii, quos animarum &  
 corporum nutrimento pavisti solici-  
 tus: inde pauperum greges non solum Fovet  
 qui ad Monasterii januas opem flagi- egenos.  
 tabant, sed quos vel malè tecta tuguri-  
 a vel xenodochia occultabant: tales e-  
 nim studiosè perquisitos omni chari-  
 tatis effusione fovebas. Et annuere  
 cœlum sancto fervori miracula testa-  
 bantur, quæ manuum tuarum mini-  
 sterio contingebant non rarò: quin &



## 248 ANNI CISTERCIENS.

afflictorum asylum fuisse cineres tuos tota illic Vicinia fuit experta. Nunquam deest piæ Voluntati cælum suis subsidijs, quæ tamen nos plerumque nostrâ socordiâ solemus negligere, irreparabilis nostro damno, tum nempe ad præteritos annos respicientes, cum optimam vitæ partem malè dilapsam dolemus.

*Floruit* B. STEPHANE, natione Angle,  
*anno* moribus & vita Angele. Sed quid ali-  
 1254. ud disceres, Angli item atq; Angelici  
 Doctoris S. Edmundi, Parisiis Sacras  
 Literas ex cathedra docentis, alum-  
*Vaticinio* nus? Viderat is è schola egredi 7. ar-  
*præcedente S.* dentes insolita luce faculas: quæ po-  
*Ordinē* stera die sese libra verunt in altum, cum  
*ample-* quidam Cisterciensis Abbas Palæstram  
*Etitur.* literariam visens, te, sexque alios se-  
 cum ad Monasterium Savigniacense  
 discipulos eduxit. Ubi paucis annis à  
 tyrocinio electus in Abbatem Matri  
 Clarævalli ita placuisti, ut te adopta-  
 ret in Patrem, daturum lucem, quam  
 nulla secula extinguent. Cum enim  
*Prædi-* alii post Cistercium exorti Ordines ve-  
*cat.* & generationem sibi ex non sola pietate,  
*Franci-* sed junctâ eruditioni, conciliarent,  
*scani.* commune Gymnasium Parisiis, S.  
 BERNARDI appellatum, generosa  
 industria erexisti, firmastique proven-  
 tibus & brachio Apostolico. Sed ut  
 nova



nova vetustatem solam in pretio habentibus displicent, Auctoritatis limites videbatur prægressum, licet nobilissimum opus. Hinc cedere jussus, nihil contra Obedientiam movisti, quanquam Authoritate Apostolica restitutus in gradum meritæ dignitatis ab Alexandro; quin tibi uni vacaturus Monasterium Ursi. Campi elegisti pro campo Martio, in quo ultimam cum morte luctam decertares. Jamque nuncii Romani Insulas Episcopales deferebant, in patriam à te gloriose transportandas: at melior Angelorum patria te jam in felicis æternitatis gremium receperat. *Erubescio frigidam meam in Obedientiâ tarditatem, cum te considero è tam sublimi loco, contempta ignominiam generose descendentem, me verò tam oscitanter implentem facillima superiorum mandata. Deinceps obtemperare studebo consilio, quod suggerit.*

S. BERNARDUS, serm. 3. de Circum.

*In cogitatione tua semper quæ artem magistri, quoad potes, adversus te ipsum juva, teque in omnibus accusare, ipsum verò magis excusare labora.*







19. Septembris. 13. Cal. Octob.

Obijt  
anno  
1221.

**B.** SOPHIA, quæ ex communi ob-  
servantia Benedictina Monasterii  
Dietkirchen ad Montem S. Waldbur-  
gis migrans, ibidem Priorissæ dein Ab-  
batissæ munus tam ferventi pietate su-  
stinuisti, ut discretionis præsertim er-  
ga teipsam ignara quibusdam visa fue-  
ris. Sed aliud iudicium superi tulerunt  
sanctimoniam tuam prodigiis com-  
probantes. Cerevisia enim exoleta in  
optimæ notæ vinum conversa zeli  
sinceritatem: porrò ephebus cœlestis  
facem tibi ex odæo discedenti præfe-  
rens, interius animæ lumen ostendit.  
*Mitte ad me ducem illum tuum cum lu-  
mine gratiæ: inflammet cor meum, ut co-  
gitationes omnes & actiones meæ lumen  
sinceræ ad Deum intentionis præferant.*

Cerevi-  
sia in  
vinum  
muta-  
tur.

Obijt  
anno  
1263.

**B. BALSAME** Monasterii S. Ana-  
stasii Romæ Asceta; qui nominis tui  
etymon virtutum præstantissimarum  
fragrantia optimè expressisti. Inter  
quas celebrior fuit, in expediendis ne-  
gotiis felix industria. Eadem procura-  
turus, cum in Claravalle divertisses, i-  
ta animum tuum loci genius affecit, ut  
nisi aliud præcepisset obedientia, nulla  
te vis illinc coëgisset discedere. Speci-  
ali




ali tamen meritorum communicati-  
 one obtenta ad Urbem reversus, haud  
 parum de Claravalle, incrementum  
 nempe virtutum, tecum reportasti.  
 Sublato postmodum è vivis Abbate  
 rursus in Burgundiam, ad petendum à  
 Matre successorem dum iter ageres, à  
 Schismaticis interceptus, atque in vin- *Mirabiliter*  
 cula conjectus, mox verò non sine *prædo-*  
 prodigio libertati redditus es. Nam *nibus*  
 quòd mula, quà vehebaris, ad omnia *libera-*  
 verbera contumax nullum pateretur *tur.*  
 sessorem, te è carcere eductum tanta  
 recepit alacritate, ut stupefacti præ-  
 dones veriti sint te ultrà offendere.  
 Claram itaque vallem incolumis subi-  
 ens agoni & exequiis cujusdam Fratris  
 intereras. Et ne denuo deserere tam  
 sanctum consorrium compellereris, in-  
 tensissimis precibus & lacrymis à DEO  
 febriculam impetrasti, quæ corpus de-  
 sideratâ sepulturâ, animam in cœlesti  
 felicitate Clarævallenibus conjunxit.  
*Utcunque armatus miles, animosius pu-*  
*gnat sociorum cohorte stipatus, eandem*  
*concupere fiduciam potest moriturus, si ut*  
*quasi scutis muniatur, quot piis circum-*  
*stantium orationibus.*

S. BERNARDUS, hom. 3. sup. Miss.  
 Utinam & me peccatorem dignetur  
 L I 6 Dominus



Electus Dominus Jesus annumerare populo  
 est, qui suo, ut saluum me faciat à peccatis  
 facit meis! Vis scire an pertineas ad popu-  
 volun- lum ejus? Fac, quæ dicit Jesus, &  
 tatem DE I. computabit te in populo suo.



20. Septembris. 12. Cal. Octobr.

Obijt SAMADÆE, Laufannensis Episco-  
 anno pe, sancti Parentis sanctior ac illu-  
 1158. strior proles. Iste ex Bona valle (ubi  
 Monachum agebat) Cluniacum dedu-  
 xit, ac deinde in Cognati Imperatoris  
 aulam, literis imbucendum: ita ferente  
 fortuna, ut in optimos ubique instru-  
 Claram ctiores incideres. Præ his tamen om-  
 vallem nibus arrisit BERNARDUS, cujus  
 ingre- in Claravalle tyro intrà paucos annos  
 ditur. solo illius judicio in Abbatem Alta-  
 cumbæ fueris promotus. Sed labori-  
 bus tuis fortunatissimis non diu frue-  
 batur hoc Cœnobium, Laufannensis  
 Clerus hoc decus suæ cathedræ vendi-  
 cabat: & ne, quod suspicabatur, ho-  
 norem humilitas tua respueret, Apo-  
 Elig- stolicæ Authoritatis tibi vincula inje-  
 tur E- cit. Videri poterant omnia virtutum  
 piscop<sup>9</sup>. ornamenta in te unum conjurasse: E-  
 ras enim, ut de te scribit author vitæ,  
 in judicio justus, in consilio providus,  
 in verbo



in verbo fidelis: viduarum defensor,  
 orphanorum adjutor, incarceratorum  
 consolator, bonorum præcipuè pau- *Egre-*  
 perum promotor: ultor nequitiae, o- *gia vir-*  
 for invidiæ, amator justitiæ, castitatis *utum*  
 conservator, parsimoniæ sectator: in *orna-*  
 vigiliis sedulus, in jejuniis frequens, in *menta.*  
 visitandis infirmis & alendis pauperi-  
 bus assiduus: temperans in correptione,  
 in zelo præcipuus, in sermone di-  
 scretus, in Religione ferventissimus:  
 sinè superbia nobilis, sinè invidia po-  
 tens, sinè superstitione religiosus, sinè  
 jactantia literatus, sinè ineptia gravis,  
 sinè fastidio facetus, sinè asperitate  
 constans. Quanto autem devotionis *Deipa-*  
 affectu Purissimam DEI Parentem fu- *ram co-*  
 eris prosecutus, testantur Homiliæ in *lit exi-*  
 laudem ipsius scriptæ: quas quidem ex *mijs lu-*  
 animi demissione publici juris haud *cabra-*  
 fecisses, nisi sororis tuæ instantissimæ *tionibus.*  
 preces eruditissimum opus à te extor-  
 sissent. Et ne sic etiam ejus votum im-  
 plevisses, nisi illa pretiosissimo dona-  
 rio lanæ chyrothecæ, olim à Cœli-  
 tum Regina in munus acceptæ, scri-  
 ptum redemisset. Quemadmodum  
 autem sanctimoniam tuam apprímè  
 venerabantur Eugenius III. Pontifex,  
 ac Imperator Fridericus; ita eandem  
 formidavit Comes Gebennensis: quem  
 L 1 7 ab obsidi-



ab obsidione civitatis Lausannensis recedere, munimentumque à se excitatum funditus evertere, te solo armatus compulisti. Ita cum pastoralis sollicitudo quietem nullam concederet, post annos quatuordecim sanctissime transactos cælum dedit. *Sustollo tecum ad sidera supplices manus, Magnamque Angelorum Imperatricem ignitis illis pio amore verbis deprecor, quæ tu ubique libro tuo aureo inseruisti, præsertim Homilia 4. Ut Mater pietatis per arcana gaudiorum suorum & ineffabiles amores nobis peccatoribus maternæ pietatis affectus impendat, & pro nostris excessibus apud proprium filium incessanter intercedat.*

Obiit  
anno  
1441.

Transit  
ab Au-  
gustini-  
anis ad  
Cisterc.

B. JOANNE SEUSTACHI, flos quidam sanctimonix, semper aut in te aut aliis crescens. A cœtu Canoniorum Regularium D. Augustini ad Cistercienses hortos Monasterii Molinensis transiens, statim ostendisti, quales ex te fructus possint sperari. Hinc te Abbas Alnensis ad restituendum in meliorem vivendi normam Jardinetum delegavit. In quo cum tres solummodo Moniales, nec instituti regularis peritas neque capaces invenisses; illis in clausa Monasteria amandatis, Monachos induxisti. Quod  
factum



factum adeò vicini probaverunt, ut ad sublevandam rerum penuriam abundè liberales occurrerent, passimque rogareris, ut alia quoque cœnobia in eam formam redigeres. Invidiam in te concitavit ista licèt mansuetudine temperata severitas. Nam hunc licentiosè vivendi obicem è medio sublaturum quidam, sicarium conduxêre: de cujus conatu cœlitùs edoctus, obviam occurristi, illi vitam, quam tibi venerat ereptum, & meliorem quidem daturus. Monitis enim instructum salutaribus hostibus ruborem concepti facinoris, & deinceps docilem ad omnia bona animum peperisti. Atque ut sacram paupertatem tam ipsi in suo quàm egenorum victu promptiùs colerent, farris cumulos tam diu decrescere vi divina prohibuisti, donec nemo superesset, qui se egere quereret. Senio tandem gravante debiliore corporis membra, onus pastorale reliquisti, quatuor postremos ætatis decrepitæ annos ad piæ mortis præparationem seponens, quam inter flentium filiorum copiosam multitudinem suavissimè subiisti. *Indiget heu nimis gravi necessitate regnum interius animæ meæ quotidianâ reformatione: Tu increpa me ad suscipiendum seriò hunc laborem.*

*Insidys  
hostiũ  
petitur,*

*sed si-  
carium  
à faci-  
nore a-  
vertit.*

*Frumẽ-  
um  
prodi-  
auget.*

S. BER-



## 256 ANNI CISTERCIENS.

S. BERNARDUS, s. 2. in cap. jejun.

Con-  
versio  
cordis  
fit, non  
soli  
corpo-  
ris.

Convertimini ad me in toto corde.  
Corporis namque conversio si sola fu-  
erit, nulla erit, Forma siquidem con-  
versionis est ista non veritas, vacuam  
virtute gerens speciem pietatis, putans  
se aliquid esse, cum nihil sit.



21. Septembris. II. Cal. Octobr.

Obijt  
anno  
1252.

Multa  
passus  
pro Ec-  
clesia.

Cister-  
cium  
Petra  
immo-  
bilis.

B. BONIFACI Abbas Cistercii ac  
totius Ordinis Superior Generalis  
XXIII. qui pro conservanda salute  
tanti corporis magnanimâ curâ solici-  
tus prudentissimas leges condidisti,  
adhuc in continuo usu persistentes. A  
Gregorio IX. ad Concilium Latera-  
nense vocatus, in reditu à Friderico  
Imperatore, tunc Schismatis fautore  
in carcerem unâ cum aliis detrusus, vi-  
rili constantiâ tuâ docuisti orbem, Ci-  
sterciensium esse, ut olim Romani ja-  
ctabant, & agere & pati fortia. Non  
desunt ejus temporis, an tempestatibus?  
fide digni scriptores, qui affirmare  
non formidant, Cistercium velut im-  
mobilem. Ecclesiæ Petram, junctam  
Romanæ Petræ Schismatis illius im-  
manes procellas fregisse. Certè qui-  
busnam armis victus fuerit Fridericus,  
sinè disti-



sinè dissimulatione confessus est, quan-  
 do extremam cum morte subitutus a-  
 leam abjecto cultu Imperatorio, pau-  
 pere cuculla Cisterciensi armatus illi  
 sese certamini commisit. In medio ta-  
 men laborum æstu vel nova condidi-  
 sti, vel sponte se offerentia aliorum  
 Ordinum in filios suscepisti cœnobia,  
 grandis instar animæ, quæ vastum  
 corpus pari spiritu ubique impleret.  
 In arctum te denique contraxisti, con-  
 jectis in Successorem negotiis, quatuor  
 annorum spatio antequam vitam hanc  
 mortalem exueres. *Doce me sanctorum  
 Ordinis Patrum constitutiones tam salu-  
 briter inventas eo spiritu observare, quo  
 illas condiderunt. Est enim Ordo sinè le-  
 gum diligenti observatione ut corpus sinè  
 anima.*

*Frideri-  
 c<sup>o</sup> Imp.  
 in ha-  
 bitu Ci-  
 sterciē-  
 si mori-  
 tur.*

B. MARTINE, palmes nobilissi-  
 me perantiqui stemmatis Principum  
 Cybo, utpote ad priscos Trojæ hero-  
 ès originem suam referentium. Di-  
 gnum tam excelsa propagine mentem  
 esse tibi insitam vidit Innocentius II.  
 cùm te Patribus Purpuratis annume-  
 ravit, misitque de Latere suo Nunci-  
 um ad Daciæ Regem. Inde autem post  
 expedita feliciter negotia Pisas rever-  
 sus, insigni facto purissimam ab omni  
 corruptione vitam demonstrasti. Flo-  
 rentiam

*Floruit  
 anno  
 1134.*



*Munus respuit ne justitia corrumpatur.*

tentiam enim occasione itineris transcuntem te loci Episcopus non solum humanissimo excepit hospitio, sed cernens deesse tibi ad proseguendam viam necessaria penè subsidia, equo donavit. Pergentem Pisas secutus in gravi decisione litis cum te patronum rogaret, priusquam illum responso dignareris, quantocyus equum iustiti restitui, tum demum de innoxio tribunali decreturus, quod justitia dictaret. Quam mentis tuæ generositatem mellifluo elogio profecutus est **BERNARDUS**, dum multis post annis velut oculatus rei testis Eugenio III. ita memoriam refricat.\* Quid dicis mi Eugeni? nonne alterius seculi res est, redisse Legatum de terra auri sinè auro? transisse per terram argenti, & argentum nescisse? donum insuper, quod poterat esse suspectum, illico rejecisse? O si talium virorum daretur egregiè copia! quid te felicius, quid illo jucundius seculo? O si viderem, in vita mea Ecclesiam **DEI** talibus innixam columnis! O si Domini mei sponsam cernerem tantæ commissam fidei, tantæ creditam puritati! *Judicium nostrum vanissimis suis muneribus identidem corrumpere nisiur fallax mundus. Tu doce me illius fraudes agnoscere, & in*

*corrupto*

\*  
*De Confid. l. 4. cap. 5.*

*A Bernardo egregiè laudatur.*



corrupto iudicio terrenis præferre æterna.

S. BERNARDUS, ser. 3. de Epiph.

*Aurum inter seculi divitias videtur*

*excellere: quod per Dei gratiam omnes nos devotè obtulimus Salvatori, cum pro ejus nomine ex integro derelinquimus substantiam hujus mundi. Jam verò necesse est, ut qui perfectè terrena contempsimus, flagranti desiderio cœlestia requiramus.*

Aurum  
offert  
DEO,  
qui re-  
linquit  
omnia.



22. Septembris. 10. Cal. Octobr.

**BOTTO**, insigne decus Serenissimæ Domûs Austriacæ: qui, si generus spectetur, quatuor Imperatores

Obiit

anno

1169.

Romanos proximo sanguinis gradu tibi numerabas conjunctos: quippe

Henrici IV. nepos; Henrici V. sororius; Conradi frater; Friderici Patruus:

Gene-  
ris no-  
bilitas.

si, in genealogia Virtus æstimetur, S. Leopoldi Austriæ Marchionis Filius;

Illustria omnia. Parisios studiorum gratia destinatus, cum salutatâ Miner-

vâ reditum festinares in Patriam, unius noctis hospitio in Cænobio Mori-

mundensi tam ardentes Monasticæ vitæ scintillas hausisti, quæ & quindecim

socios, ex prima Germaniæ nobilitate

litate



litate comites tuos, eodem desiderio inflammabant, ac deinceps immortalis memoria orbem illustravêre. Votis solenniter emissis denuo Parisios missus stadium literarium tam felici cursu penetrâsti, ut omnium expectationem transcenderes. Unde ad Clavum Morimundi promotus, intrâ octennium mira fœcunditate florens ultra duodecim monasteria genuisti. Prestolabatur Patria tam fertilem manum; quæ te in throno Frisingensi collocavit. Quæ quidem Ecclesia per temporum injuriam penè collapsa, tibi mox debuit restaurata ubique & ad dignum decorem exornata templa: Rituum Ecclesiasticorum revocatum ab exilio usum: spectabilem ab eruditione & pietate Sacerdotum frequentiam; verbo, novam, quam multo labore induxisti, faciem. Plurima erexisti præterea Religionis castra, dum aut extincta Cœnobia ad pristinum revocâsti vigorem, aut nova jussisti surgere. Tot inter negotia nunquam quiescebat stylus, quo celeberrimam illam ab Origine mundi historiam ad tuam usque ætatem diserto veracique eloquio exposuisti. Pendeat ab ore tuo Nepos Fridericus Imp. in rebellionis contra Ecclesiam probrum nunquam utique lapsurus,

*Abbas  
Mori-  
mundi  
eligitur*

*mirè  
fœcun-  
dus.*

*Episco-  
parum  
Frisingem  
reforma-*

*Multa  
doctè  
scribit.*



lapsurus, nisi te illi fata invidissent. Sed tibi illa consultum volebant, ne flammam geminam tristibus oculis aspicere cogereris: quarum altera, te vix ad cœlos raptò, universam exorto Schismate Ecclesiam fœdavit: altera ingenti sumptu exornatam Frisingam subito incendio consumpsit. Non ignarus deniq; tuæ ex hoc seculo migrationis, per occasionem Comitiorum Generalium ad Morimundum properasti, ubi tam pretiosam in conspectu cœli & orbis mortem oppetiisti, quam meritò præsentès filii ac Præsules laudarunt, sepulchrìque supra humum elevati honore condecoraverunt. *Virtutum omnium mater est labor, ut otium vitiorum. Tu juva labores meos qualescunque, & cum tuis nec à longè quidem comparandos, & gratiam impetra, ut eos ad Dei gloriam & animarum salutem, nec alio sine, impendam.*

*Moriturus  
Mori-  
mundum  
se con-  
fert.*

B. GERARDE: qui à sancto Parente BERNARDO ad regendum Villariense monasterium constitutus, celebritatem nominis tantam comparasti, ut licet solitudinis amore munus Abbatiale dimiseris, invitum tamen ad Tornacensem Episcopatum aliorum imperia rapuerint. Ita sæpe Providentia Divina latentem sub humilitatis umbra vir-

*Floruit  
anno  
1166.*



umbra virtutem in publicam lucem  
 producit: Nam & pii in te spectabant  
 clarissimum pietatis exemplum: ege-  
 ni afflictique asylum; Coenobitæ lar-  
 gissimum suæ paupertatis patronum.  
*Ubique datur volenti virtutis occasio: sed  
 maximè in Cœnobitica solitudine, ubi à  
 mundi strepitu sequestrati, in solam ani-  
 mæ culturam invigilamus. Tu fac, ut a-  
 gam, quod mihi suadet.*

S. BERNARDUS, s. 2. Dom. 1. p. Ep.

Populū  
 suum  
 obli-  
 scitur,  
 qui car-  
 nales  
 affectus  
 deserit.

*Tu ergo audi filia, & vide, & consi-  
 dera, quanta sit erga te dignatio Dei  
 tui; & obliviscere populum tuum, &  
 domum patris tui: desere carnales  
 affectus, & seculares mores dedisce;  
 à prioribus vitijs abstine, consuetudi-  
 nes noxias obliviscere.*



23. Septembris. 9. Cal. Octobr.

Passi  
 anno  
 1427.

**B**Eati Martyres SILESII, Monachi  
 Cœnobiorum Cellæ Novæ; & Grun-  
 heim: quos detestabilis illius Viperæ  
 Hussii Neroniana genimina sævissi-  
 mis tormentis, quasi quibusdam ma-  
 chinis ad cœlestem triumphum pro-  
 vexere. In hoc vitæ mortali curriculum i-  
 dem est vivere, & luctari, sed nulla peri-  
 culosior est



*culosior est pugna, quam postrema: in hac vos palmati athletæ mihi assistite.*

B. GUIDO Abbas Cari Loci: qui *Floruit*  
 per consuetam ad coeloviam, ærum- *anno*  
 nis nempe & crucibus stratam prope- *1133e*  
 râsti. Quidam enim Præpositus, ini-  
 micus Crucis Christi ( ut eum BER-  
 NARDUS vocat ) impudenti rapi-  
 na in Cænobium tuum involans, te  
 multis annis exulare coëgit. Solatium  
 unicum inter has afflictiones tuas erat  
 Mellifluus Parens, qui te Innocentio  
 Pontifici per insignia præconia\* com- *\* Epist.*  
 mendavit, quem etiam non frustra ad *198.*  
 ferendam tibi opem imploraverat.  
*Non est dignus bravio, qui detrectat illam  
 arenam percurrere, quam nobis proposuit  
 Deus. Pati necesse est, aut perire.*

B. OTTO, Converse Villariensis, *Floruit*  
 sanctissimæ filix Ivetæ parens: quæ de *anno*  
 salute tua anxiam gerens curam; im- *1211.*  
 petravit à DEO, ut opes, qui-  
 buste nimis constrictum dolebat con-  
 temneres. Illius deinde monitis instru- *Filia ei*  
 ctus peregrinationum pio labore te ex- *conver-*  
 ercuisti: quarum meta Villarium fuit, *sionem*  
 ubi assumpto Cisterciensi habitu Filix *à Deo*  
 vota abundè implevisti. Potiorem *impe-*  
 sanctimonix partem, quam animi tui *trata.*  
 demissio studiosè occultaverat, mors  
 detexit: inventis ad nudum corpus a-  
 cribus ex



cribus ex ferro instrumentis, quibus sine remissione afflixeras. *Unica post lapsum spes superest penitentia: quam facilis modò dum corpus valet, tam dubia, si nimium differatur. Tu ex animo meo illud execrabile cras elimina, ut nunquam, quod egisse me aliquando optabo.*

S. BERNARDUS, s. x. de Circum. Dom.

Vere-  
cundia  
vitiosa  
pœni-  
tere e-  
rubes-  
cens.

*Quem nemo potest arguere de peccato, ipse peccati remedium & verecundum pariter & austerum sinè ulla necessitate suscepit. Nos econtrà inverecundi ad obscuritatem culpæ erubescimus agere penitentiam, quod extrema dementiæ est, malè proni in vulnera; pejus in remedia verecundi.*



24. Septembris. 8. Cal. Octobr.

Obijt  
anno  
1617.

Lacta-  
tur à B.  
V.

**B**MARIA Vela, Abulensis Monasterii Virgo illustris, verè cœli delicum, quam scilicet Castissimus animæ tuæ Sponsus amplexu constringere, & Virginum Virgo nobilissima suis lactis ambrosia potare; utrique quotidiano ferè alloquio dignabantur. Tantos favores meruit tua inter cruciatus invicta patientia, quos tum morbi acerbissimi, tum victus austeritas pariebant. Nec



bant. Nec minorem tolerantiae ma-  
 teriam offerebant maligni dæmonis <sup>Vexa-</sup>  
 insidiæ, quas aut ipsemet suis versutiis <sup>tur &</sup>  
 aut malevolorum linguis in te fabri- <sup>dæmo-</sup>  
 cavit. Sed denique omnium gloriosa <sup>ne.</sup>  
 victrix, secunda cordis lætitia transisti  
 ad Sponsam. Eminerat inter reliquas  
 virtutes intentissima devotio erga SS. *Erga*  
 Eucharistiam: eo enim die, quo ad *Ven. Sa-*  
 Angelicum hoc epulum accedebas, ni- *crani.*  
 hil tibi potiusve corporalis gustare con- *devota.*  
 suevisti. *Accende hoc amoris igne ani-*  
*muum meum: ut quotiescunque Divino hoc*  
*cibo reficior, nullam cogitationem admis-*  
*sam, quam tantus hospes merito aver-*  
*setur.*

B. NICOLAE, Episcopo Roschil- *Obiit*  
 densis; qui pro tuenda Ecclesiastica *anno*  
 Libertate de propria Sede pulsus, exi- *1249.*  
 lii miseris sancta morte in Claravalle  
 finem imposuisti. *Quid ego sum, nisi*  
*miser è patria cælesti exul? Utinam &*  
*mea mors sit finis exilii, & introitus Pa-*  
*triae!*

B. ARNALDE: qui profapia *Obiit*  
 splendorem è summo Ducum Narbo- *hac die*  
 nensium fastigio ad imam Cistercii hu- *anno*  
 militatem abjecisse videris, ut quanto *1225.*  
 profundius descendisses, eò altiùs as-  
 surgeres. Ad primum te gradum su-  
 stulerunt Populetani cœnobia, inde



*Sum-  
mus  
Pont.  
illi Li-  
brum  
dicat.*

*Inqui-  
sitor in  
Franci-  
am pri-  
mus le-  
gatur.*

te avocavit Grandis Sylva, Præfulem utrobique clarissimum: quod primorum in Ordine Patrum iudicio comprobatum est, dum te toti Cisterciensi familiæ Patrem Generalem XVI. dedere. Subscripsit huic opinioni Innocent. III. qui in quoddam subsequenti honoris auspiciis sermones à se elucubratos evulgaturus, rato dignationis exemplo, nomini tuo nuncupavit; cujus inscriptionis hæc est clausula: *Devotioni tuæ studui destinare, rogans & obsecrans in Christo Jesu, quatenus in orationibus tuis apud iustissimum Judicem & piissimum Patrem me reddas spiritualiter commendatum.* Erigebat eo tempore venenatum caput hæresis Albigensium in Galliæ partibus: ad quod refecandum te idem Christi Vicarius te in publicam arenam prodire iussit, ornatum gemino titulo, Legati Apostolici, ut mos usitatus erat: dein **I N-  
Q U I S I T O R I S** Fidei, cujus prærogativam primus in Galliam intulisti, adscitis in cooperationem amplissimi laboris Abbatibus aliquot Cisterciensibus. Gerebas sacrum id bellum utroque gladio, Verbi Divini, & ferri: illo piis solatium, hoc obstinatis terrorem ingenti animo circumferens: adeò ut heterodoxi præstantem mira celeritate indu-



te industriam tuam magicis artibus  
 juvari stultissimè crederent. Accerse-  
 bas in militiæ sanctæ societatem stre-  
 nuos undecunque pugiles, è quorum *S. Do-*  
 numero fuit Divus Dominicus, tunc *minicū*  
 Oxomensis Canonicus: hunc Autho- *creat*  
 ritate, qua pollebas, Inquisitionis ar- *Inqui-*  
 mis munitum, unà cum aliis in cam- *sitorem.*  
 pum eduxisti, tam fructuoso Reipub-  
 licæ Christianæ incremento, ut dein-  
 cept celeberrimum Prædicatorum In-  
 stitutum primas apud te radices posu-  
 erit. Et necessariè erant tibi tales sup- *Archi-*  
 petiæ, cum te Narbona Archiepisco- *episcopi*  
 palibus infulis coronavit. Augebat hic *munus*  
 honor labores, simul & nobilis animi *strenuè*  
 fervorem: nam tam graves inter tur- *implet.*  
 bas septem Concilia nationalia ad Cle-  
 ri reformationem coëgisti; quinque  
 specialibus à Sede Apostolica manda-  
 tis ad Reges Legationem obiisti. Ex-  
 haustis tandem senio viribus, verè pro  
 Domo Dei sagitatus, ad meritissimam  
 Visionem pacis migrasti. Pax & quies  
*præmium sunt certaminis & laboris. At*  
*miserum me! quo jure expectabo coronam,*  
*tam segnis miles & operarius: & insuper*  
*tot tantisque beneficijs affectus à Deo?*

S. BERNARDUS, de dil. Deo. cap. 5.

Deo totum me debeo pro me factò, quid


Mm2

addam



Quid  
homo  
debeat  
DEO.

*addam & pro refectio; & refectio hoc modo? nec enim tam facile refectus, quàm factus. In primo opere me mihi dedit, in secundo se: & ubi se dedit, me mihi reddidit. Datus ergo & redditus, me pro me debeo, & bis debeo. Quid retribuam pro se? nam etsi me millies rependere possem, quid sum ego ad Deum?*



25. Septembris. 7. Cal. Octobr.

Obijt  
anno  
1225.

**B.** CÆSARI Prior Heisterbacensis, qui nominis tui nunquam morituram memoriam non marmori sed libris insculpisti, relictis posteritati Dialogis, in quibus lector & virtutum præmia, & vitiorum supplicia ad illorum amorem, harumque fugam magna in utramque partem copia possit intueri. Doctrinæ elementa Colonia dedit, uti & natales, ac denique cum ætatis maturitate Canonicatum: quem tamen ut relinqueres, te persuasit unico colloquio Gevardus Abbas Vallis S. Petri. Cùm enim mirabiles in Sacrum Ordinem Cisterciensem favores à Regina Cœlorum conferri solitos tibi recenseret, pectori tuo in eandem pro-



dem propensissimo hamum injecit, quo tractus tyronem primùm, dein Villarii Priorem cum summa laude e-  
 gisti. Eodem denique officio Heister-<sup>Tyrones</sup>  
 bachii functus, ut Ordinis candidatos <sup>sanctè</sup>  
 tuæ curæ creditos per duplicem exem-<sup>instru-</sup>  
 plorum viam ad genuinæ religionis <sup>it.</sup>  
 pietatem deduceres, opere & scripto  
 iisdem præivisti. Et lucubrationes tu-  
 as verus tui contemptor in lucem nun-<sup>Libri</sup>  
 quam emisisses, nisi Abbatis imperium <sup>ejus in-</sup>  
 tuæ voluntati prætulisses. Ex quo con-<sup>vito illo</sup>  
 tigisse crediderim, aliqua irreplisse, <sup>evul-</sup>  
 quæ diligentius à te revisa fortasse la-<sup>gantur</sup>  
 tere jussisses. Aliter autem te non vi-  
 xisse quàm scripseris, sancte obita mors  
 ostendit, quam non pauca prodigia  
 sunt subsecuta. Et ego in schola sacre  
 Religionis me adhuc doleo esse tyronem, in-  
 docilem, & profectus ignarum. Sint mihi  
 exempla tua, quibus nil efficacius movet,  
 stimulus de die in diem progrediendi in  
 melius.

B. BALDUINE cognomento de Obijs  
 Bokla, Gandavensis natione, & genere circa  
 summo oriundus, sed animo his om-<sup>annuum</sup>  
 nibus majore: nam undecimo ætatis <sup>1225.</sup>  
 anno mundi vesaniam exosus ad soli-  
 tudinis silentium aspirans monastico  
 cinctus indumento, veluti armis in  
 hostem salutis aptissimis eremum pe-  
 tiisti ya-



*Famem  
jejunio,  
demon-  
nem cō-  
temptu  
superat*

tiisti vastissimam. Primus ibi confli-  
ctus fuit cum fame, quam sub jugum  
misisti intrà quadraginta dierum pu-  
gnam, non nisi sex modicis panibus  
sustentatus. Alterum intulit tenebra-  
rum princeps, qui tamen citò herbam  
porrexit, cùm se contemni cerneret.  
Exinde à pastoribus inter illas latebras  
inventus, volante celebri fama lociis  
auctus, jussu Deiparentis Monasteri-  
um construxisti, accepta juxta illius  
promissum copiosa dote: priusquam  
verò Cistercienses ritus induceres; ad  
cœli æternas mansiones vocatus es.  
Sanctimonix tuæ memoriam conser-  
vat celeberrimum Baudeloënse Mona-  
sterium quod è positis à te fundamen-  
tis surrexit, & hodie in Urbe Ganda-  
vensi Flandriam exornat. *Posses & e-  
go gratissimam Deo domum in corde meo  
construere; tu in hac fabrica mihi collabo-  
ra: basi pone humilitatem, ex qua procul  
dubio reliqua constructio in altum assur-  
get.*

S. BERNARDUS, ser. 3. de Adv.

*Beati-  
tudo  
homi-  
nis.*

*Beatus, apud quem mansionem facis  
Domine Jesu. Beatus in quo Sapien-  
tia edificat sibi domum, excidens co-  
lumnas septem. Beata anima, quæ  
sedes est*



*sedes est sapientia. Quanam illa?  
Anima utique justis: quia iustitia &  
judicium preparatio sedis tuae.*



26. Septembris. 6. Cal. Octobr.

**B**ODANE, Archiepiscopo Ardina-*Floruit*  
chensis, magni illius Malachiae a-*anno*  
lumne, & in Præsulatu successor. Fe-*1131.*  
rax fuit hoc seculum virorum insigni-  
um, quorum plurimi è Coenobiis Ci-  
sterciensibus educti, eruditione & san-  
ctimonia optimè de Christiana Re-  
publica meriti per Hyberniam specta-  
bantur. *Veniet tempus, in quo & ego in  
publico Mundi Iudicio comparebo: tu me  
ita vivere doce, ut de actionibus meis mer-  
cedem non penam reportem.*

**B.** HENRICE Converse in Ger-*Floruit*  
mania: qui in doctrina Theologica, *circa*  
quam de suggestu publicè quondam *annum*  
exponebas, non disputandi subtilita-*1175.*  
tem, sed regiam ad cœlos viam quæ-  
rens, tutissimè didicisti progredi per  
gradus humilitatis. Hinc rebus terre-  
nis valere iussis, ad infimas Converso-  
rum functiones te demisisti. In qua  
virtutum schola tam docilis eras disci-  
pulus, ut interiori mentis lumine se-  
cretas hominum cogitationes inspicere,



res, & tenebriones infernales solo verbo fugares. Sed & ego unico verbulo totam demonis violentiam possem evertere, si idem mihi tecum foret animus: nempe diffidens proprijs viribus, & radicatus in gratia divina.

Obiit  
anno  
1600.

Auste-  
ritas.

Silen-  
tium.

Amor  
erga S.  
Sacra-  
mentũ.

B. ANNA de Villaroël, in Coenobio S. Annæ Abulensis sanctimonialis, speculum perfectæ puritatis: quam triplici, eoque fortissimo munimento vallâsti. Primum erant spontaneæ afflictiones, à quibus ne noctis quidem modicam quietem volebas esse liberam, usa loco culcitæ rudi assere. Alterum taciturnitas: os enim non aperiebas, nisi in laudes divinas ac preces. Devota denique susceptio Panis Angelici: quam mensam quotidie frequentabas, tam dulcem experta saporem, ut extra sensus illico rapta ad spectandos cœlestes convivas deducta fueris. Verè in hoc sacratissimo amoris divini pignore omnis invenitur dulcedo, omne robur, omne solatium. Huc me recurrere in quavis necessitate docet

S. BERNARDUS, ser. 7. de Adv.

Jesus  
nostrũ  
et fugi-  
mam.

Ad hunc ( Jesum ) ergo tantum eruditorem in omni deliberatione curramus: hunc tam strenuum adiutorem in omni



*in omni operatione invocemus: huius  
tam fido propugnatori in omni collu-  
tatione committamus animas no-  
stras.*



27. Septembris. 5. Cal. Octobr.

Floruit  
anno  
1160.

**B.** GILBERTE, Claravallis mona-  
che: qui virtutem illam magneti-  
cam BERNARDI in animos domi-  
nantem vi melliflua expertus, vivo il-  
li in sua Claravalle jungi ardentissime  
desiderabas; inter Canonicos tamen  
usque ad ejus obitum morari jussus,  
non exigua merita collegisti sanctioris  
vitæ exemplo. Sed amantissimum pa-  
rentem mundo ereptum esse nemo te  
minùs dolere potuit, quippe in diesti-  
bi jam per quietem, jam vigilantibus præ-  
sentem, tæq; cœlesti sapientia imbuen-  
tem. Quin & pro fidelis amoris indo-  
le animam tuam è corpore egressuram  
ipse in Angelorum consortio ad feli-  
cem patriam comitatus est. Nec ego e-  
jus careo præsentia: viva ipsius imago  
sunt melliflua scripta; ex quibus utinam  
spiritum illum haurirem, quo ipse re im-  
plevit!

S. Ber-  
nardus  
illi sæpe  
appa-  
ret.

**B.** JOANNA Clari-Fontis Abba-Circa a.  
tissa: quæ generis nobilitatem sancti- 1240.

M m 5

monia



*Imago  
Mariæ  
annuit  
oranti.*

monia vitæ longè superâsti. Hanc suo calculo frequentissimè cœlites tecum familiariter agentes probârunt: præsertim ipsamet cœlorum Domina: coram cujus imagine, adhuc hodie in honoribus meritiissimis habita, cùm salutationem Angelicam intimo pietatis sensu recitares, visa est non semel capitis inclinatione tuis precibus annuere. *Ingenuè fatebor: licèt in recollectione peccatorum meorum toto animo contremiscam, subeunte memoriam meam fiducia in Misericordiæ Matrem, non possum non erigere mentem meam in certam spem consequendæ per eam veniæ ac æternæ salutis.*

S. BERNARDUS, s. i. de Assumpt.

*Mariæ  
Advoca-  
cata  
nostra.*

*Præcessit nos Regina nostrâ, ut fiducia- liter sequamur Dominam servuli clamantes: Trahe nos post te. Advocatam præmisit peregrinatio nostrâ; quæ tanquam Judicis mater, & Mater misericordiæ suppliciter & efficaciter salutis nostræ negotium pertractabit.*



*Obiit a.  
1168.*

28. Septembris. 4. Cal. Octobr.

**B.** CONRADE, sanguine, Infulis, & meritis gloriose. Originis claritudinem



dinem dedit S. Leopoldus Austriacus; ex  
 cuius piissima educatione ad Monasterium  
 S. Crucis, quod ipse fundaverat, translatus,  
 adeò alterum parentem virtutibus referebas,  
 ut adhuc juveni clavus Cœnobii fuerit commissus  
 quem non inferiori felicitate tenuisti, quàm  
 Otto germanus tuus in Morimundo, fœcunditatem  
 in emittendis sacris coloniis excipiente Austria,  
 Ungaria, ac Bohemia. Ac Velut illum  
 Frisinga, sic te Patavium Episcopali diademate  
 coronavit, utraque Ecclesia mirante renovatam  
 vestris laboribus pulcherrimam speciem. Abrupit  
 fortunatissimum cursum Patrus Fridericus, qui  
 te, cùm constanter Alexandro contra Pseudopontificem  
 Victorem faveres, è sede Pontificali detrusum,  
 aliquot annis in exilio detinuit. Verùm sua  
 hanc tempestatem secuta est serenitas, quæ te  
 rebus iterum pacatis in altiore Archiepiscopali  
 Salisburgensis throno collocavit: in qua nempe  
 Serenissima Domus Austriaca sidus aspexit  
 suo cœlo inferendum. Hic finis ubique est  
 adversitatum, gloriæ scilicet novæ augmentum,  
 quod vel in hoc vel in altero seculo patientiam  
 ornat. Tu me conforta, ut intuitu tam certæ  
 mercedis tam afflictiones sortis, quàm pœ-

*Fit Abbas ad S. Crucem.*

*Par Ottonis Frisingi.*

*Eligitur Episcopus Patavien-  
Pata-*

*viensis*

*Episcopus Salisburgensis.*



*nitentia fortiter ac perseveranter sustineam.*

*Floruit circa annum 1140. Christiū habet laboris socium.* B. FULCARDE: qui inter Conversos Clarævallenfes vera cordis simplicitate labores agri, solo Obedientiæ intuitu exercens, talem nactus es aratri ductorem, quo majorem nec ipse, ut sic loquar, solis currus habet. Ipse enim Servator ea forma spectabilis, qua olim Magdalenæ desiderium impleverat, se tibi aranti adjunxit. At finito diurni laboris penso ex tuis oculis subducens tam ardens in te sui desiderium reliquit, ut languens amore spiritus intrâ paucos dies, præsentem Parentem BERNARDO, ac tecum jubilante, corporis ergastulum deseruerit. *Miseros nos terræ hujus amatores! inania desideria torquent vivos, morituros angunt, & planè dilaniant. Ah! cur non in solo Dei amore vivimus, nunc pleni solatio, replendi aeterno gaudio?*

S. BERNARDUS, c. 7. de dil. Deo.

**DEUS** *Non sinè præmio diligitur Deus, etsi quomodo absque præmij intuitu diligendus sit. do diligēdus.* Verus amor præmium non requirit; sed meretur. Præmium sanè necdum amanti proponitur, amanti debetur, perseveranti redditur.

29. Septem-





29. Septembris. 3. Cal. Octobr.

**B** HERMANNE Abbas Waldsaffenensis, qui, quòd summa regiminis felicitate gavissus fueris, multisque privilegiis à terræ Principibus donatus, tua erga cœlestes spiritus pietate meruisti; à quibus frequenti colloquio instructus, insignem de illorum natura librum scripsisti, quos etiam ad suam gloriam duces moriturus habuisti. *Mille sunt causæ, quæ nos pertrahant in dignam Venerationem, amorem, & reverentiam Angelorum; quare conabor tam gratuita & amorosa illorum in me obsequia considerare diligentius, & eorum monitis promptius obtemperare.*

Obijt  
anno  
1222.

**B**. JOANNES Princeps de Monte Mirabili, dixerim potiùs de vita mirabili: cùm plena fuerit miraculis. Juventus quidem robore & armis per omnem Galliam nominatissima, sed melius adeptura nomen ex pia mutatione morum, dum profusioni superbiae successit in egenos liberalitas, javantiae humilitas, luxui austeritas. Soli deinceps hospites tui erant, quos tibi morborum & ulcerum commendabat miseria: his de genibus propinare alimenta, eluere vestes, mollique

Obijt  
anno  
1200.

Muta-  
tur sit-  
bitò in  
alium.

M m 7

lecto



*Curam gerit morbidorum.* lecto tuo fovere perpetuus labor fuit. Factorem horum adeò non horrebas, ut etiam ore saniem detergere in deliciis habueris. Lepra infectis majorem quàm deceret, honorem exhibere te quidam commilitones censebant, quando illis in via fortè obviis ex equo defiliens, stipem non nisi flexis genibus porrigebas: sed postquam eodem *B. V. se* in itinere viderunt DE I Genitricis *erga illum* imaginem quercui apensam ad te precantem sese sponte inflectere, aliam *vertit.* de te tulerunt sententiam. Non dissimilem è cœlo favorem expertus es, obsidente castrum tuum Oysiacum *Precibus* Comite Campaniæ: deficientibus enim à te etiam domesticis stipendiariis in solo precum subsidio spem re-*Deo impetrat.* posuisti: nec vanè: nam spissa nebula hosti castrum ab oculis, & apertæ nubium cataractæ pugnandi animum abstulere. Illud præ cæteris mirabile, quod obstupescens merito Camera-cum spectavit. Ducebatur reus præcipiti iudicio vivus humanus. Cujus tu *Vivum* misertus, cum Judices te supplicem *sepultum* non audirent, miserum bono animo *in vita* esse iussisti, DE I interim te aures pul-*confer-* saturum. Elapso triduo reversus è fossa *vat.* aperta hominem illum sanum vegetumque eduxisti, fatentem, se illo triduo



triduo suaviter soporatum sinè ullius  
 molestiæ sensu quievisse. Huic tuæ in  
 afflictos clementiæ opposuisti è dia-  
 metro severè exacta à tuo corpore *Rigidè  
corpus  
affligit.*  
 supplicia, quod gestato asperrimo ci-  
 licio, & flagellorum ictibus, clerico ad  
 hos acriter infligendos constituto, pe-  
 nè supra fidem cruciavisti. Cessanti-  
 bus autem pænalium instrumentorum  
 tormentis, totas plerumque noctes  
 gemitibus non siccis, è quibus nempe  
 haud rarò pavimentum madebat, per-  
 vigilabas. Hæc Religiosæ vitæ erant  
 præludia, quam in Cœnobio Longi-  
 Pontis amplexus, eò severitatis pro-  
 gressus es, ut Abbas moderari illam  
 coactus fuerit. Obedientiæ prompti-  
 tudinem missus aliquando ab eodem *Obedi-  
entia  
simplex*  
 piscis ostendit: quem ut totum absu-  
 meres iussus, ne quid superesset, unà  
 cum spinis, ossibus, ac pinnulis non  
 sinè gravi dolore deglutiisti. Animi  
 demissionem tam studiose sectabaris;  
 ut omnem captares occasionem sum-  
 ma animi lætitia, qua te deprimi &  
 contemni sperabas. Felicem obitum  
 prænunciaverunt splendentes in Cho-  
 ro lampades, è quibus unam illustrio-  
 rem Prior loci ad cœlos evolare vidit.  
 Hunc tot secuta sunt miracula, ut pri-  
 ùs ægri, muti, cæci, aliisque miseriis  
 vexati



vexati deficerent, quàm egressa è tumulto virtus, quæ omnes à languoribus liberos dimittebat. *Dux sunt alæ, sinè quibus nemo sperare potest securum ad cælos volatum: Amor Dei & odium sui. His tu peneirâsti ad æternam felicitatem: eas tu nunc mihi à Deo precibus tuis impetra.*

S. BERNARDUS. c. 14. de dil. Deo.

Ordinatio  
charitatis.

*Cupiditas tunc rectè à superveniente charitate ordinatur, cum mala quidem penitus respuuntur, bonis verò meliora præferuntur, nec bona nisi propter Deum appetuntur. Quod cum plenè per Dei gratiam assecutus fuerit, diligentur corpus & universa corporis bona propter animam, anima propter Deum, Deus propter seipsum.*



30. Septembris. Pridie Cal. Octobr.

Obijt  
anno  
1227.

B. CONRADE S. R. E. Cardinalis  
Episcopi Portuensis: qui cum juvenis apud Philippum Sueviæ ducem pro obside captivus tenereris, voto te Religionis in libertatem asseruisti: quo Villarii exsoluto, altero statim anno Prioris, totidémque post transactis annis, munere Abbatis ita functus es,  
ut te



ut te sinè detrimento contemplationis  
 internæ negotiis, & absque horum di-  
 spendio iterum rebus cœlestibus utro-  
 bique totum pro arbitrato impende-  
 res. Quanta puritate mentis in sancta  
 Oblatione Corpus Dominicum tra- *Digitus*  
 ctaveris, insigni prædignio Deus pate- *ejus lu-*  
 fecit; dum digiti tui divinorum pig- *cent in-*  
 norum contactu sacri in pia lectione *star læ-*  
 nocturno tempore tibi pro lumine e- *pa dis*  
 rant: prodentes aut cœlestis amoris *lucent.*  
 incendium, aut sanè præfagientes fu-  
 turum splendorem, quo Ecclesiam e-  
 ras illustraturus. E Villario enim ad  
 Claramvallem, inde ad regimen uni-  
 versale Ordinis Cistercium, deniq; ab *Gene-*  
 Honorio Romam ad Purpuram voca- *ralis*  
 tus, ad componenda gravissima nego- *XIX.*  
 tia in Germaniam, Franciam aliàsque  
 Europæ provincias destinatus es: In  
 qua Legatione Prædicatorum Institu-  
 tum primus Auctoritate Apostolica *Sum-*  
 confirmasti. Imò post Honorii mor- *mum*  
 tem Triplici tiarâ tibi oblatâ, tum de- *Pon-*  
 mum ostendisti, scire te honores & *ficatû*  
 ferre & contemnere. An fortè præ- *recusat.*  
 videbas aliam coronam gloriæ super-  
 næ tibi esse vicinam, quam sexto post  
 mense recepisti: hoc epilogo vitæ clau-  
 dens periodum: [ Utinam usque in  
 hanc horam in Villario sub disciplina  
 vixissem



vixissem Regulari, & cum culinæ hebdomadariis semper ibidem scutellas abluissem.] Corpus in Claravallem translatum sub Mausolæo juxta Divum Malachiam quiescit *Unicum à te favorem postulo, gratiam nempe, quæ mundum reddat cor & corpus meum, ut puris manibus ad tremenda mysteria accedam.*

*Obijt* B. BENEDICTE, monache Mollerolæ, antiquæ hoc postremo seculo  
*anno* pietatis, observator diligentissime minimarum etiam Ordinis regularum.  
*1588.* Humilitatis ante omnia studiosus; vasa & linteamina monasterii clandestinè subtractis somno horis eluebas. Harum virtutum non ignari Præfides te  
*Humilitatis studiosus.* Abbatem Melonensi cenobio designaverunt: sed prævaluit humilis tua deprecatio, obtinîtque ab hoc onere libertatem. Hinc ad altiora continuo labore suspirans, nimiam tandem victus abstinentiam valetudinem ita afflixisti, ut  
*Pius minister Sacerdotis* sinè periculo Sacro Altari non liceret assistere. Quem tamen defectum refarciebas functione ministri, cujus vices toto antemeridiano tempore innocentia planè Angelica obibas. Divinitus tandem de instante morte præmonitus, sub ultimo postremæ diei Sacro, sumpto à Sacerdotis manu sacratissimo



cratissimo Viatico spiritum exhalasti, immobilem flectentis genua situm servante corpore donec exequiæ à mirante ac præ gaudio lacrymas uberes fundente Conventu persolutæ fuerint. Præ gustus est æternæ felicitatis verè devota susceptio sacrosanctæ Eucharistiæ. Utinam huic dignè intrà viscera mea admittendæ tanta me diligentia, quâ tu solebas, pararem! haud dubiè sperare possem eandem mortis meæ felicitatem.

S. BERNARDUS, de Dilig. Deo. c. II.

*Fusti epulentur & exultent in conspectu Dei [p. 1. 67.] Hinc illa satietas sinè fastidio. Hinc æternum illud atq; inexplicabile desiderium nesciens egestatem. Hinc denique sobria illa ebrietas, vero, non mero ingurgitans, non madens, sed ardens Deo.*

Felicitas Beatorum



ANNI





ANNI  
CISTERCIENSIS  
OCTOBER.

I. Octobris. Calenda.

Floruit  
anno  
1220.

Innocen-  
tiam à  
Baptis-  
mo con-  
servat.

Missam  
devotè  
cele-  
brat.



EATE ULRICE, ce-  
nobii Villariensis mo-  
nache: qui & vultu &  
moribus terrestri An-  
geli speciem referebas:  
innocentiam namque  
quam à sacro Baptismatis lavacro re-  
portasti, nullo gravioris peccati nœvo  
libatam usque ad ultimum spiritum  
conservasti. Tanto etiam fervore In-  
cruentum D E O Sacrificium offere-  
bas, ut eo tempore caput tuum sæpe  
cœlestis splendor circumdaret. Ho-  
ram denique mortis prædicens cum  
summo cordis jubilo purissimum spi-  
ritum emisisti. Tu mihi fontem à Deo  
impetra, quo contractas per humanam  
fragilitatem




*fragilitatem sordes lacrymarum Baptismo lavem, ut sic ad Agni nuptias merear intronitari.*

**B. NEHEMIA**, Sancti Malachiae *Floruit* in Hibernia discipule, sub cujus magisterio tam egregie profecisti, ut insignia merita te ad Episcopalem Sedem Urbis Cluacensis evocaverint. Ubi tam verbo quam exemplo oves tibi commissas in summa sanctitate pavisti. Ora pro me, ut & ego exemplo meo proximum edificem, ut verba mea factis sint conformia, ut qui me profiteor esse Religiosum, dicti mei veritatem actibus comprobem.

**S. BERNARDUS**, ser. 4. de Adv.

Nullum ego consilium melius arbitror, quam si exemplo tuo fratrem docere studeas, quæ oporteat, quæ non oporteat fieri, provocans eum ad meliora, & consulens non verbo neque lingua, sed opere & veritate.

*Exemplo docemus optimè*



2. Octobris. 6. Nonas.

**B. GODEFRIDE** cognomento Pachomi Monache Villariensis, qui inter Canonicos Regulares melioris vitæ rudimenta ponens concepto arctioris disciplinae desiderio Villarium

*Floruit circa annum 1240.*

te contu-



*Pro-  
missum  
æternæ  
salutis  
obtinet.*

*Cibos  
cum  
paupe-  
ribus  
parti-  
tur.*

*Obijt  
anno  
1545.*


te contulisti. Ac ibi DEO septem & quadraginta annis fideliter serviens inter alios favores à Matre Misericordiæ acceptos cognovisti, tuam animam, cum à corpore separanda sit, rectà ad cœlos sinè ulla molestia evoluturam. Enitebat in te ante omnes perfectionis ardores cupido opera non nisi vilissima peragendi: unde si loca sordibus aut fuligine obsita repurgatione indigebant, quasi quodam jure tua solius hæc servitia esse volebas. Ne autem parcissimus ciborum usus tibi soli esset proficuus, obtenta superiorum licentiâ meliorem semper eorum partem, sæpè etiam totam, egenis obtulisti. Morienti visa est Cælitum Regina, undecim millibus Virginum comitata viam tibi ad Cœlos præire. *Etiã mihi præeunt mille exempla, per humilitatis scalam summos virtutum apices consecuta. Moveant me hæc tandem, te adjuvante, ut eadem studeam æmulari.*

B. CLARA, Bellopratensis Abbatisa, monasticæ pietatis quoad omnes etiam exiguas partes attentissima observatrix: Jungebas humilitati genuinum comitem Paupertatem, in vestitu par minimis sororibus, ita ut pedum Abbatiale, quod tamen quadraginta annis tenuisti, non argentum, sed sola



sed sola potestas ornaret: & opum quidem contemptum remuneratus est suâ providentiâ DEUS; ad tuas preces tibi indigenti submitbens, qui offerrent fœnebre aurum, nec censum nec summam capitalem repetituri. Iterum novus ad sectandam animi veram demissionem occurrit stimulus: cui tu alterum adde Gratiâ cœlestem, sinè qua hanc licèt facilem viam, calcare frustra tentabo.

S. BERNARDUS, s. 2. in cap. jejun. Humi-  
litas est  
virtus  
facilli-  
ma,  
Qui contendit supergredi proximos, multas inveniet difficultates, multos habebit emulos, multos patietur contradictores, ascendentes equidem ex adverso. Nihil verò facilius est Volenti, quàm humiliare semetipsum.



3. Octobris. 5. Nonas.

BIRMENGARDIS, Abbatissa Pö- Floruit  
circa  
annum  
1250.  
undini in Suevia, quod Monasterium nobili parenti tuo originem, dotem, téque ipsani debet. Cùm enim Terræ sanctæ expeditio tibi maritum sustulisset, sacrum itidem bellum tumundi deliciis indixisti; quas ut securiùs vinceres Cisterciensibus castris nomen dedisti, victrix simul & fœcunda, heredibus



288 ANNI CISTERCIENS.

heredibus majori numero bonorum corporis & animi relictis, quàm à mundo, quantumcunque prolifica mater, tulisses. *Utinam dignè estimarem hereditatem, qui mihi promissa est à Bonitate divina, nec eam tam indigno pretio peccati venderem! Doceme aliter deinceps sentire de rebus caducis, quas tu pro æternis generosè contempsisti.*

*Floruit* B. THEODERICE de Lurck: qui  
*anno* ex opulento Canonico Bonnenfi pau-  
*1211.* per Cisterciensis tyro in cœnobio Hei-

sterbacensi factus, tota cogitatione & aviditate in illa æterna patria conversabaris. Inde orta est solida illa in DEUM fiducia obtinendi per pias preces,

*Saxum* quidquid petendum occurreret. Nam  
*grande* cum ad perficiendum Monasterii ædi-  
*solus* ficium diu frustrà laboratum esset à  
*moyses.* multis in saxo quodam prægrandi, tu fusâ brevi oratione, solus illud pilæ instar lusoriæ volvisti in eum locum, cui serviebat. *Præsens in omnes misérias nostras remedium est Oratio, nullam utique passura repulsam, si cordi vox consonet, & eo devotionis affectu præsentetur Divino conspectui, prout mellifluè nobis insinuat.*


S. BERNARDUS, ser. 25. de divers.

*Quanta ergò cum reverentia, quanto timore,*



to timore, quanta illuc humilitate accedere debet à palude sua procedens & repens ranuncula vilis? quàm tremebundus, quàm supplex, quàm denique humilis & sollicitus, & toto intentus animo majestati gloria, in presentia Angelorum, in concilio iustorum & congregatione assistere poterit miser homuncio?

Oratio  
quàm  
debeat  
esse hu-  
milis.



4. Octobris. 4. Nonas.

**B.** MARIA Monasterii de Carrizo *Floruit* Abbatisa, Virgo ex Regio stemmate orta; sed terreni honoris pertæsa latibulum tibi construxisti aptissimum sanctimonix conservandæ, Parthenonem, quem de Carrizo appellasti. Ibi suum decorem mirata est Humilitas, regale diadema spectans calcatum pedibus: ibi deliciae carnales, nobilissimi sanguinis, quem flagella effuderant, imbribus submersæ, emoriebantur, aut marcebant vigiliis, aut gemebant sub abstinentiæ jugo. Harum virtutum memoriam servat dignum tuo genere sepulchrum, quod & hodie Fundatricis titulo honorat. *Uinam & anima mea generis sui nobilitatem agnos-*

N n

ceret, ne-



*ceret, neque admitteret aliquid indignum divina origine!*

*Floruit  
anno  
1142.*

*S. Ber-  
nardi  
de illo  
vatici-  
nium.*

*Mortis  
horam  
præno-  
scit.*

B. ERVÆE Abbas Urſi-Campi: celeberrimus vaticinio BERNARDI & felix. Tranſierat ille Noviomenſem civitatem, accepto diverſorio in ædi- bus Simonis Epifcopi, Patruſ tui, & e- ducatoris: à quo cùm Beatiffimo Patri fauſta precatone donandus offerreris, ex gratioſo ſerenæ frontis decore pro- micuit generoſus ille animus, quem à regio ſanguine traxiſti. Ea deinde no- cte idem ſibi viſus eſt inter Miſſarum ſolemnia Angeli miniſterio ad te Pacis oſculum tranſmittere. Cujus augurii interpres vaticinatus eſt, te amplexu Sacri Ordinis numerum Filiorum Ber- nardi aucturum. Nec expectationem illius ſefelliſti: dum à B. Walerano, Angelicæ puritatis Viro, in Monaste- rium Urſi-Campi ſuſceptus, meritis i- ta exigentibus eidem in Abbatiali di- gnitate ſubrogatus eſt. Quàmque in- timo amoris affectu etiam poſt fata te complexus fuerit, expertus eſt, quando te incolumem & nihil morbi metuen- tem, monuit de hora, qua illi proxi- mē in æterna gloria ſis conjungendus. *Inæſtimabile eſt Dei in nos beneficium, tam nobiles, tamque potentes aula cœleſtis principes ad infermitatis humanæ custodi- am deſti-*



*am destinantis. Esto mihi Angelus Pacis,  
& doce me ita dirigere actiones meas, ut  
pacem cum Angelis eternam possideam.*

S. BERNARDUS, hom. 3. sup. Miss.

*Solent Angeli astare orantibus, & de-  
lectari in his, quos vident levare pu-  
ras manus in oratione: holocaustum  
sanctæ devotionis gaudent se offerre  
Deo in odorem suavitatis.*

Angeli  
adstant  
oranti-  
bus.



5. Octobris. 3. Nonas.

**B** HUGO Monache Curia-Dei; qui  
fervorem in sectanda Religionis  
perfectione etiam post mortem è tu-  
mulo prodit, dum frigido febrium hu-  
more laborantes ibi à te piis precibus  
invocato calorem inveniunt, quo  
morbus abigitur. *Expelle etiam ab ani-  
ma mea febrilem languorem in rebus di-  
vinis: sentio hunc, nec semel tantùm de-  
ploro, & ad Medicum aspiro.*

Floruit  
circa  
annum  
1200.

**B.** GERWICE, Abbas Waldsac-  
fensis, illiusque Monasterii conditor, anno  
cujus occasionem dedit inopinatum  
vulnus, quod inter militares ludos  
Marchioni Theobaldo de Vohemberg,  
tibi ob generis, ætatis, & studii parita-  
tem in aula Bavari charo inflixisti.  
Infelici ergo manui iratus, mundo  
res suas


N n 2

res suas



## 292 ANNI CISTERCIENS.

*Eremiti  
petit.* res suas habere jussu, postquam per aliquot annos vitæ sanctioris præcepta inter Benedicti asseclas hausisti, in vastissimam sylvam secessisti, tam diu ignotus exigui mapalis incola, donec venationis gratia lucum percurrens ipsemet Theobaldus, non sinè lætitiæ & admirationis lacrymis te agnovit, statimque tantum terræ illius spatium dono dedit, quantum uno die pedibus per circuitum dimetireris. Addidit prætereà sufficientes impensas ad cœnobii structuram; in quod inquilinos inducturus à Patriarcha BERNARDO manipulum Monachorum petiisti; at cum ea tempestate ipsemet laboraret inopia, eos Wolkenrode præbuit: Inditum Monasterio nomen, lingua patriâ Waldsassen, quasi sedentes in sylva. Sed aliam faciem successu temporis induit tua & successorum industria, adeò ut hodierna die inter celeberrima Cistercii decora meritò numeratur. Non mirum est, te densissimas sylvæ tenebras in tam claram lucem commutasse, cum tam generosè te è mundi tenebris, id est vitij proripueris. Utinam & ego, quæ mundi sunt, toto animo meo excluderem.




S. BER-



S. BERNARDUS, ser. 75. in Cant.

Habet mundus iste noctes suas, & non <sup>Mundi</sup>  
 paucas. Quid dico, quia noctes habet <sup>tene-</sup>  
 mundus, cum penè totus ipse sit nox, <sup>bras.</sup>  
 & totus semper versetur in tenebris?  
 An non nox, ubi non percipiuntur ea,  
 que sunt spiritus Dei?



8. Octobris. Pridie Nonas.

BODO, Matris Cistercii inter pri- <sup>Floruit</sup>  
 mos Ordinis auctores alumne: qui <sup>anno</sup>  
 inter aspera illa primordia per pluri- <sup>1100.</sup>  
 mos annos strenuum laborem contu-  
 listi ad erigendam Cisterciensis Insti-  
 tuti scalam, per quam vestigia tua se-  
 quentes innumeri ad gloriam immor-  
 talem conscenderunt. Præbe & mihi  
 manum: ecce! prompta est ad sequelam  
 voluntas, sed caro nimis infirma, tam verò  
 egregio duce felicitè usque progressura.

B. BALDUINE, S. R. E. Cardi. Obijt  
 nalis Archiepiscopo Pisane: dulcior <sup>anno</sup>  
 his titulus est, cum te Filium Magni <sup>1146.</sup>  
 BERNARDI appello: cujus amore  
 patriam, opes, & quos clarissimum ge-  
 nus promiserat honores abjecisti. Sed  
 hæc omnia restituit Innocentius, qui  
 te vocato ad Purpuram penè solo ad  
 secretissima consilia usus est arbitro.

N n 3

Suscipie-



*Humi-  
lis in  
honore,*

Suspiciebat te Roma in sublimi gradu florentem, at alio te ipsum oculo considerabas, nec cernebas aliud quam Clara vallensem Monachum, quem purissimi mores & indefessa pietas loquebantur. Id in te tum maximè miratus est BERNARDUS, cùm in Urbe negotiis Universalis Ecclesiæ detentus, suas tibi epistolas dictaret, quas tu humilis ejus amanuensis stylo excipiebas. Post egregios sub gemino Pontifice peractos labores te Legatum in Sardiniam dixit Eugenius, planè iter in alterum orbem fuit: Feliciter enim negotiis expeditis senium simul ac morbus effecere, ut prius cœlestem, quam Romanam Urbem, videres. Morabatur tamen ingressum Judicis æterni severissima districtio, quæ levissimum, & vix planè tuum nævum temporali pœna prius delevit, veluti cuidam Sardiniaæ præbytero cœlitus fuit ostensum. Meritò expavesco horribilem illam diem, qua Judici Deo ero præsentandus: si enim in te vel minimam maculam tam acriter vindicavit, quid de me fiet?


*Judici-  
a Dei  
abyssus  
multa.*

S. BERNARDUS, ser. 55. in Cant.

*Ego scrutabor Hierusalem in lucernis.  
[Sophon. c. I.] Acuto visu est, nihil  
inscruta-*



*in scrutatum relinquet oculus ejus.* Judicis  
DEI  
*Scrutabitur renes & corda, ipsaque* severi-  
tas for-  
mida-  
bilis.  
*cogitatio hominis confitebitur illi.*  
*Quid tutum in Babylone, si Hierusa-*  
*lem manet scrutinium?*



7. Octobris. Nonis.

**S**MARTINE, cognomento Cidis; *Obijt*  
 qui post susceptos Sacerdotii Ordi- anno  
 nes priusquam Cistercio nomen daret, 1152.  
 Clarævallis initia æmulatus, ex latro-  
 num latibulo fecisti securum peregri-  
 nantibus hospitium, actus sociorum-  
 q; pietati charitatis palæstram. Hanc  
 promovebat Bernardus Episcopus Za-  
 morensis, cujus consilio ab altero in  
 Claravalle BERNARDO Monachos  
 petiisti, qui DEO simul & advenis  
 servirent. Quatuor omnino ad te de-  
 stinavit Piissimus Pater, non ignarus,  
 se fertilissima licet pauca grana mitte-  
 re, è quibus brevi copiosa messis sit sur-  
 rectora. Annuit benè ceptis Rex Al-  
 phonsus egregiæ dotis auctoramento,  
 & mutato nomine loci, ex Bellifonte  
 in Vallem Paradisi. Et verè te in illo  
 Paradiso fuisse Arborem vitæ osten-  
 dunt superstites in Æde sacra tabulæ,  
 in quibus spectantur integræ cohortes, à



tes, à morbis diversi generis sub prodigiosa manu tua liberatæ. Auxerunt identidem similis picturæ numerum continua miracula, quibus hac nostra ætate motus Paulus V. Christi Vicarius & Rex Catholicus Pilippus III. Hispaniarum Monarcha \* sacras exuvias in peculiari Sacello, honorificentissimo apparatu collocari iussit. *In supremo cæli arcu te ego nunc supplex veneror, tibi expono gemitus meos, quibus ad animæ meæ sospitatem aspiro: incidi in infernales latrones, tu sana vulnera mea oleo misericordiæ, quod in tot jam miseros effudisti.*

\*

Anno  
1619.

*Floruit* B. HAVYDIS Abbatissa Clarifontis in Ducatu Luxemburgensi. Fons *circa* illi adhuc feбри laborantibus salubris *annum* vim medicam Thaumaturgo BER-  
*Pontem* NARDO debet, cui hanc, dum per *salubrē* Brabantiam iter faceret, impressit. *reddit* Pluribus postmodum elapsis annis Er-  
*S. Ber-* mensindis Comitissa, loci illius do-  
*nardus* mina, cum circa fontem in viridi gramine sedens levi sopore mergeretur, vidit Angelorum Reginam agnas candido mixtim & nigro vellere tectas illic pascere. Cujus ostenti interpretes Anachoreta suasit, ut Parthenonem Cisterciensibus Virginibus construeret; quod statim Comitissa perfecit, teque  
ut san-



ut sanguine sibi proxímè junctam iis præfecit. Accessit tunc illi Fonti nova, & nulla temporum senectute obscuranda, claritudo, quam illi tribuit tua humilitas, materna circa oviculas concreditas sollicitudo, aliáque virtutum ornamenta. *Doce me imitari naturam ovium, quales tu per felicia pascua duxisti, mansuetas, obsequentes, humiles. O quám lævus in die illa magna me audiam numerari inter oves ab hædis discernendas!*

S. BERNARDUS, ser. 3. in Ps. XC.

*Ite maledicti in ignem ævernum, &c. [Mat. 25.] Hoc durum reputate, & invenietis, quia jugum Domini suave est. Si in seipso suave illud credere necdum potestis; vel hoc non ignoratis, quoniam hujus comparatione suavissimum est.*

Nihil  
durius  
Christi  
dam-  
nantis  
voce.



8. Octobris. 8. Idus.

**B** BEATRIX, quæ perfurentes hu-  
jus mundi procellas & periculo-  
rum gravissimorum charybdes, sal-  
vam denique Virginæ puritatis cym-  
bam ad portum Cisterciensem appli-  
cuisti. Cùm enim ob spectatissimam

N n s

formæ



*Pulch-  
ritudi  
nullius  
struū-  
tur in-  
sidia.*

*Mariæ  
presen-  
tiare.  
creatur*

*Ingens  
prodi-  
gium  
precib?  
obtinet.*

formæ tuæ elegantiam proceres aulæ  
Regiæ Castellanæ per cædes inter se,  
cujus aliquando sponsa fores, decerta-  
rent, Isabella Regina te capsæ annulo  
obsignatæ inclusit. In quo ergastulo  
litem Christus diremit, cui tuam Vir-  
ginitatem vovisti, moxque libertati  
reddita verè frontem velo Cisterciensi  
obnubilasti, utpote quam deinceps  
per annos quadraginta nemo unquam  
mortalium, præter unam Reginam,  
idque semel duntaxat aspexit. Interea  
Reginarum Regina non rarò viden-  
dam se obtulit, veste candida ceruleo  
colore mixta spectabilis: cujushorta-  
tu duodecim fororibus è Monasterio  
D. Dominici de Silos assumptis arctio-  
rem vitæ normam, sub legibus tamen  
Cisterciensibus tradidisti, sub titulo B.  
MARIÆ de Conceptione. Quod In-  
stitutum insigni prodigio DEUS con-  
firmavit: dum Diploma Pontificium,  
quo illud Authoritate Apostolica ap-  
probabatur, in maris tempestate perdi-  
tum, tu fusis ad DEUM precibus è  
scrinio salvum eduxisti. Ne autem in  
mortuæ vultu mirabilis ille decor ex-  
spirasse videretur, frontem stella inse-  
dit fulgoris insoliti, auspicius Ve-  
nere Signum celeste, quod nempe nul-  
lius ultrà oculos offenderet. Non so-  
lùm mentis



lùm mentis, sed & quammaximè oculorum puritatem amat Divina majestas, eam tu mecum roga illis Psaltis regij verbis: *Averte oculos meos, ne videant vanitatem.*

B. ELIA, Dunensis monasterii An. *Obijt*  
 tistes: qui in spiritu & virtute tum ma- *anno*  
 gni illius cognominis Prophetæ, tum *1203.*  
 primorum Otdinis Patrum sacram il-  
 lam familiam gubernans, corda prin-  
 cipum ad eò in tui amorem traxisti, ut  
 Leopoldus Austriæ dux deserta clam  
 paterna domo, ac dissimulato genere,  
 sub coqui persona tibi inservire non  
 fuerit dedignatus: sed altiore in illo,  
 quàm pro lixa, genium agnoscens, tu-  
 o illum cubiculo præfecisti, donec à *Autho-*  
 suis inventus, & ad sua reductus est. *ricate*  
 Nihil huic cessit Mathildis An- *apud*  
 gliæ Regina: cùm enim diuturni la- *Princi-*  
 bores, interpositæ principum totiùsq; *pes pol-*  
 regni preces, & oblata ingentia lytra *let.*  
 pro liberatione Richardi Filii, Regis  
 Angliæ, frustrà fuissent adhibita, tu  
 illius rogatu Imperatorem Romano-  
 rum accedens illico negotium confe-  
 cisti, acceptis à Rege in navatæ operæ  
 mercedem donis, è quibus beneficii  
 magnitudo facile poterat æstimari.  
 Transactis in præfectura octodecim  
 annis maximo omnium luctu ad supe-



ros raptus es, non igneo quidem curru, sed egregiarum virtutum alis subvectus. *Esto tu mihi servus ille Evangelicus, qui jussu domini exivit in plateas, & multos ad cenam intrare compulit; ut saltem cum talibus ad cenam vitæ æternæ admittar.*

S. BERNARDUS, ser. 99. de divers.

**DEUS** *Compelluntur multi varijs necessitatibus & oppressionibus afflicti: qui mira Dei providentia dum temporalem panam, si non libenter, tamen patienter sustinent, vitam consequuntur æternam.*

variè  
vocat  
ad cœ-  
lum



9. Octobris. 7. Idus.

**Obijt** **B. GERARDE**, Abbas Novæ Vallis  
**anno** in Suecia: qui cum inter alios ad  
**1195.** barbaras illas Aquilonis gentes à S.  
**B. BERNARDO** ex Claravalle migrare  
jussus fuisset, penè totus in lacrymas  
liquefcens, querebaris, quod Patriam  
& parentes ideo maximè reliqueris, ut  
Sancti Abbatis præsentia fruereris, ac  
denique sepulturam in Claravalle ob-  
tineres: nunc verò te juvenem nimis  
celeri separatione ad tam remotas ter-  
ras amandari. Mota ad hos fletus Pa-  
terna pietas tibi promisit, non alibi te  
diem

*Ægrè à  
S. Ber-  
nardo  
separa-  
tur.*



diem extremam clausurum, quàm in Claravalle. Atque ut ejus dictis certior haberetur fides, æneæ pelvi, quæ pars erat sacræ suppellectilis in Sueciam asportandæ, digito signum impressit, quæ se prodigiosæ manui instar ceræ mollem præbuit. Tanta promissione lætus iter profecutus es; ac post aliquantum temporis ad Abbatiale munus promotus; quod per annos quadraginta uberrimo animarum fructu gessisti, Regi tam acceptus, ut à te pendere totus videretur: circa filios autem tam sollicitus, mansuetus & humilis, ut coram quodam Converso ad petendam veniam te humi prosternere non sis dedignatus, à quo iræ furiis agitato alapam acceperas. Senio tandem & afflictionibus morborum penè confectus, de S. Patris promisso indubius sella gestatoria per tanta terrarum marisque spatia ad Claram vallem deportatus inter fratrum pios amplexus animam ad superos transmisisti. Quo audito Rex Sueciæ graviter indoluit, deplorans terram suam indignam fuisse, quæ hunc exuviarum tuarum thesaurum suo sinu reconderet. *Quàm languida est spes mea circa divina promissa, si fiduciam tuam in S. Patris verba considero! Tu illam in me auge, ut mer-*

*Abitu-  
ros pro-  
digio  
confir-  
mat.*

*Post 40  
annos  
vaticini-  
um  
S. Ber-  
nardi  
implet.*



*cedis promissæ intuitu promptior siam ad sustinendos hujus vitæ labores.*

Obijt  
anno  
1621.

B. JOANNES Jacobe à S. Scholastica, congregationis Fulienfis Monache, quod Institutum anno ætatis decimo quinto amplexus, severam illam vivendi rationem, qua præter crudas herbas & aquam nil nisi furfureum panem admittebant, rigidissime ad ultimam usque horam tenuisti. Copioso animarum lucro omnis fatigationis ignarus diu noctuque te impendisti: in quo etiam labore ultimum spiritum exhalasti. *Angusta quidem ardua & aspera via ad fastigium montium æternorum, sed tria infinitis sanctorum millibus: quos qui sequi non vult, sibi imputare debet, si ad summitatem non perveniat.*

S. BERNARDUS. ser. 22. de divers.

Ardua est ad astra via. *Sic stete in Domino charissimi; ut quemadmodum illi in fame & siti, in frigore & nuditate, in laboribus, in jejunijs & vigilijs, & cæteris observantijs justitiæ viam regiam tenuerunt: sic & vos etsi non eorum meritis tamen exercitijs aliquatenus coequali, dicatis Domino Deo vestro, cum veneritis*



*neritis ante thronum gloria ipsius:  
Letati sumus pro diebus, quibus nos  
humiliasti, &c.*



10. Octobris. 6. Idus.

**B** GUNDISALVE Abbas Junien- *Floruit*  
 sis in Gallæcia: qui ut vitam egisti *circa*  
 omni sanctimonia claram, ita finem *annum*  
 imposuisti plenam prodigiosis eventibus. *1300.*  
 Postremo enim die postquam in  
 quadam Ecclesia extra cœnobium  
 consueto pietatis ardore Agnum im-  
 maculatum æterno Patri obtuleras,  
 monitore interno horam transitûs in-  
 dicante, haud procul à cœnobio inter  
 duas rupes in preces procumbens, ma- *Campa-*  
 nibus oculisque in cœlum erectis tum *næ so-*  
 primùm inventus es, cùm æs campa- *nus*  
 num sua sponte signum rei insolitæ de- *mortem*  
 dit. Ad quod accurrentes filii mixto *prodit.*  
 gaudiis dolore funebri pompa corpus  
 terræ commendarunt, nec ante sile-  
 bant æneæ linguæ, donec exequiæ fi-  
 nem habuerunt. *Id enim verò certum*  
*est; mortem esse vitæ echonem: parado-*  
*xum est, bene mori illum, qui malè vixit.*  
*Misericordiæ Domini multa, sed & Justi-*  
*tiæ. Duce me ita vivere, ut mori ne ti-*  
*meam.*

B. HUGO



Obijt  
anno  
1151.

B. HUGO cognomento Matisco-  
nensis, ex Abbate primo Pontignia-  
censi Episcopo Antisiodorensis, ad ge-  
minum honorem nempe ab excelso-  
rum animorum genitore BERNAR-  
DO bis genite. Cùm enim milites sa-  
cros Cistercio donandos juvenis colli-  
geret, túque jam nomen nobili illi Al-  
bo inseruisses, à sodalibus perversus,  
pedem retraxisti. Sed strenuus Dux  
BERNARDUS stratagemate usus,  
te pluviâ è sereno cœlo educta a se-  
ductoribus sejunxit, tibique unâ cum  
cœlo pro voto serenum animum mox  
reddidit. Pontigniaco deinde præfe-  
ctus celeri filiarum procreatione ip-  
sum etiam Parentem superasti, vel ob  
hoc unum æterna dignus memoria,  
quòd januam aperueris primus, per  
quam ab Episcoporum imperio Ci-  
stercium fuit *Exemptum*: Obedientiâ  
Episcopo non nisi *Salvo Ordine* pro-  
missâ: quod deinde plumbo Roma-  
no firmatum suum adhuc pondus ce-  
lebri Ordinis gloriâ conservat. Singu-  
laris Providentiæ Divinæ argumen-  
tum fuit, quod ad Insulas Antisiodo-  
renses fueris assumptus, ut exemplo  
præires Privilegio, quod fueras exor-  
sus. Et habuit illa Sedes acrem Juri-  
um Ecclesiasticorum defensorem, sed  
prudentiâ



prudentiâ non vi stabilientem Jura.  
 Hinc in Concilio Rhemenfi Gilbertus  
 errorum suorum te strenuum exper-  
 tus est umbonem: & dignitatis oppug-  
 natores murum inexpugnabilem.  
 Quietem denique daturus laboribus in  
 Pontigniaco cursum vitæ absolvisti.  
 Vivere tamen te post quatuor ferè se-  
 cula, tunc non penitus cæci, credide-  
 runt hæretici, quando opinantes se  
 furere in etiam tunc incorruptum S.  
 Edmundi corpus, tuum è tumulo ex-  
 traxere, & redegere in cineres. Præ-  
 clarissima hac te Laurea donavit im-  
 pietas, ut & sinè dolore, & pro hono-  
 re alterius, Martyrii diadema reporta-  
 res. *Carnisses hac gloriæ corona, nisi te  
 Bernardus revocasset ad cursum: ita tu  
 me, cum vides à cepto bono opere langui-  
 dum recedere, hortare ad perseverantiam,  
 quam solam manet corona.*

400.  
 annis  
 incor-  
 ruptus  
 ab hæ-  
 reticis  
 Marty-  
 rio  
 corona-  
 tur.


S. BERNARDUS, Epist. 129.

Non qui ceperit, sed qui perseverave-  
 rit usque in finem, hic salvus erit.  
 Saul cum esset parvulus in oculis suis,  
 rex est super Israel constitutus: non  
 perseverans in humilitate, & regnum  
 amisit & vitam.

Perse-  
 veran-  
 tia.

II. Octobris.





11. Octobris. 5. Idus.

*Vixit.* **B** RODERICE, tyro Cisterciensis  
*se vide-* in Morerola; qui magnis passibus  
*tur cir-* per virtutum palæstram properasti,  
*ca aññ* utpote metam nondum finito proba-  
 1400. tionis anno feliciter affecutus. Duplex  
 incendium animo tuo insidens mor-  
 tem acceleravit: alterum patiendi, al-  
 terum fruendi vita immortalis; & rectè  
 quidem, victoriam enim antecedit  
 certamen, quod ex sudore non tempo-  
 re superi metiuntur. Certè ad palmam  
 te vocatum testis fuit Ferdinandus  
 DEI famulus, qui te aurea redimitum  
 corona inter Angelorum choros tri-  
 umphantem vidit. *Hostibus animæ for-*  
*midabilia sunt Patientiæ arma: contra*  
*impatiens animum tradit inimico arma,*  
*quibus ipse perimatur. Meritò igitur il-*  
*lam amabo, hanc fugiam.*

*Floruit*  
*anno*  
 1170.

**B. GUALTERE** Daniel, Mo-  
 nache Rievallis, eruditione & pietate  
 celebris; utrâque te imbuit illud An-  
 gliæ lumen Ailredus, nactus tam sedu-  
 lum sui imitatore, ut in virtutibus  
 penè parem, in doctrina etiam mayo-  
 rem te multi æstimaverint. Stylum  
 tunc maximè virili manu duxisti, cum  
 Virginis Deiparæ honor contra ma-  
 gys



styges te in arenam vocavit: cujus sine macula Conceptionem, & Virginitatem perpetuò illibatam pluribus libris propugnasti. Non video qua ratione quisquam hominis Christiani mereatur nomen, qui de Dei Matre humile aliquid ne dicam vitiosum sentiat. In Deum injurius est, qui putat, post Deum majori honore dignius aliquid esse Mariâ.

S. BERNARDUS, ser. 25. de div. Sapiencia, quæ Dei erat, & Deus erat, de sinu Patris ad nos veniens, ædificavit sibi Domum, ipsam scilicet Matrem suam Virginem Mariam, in qua septem columnas excidit. Quid est in ea septem columnas excidere, nisi ipsam dignum sibi habitaculum fide & operibus preparare?

Maria  
Virgo  
Domus  
Sapien-  
tiz.



12. Octobris. 4. Idus.

B. EUSTACHI, Abbas Florefien-  
sis, vel ut alii legunt, de Flay, in Nortmannia; ex qua in Angliam missus, vita, miraculorum patratiōe & Verbi Divini prædicatione gloriam Apostolici nominis promeruisti. Unicus ille fons, cui tu vim medicam precibus indidisti, tot penè effudit prodigia quot

Floruit  
anno  
1260.



*Ingens  
prodi-  
giorum  
nume-  
rus.*

*Episto-  
lam è  
cælo ac-  
cipit.*

gia quot guttas. Cæcitatem ab oculis ab auribus surditatem, aliósque morbos abstergebant illo liquore fideles: quin & malignum dæmonem hæc potio è pluribus ejecit. Alibi cùm incolæ laborarent aquæ penuria, unico baculi tui ictu, velut Mosaica virga, è rupe copiosas undas eduxisti. Erat in Insula passim, præsertim Londonii damnabilis consuetudo violandi legem Christianam, quæ labores serviles & mercimonia diebus festivis interdicit: quam ut abrogares, te cælum missâ epistolâ, jussit, gravem vindictam contemptoribus intentans. Quæ non paucos deprehendit, dum in coctis tali die panibus sanguinis guttas cum horrore spectarunt, vel repentina paralyssi percussi conciderunt. Sanctissimas has curas livido tamen oculo aspexit invidia: cui ut te subtraheres, excusso de pedibus pulvere ingratham terram ad propria reversus deseruisti, laborum mercedem ibi recepturus, ubi nullus est invidiæ locus. *Solet pijs conatibus semper obstrepere infernalis invidia sed facilè contemnetur, si oculus pure intentionis in æterna retributione figatur.*

*Obijt  
anno  
1438.*

B. MARIA Priorissa cœnobij Muffensis propè Mechliniam: quæ licet ætate omnium minima, hortante cæteras Vir-



ras Virgines Angelo, in Priorissam electa, tanto ardebas charitatis fervore, ut ignis qui animam inflammabat, etiam foras per spectabiles radios erumperet: dulci ardore eas quoque comprehendente, quæ illud lumen videre merebantur. *Incende & cor meum, ut immensam divini amoris dulcedinam vel in modicâ suntillâ sentiam: scio, cessabit ex hoc gustu mihi sapere terrenarum rerum amor, vel potius insania: verus enim amor nullibi, nisi in Deo quiescit.*

S. BERNARDUS, ser. 83. in Cant.

*Deo quidem honor & gloria: sed horum neutrum acceptabit Deus, si mel-  
le amoris condita non fuerint. Is per se sufficit, per se placet, & propter se. Ipse meritum, ipse premium sibi est amor.*

Sinè amore nihil DEO gratum



12. Octobris. 3. Idus.

B. BERNARDE Escudere, Vallis-Bonæ in Hispania planta felicissima; quam ex innocenti Paradisi horto illuc penè dixero esse transplantatam, cum rarissima his temporibus felicitate originalem animæ decorem, quem Lex Gratia renascenti induit, illibatum retuleris in tumbam mortualem: quod

Obijt anno 1606.



310 ANNI CISTERCIENS.

*Innocē-  
tiam il-  
libatā  
conser-  
vat.*

quod celebris doctrinæ & probitatis viri, conscientia tuæ, in ultimis vitæ horis sese candidè aperientis, arbitri testari sanctè non dubitaverunt: cùm tamen plura lapsus pericula struxissent & mundus, degenti inter deliciarum lenocinia, & honores, quorum comites ubique esse solent præcipitia. *Gemina vestis est, quæ nos Judici Deo sistit sinè confusione: innocentia & penitentia: Infirmitas nature lapsæ priore multos ex-  
uit, priusquam ejus pretium agnoscant; tu me iuva, ut saltem in altera me Judex aspiciat.*

*Obijt  
anno  
1218.*

B. GERBRANDE, Abbas Clari-  
Campi, emerite miles sub Cistercii Ve-  
xillis: qui à Comitibus Generalibus cœ-  
nobium tuum repetens, pro illo do-  
micilium æternum coelestis patriæ at-  
tigisti: quod quædam DEO sacrata  
Virgo Visitationis tuæ curis commissa  
eo ipso momento, quo decesseras in  
loco longè distito vidit, retulitque stu-  
pentibus, se animam tuam multa luce  
fulgentem in caelos Angelorum mi-  
nisterio deferri conspexisse. *Fidissimi  
sunt vitæ nostræ duces & comites purissi-  
mi illi spiritus, eo maximè tempore, quo  
transeundum est ad Patriam, sed nimi-  
rum non deserunt, quos experti sunt sibi  
per vitæ decursum obsequentes.*

*Angeli  
ejus a-  
nimam  
in cœlū  
ferunt.*

B. MAU-



B. MAURITI, Abbas Carnoëti. Præeras ante Langoneto, promotus ibi quarto anno post susceptum Religionis habitum, clavumque tenuisti annis triginta: quo successori sponte tradito Carnoëtum duxisti coloniam ingentibus prodigiis decorandam. Quorum initium fuit in Missæ sacrificio, in quo deficiente vino precibus ad DEUM fusis urceolum antea vacuum mero plenum ministro tradidisti. Alterum quo Lupos, pecori & hominibus infestos à Monasterii finibus arcuisti: duobus tantum, homicidii reis mortem subire iussis. Idem fatum experti sunt mures è noviter eruta ad ædificium perficiendum terra moleste prorumpentes: his abigendis usus es corvis ministris, qui per omnes officinas, & angulos nociva animalcula conquirentes rostris & unguibus extra muros deportarunt. Gravior bestiis bellua infernalis cum loci vicinos incolas vexaret, quamdiu intra Monasterii muros morabantur, liberi erant ab ejus infestatione. Quantus denique fuerit ad sepulchrum tuum prodigiorum numerus, calculos ducere desperarunt, licet tui honoris avidissimi Filii; scripto hoc unum relinquentes: Miracula ipsa ita crebuisse, ut nec liber

capere,

Obijt  
anno  
1191.

Vas vacuum  
vino replet.

Lupos,  
& mures  
pellit.

& demones.




capere, nec manus scribere, nec cor hominis sufficiat cogitare: nam cæci vident, claudi ambulant, muti loquuntur, &c. *Innocentiæ signum est potestas parandi miracula, quâ veste primum nostrum in paradiso parentem spoliatum esse dolemus, non tamen à peccato cavemus: quo solo tantus decor amittitur.*

S. BERNARDUS, ser. 19. in Ps. XC.

Peccatum fugiendū.

*Cavendum sanè interim peccatum magis, quàm peccati pena: & eò studiosius à malo, quàm à flagello declinandum; quò perniciosius & omnino infelicius sit, à Deo animam, quàm à corpore separari.*



14, Octobris. Pridie Idus.

Obijt  
anno

1374.

B. JOANNES, Abbas Cistercii, ac totius S. Ordinis Pater Generalis XXXIII. ad quem honoris apicem te promovit præter alia virtutum insignia singularis eruditio, quâ cathedram Theologicam diu gloriosè ornaverás. Gravissimi labores oneravere regimen annorum viginti, dum contagiosa lues per Gallias grassata multis Monasteriis fatalem ruinam minaretur; tua tamen industria, & providentia vigilans effecit, ut pleraque spe citius respiraverint.



verint. *Non est Ordinum major pestis, quam tepor in regulari disciplina: à quâ ut non adurar, me meritò absterret periculum interitûs, & quidem aterni: Vox Dei est: Quia tepidus es, evomam te ex ore meo.*

B. ALANE, Insulis in Flandria *Obijt*  
 progenite: ubi cùm Mellifluus Doctor *anno*  
 suum divinæ facundiæ nectar effun- *1181.*  
 deret, te unâ cum aliis ad Claramval-  
 lem adduxit, ac vix emissis votis so-  
 lennibus Ripatorio Abbatem dedit,  
 numerum annorum ætatis supplente  
 virtutum cumulo: quem in te venera-  
 ti sunt imprimis viri nobiles, qui Cœ-  
 nobium proventibus locupletarunt. *Gloria*  
 Altius suspexit Antisiodorum, Episco- *singula-*  
 pale diadema capiti imponens tuo. *laris*  
 Hic te BERNARDUS duodecimum *S. Ber-*  
 aspexit inter filios suos ad insulas e- *nardi*  
 vectum, cùm præter hos in Sede Petri *exho-*  
 Eugenium, ornatos Purpura quatuor, *nore si-*  
 in throno Archiepiscopali Petrum, *liorum.*  
 omnes sanctimonix fama illustrissi-  
 mos eo tempore (biennio ante mor-  
 tem) intueretur, rarâ, & planè solum  
 BERNARDUM ambiente gloriâ.  
 Regiminis Episcopalis præcones præ-  
 cipuos reliquisti egenos, quos consilio  
 & fortunis ut familiam domesticam  
 parens, fovisti. Fervebat intereâ irre-  
 quietum

O O

quietum



Honore  
se abdi-  
cat.

S. Ber-  
nardi  
vitam  
scribit.

quietum desiderium in corde tuo re-  
petendæ Monasticæ solitudinis; cujus  
explendi copiam post multas preces  
tertio decimo demum anno Christi  
Vicarius indulgit. Sacrum hoc otium  
piis doctisque lucubrationibus dicâstis  
è quibus & stylo & materiâ nobilior  
est vitæ series Melliflui Doctoris, quo  
vel solo labore de toto terrarum orbe  
optimè meritus es. Senio tandem vi-  
cinam nunciante mortem, charis in  
Ripatorio filiis ultimum valedicturus,  
in fatali amoris divini humanique  
conflictu animam tradidisti Condito-  
ri. Corpus tamen, ut vivus optaveras,  
in Claravalle quiescit. *Utinam & in me  
esset tam pius amor solitudinis claustralis;  
in qua delevis è memoria rebus caducis so-  
li Deo & animæ meæ vacarem! Tu hunc  
infunde cordi meo, heu nimis implicato  
vagis mundi ineptiis.*

Obijt  
anno  
1178.

B. GAUFRIDE de Meloduno,  
Episcopo Sorensis, qui precibus adhuc  
in Claravalle tyro cœlos ad te inclina-  
sti, ac promissum sanè amplissimum  
obtinuisti, omnes illos æterna salute  
donandos, pro quibus preces sis obla-  
turus. Dum infirmorum agebas cu-  
ram, labores tuos ac vigilias iterum  
cœlum spectaculis sublevabat, oculis  
tuis sæpe ostensâ Angelorum Reginâ,  
quæ



quæ deccedentium animas ad gloriam  
 supernam deferret. Etiam suam sce-  
 nam tibi aperuit sannio infernalis *vexa-*  
 præsertim ad orandum in genua pro-  
 strato: ubi simiam indutus ludicris ge-  
 sticulationibus devotionem tuam tur-  
 bare conabatur: & risum tulit, sed non  
 quem volebat, ridebas scilicet con-  
 temptim miserum histrionem ex An-  
 gelo Lucis mutatum in vilissimam *contem-*  
 bestiam. Cæterùm dum ægrotanti-  
 bus summa charitate serviebas, ipse-  
 met gravi molestia amissæ vocis labo-  
 rasti, morbo ad omnia medicamenta  
 inexpugnabili. Vocandus itaque fu-  
 it ex altero orbe medicus BERNAR-  
 D U S, qui secundùm quietem visus est  
 guttur tuum manu prodigiis assuetâ  
 tangere, simulque totum languorem  
 abstergere. Promotioni porro ad Ca-  
 thedram Sorensem in Sardinia itidem *Voca-*  
 præcessit ostentum, quo tibi à venera-  
 bili quadam persona annulum digito *tur di-*  
 inferi videbas. In remotis tamen illis *vinitis*  
 regionibus tecum in pectore Claram *ad E-*  
 vallem tuam circumferebas, ad quàm *piscopa-*  
 denique revisendam occasio fuit so-  
 lennis BERNARDI Apothe-  
 osis; ad  
 quam præter alios Ordinis Præfules  
 accurrens, cum innumeri æruninis va-  
 riis afflictis sospitatem optatam inde  
 reportarent,




316 ANNI CISTERCIENS.

reportarent, tu solus contrà mortem petiisti, quam etiam non sinè præviis de futura felicitate præfagiis, inter Ecclesiæ Sacramenta ibidem obiisti. *Mortem beatam efficit mors concupiscentiarum; quam ut ego quotidie in me magis ac magis sentiam, tu me adjuva: cessabit in me omnis formido mortis, si manu animosa furentes hos motus trucidavero.*

S. BERNARDUS, ser. 25. in Cant.

Mors mortē miti- gat.

*Moriatur anima mea a morte justorum, ut nulla illam illaqueet fraus, nulla oblectet iniquitas. Bona mors, quæ vitam non aufert, sed transfert in melius: bona, quâ non corpus cadit, sed anima sublevatur.*



15. Octobris. Idibus,

Obijt anno 1243.

S. HEDWIGIS Poloniæ Ducissa: quæ infantiam ætati reliquæ non aliter præmisisti, quàm solet antecedere aurora Solem, verba enim & mores mera erant futuræ sanctimonix omina. Nupta illustri Poloniæ & Silesiæ Duci Henrico, post genitas illi sex proles, continentiam non invito persuasisti, erecto in sacri fæderis monumentum Monasterio Trebiniacensi: quod tam opulenta dote decorasti, ut nun-



ut nunquam infra centum Virgines  
 sub Instituto Cisterciensi ibidem DEO  
 famulentur. Dotem alteram addidisti  
 Filiam, ac denique teipsam: rerum ta- *Monas-*  
 men imminentium præscia, non sta- *sterium*  
 tim induebas habitum, sed in peculi- *insigne*  
 ari domo sollicitam te Martham ege- *cōstruit*  
 nis præbuidisti. Et operâ quidem tuâ e- *Et cum*  
 gebat & maritus: per insidias ab ho- *filia in-*  
 stibus captus: ad quem sinè mora pro- *trat.*  
 perans sola. præsentia iniquos deten-  
 tores ita terruisti, ut etiam pacis con-  
 ditiones illis scriberes. Pro triumpho  
 vestis non palmata, sed Religiosa pla- *Mari-*  
 cuit, detrita & vilis, veluti etiam de- *um ab*  
 inceptus victus, quem à pauperum gre- *hostib'*  
 ge, stipem ad fores Monasterii accipi- *liberat.*  
 ente, emendicare, aut redimere melio-  
 ribus cibus solebas. Tanto honore per- *Pau-*  
 sonas DEO devotas prosequeris, ut *pertatē*  
 quotiescunque sese offerebat occasio, *amat:*  
 eorum vestigiis oscula infigeres. Quod  
 cum aliquando in Monasterio ageres, *Christ'*  
 quædam Monialis conspexit Christi *de Cru-*  
 Servatoris Imaginem. soluto de Cruce *ce illi*  
 brachio tibi bene precantem, cum di- *Benedi-*  
 cto, exauditas esse tuas preces. Id fa- *cit.*  
 nè plurimi experiebantur, quos edito  
 Crucis signo à morbis quibuscunque  
 liberauisti: imò & duo quidam extre-  
 mo affecti supplicio, quos altera die  
 incolumes



*Cordiū  
ar. ana  
inspicit.*

*Mortē  
suorum  
fert  
equa  
nimitē*

*Pul-  
chrior  
apparet  
mortua*

incolumes de infami ligno iussisti re-  
solvi. Didicerunt & alii complures,  
quibus suorum cordium occulta dete-  
xisti. Nuncium de obitu Mariti & fi-  
lii siccis oculis ideo te audisse dicebas;  
quod nimia in huiusmodi casibus per-  
turbatio in Divinæ Providentiæ inju-  
riam cedat, arguâtque infinitam il-  
lam Bonitatem imperfectionis in di-  
sponendo Universi regimine. Eadem  
mentis tranquillitate excepisti mortis  
ictum, jam diu ante cœlitus notum: &  
fanè quomodo metueres, cum ipsa  
Misericordiæ Mater choro beatarum  
mentium stipata egredienti animæ si-  
num offerre visa fuerit. Corpus ab  
inedia aliisque afflictationibus detri-  
tum & pallidum, statim ab obitu vi-  
vacissimum induit colorem, effuditq;  
odorem longè suavissimum. Illud  
post annos triginta è sepulchro per so-  
lennem pompam educum tres digi-  
tot habuit omnino incorruptos, qui-  
bus effigiem Matris Virginis ebuine-  
am gestabas. Exaudiri etiam nunc pre-  
ces tuas à Clementissimo Iudice dubitari  
non potest; illum itaque mihi redde placat-  
um: scio me gravissimè reum esse, sed &  
illum infinitè misericordem: suggere illi,  
ut me modò corripiat misericors pater, ut  
postmodum absolvat Iustus Iudex.

B. RICH-




B. RICHWINE, Monache Heisterbacensis; qui sub tyrocinii decursu *Floruit*  
 recepta clam epistola perverſæ cujus *anno*  
 tam Monialis ad sæculi vitia revoca- *1222.*  
 tus, paratum hunc à maligno laque-  
 um precibus tandem expugnâsti, de-  
 inceptus ab hujusmodi certamine liber,  
 ac coelitibus intimè dilectus. Quod  
 manifestum fecere aliquando fulmine  
 è sereno aëre in militem vibrato, qui  
 te equo spoliare tentaverat. Ita nihil  
 non potest pia oratio: cui ut libenter insi-  
 stamus, nostra nos persuadere deberet mi-  
 seria & infirmitas, hoc sublevanda reme-  
 dio: tum invitare magna illa promissio:  
*Quidquid orantes petitis, credite quia ac-*  
*cipietis.*

S. BERNARDUS, ser. 5. de XL.

Nemo, fratres, parvipendat oratio- *Oratio*  
 nem suam: dico enim vobis, quia ipse, *semper*  
 ad quem oramus, non parvipendit e- *aliquid*  
 am. Priusquam egressa sit ab ore no- *impe-*  
 stro, ipse scribi eam jubet in libro suo: *trat.*  
 & unum indubitanter è duobus spe-  
 rare possumus, quoniam aut dabit,  
 quod petimus, aut quod noverit esse  
 utilius.







Obijt

anno

1241.

16. Octobris. 16. Cal. Novemb.

*Alapam  
dæmoni  
infligit.*

*Ange-  
lis fa-  
milia-  
ris.*

Obijt

anno

1163.

**B**ELISABETH, Abbatisa Hove-  
nensis: quæ in primordiis vitæ mo-  
nasticæ cœlesti donata robore impo-  
sturas dæmonum tam viriliter repres-  
sisti, ut illi virilem mentienti speciem,  
sonantem alapam inflixeris: qualem  
ne denuo devorare cogeretur, te resu-  
pinam per scalam egit præcipitem.  
Minis tamen, quas illi sinè læsione as-  
surgens, intentasti, adeò territus est,  
ut deinceps emanerit iners strategus,  
Virgunculæ manu fustum se silentio  
fessus. Gloriosæ victoriæ applausere  
cœlestes genii per vitæ decursum &  
maximè in extremis familiares, cum  
nempe fuerunt comites animæ ad glo-  
riam sempiternam evolanti. *Vires tu  
mihi dona & virilem dexteram, quâ sug-  
gestionem venenati serpentis eludam, con-  
temnam & gloriosè pervincam.*

**B.** BALDUINE Archiepiscopo  
Cantuariensis; qui pauperum paren-  
tum inopiam tua industria supplens,  
ope Bartholomæi Episcopi Oxomien-  
sis nobilem in te genium admirantis,  
felicissimo cursu artium liberalium pa-  
læstram superâsti. Celebrem profe-  
ctum excepit Archidiaconi dignitas:  
in qua



in qua cum tibi minus, quam mundo placuisses, in Monasterio Fordensi cum Ascetis Cisterciensibus Sapientiae coelesti operam dedisti, quam recte in *Indus-* sola humilitate radicatum esse nove- *striâ so-* ras. Sed ibi ex infimo gradu ad supre- *lâ pro-* mum promotus Abbas, mox Wigor- *move-* niensis Episcopus, denique primas In- *tur,* sulæ Cantuariensis Archiepiscopus, tot honores non humano favori, sed virtutibus debebas, præsertim disertæ *maxi-* ad miraculum facundiae: cujus vires *mè elo-* tum maximè enituerunt, cum ad fe- *quen-* rendam laboranti Palæstinæ opem *tiâ.* Anglos Hybernósque erexisti. Quin & ipsemet ex propriis facultatibus *In Pa-* conscripto milite non pauca de hosti- *læstinâ* bus trophæa retulisses, nisi cum totius *ducit e-* Christiani exercitus gravissimo luctu *xercitiũ* victoriæ cursum mors intercepisset. *Etiã mihi expugnanda est felicissima il-* la Palæstina, non quam Servator pretio- *sissimo* sissimo cruore rigavit, sed quam promisit *is,* is, qui violenter eam sint rapturi. Doce *me saluberrimam hanc vim inferre pri-* mùm mihi, & vitijs meis, dein cælo per *immobilem in bono perseverantiam.*


S. BERNARDUS, ser. 6. in Ps. XL. Undiq;  
Heu mihi Domine Deus, quia undiq;  
mihi bella, undique tela volant. Quo-

O O 5

cunque



*cunq̄ue me vertam, nulla usquam securitas est: & quæ mulcent, & quæ molestant, timeo. Et esuries & refectio: & somnus & vigilia; & labor & requies militant contra me.*



17. Octobris. 16. Cal. Novemb.

Obijt  
anno  
1165.

*Multa  
doctissi-  
mè scri-  
bit.*

**S** GILBERTE, primùm Abbas S. Ursi-Campi, dein Cistercii, & Caput totius Ordinis VIII. Ad hunc apicem conscendisti suffragante eruditione, quæ tibi etiam *Magni* cognomen peperit. Testes hodièq; supersunt partus ingenii tui, quos tum soluta tum ligata oratione in publicam lucem emisisti. Increvit celebre cognomen ex numerofo prodigiorum catalogo, quæ tumbam tuam exornarunt. *Scientiarum omnium pretiosissima est, ut solo naturæ lumine veteres agnoverunt, nôsse se ipsum. Quàm longè aliter viverem, si essem hujus scientiæ peritus!*

Obijt  
anno  
1636.

**B. CHRYSOSTOME** à Conceptione, Vallis Ecclesiarum in Hispania Monache; qui ex Aliobacia illuc ad exponendas publicè Sacras Literas accersitus, doctrinam ita pietati conjunxisti, ut in utraque supra cæteros emineres. Consuetas pensi diurni preces  
tanta



tanta solebas animi in cœlum erecti  
 attentione persolvere, ut nulla cogita-  
 tio nisi de rebus divinis tunc locum a-  
 pud te inveniret. Cùmque solita de-  
 votione aliquando versiculum illum  
 Psalmi pronunciares: Cum dederit di-  
 lectis suis somnum, ecce hereditas Do-  
 mini: insonuit auribus tuis cœlestis  
 echo, te intrâ unius mensis spatium  
 mortis somno soporandum, ac here-  
 ditatem regni cœlestis aditurum. Non  
 indigeret pigritia mea tot ad sectandam  
 virtutem calcaribus, si oculos meos sapius  
 evibrarem in nobilissimam illam cœli hæ-  
 reditatem, in qua regnat lætitia sinè metu  
 gaudium sine dolore, eternitas sinè fine.

Horam  
 mortis  
 cœlestis  
 cognos-  
 cit:

S. BERNARDUS, c. 22. de cont. mun.

Cogita quidquid vis, quidquid potes  
 exopta; excedit cogitatum tuum, &  
 desiderium omne exsuperat illa felici-  
 tas, eternitas illa, beatitudo illa.

Gloria  
 cœle-  
 stis im-  
 mensa.



18. Octobris. 15. Cal. Novemb,

A Pollinis sui ludibria ad rogam Del-  
 phi condemnent, & tripodem il-  
 lum garrulum mille pedibus concul-  
 cent, hodierna die S. Divinæ Puerpe-  
 ræ imago alio spiritu animatam se esse  
 ostendit, cùm à te, Bernarde, salu-

S. Bern-  
 ardus  
 à B. V.  
 saluta-  
 tur.



tata dulcissimis his te verbis dignata est affari: SALVE BERNARDE. Singularem hanc honoris simul atque amoris prærogativam primùm Affligemii, deinde etiam spiræ meritò admirata est præsentis populi multitudo & utrobique nobiles icones ad perpetuam facti memoriam devotè veneratur. *Liceat quoque meo in te amoris*

Verbis  
Mariæ  
saluta-  
tur S.  
Bernar-  
dus.

*Marianis te verbis paulò prolixius, ac desumptis ex ejusdem carmine verbis alloqui. Salve Bernarde, Rex animorum, Pater misericordiæ vita, dulcedo, & spes te amantiū salve. Ad te clamamus exules filij tui: ad te in cælis regnantem suspiramus gementes & flentes peccata nostra in hac lacrymarum valle. Eja ergo Advococate miserorum illos tuos amabiles oculos ad nos clientes tuos converte. Et Jesum solutis de Cruce brachijs tibi constrictum, nobis post hoc exilium ostende placabilem. O clemens, o pie, o dulcis Bernarde.*

Floruit  
anno  
1155.


B. GUICHARDE Monache Clavævallis, genuinæ illius sanctimonix sectator, quæ solis Divinæ majestatis oculis patet. Hanc tamen paulò ante obitum tuum spectare meruit B. Robertus, BERNARDI successor: qui duos miræ pulchritudinis ephobos per chorum flores spargere vidit: quos cùm percontaretur, cur rem tam insolitam



litam hoc loci agerent; responderunt: *Mori-  
apparare se festivam celebritatem festi-  
mox in honorem novi cujusdam san- ab An-  
cti in cœlo terrisque obeundi. Specta- gelo  
culi finem fecit tabula mortualis, cujus sanctus  
pulsu ad te in extremis positum voca- dicitur.  
tus, summa utriusque lætitia te vidit  
purissimum spiritum efflantem. Stultè  
hic nos mortales imaginamur civitatem  
permanentem. De mansione nimirum æ-  
terna securus est, qui per hanc peregrina-  
tionem conversatur spiritum in cœlis, agnos-  
cendus aliquando non ut peregrinus, sed  
anticipata habitatione civis cœli.*

S. BERNARDUS, ser. 7. in XL.

*Felices qui se presenti seculo nequam* Homo  
*advenas & peregrinos exhibent, im-* est pe-  
*maculatos se custodientes ab eo. Pe-* regri-  
*regrinus siquidem viâ regiâ incedit,* nus ter-  
*non declinat, neque ad dexteram, ne-* ra.  
*que ad sinistram: ad patriam suspirat,  
ad patriam tendit, victum & vestitum  
habens, non vult alijs onerari.*



19. Octobris. 14. Cal. Novemb.

**B.** FRANCO Converse Villariensis, *Fl. circ.*  
qui pro seculi hujus, felicitatem *annum*  
omnem in vanitate ponentis, genio e- *1200.*  
O O 7 nutritus,



nutritus, majorem ætatis floridæ partem fortunæ blandienti indulgisti. Cùm verò Monasticæ disciplinæ rigorem cum tua vivendi ratione conferres, optaresque potiùs in illo, quàm ista mori; Villarium petiisti: ubi inter egregios virtutum actus piissimè ex hac lacrymarum valle migrâsti. *Uti nam meæ memoriæ fixissimè inhaereret ista cogitatio: Sic vive, prout mori desideras: utique multa, quæ nunc perditè amo, utilissimè fugerem.*

*Floruit  
circa  
annum  
1304.*

B. ELISABETH de Spaelbek, Monasterii Herkenrodensis in inferiori Germania sanctimonialis: quæ verè cum Gentium Doctore dicere poteras: Nihil te scire præter Jesum Crucifixum: cujus Sacratissimos dolores tam ardenti amoris affectu sinè ulla propè intermissione contemplabaris, ut plerumque septies per diem linquente animo corpus immobile sinè ullo vitalis spiraminis signo per longum temporis spatium jaceret. Cessante tamen raptu vegeta injunctis muneribus alacriter incumbebas. Tantæ charitati ut vicem rependeret sponsus, quinque sua vulnera manibus, pedibus; & pectori tuo tam altè impressit, ut nunquam coaluerint, sed ex iis copiosus sanguis, maximè sexta qualibet feria, ebulliret.

*Christi  
ei Vul-  
nerum  
stigma-  
ta im-  
primit.*



ebulliret. His nempe monilibus ornari debueras, ut æternis amati amplexibus digna redderis. Tu hæc stigmata non corpori sed cordi meo imprime: sint illa cogitationum mearum frequens materia: & sicut in illis tota stat nostra salus, ita sint animæ meæ solatium, maximè in ultimo vitæ momento spes mea.

S. BERNARDUS, ser. 7. de XL.

Vivo ego, jam non ego, vivit verò in me Christus. Ac si diceret: Ad alia quidem omnia mortuus sum, non sentio, non attendo, non curo: si quæ verò sunt Christi, hæc vivum inveniunt & paratum.

Verè  
vivit,  
in quo  
Christus  
vivit.



20. Octobris. 13. Cal. Novemb.

B. JORDANE Monache Hemmen Floruit rodensis, qui præter continuam ferè in ediam novo abstinentiæ genere multos annos sine omni potu vixisti. Ne verò alii siti affligerentur, messis tempore aquam insipidam precibus tuis dulcem reddidisti. Nunquam sine fœnore offertur Deo holocaustum mortificationis; aut enim refundunt aliquod corpori solatium, aut animam implent majori abundantia gratiarum.

B. ELISABETH Monasterii B.  
MARIE



## 328 ANNI CISTERCIENS.

*Nascē-  
ri assi-  
stunt  
Aposto-  
li.*

*Mira-  
culis  
claret.*

MARIAE de Arouca Monialis, unā cum prodigiis in lucem mortalem edita. Nascenti enim Apostoli Simon & Judas visibiliter interfuere: à quibus procul dubio hausisti sublimem divini amoris ardorem, quo postmodum inter sacratas DEO Virgines frequentissimè rapta verè coelestem in terra vitam duxisti. Sed & Apostolicam à Patronis tuis manum mutuasti, quæ solo contactu omnibus morborum ærumnis medebatur. Eadem virtus prodibat è tumulo, à quo supplex nullus sinè obtento favore recessit. *Nulla est requies, nulla felicitas, nisi in solo Dei amore. O si hæc flamma totum cor meum sibi vendicaret, ac postremus vitæ meæ habitus hunc ignem spiraret!*

S. BERNARDUS, ser. 83. in Cant.

*DEUS  
colend<sup>o</sup>  
timen-  
dus &  
aman-  
dus.*

*Exigit Deus timeri ut Dominus, honorari ut Pater, ut sponsus amari. Quid in his præstat, quid eminent? nempe Amor: absque hoc & timor penam habet, & honor non habet gratiam.*



21. Octobris. 12. Cal. Novemb.

*Fl. añ.  
1135.*

B. ALANE Monache ex Claravalle  
in Hispanias ad construendam  
Araucam







## 330 ANNI CISTERCIENS.

*Propria Voluntas: suadens nociva, & nisi prematur, suffocans omnia sana consilia: tu me in hanc bella gerentem iuva.*

S. BERNARDUS, c. 2. de cont. mund.

Volun- Omnia mala ex una radice pallulant  
tas pro- propria voluntatis: illius enim san-  
pria ra- guisuga duæ sunt insatiabiles filie cla-  
dix om. mantes: *affer, affer.* Siquidem nec  
nium animus vanitate, nec voluptate corpus  
malo- aliquando satiatur.  
rum



22. Octobris. II. Cal. Novemb.

Floruit **B. WIGANDE**, Prior Waldsassen-  
circa **B.** sis: qui celeberrimæ Domûs illius  
annum initia reddidisti illustria cœlesti ora-  
1140. culo, quo cœlitus fuisti edoctus, gratum  
fore Reginæ Angelorum, si sacra æ-  
des noviter erecta suo & Divi Joannis  
honorificaretur. *Doce me omnes actio-  
nes meas consecrare instar fidelis obsequij  
Mundi Domine debiti. Impossibile est e-  
nim, eas non placere Deo, si dignæ sint,  
quæ Virgineis ejus manibus præsen-  
tentur.*

Floruit **B. HENRICE** Converse Villari-  
anno ensis, qui inter literarum ludos socie-  
1300. tatis perversæ veneno corruptus, non  
alio freno coerceri posse parentibus vi-  
debaris,



debaris, quàm conjugio, ne bona fortunæ ad ultimum usque tridentem dilapidares. Sed aliud jugum tibi Deus destinaverat. Nam cum paucis ante nuptias diebus Villarium invisens, sanctæ illius congregationis venerabilem morum gravitatem, aliâque seriæ pietatis opera cerneres, repente *Die promotus in alium, pro Hymenæico* rolla cucullam induisti. Indoluit piæ *statuta* metamorphosi leno infernalis per varias *cucullâ* technas constantiam tuam expugnare conatus: sed firmi animi petram invenit immobilem, spectavitq; lividis oculis te ad gustanda cœli gaudia frequentissimè admitti. Horum dulcedinem tantam esse ajebas, ut *Celestes* licem æstimare non dubitaveris, qui eam *favores* nunquam fuerit expertus, cum sub *experit* tractæ voluptatis dolor vix non superet perceptæ suavitatis gustum. Inter hæc cursu vitæ paulatim ad metam properante optio tibi data est, an diuturnis, iisque levibus, an compendio *Duplex* asperis doloribus reliquam ad cœlos *via ad* viam legere placeat. Elegisti autem *cœlum.* posteriorem, & calcasti forti animo: Victori denique obviam processere undecim mille Virgines, ac festiva sua solennitate te ad immortalem requiem deduxere. *Tu infelicem censebas eum, qui*

*Lubricè vivit juvenis*

*Die promotus in alium, pro Hymenæico*

*statuta cucullâ induit.*

*Celestes favores experit*


*Duplex via ad cœlum.*



um, qui vel semel à delicijs cœli separare-  
 sur; quàm ergo miser sum ego, qui illas ne  
 à longè quidem gustare ob peccata mea me-  
 reor? Fac me saltem eas per spei & desi-  
 derij prægustum sentire.

S. BERNARDUS, ser. 48. in Cant.

In um-  
 bra  
 Christi  
 viven-  
 dum. Nos verò, qui nondum in paradysum,  
 nondum in cœlum rapi meruimus,  
 Christi interim carne pascamur, my-  
 steria veneremur, exempla sectemur,  
 fidem servemus; & vivimus profectò  
 in umbra.



23. Octobris. 10. Cal. Novemb.

Floruit  
 circa  
 annum  
 8219.  
 Christi  
 sub va-  
 ria for-  
 ma vi-  
 det.

B. RICHMUNDA, Monasterii S.  
 Waldburgis Monialis: quæ cum  
 omnem amorem, præter solius Spon-  
 si cœlestis, è corde tuo exclusisses, ille  
 vicissim ut amorem accenderet dulcia  
 tibi exhibuit spectacula; jam aperiens  
 scenam, qua ipsum cernebas recens na-  
 tum; aliàs in manibus Sacerdotis eum  
 offerentis, pro pane lucidam Crystal-  
 lum oculis tuis objiciens. Porro intrà  
 præcordia tua receptus, quamdiu in-  
 tegræ manebant panis species, te su-  
 pra mortalem sortem elevabat, sen-  
 sibus omnino emortuis: qui denique  
 cum



cum sacratissimum hunc cibum pro viatico sumeres, unà cum anima in cœlum evolârunt. *Impetra mihi à Dilecto tuo, ut accessurus ad mensam divinam, non alio affectu movear, quàm puro amore, quo cupiam illi in eminentissimo hoc mysterio nunc temporaliter, ac deniq; eternùm intimè conjungi.*

B. GUNZELINE Monache Clavallis; qui postquam suave Domini jugum per annos quadraginta in omni vitæ tam puritate quàm austeritate portavisses, nec tamen ullius te meriti hominem, ac cœlesti indignum felicitate reputares: Christus Servator, recentibus plagis cruentus, & Cruci fixus videndum se obtulit, quibus meritis salutem sperare te oporteat. Adeò penetravit animæ tuæ viscera hic dulcis aspectus, ut illum tibi memoria usque ad felicem consummationem vivaci identidem imagine repræsentaret. *Summa, & certissima salutis fiducia reponitur in immenso meritum thesauro, qui ex amaro Passionis Dominicæ mari scaturire nunquam cessabit. Tu fac, ut per veram pœnitentiam participatione illius me dignum reddam.*

*Christo illum consolatur.*

S. BERNARDUS, c. 3 de dil. Deo.

*Duo hæc audivi, quia potestas Dei est,  
& tibi*



Christ' & tibi Domine misericordia. [ps. 61.]  
 suam in nos bo-  
 nitatē fecit mani-  
 festam. Siquidem utriusq; rei testimonia cre-  
 dibilia facta sunt nimis: Christo uiq; moriente propter delicta nostra, & re-  
 surgente propter justificationem no-  
 stram: & ascendente ad protectionem  
 nostram: & mittenti Spiritum ad con-  
 solationem nostram: & quandoq; re-  
 dituro ad consummationem nostram.



24. Octobris. 9. Cal. Novemb.

Floruit circa annum 1167. **B**. BERNARDE Monache Grandis-  
 Sylvæ: qui cum à tyronum instru-  
 ctore audires, quam arcta sit ad cœlos  
 via de tam multiplici regularum ob-  
 servatione desperans, ad laxiorem se-  
 culi viam, utique etiam ibi apertam,  
 redire decreveras. Sed cum æternæ sa-  
 lutis vadem sese offerret pius Abbas,  
 resumpto animo promptè secutus es  
 Obedientiæ sacræ ducatum. Perseve-  
 rante tamen illo metu, quàm poteras  
 infimos gradus precurrens, infirmo-  
 rum famulatui te totum addixisti.  
 Ingruente præsertim contagione con-  
 temnens præsentissima mortis pericu-  
 la, nihil omisisti, quin charitatis inde-  
 fessæ diligentiam omnes sentirent. Ip-  
 se deni-



se denique eodem morbo afflatus jam ad extrema deveneras: cum repentinum animi deliquium te quasi mortuum aliquamdiu soporavit: à quo ex-  
 perrectus hilaritate vultus mox prodidisti, quid in illo raptu spectaveris. *In extrema sim raptus.*  
 Quod Abbati, id cognoscere desideranti in hæc penè verba retulisti. Te illum à vadimonio pro salute æterna olim præstito, liberare, utpote jam de illa securum: scire deinde te omnes optare, gaudia illa vitæ alterius tam esse jucunda, ut si omnium tormentorum dolore redimenda forent, neminem refugere debere, quin cruciatus temporaneos lubenti animo toleraret. *Non sunt cõdignæ passionnes hujus tẽporis ad futuram gloriã.*  
 Doleo me hætenus tam miculosè horruisse corporales molestias, tanta deliciarum æternarum affluentia compensandos. Tu animum meum obfirma, ne impatiencia me in hac palæstra fatiget.


B. MANSUETE, Primorum Civitatis Floruit  
 sterciensis Ordinis Fundatorum coadjutor fidelis. *anno 1100.*  
 Fundamenta Grandis structuræ fuerunt, mundi contemptus, amor æternitatis: paupertas extrema, vitæ puritas Angelica: solitudo in silentio, & conversatio cum solo DEO. Fons in speciem parvus, sed qui totum terrarum orbem inundavit: prout tibi ex hac mortalitate discessuro cœlum osten-



lum ostendit: dum ex Oratorio ebullientem fluvium vidisti, ad quem per omnes deinceps ætates ingens hominum multitudo accurrebat, ut vestes ibi à sordibus elueret. Præsignatum hoc Ordinis incrementum ostenderunt, prima duo ab exortu secula, sub quibus jam tum ducenta supra mille Cœnobia unum Caput Archicœnobii Cisterciensis Abbatem venerabantur, præter Ordines Equestres in utroque Orientis & Occidentis orbe sub iisdem legibus militantes. *Non immeritò glorior, me tot millium, ne dicam myriadum numerum augere, qui sub Cistercij vexillis Deo famulantur. Sed tu exemplo tuo, meritis ac suffragijs adjuva, ne degenerantis parentibus filius inveniar.*

S. BERNARDUS, s. 3. in cap. jejun.

Mores conso-  
nent  
vesti. *Attende solerter, quid diligas, quid metuas, unde gaudeas, unde contristeris: ne sub habitu religionis animum secularem, sub pannis Conversionis invenias cor perversum.*



25. Octobris. 8. Cal. Novemb.

Obijt  
anno  
1624.

B. DIONYSI, Abbas Clarævallis,  
Magni BERNARDI inter dignif-  
simos successores XLIV. Inauguravit  
futuris



futuros honores te Sorbona Parisiensis Doctoratus Laurea : ad negotiorum dexteritatem Roma exercuit, ubi Procuratoris Generalis munus tam prosperè obibas, ut communibus suffragiis inde vocatus, & clavo Clarissimæ vallis donatus fueris. Pressis vestigiis vitæ cursum BERNARDI æmularis, nullis vigiliis parcens, quo priscam loci sanctimoniam in suo vigore conservares. Nec ante laborum finis fuit quàm vitæ. Hanc dum per Luxemburgensem Ducatum Filias visitaturus peragrare in Aurea valle posuisti, magno quidem filiorum luctu, sed mox in gaudium vertendo, cùm ad sepulchrum tuum claram prodigia lucem diffunderent. *Ita semper in filiis suis vivit Mellifluus Parens, sed talibus, qui dulcissimis ejus vestigijs inhxerent: utinam & in me vel unica ex tot ingentiibus illius virtutibus viveret!*

SANCTI Martyres Monasterii Setichenbek in Germania, qui in odium fidei Orthodoxæ crudeliter per varia supplicia mactati estis. Et Abbas quidem, quasi vulgare tormentum esset infra dignitatem, perticæ alligatus, lentoque igne tostus, tot Valerianos cum Laurentio risit, quot hæreticos lictores intrepidus contempsit. *Non*

*Gradatim ascendit.*

*Alter Bernardus*

*Passi anno 1376.*


PP

*ignota*



*ignota sunt mihi arma, quibus triplex hostis animæ meæ sternendus sit ac triumphandus. Vos meritis vestris confortate manus meas, ut tanquam victoriæ avidus miles alacri mente in arena persistam.*  
 S. BERNARDUS, c. 10. de dil. Deo.

Marty-  
res cor-  
roborava-  
vit Dei  
amor. *Magna vis prorsus amoris Martyrum animas inrorsum rapuerat, quâ ita sua corpora foris exponere, & tormenta contemnere valuerunt. Quid autem jam solutas corporibus? Immerfas ex toto credimus immenso illi pelago æterni luminis, & luminoso æternitatis.*



26. Octobris. 7. Cal. Novemb.

*Floruit circa annum 1238.* BERNARDE, Mauriennensis Episcopo, gemma seculi illius aurei, quo sola sanctitas digna æstimabatur honoribus, & in summis passim subselliis adorabatur. Tot ornamentorum fœcunda mater & altrix fuit religiosa paupertas, quâ Cistercium ad tam alta conscendit fastigia, ut felices se arbitrarentur Ecclesiæ, si ex hoc Ordine sibi deligere pastorem liceret. *Amanda mihi meritò est paupertas, cujus fructus & in hac & in altera vita sunt inestimabiles:*




*inestimabiles: hic pacem, animi quietem,  
& securam parit conscientiam: ibi regnum  
equale cum maiestate divina.*

B. JOANNES Abbas Alnensis, Obijt  
qui unâ cum socio Monacho invictam anno  
animi constantiam in colenda servan- 1338.  
dáque justitia contempto mortis peri-  
culo tenuisti, dum ab iniquis raptori-  
bus sævissimè interemptus meruisti  
laurea Justitiæ coronari. Christus mili-  
tiæ suæ Imperator sanguinea post se relin-  
quens vestigia, totidem quasi literis viam  
cæli signavit, ad gloriam cælestem aspi-  
rantibus calcandam esse patientiæ viam.  
Tu firma gressus meos, ut saltem in levi-  
bus molestijs sub patientiæ vexillo me mi-  
litare ostendam.

S. BERNARDUS, ser. 3. de Annunc.

*Si in Christo volumus pie vivere, ne-  
cesse est sustineamus persecutionem, ne  
malum pro malo, aut maledictum pro  
maledicto reddamus. Alioquin qui  
patientiam non servaverit, perdet ju-  
stitiam, hoc est vitam perdet.*

Vitam  
perdit,  
qui pa-  
tentiã.



27. Octobris. 6. Cal. Novemb.

Florui

B. MENFRIDE, Prior Eberbacen-  
sis cœnobii; qui ut gregi tuæ dire-  
ctioni commisso securius invigilares,

circa  
annum

1171.

P p 2

focias



socias è cœlo excubias præcibus evocâ-  
 sti: cujus singulari dono internos alio-  
 rum cogitatus aperto mentis oculo  
*Paven-* pervidisti. Fuit ex junioribus alumnis  
*da ne-* quidam, qui ficto morborum pallio  
*gligen-* lupinam in frequentando Choro ne-  
*tibus* gligentiam obtegebat. Hunc aliquan-  
*visio.* do de præcibus nocturnis egredientem  
 cùm cerneret à nigerrimi coloris pig-  
 mæo impelli; mansuetè desidiosum  
 fratrem bis térque monuisti, gravissi-  
 mam à DEO vindictam vaticinans,  
 si pergeret superioribus sic suâ pigritiâ  
 porrò illudere: DEUM esse longani-  
 mem, sed hujusmodi malitiosam im-  
 posturam aut in hoc orbe graviter,  
 aut gravissimè in altero punire. At il-  
 le aures, quas paternis monitis nega-  
 vit, maligno præbuit: nam abjecto  
 turpiter S. Ordinis habitu ad seculum,  
 & miserrimum paulò post interitum  
 rediit. Heroici animi tui virtus tunc  
 maximè gloriosum statuit trophæum,  
 cùm Friderico Imperatore in Ortho-  
 xæ Fidei invidiam personas utriusque  
 sexûs DEO dicatas è diversi instituti  
 cœnobiis in militaria castra evocante,  
 per tuam industriam Eberbachum à  
 pudenda illa lue intactum perstitit.  
*Etiam pro me pervigila, ne tenebrarum*  
*princeps suis fraudibus atque illecebris è*  
*castris*



*castris pietatis ad castra peccati me pertrahat.*


B. CATHARINA in Parco Dominarum sanctimonialis, inauditæ *Obijt*  
 humilitatis & penè decrepita Virgo: *anno*  
 quæ inter sacratas DEO Virgines per *1650.*  
 annos quinquaginta innocentissimè  
 versata, in illa demum ætate persuade- *Anno*  
 ri vix potuisti, ut sacrum velum accep- *ætatis*  
 tares, tali ornamento te reputans in- *50. ty-*  
 dignam. Tum verò Sponsi cœlestis a- *rociniũ*  
 morem potiùs, quàm religiosam ve- *suscipit.*  
 stem induisse videbaris: erumpebant  
 enim ex tenero corde continui gemitus ad intimam cum DEO unionem anhelantes. Sed transcendendum erat in refrigerium per dolorum ignes, quos satùs acres aliquot ante mortem annis summa tranquillitate mentis tolerásti. *72. 42*  
*Recusat esse in corpore (inquiébat ille) qui pati recusat cum capite. Pati cum Christo rot pro me doloribus afflicto desiderat mea voluntas, sed tu eum roga, ut animum meum sua gratia confirmet.*

S. BERNARDUS, s. i. in cap. jejun.

*Quis non solo contremiscat auditu? Peccatoris*  
*Tollens membrum Christi, faciam infania.*  
*membrum demoniorum? Abscissus à*  
*corpore Christi, satana miser incorpo-*  
*rabor?*



*rabor? Sit procul à nobis semper ista communicatio Fratres mei. Mihi omnino adharere tibi bonum est, ó caput gloriosum, & benedictum in secula in quod & Angeli prospicere concupiscunt. Sequar te, quocungq; ieris.*



28. Octobris. 5. Cal. Novemb.

*Floruit  
circa  
annum  
1500.*

*In SS.  
Hostia  
Christũ  
præsẽtẽ  
videt.*

**B.** BRIOLAYA Eboracensis Monasterii in Lusitania Monialis verè pia: quæ nuptias à parentibus oblatas fastidians soli Christo unicè adhæfisti. Cujus imaginem ad pectus gestans, omnem aliam de rebus transitoriis cogitationem è memoria exclusisti. Cœlesti lumine donata in manibus Sacerdotis dilectum animæ sponsum non sub panis nube latentem, sed modò blandientis puelli, modò spinis cruenti specie intuebaris. Aliàs cœlestium geniorum catervas, aut clariorem sole splendorem circa sacrificantem spectabas. Tot cœli favores sub custodia humilitatis tam cautè occultabas, ut non nisi coacta illos manifestares. Scio, & mihi inspidas fore, quas tam stultè amo, res terrenas, si cordi meo Christi seu docentis seu patientis imaginem ita impressam gestarem, ut è memoria mea nunquam excideret.

B. EGGER-



B. EGBERTE, Villariensis Monasterii Converse, cujus maximæ erant deliciae, veterum Sanctorum gesta revolvere, & inde velut ex sanctitatis *Patientis* horto flosculos virtutum ad imitationem illius fragrantiam colligere. Arrisit ex *linis* domus tibi præ aliis rosa, de cujus spinis *lores* coronam cum ardentissime desiderabas, materiam ministravit rupta in intestinis vena, largam dolorum messem germinans, quæ Christo Patienti tam grata fuit, ut tibi in ultima luctu præsens adesse & triumphum augente Martyrum choro, viam ad cælos præire dignatus fuerit. Salebrosus est, & asper hujus mortalis vitæ cursus: & plane falluntur, qui hæc rosas quærunt sine spinis. Utinam ego tecum saperem & Jesum patientem sequerer alacriter, certò cum ipso in patria coronandus.


S. BERNARDUS, ser. 7. de XL.

Mihi mundus crucifixus est [Gala. 6.] Omnia spernit, cui mundus est crucifixus.  
 Quasi diceret. Omnia, quæ mundus amat, crux mihi sunt; delectatio carnis, honores, divitiæ, vanæ hominum laudes: quæ verò mundus reputat crucem, illis affixus sum, illis adhæreo, illa toto amplector affectu.

PP 4

29. Octo-





29. Octobris. 4. Cal. Novemb.

Obijt  
anno  
1186.

B. V.  
illum  
in cliē-  
tem re-  
cipit,

& ad-  
miran-  
dis fa-  
vori-  
bus im-  
perit.

**S** P E T R E, qui regii sanguinis splen-  
dorem non alibi clarius radiatu-  
rum esse rectè censuisti, quàm sub illi-  
us umbra ac tutela, quæ Solem Justi-  
tiæ genuisset. Et quod illa te in clien-  
tem susceperit, tibi per visum ostendit,  
in solio sedens sublimis, ac ex amabili  
fronte blandos oculorum radios in te  
vibrans. Ad quam cùm accurrere co-  
nareris, duo atrii canes viam interclu-  
debant, quos ipsa facessere iussit. A  
quorum rabie ut securior esses, Ignia-  
ci Cisterciense Institutum amplexus es,  
perpetuo mancipatu te Magnæ Matri  
consecraturus. Quod quàm gratanter  
acceperit, statim novo, & planè non  
vulgaris gratiæ dono tibi ostendit o-  
dis faventi: ad te enim descendens, modo  
quidem ineffabili, sed suavitate omnes  
arterias penetrante, te spiritu implevit,  
quo deinceps per omnem vitam inte-  
rius animæ regnum moderante, velut  
alii à negotiorum tumultu haud faci-  
lè se ad res supernas colligunt, ita te  
vis illa extatica vix usui sensuum cor-  
poreorum permittebat. Hinc summa  
fuit omnium admiratio, cùm te cer-  
nerent nulla temporum aut fortunæ  
vicissitu-



vicissitudine moveri, quin semper in eadem mentis æquabilitate steteris erectus. Gravis aliquamdiu capitis dolor te cruciabat, quo denique victus è *Libe- ratur à dolore capitis,* choro discedere statueras: sed dux ille tuus intrà præcordia tua vocem hanc dedit: *Laudans invocabo Dominum, & ab inimicis salvus ero:* Quâ confirmatus eodem die, ad divinum epulum accedens ab illa molestia convaluisti. Ex Priore dein Igniacensi in Abbatem vallis Regiæ cooptatus, eandem de *& fistula.* cælo opem expertus es in fistulæ morbo, adeò fontico, ut ne manus quidem medici adhibere præsumerent. Illud magis stupendū, quod ibidem mer- *Prodigium* cenario cuidam accidit. Is cū post longam petitionem à Cellario debi- *patras* tam mercedem obtinere non posset, igna- *rus.* ira fremens proximam monasterii vil- lam allato igne jamjam erat combu- sturus: cū in tua persona (nam tunc in lectulo te morbus detinebat) Angelus insanum hominem à scelere absterruit, jussitque altera die pro recipienda solutione mercedis audacter in Monasterio comparere: adfuit, tibiq; quod acciderat cum utriusque admiratione narravit: sibi gratulatus, quod sanctimoniâ tuâ à tanto crimine, & debito liber evasisset. Ex Regia Valle



revocatus ad propriæ domus Ignia-  
 censis Abbatiales curas celeberrimis  
*Loque-* prodigiis claruisti. Ex pluribus eminet  
*lam al.* Balduinus Miles, qui exomologesi  
*zeri re-* conscientiam exornaturus, cum repen-  
*stituit,* tē obmutuisset, illi facilem in verba  
 linguam, & pro militari sago deinde  
*Et dein* vestem Religionis, ac mortuo cœlum  
*è pur-* dedisti: nam flammis piacularibus e-  
*gatorio* um cruciari divinitus cognoveras.  
*eum li-* Paucis hîc annis præeras, cum in Mel-  
*berat.* liffui BERNARDI octavum succes-  
 forem te Claravallis elegit; quem ho-  
*Latens* nozem fuga declinaturus, in quadam  
*divini-* villa latebas, sed digito cœlesti osten-  
*us pro-* sus, tanquam Angelus DEI à sancta  
*ditur.* illa congregatione susceptus es. Prima  
 regiminis cura fuit disciplina regula-  
 ris, quam efficacissimis juxta ac dul-  
 cissimis monitis, sed maximè morum  
 simplici innocentia in pulcherrimo  
 flore conservasti: A litibus de bonis  
*Lites* fortunæ tam eras alienus, ut cum mi-  
*cedendo* les quidam de iis litem intentaret, &  
*cōponit.* magno suorum apparatu in arenam  
 descendere pararet, tu paucis verbis  
 jurgium decidisti: servaret nempe, si in  
 illa bona plus te juris haberet. At ille  
 tantâ mansuetudine obstupefactus,  
 sua dente præsertim illius uxore, om-  
 nia cum sænore tibi restituit. Plura e-  
 jusmodi



jufmodi cum ad aures Ludovici Fran-  
 corum Regis perveniffent, te in tua *Rex*  
 Claravalle invifens, juffit folitariae *Franci-*  
 pietati quietè indulgere, atque Abba- *a curâ*  
 tem intra Monafterium agere, fe foris *Clara-*  
 Abbatem fore, nec permiffurum, ut *vallis*  
 Claravallis vel minimo detrimento *in fe re-*  
 affligatur. Ita fecurus & liber à nego- *cipis.*  
 tiis totum te rerum cœleftium con-  
 templationi dedifti, in qua nunquam  
 ficcis oculis verfabar, fed perennes  
 nunc defiderii ad patriam fupernam, *Fletu*  
 nunc pro mundi fceleribus lacrymas *oculum*  
 effundebas: adeò ut ex nimio fletu o- *perdit,*  
 culiufum amiferis, fortitus inde cog-  
 nomen Monoculi: quam jacturam a- *joco ja-*  
 deò non ægrè tulifti, ut etiam jocari *Eturam*  
 foleres: non multum te dolore, libe- *eludēs.*  
 rum deinceps ab uno ex geminis præ-  
 donibus. Inter hæc Lucius III. Ro- *Summo*  
 mam te vocavit, & quo in pretio te *Ponti-*  
 haberet, vel hoc uno demonftravit, *fici à*  
 quod poft factam noxarum confefsi- *Cōfessio-*  
 onem SS. Euchariftiam è tua manure *nibus.*  
 ceperit, futurus in Claravalle etiam  
 depositâ tiarâ filius, nifi confilia tua  
 fuis defideriis prætuliffet. Iter ad Fri- *B. V.*  
 dericum Imp. nobilitavit Deiparæ fa- *pro illo*  
 vor, quæ, cùm in æde cathedrali Spiræ *orat.*  
 precibus incumberes, Orationem il-  
 lam, quæ fratribus ad iter accinctis dici  
 folet,



Obit  
sanctè.

solet, è libro legere audita fuit: *Omni-  
potens sempiterne Deus, miserere huic fa-  
mulotuo, &c.* Postremum laborem in  
Filiarum lustratione mors absolvit,  
quam in Fusniacensi Cœnobio & læ-  
tus prædixisti, & inter ardentia de a-  
more Divino verba sanctissimè obiisti.  
*Scriptæ sunt in exulcerata conscientia mea  
innumerabiles causæ, propter quas cen-  
tum, si mihi essent, oculos per lacrymas  
effundere me oporteret. Sed heu siccus est  
fons ille salutis. Tu emolli durissimam  
cordis mei petram: melius enim mihi erit  
oculorum, quàm æternæ vitæ jacturam  
pati.*

*Vixit* B. IDA de Lewis, quæ jam infans  
*se vide-* divinis præventa favoribus mundum  
*tur cir-* contemnere cum vanitatibus suis cæ-  
*ca aññ* pisti, vilem vestitum ac victum, præ-  
1400. cum devotionem, & sacras ædes in so-  
lis deliciis numerans: surda in collo-  
quiis, quæ coelum non saperent. At-  
que ut lilium virginale Castissimo  
sponso immaculatum servares, an-  
no ætatis tertio decimo in Rameya  
*Divinæ* sacrarum Virginum choro te adjun-  
*provi-* xisti: in uno hoc desiderio semper de-  
*dentia* fixa, ut DEO uni quammaximè pla-  
*set totam* ceres. Montem scilicet petebas ardu-  
*comit-* um, non nisi per confragosas rupes,  
*3 it.* scandendum. Quas infernalis draco sa-  
tis metu-



tis metuendas objecit: dum cernens  
 suggestionum ventos à te contemni,  
 verbera præsertim in lectulo quiescen- *Dæmon*  
 ti ingessit. Verùm utcunque sævierit *eam*  
 ne gemitum quidem aut doloris in- *horrende*  
 dicium expressit. Primum hujus vi- *affligit.*  
 ctoriæ præmium fuit lux interna, quæ  
 tanta claritate te totam implevit, ut *Recrea-*  
 tralucidi instar crysalli cordis tui in- *atur*  
 tima perspiceres. Nec tuæ solummo- *miris*  
 do, sed & aliorum cogitationes arca- *cæli fa-*  
 næ tibi hoc speculo patebant, quas ad *voris-*  
 eorum promovendam salutem non *buss.*  
 rarò stupentibus aperuisti. Huic acces-  
 sit in perceptione Eucharistiæ dulcis-  
 simus ille gustus, qui sensus corporis  
 inutiles reddens te ad novum favo-  
 rem à DEO petendum compulit, ne  
 Sacri Ordinis consuetas ceremonias in  
 accessu & recessu intermitteres. Ro-  
 gasti nimirum amabilissimum spon-  
 sum, ut te illa suavitate perfunderet,  
 cum solitaria intrà cellulæ parietes de-  
 litesceres. Neque hanc tantùm grati-  
 am impetrasti, sed continuum dein-  
 ceptus illius contubernium: ita ut neque *Conti-*  
 interplallendum à te recederet. Cùm *nuâ*  
 enim aliquando ex more assurgere, & *Christi*  
 manibus ad latera demissis Versum *presen-*  
 cantare deberes, nec tamen divino pu- *tiâ fru-*  
 ello extra gremium tuum locus esset: *tur.*



350 ANNI CISTERCIENS.

ille interim brachiis collum stringens tam diu hæsit, donec iterum in sedentis sinum rediret. Non potuit mors appellari tuus ex hoc orbe transitus, cum inter hos sponsi amplexus suavissimè obdormieris. Cor humanum non alibi magis prodit insanabilem dementiam suam, quam dum per sua desideria fatigatur in rebus vanis, nec securè nec diu possidendis; & interea Deum per infinitos modos nos in sui amorem allicientem quasi indignum amore contemnit. Tu mihi dona cor tuum, ut discam solum Deum amare.

S. BERNARDUS. ser. 37. de divers.

Quo-  
modo  
DEUS  
querẽ-  
tus.

Si nolumus frustra querere Dominum, queramus veraciter, frequenter, perseveranter: ut nec pro illo queramus aliud, nec cum illo aliud, sed nec ab illo ad aliud convertamur. Facilius est enim coelum & terram transire, quàm ut sic querens non inveniat, sic petens non accipiat, sic pulsanti non aperiat.



30. Octobris. 3. Cal. Novemb.

Fl. añ.  
1300.

B. RAYNERI Monache Villariensis, qui cum Purissima coelitem Regina



Regina pio quodam amoris duello certabas. Jam puer illi statas quotidie preces tenero devotionis affectu persolvebas: illa te aquis haustum complexa brachiis litori reposuit incolorem. Inde addictum illius cultui Cisterciense institutum ingressus, sed statim morbis oppressus, verè sensisti illam meritò vocari Consolationem afflictorum; utpote frequenti ejus aliquo recreatus. Vicissim illi dolorum tolerantiam in munus gratissimum obtulisti; nec ipsa respondere suis favoribus destitit: nam à Filio suo, mortalium Judice impetravit tibi liberum sinè flammaram ullo supplicio in cœlos aditum, & ultimum agonem depugnanti cincta Virginum choro adfuit, animamque inter cœlestes cantus ad sidera transportavit. *O felix concertatio, quâ cum Matre Deipara puris amandi studijs in devotionis arenam descenditur! Nec ego desinam illi offerre precum etsi, heu frigidarum munuscula, nihil contemnit ille indeficiens fons misericordiae.*

B. V.  
eum à  
morte  
liberat

& in  
morbis  
solatur.

& in  
morte.

B. TERESA de Toledo, Abbatissa Cænobii S. Annæ, quæ parem gerebas nobili profapiæ animum: quem tuis quoque alumnis adeò efficaciter ingenerabas, ut virgineas manus verè extenderint

Floruit  
anno  
1590.



## 352 ANNI CISTERCIENS.

extenderint ad fortia ac virtutum a-  
ctus planè viriles: quorum primaria  
exercitatio fuit, mentem statione im-  
mobili figere in contemplatione amo-  
ris divini, ex qua radice non potuerunt  
non prodire uberes sanctimonix fru-  
ctus. *Dei & rerum æternarum oblivio  
mortiferum illud venenum est, quod om-  
nes virtutes extinguit; quod peccati labe  
totum genus humanum corrumpit. Doce  
me tam noxium malum omni conatu vi-  
tare.*

S. BERNARDUS, ser. 3. de Epiph.

DEO nec de-  
est po-  
tēstas,  
nec vo-  
luntas  
nos ju-  
vandi.

*Securè credamus in Jesum, securè cre-  
damus ei nos ipsos, Fratres mei; cui  
nec potestas deest salvandi nos, cùm sit  
verus Deus & Dei Filius: nec bona  
voluntas; cùm sit tanquam unus ex  
nobis, verus homo & hominis filius.  
Quomodo namque nobis erit inexora-  
bilis, propter quos factus est similis  
nobis passibilis?*



31. Octobris. Pridie Cal. Novemb.

Floruit  
anno  
1221.

B. LADISLAE Converſe in Polo-  
nia: qui ob tarditatem memoriæ  
nullas omnino preces addiscere pote-  
ras, quàm Salutationem Angelicam,  
idque



idque diuturno labore. In ea tamen simplicem devotionem respiciente DEO tantam sentiebas animi dulcedinem, ut linguam à pronuntiatione continua diu noctúque vacare non permetteres. Hæc tua pietas quàm grata cœlo fuerit, statim post mortem patuit; dum ex corde tuo ignoti germinis arbor surrexit, cujus singula folia Angelici Nuncii verba, A V E M A R I A, pulcherrimis characteribus insculpta referebant. *Discat nunc lingua mea laudare Mariam, verè omni laude dignissimam. Tu illam dirige, ut lingue cor meum consonet, atque ita has laudes decantet, ut eandem Cœli Imperatricem laudare eternùm mereatur.*

B. C L A R A, Bellopratensis Monasterii Abbatisa, quæ per annos quadraginta Virgines tibi subditas in majore virtutum quàm auri abundantia rexisti: absque ulla tamen penuria: quotiescunque enim urgebat necessitas, præstò fuit ignoti nominis, sed elegantis formæ persona, quæ sinè exactione usuræ præsentem pecuniam numerabat, tamdiu ad usus tuos suffecturam, donec precibus tuis revocata, comparere iterum juberetur. *Si rectè paupertatem æstimo, nihil est illa ditius: si opes terrenas; nihil illis spernendum magis:*

Salu-  
tationē  
Ange-  
licam  
devoie  
recitas.

Obijt  
anno  
1545.  
Pau-  
pertati  
succur-  
ritur  
prodi-  
gijs.



*dum magis: hæc fumus sunt momento disparens: illa pretium est regni cœlestis: hæc Lazaro aperuit sinum Abrahe, illa divitem epulonem æternum suire in flammis cogunt. Cur ergò non tecum illas contemnam, & cum paupere Christo egere desiderem?*


S. BERNARDUS, s. i. in vig. Nat.

De cœlo Chri-  
stus de-  
scendit  
pauper-  
tatis  
amore.

*In terris abundabat, & superabundabat species paupertatis: nesciebat homo pretium ejus. Hanc itaq; Dei Filius concupiscens, descendit, ut eam eligat sibi, & nobis quoq; sua estimatione faceret pretiosam.*







ANNI  
CISTERCIENSIS  
NOVEMBER.

*I. Novembris. Calendæ.*



**S**ANCTI, ac Beati Cistercienses, quorum gloriosam hodierna die memoriam, unâ cum reliquo Electorum cætu orbis orthodoxus ritu solenni veneratur: Vos præsertim athletæ Clarævallenses, quorum venerandas exuvias, tanquam sua charissima viscera, è terræ visceribus reassumpta, sanctissimus vester in spiritu parens BERNARDUS hac ipsa luce, anno salutis 1140. è veteri Monasterio ad novam Basilicam transtulit: Vos, inquam, quanta possum animi demissione supplex accedo: atque imprimis gloriæ & felicitati vestræ immortali aggratulor, quam vitæ innocentia,



centia, & puro in DEUM amore meruistis. Deinde me totum patrocínio vestro commendo; in sinum misericordiæ vestræ effundo miseras meas: opem à vobis efflagito inter pugnas cum hostibus animæ meæ, quos generosè vicistis. Adeste periclitanti invicto robore vestro, præsertim mihi à Clementia Divina felicem mortis horam impetrate.

*Florui.* — B. SPINELA monasterii de Arauca  
*anno* ca Monialis, quæ nobilissimo spiritu  
*1240.* tum ex prosapia tum gratia superna  
 hausto, quasi quibusdam pennis, ad  
 sublimissima cœli mysteria evolabas:  
 suavi pietatis sensu nunc perpendens  
 effusam in genus humanum DEI Bo-  
 nitatem, quâ Electos tenerrimè am-  
 plexatur: nunc admirans inexhaustam  
 ejus longanimitatem, quâ scelerato-  
 rum pœnitentiam non expectat so-  
 lummodò, sed & multis beneficiis ad  
 sui amorem invitat. Cœlestem hanc  
 fuisse vivendi rationem comprobavit  
 Angelicus in obitu tuo cantus à mul-  
 tis auditus: & in felici patria te grati-  
 osam esse, sentiunt vicini populi, qui  
 in hodiernum usque diem ad sepul-  
 chrum tuum divina munera impe-  
 trant. *Impetra & mihi, quâ tu tam e-  
 gregiè imbuta fueras, contemplationem*  
*rerum*



rerum cœlestium. Si enim in Deo summam clementiam seriò perpendam, fieri non potest, quin amem infinitum illud Bonum: Si justiciam strictissimam, orietur in me sanctus ille timor Domini, qui est initium sapientiæ.

S. BERNARDUS, ser. 3. de Annunc.

Quàm dives es in misericordia, quàm magnificus in justitia, in gratia quàm munificus, Domine Deus noster! Non est, qui similis sit tibi, munerator copiosissime, remunerator æquissime, piissime liberator. Gratis respicis humiles, justè judicas innocentes, misericorditer etiam salvas peccatores.

Mirabilis bonitas DEI in genus humanū.



2. Novembris. 4. Nonas.

B. BERNARDE Cathalane, sacrae militiæ de Calatrava genere & pietate Eques insignis: qui negotiis terrenis tibi ex officio incumbentibus non aliter invigilabas, quàm ut sinè intermissione in cœlo mens defixa hæreret. Quo affectu Augustissimam cœli Imperatricem colueris, etiam posteros ignorare noluisti, dum publico Instrumento te perpetuo ejus obsequio mancipasti. Eiusdem amore summam adhibuisti

Floruit anno 1606.

Mariæ se mancipat.



## 358 ANNI CISTERCIENS.

SS. Be-  
nedict<sup>9</sup>  
& Ber-  
nardus  
moriē-  
ti assi-  
stunt.

hibuisti diligentiam ne vel levi cogitatione puritatem animi aut corporis offenderes. Post multa tandem charitatis opera ad extrema deveniens, Divos Benedictum & BERNARDUM in illo certamine consolatores habuisti, inò ad astra duces, uno dextram altero sinistram manum tuam apprehendente. *Tuis ego verbis me nunc obsequia Reginae Virginum offeram: tu da, ut ea devotione depromam, quã tu olim ore & calamo illa expressisti. [In primis diligam ex toto corde Divinam majestatem, ut omnia, quæ cogitavero, locutus vel operatus fusero, ad supremum honoris & gloria sanctissimæ Trinitatis dirigantur. Et ut omnes inferni ministri in me nullam partem se habituros intelligant, sciant me non esse meum, idque solùm facere, cogitare & loqui posse, quod gratum sit Angelorum Reginae Dominae meæ.]*

Floruit  
anno  
1149.

B. CHRISTIANE, Dunensis in Anglia Episcopo. In eam Insulam à BERNARDO missus es, ut Monasterio Mellifontis præesses: inde alteri ejusdem nominis Præsuli successisti. In qua dignitate verum animarum pastorem agens, in id unum summo studio intendebas, ac à toto clero exigebas districtè, ut omnes curas animarum cura præcederet. *Utinam & ego his*



go his monitis tuis diligentius obtemperarem, mihi que sapius occinerem illam Christi Servatoris sententiam: Quid prodest homini, si totum mundum lucretur, animæ verò suæ detrimentum patiatur?

S. BERNARDUS, s. 2. de Nat.

Agnosce ô homo dignitatem tuam, Magna agnosce gloriam dignitatis humanæ. Est enim tibi cum mundo corpus: sic enim decet eum, qui constitutus est super universam hujus creaturæ corporea molem, aliqua ei similari ex parte. Sed est tibi etiam sublimius aliquid, nec omnino comparandus es cæteris creaturis: compacta & confederata sunt in te caro & anima, illa plasmata, hæc inspirata.

Magna dignitas animæ humanæ.



3. Novembris. 3. Nonas.

S. MALACHIA, Archiepiscopo Obijt anno præclarissimis donis jam in matris piæ gremio plenus, studiorum palæstrâ feliciter superatâ, florens juvenis consortium amavisti Anachoretæ cujusdam, cujus rigidissimam vitam nemo erat, qui non horreret. Sed animi robore se-

Obijt anno 1148.



*Tyroci-  
cinium  
sancti.  
monia  
ponit.*

*Egregiè  
in Vi-  
nea Do-  
mini o-  
pera-  
tur.*

*Pi-dro  
gys cla-  
rescit.*

*Pessimã  
consue-  
tudinẽ  
tollit.*

boreseveritatem vincente non perdu-  
rãsti duntaxat, sed & statim alios in  
disciplinæ sanctioris societatem ad-  
duxisti. Ab his latebris te loci E-  
piscopus produxit, suoque lateri ad-  
movit: tanto suorum fructu; ut cum  
gens illa barbara vix rituum Christia-  
norum haberet notitiam, mox tuã in-  
dustriã viderit in templis aras, fre-  
quentaverit S. Confessionis tribunal,  
agnoverit matrimonii leges, & facti  
ex lupis oves pastorum vocem prom-  
ptissimè audirent. Fidem plebis con-  
firmabant prodigia, quibus mutos, a-  
mentes, aut alio gravi morbo labo-  
rantes sospitate donãsti. Quibus per  
famam divulgatis Lesmorix Episco-  
pus diu tuã operã usus est, donec pri-  
mùm ad Conneretensem, ac deinde  
ad Ardinacensem Archiepiscopatum  
vota Regis, Cleri, & populi te voca-  
verint. Remorabatur assensum præ-  
visus ingens labor, quem detestabilis  
consuetudo objecit, cujus vi certa fa-  
milia in eam cathedram hereditate  
succedebat. Huic abrogandæ cum  
modestia tua manum admovere nol-  
let, nec pars adversa cedere, DEUS  
litem diremit, sublatis e vita Simonia-  
cis illis fulmine, peste, aliisque morbis,  
uno relicto, qui damnis alienis sapere  
tergiver-



tergiversabatur. Hunc tamen in ipso  
 insidiarum loco, in quem te trucidan- *Adver-*  
 dum invitaverat sub specie amici, sola *sarium*  
 præsentia mutasti in alium, ipsomet *vincit*  
 metamorphosin suam mirante, qua *mansue-*  
 nihil minus voluerat. Honorem ta- *itudine*  
 men tot laboribus & periculis acqui-  
 situm in alterius humeros devolvisti,  
 contentus Insula Conneretensi, mini-  
 ma parte Diœcesis. Pulsabat inter hæc  
 animum fama BERNARDI, quem *Habitu*  
 in itinere Romam versus instituto in *Cister-*  
 Claravalle sua invisens, charissimum *ciensem*  
 ab eo donum, sacram vestem Cister- *assumis-*  
 ciensem, consueto tyronum ritu susce-  
 pisti. Romæ auctus munere Legati  
 Apostolici in Angliam redux ipsum  
 penè BERNARDUM patratiōne *Ingen-*  
 miraculorum superasti. Admiratione *tia pro-*  
 illud præ cæteris dignum, quod in *digia.*  
 Cæmeterio à terribus Ecclesiasticis sa-  
 crato multis postmodum annis ex illi-  
 us glæbæ contactu innumeri remedium  
 contra omne morborum genus ab-  
 stulerint. Ordinis Cisterciensis Mona-  
 chis totam penè Hyberniam implevi- *40 mo-*  
 sti, erectis non minus quadraginta *naste-*  
 Monasteriis. Sed ut Melliflui Docto- *ria cõ-*  
 ris verbis res infinitas compendio *struit.*  
 complectar. [Non defuit tibi Prophe-  
 tia, non revelatio, non ultio impio-  
 rum, non

Qq

rum, non



*Insignes ejus virtutes predicat S. Bern.*

*Mori desiderat in Claravalle.*

*S. Bernardo Sacrificanti gloriosus apparet.*

rum, non gratia sanitarum, non denique suscitatio mortuorum: non profunda humilitas, non zelus cum sincera discretione, non paupertatis amor, non vitæ austeritas, non perfectissima ubique conformatio tuæ voluntatis cum Divina.] Hæc denique implevit desiderium unicum cordis tui, quo anhelabas ad mortem in Claravalle, die Commemorationi fidelium defunctorum sacrato excipiendam. Illuc ergo festinatis itineribus denuo profectus præsentem dulcissimo BERNARDO ita placidè spiritum emisisti, ut nisi spirare desisses, nemo te mortuum crederet: adeò nulla serenæ frontis, nulla vividi coloris apparebat mutatio: animæ jam in cœlo beatæ pulchritudinem repræsentante corporis specie. Id Mellissius Abbas divinitus cognovit in Sacrificio, quo tibi parentabat; dum pro oratione in funerali sacro consuetâ decantabat aliam gloriosus de Confessore Pontifice, jam inter sanctos relato. Is duplici etiam argumento ostendit amorem, quo te amplectebatur, permutatâ tecum tunicâ, in sua te terræ commendans, in tua verò moriturus. Nobili dein panegyrico, quo sanctissimæ vitæ seriem stylo (altiori non potuit) suo digessit, & nominis



nominis tui famam cum immortalitate transfudit ad posteros. *Arripio nunc ego ex Mellisthis eiusdem de te verbis materiam, qua te alloquar. Esto mihi alter Elias, impariens & de spiritu tuo mihi, ipsius enim in spiritu & virtute venisti. Vita tua lex vitæ & disciplina; mors tua mortis portus, & porta vitæ. O luminare magnum & lux in tenebris lucens, signorum radijs & meritorum, illuminans carcerem, latificans civitatem. Benedixisti moriens Bernardo, benedic & mihi morienti.*

Verba  
S. Bern.  
ad S.  
Mala-  
lachiã.

S. BERNARDUS, ser. I. de S. vieti.

*Studeamus moribus conformari, cui in mirabilibus similari etsi volumus, non valemus. Emulemur in viro sobrium victum, devotum affectum, mansuetudinem spiritus, castimoniam corporis, oris custodiam, animi puritatem.*

Imita-  
tatio  
virtu-  
tum



4. Novembris. Pridie Nonas.

**B. TEZELINE**, venerabilis senex *Claræ vallis, qui ultimis vitæ annis gravi morbo afflictus, æquanimã dolorum tolerantia meruisti, ut Mater totius consolationis, circumdata An-*

Floruit  
anno  
1160.

Qq 2 gelorum



gelorum choro egredienti animæ ob  
via procederet: quod B. Gaufridus, eo  
tempore in odæo sacro precibus inten-  
tus, claro die conspexit. *In eandem ego  
ego tota mentis fiducia spero: tu me doce il-  
lam modò ita colere, ut in morte illius me-  
rear patrocinio protegi.*

*Floruit* B. HENRICE Converse Hem-  
*anno* mentrodensis, qui ob corporis animiq;  
*1221.* integritatem à DEO specialiter dile-  
ctus, oculis donatus es supra humanam  
aciem elevatis. Properabat ad mor-  
*Appa-* tem quidam è Monachis, ad cujus ca-  
*visiones* put cum sederes, territus es à duobus  
*videt* exoticæ magnitudinis corvis illic cir-  
*miras.* cum volantibus. Sed te in preces pro-  
cumbente, mediam se intulit candoris  
nivei columba, quæ aves inauspicatas  
abegit, placidamque in firmo mortem  
peperit. Jucundiora tibi dedit specta-  
cula Hermannus Prior, circa cujus ca-  
put in aëre columba illa suspensa hæ-  
rebat, dum psalleret, & in cujus bra-  
chiis ludebat pulcherrimus puellus,  
dum Incruentam DEO hostiam offer-  
ret. Neque minùs delectabaris MA-  
RIÆ Unigenitum suum gestantis  
præsentia, & hilares in choro cantores  
blandè, desides verò torvè intuentis.  
Sed & ipse Consolator Spiritus sub  
forma venerandi senis familiare collo-  
quium



quum tecum frequenter habuit: cui cum simplici pietate cingulum tuni-  
cámque offerres, non respuit ille mu-  
nus, sed altera die novum cingulum  
donavit, quo ad morbos depellendos  
felicissimè utebaris; & maximè in  
morbum aliàs sanari difficilem, carnis  
pruritus, multi experiebantur mirum  
in modum efficax. Is porrò te studio-  
sè ad observantiam sacri Instituti hor-  
tabatur; utpote, ut ajebat, summæ  
perfectionis: proximum Angelis puri-  
tate, par Martyribus rigore, Prophetis  
contemplatione, Apostolis paupertate,  
Patriarchis, verbi divini prædicati-  
one, & peccatorum conversione. Mo-  
rituro iterum adfuit Regina coelorum,  
quam singulis per ordinem, quo dis-  
cessuri erant, infirmis bene precantem  
vidisti. *Illumina & meos internos oculos,*  
*ut imprimis videam Dei continuam in*  
*me presentiam, omnes animi motus intu-*  
*entem. Perspiciam deinde meipsum, mille*  
*imperfectiõibus obsitum, ut exinde me*  
*despicere & humiliare discam.*

*Cingulo  
à Spiritu S.  
donatur.*

*Ordinis  
Cister-  
ciensis  
encomi-  
um in-  
signe.*

S. BERNARDUS, ser. 37. in Cant.

*Si nos ignorantia Dei tenet, quomodo  
sperabimus in eum, quem ignoramus?  
si nostri, quomodo humiles erimus?  
scimus autem, nec superbis nec despe-*

*Igno-  
rantia  
duplex  
vitanda.*



*raus partem esse vel societatem in sorte sanctorum.*



5. Novembris. 8. Idus.

Obijt  
anno  
1114.

**B** U D A R D E Episcopo Brechinensis  
in Scotia. Produxit te in publicum ex Cupraunensi Cisterciensium monasterio tum saepe ex suggestu cum plurimum admiratione audita facundia, tum vita doctrinae, quam tradebas, conformis: quâ utraq̃ue dote, velut rutilantibus gemmis tiaram Pontificiam condecorasti usque ad maturam caelo aetatem. Quam improvidi sumus mercatores, dum pretiosissimum hoc merendi tempus inter crepandias pueriles sermone sanctum dilabi permittimus, dissensidimus hoc tota aeternitate nunquam reparaturi!

Obijt  
anno  
1184.

**B. H A K E T E**, Abbas Dunensis. Sustinebas in virilis aetatis primo flore munus Decani Brugis, de consequenda aeterna salute sollicitus, sed non satis tibi videbaris securus tot implicatus rerum mundanarum negotiis. Unde ad Monasticam solitudinem confugiens, tantum in sacro disciplina proficisti, ut noviter condendo Monasterio Thosano praepositus fueris, & post quatuor annorum felices labores ad maternam



maternam domum, clavum ibidem moderaturus, superstitite adhuc prædecellore Waltero, & electionem dirigente, vocatus fueris: præsertim ex speciosa quadam animi magnitudine celebris, quam eruditio & pietas fulciebant. Sape nos ipsos decipimus vano timore suscipiendi pro cælo laboris: pijs conatibus semper aspirat Deus, modò non desit promptitudo voluntatis, ad sumendum de n. s. ris viribus experimentum.

S. BERNARDUS, c. 10. de cont. man.

*Ad imaginem Dei facta, anima rationalis cæteris omnibus occupari potest, repleti non potest. Capacem Dei, quidquid Deo minus est non implebit.*

Anima solo DEO impletur.



6. Novembris. 7. Idus.

**B.** SIMON Alnensis Converse: qui Obijt anno ætatis 16. divina voce admonitus illud cœnobium petiisti susceptâ ovium pascendarum curâ, quod difficulter ab Abbate generis nobilitatem ad sordes damnare nolente, impetrasti. Sed Moysen alterum acturus hæc rectè præmittebas exordia. Nocturnis sub vigiliis suspensa in aëre columna, multa luce agros animûmque tuum implevit: cujus deinde vices egit

Qq4

lumba



lumba aureum è capite & argenteum è pennis splendorem diffundens. Tes-

*Glorio-* sera hæc militaris fuerat, quâ roboras  
*de* tus ter gemina pugna malignum dæ-  
*dæmo-* monem fudisti. Primum certamen  
*ne vi-* septennale fuit, quo turpis lurco suis  
*Elorias* te sæcibus conabatur conspurcare: al-  
*repor-* terum; quo membra pigro quodam  
*tat.* sopore effecit languida ad omnem la-  
 borem: ad triarios denique redacto  
 pralio fustibus, ferro & igne, pedibus  
 vix non omnino deustis, in te sæviit.

At aurum nempe injecerat fornaci, quod purgatum *septuplum* ad invidiam pulchrum exivit. Quod ne deinceps rubigine corrumperetur, illud in incude patientiæ planè supra vires humanas per totum vitæ decursum exercuisti. Nec enim vulgaria afflictationum genera satiabant desideria tua; lorica squammata, & catenæ nodis graves corpori diu noctûque adhærebant: cibum non admittebas, nisi tam vilis esset, ut vix non eum porci nausearent. Hæc auri puritas quàm DEO placuerit, inter prima signa fuit quando ad Eucharisticam mensam accessisti.

*Hostia* Dilapsa erat sacra Hostia è porri-  
*sacra* gentis manu in terram; quam dum in-  
*ad eum* ter lacrymas ardentis amoris aspice-  
*se ele-* res, & querulo gemitu hanc Christi  
*vat.*

Servatoris



Servatoris ab ore tuo fugam tuis peccatis imputares: subito sese sponte elevans divina esca in os tuum advolavit, tantaque dulcedine perfudit, ut verbis exponi non posse fassus fueris. Hinc pro veri amoris genio audacior divinam Majestatem facie ad faciem *Deum* videre desiderabas: quem favorem *videt* post septem annorum lacrymas tandem consecutus es. Quin te divinitatis quidpiam inde hausisse credere *et se- cretas hominū cogitationes:* cogebantur ii, quibus conscientiae suae *apertum librum posuisti ante oculos.* Cujus rei experimentum facturus Innocentius III. te Romam accersivit, & veritate deprehensa, cum Sacros Ordines suscipere demissio animi tui non acquiesceret, cum hoc indulto *Romam* remisit, ut qui jussu tuo peccata sacerdoti exponeret, plenam remissione gauderet. *vocatur.* Oderant hanc lucem duo tenebriones, qui metu ne occulta sua scelerata à te proderentur, tibi sub specie familiaris colloquii in loca abdita se ducto mortem inferre cogitabant. *Latrones ad meliorem mentem reducis* Verum utrique pessimos conatus ita efficaciter dissuasisti, ut seipsis multo meliores à te dimiseris. Idem expertus est quidam Conversus, qui suam raturam sanctimoniam tuam, despicabiles te de cogitationes animo *et suscipio- sum.* *gitabat:*



gitabat: ad quem mansuetè accedens: Noli, inquebas, frater, DEI dona in aliis temerè dijudicare. Ne autem abs-

*Multa* que vaticiniis de secuturis eventibus  
*moritu-* decederes, horrendum illud Schisma,  
*rus va-* cujus caput Fridericus Imperator fu-  
*vicina-* turus erat, per ordinem prædixisti. In-  
*tur.* ter Ecclesiæ Sacramenta denique te-  
nerrimo pietatis sensu mortuum, cùm

*Glorio-* quidam impatientius lugeret, te illi  
*sus ap-* splendidissima luce circumdatum ob-  
*paret.* tulisti, ac iussisti, ut luctum poneret,  
ac potius gaudeat, brevè ad eandem  
gloriam, si in bono perseveret, edu-  
cendus. Sed & alii fuerunt tuæ felici-  
tatis participes, qui vestium tuarum  
contactu, aut solo iuvocato nomine à  
gravissimis morbis liberabantur. *Eti-*  
*am ego infirmitates meas meritis tuis com-*  
*mendo, præ alijs autem mentis meæ cæci-*  
*vatem; hanc à me proscribe, & interiores*  
*oculos meos aperi, ut peccata mea verè ag-*  
*noscam & defleam.*

*Obijt* B. GAUFRIDE, miraculo Magni  
*anno* BERNARDI posthumo Cistercien-  
*1170.* sibus adscripte: dum enim ad glorio-  
sum illius sepulchrum preces effunde-  
res, tam dulcem sensisti subito cordis  
tui mutationem, ut ne moram qui-  
dem admiseris ad patriam redeundi,  
sed statim relicto amplissimo patri-  
monio &



monio & Canonicatu Virdunensi in Claravalle permanferis: ubi perfectiffimos quosque in ftadio virtutum affecutus, perfeverantiæ curfum fancto fine abfolvifti. Impetra & mihi à fanctiffimo Tharmaturgo efficaciffimam illam gratiam perfeverandi in bono, nec permitte me redire ad notos, id eft ad feculi huius vanitates. Vox enim divina eft, reprobum eſſe, qui manum ab aratro retrahit.

S. BERNARDUS, ſer. 2: in Paſch.

Va tibi, quicumque es, canis reverſus Peccatoris  
ad vomitum, & ſus lota in volutabro recidi-  
luti. Nec ad eos tantum loquor, qui vi infa-  
corpore, ſed etiam eos, qui corde rede- nia.  
unt in Ægyptum, ſeculi huius oblecta-  
menta ſectantes, ac proinde fidei vi-  
tam, que charitas eſt non habentes.  
Quis enim magis mortuus eo, qui fo-  
vet ignem in ſinu, peccatum in conſci-  
entia, nec ſentit, nec expaveſcit, nec  
excutit?



7. Novembris. 6. Idus.

B. PAULE Lamps, Monache Bonef- Paſſus  
fiſis: qui Principem Auriacum anno  
Cœnobio tuo flammis ſubjicientem 1586.  
96 fugiens,



## 372 ANNI CISTERCIENS.

fugiens, ab ejus satellitibus comprehensus, in crucem actus ac plumbea grandine de tormentis bellicis excussa interemptus, odio fidei orthodoxæ viriliter superato meruisti inter tyrannorum victores æternum cœli amorem. *Sentiam & ego victoriarum tuarum fructum, tua pro me suffragia, quibus juvetur infirmitas mea in pugna contra hostes animæ meæ, qui nunquam non parati sunt ad insidias.*

*Floruit  
circa  
annum  
1200.*

B. GUISBERTE, Prior Monasterii Bebenhusani: qui priusquam humeros suavi Religionis jugo submitteres, de viribus facturus periculum, rigidis cruciatibus te afflixisti. Quam vivendi rationem ad eò habuisti pro lege, ut usque ad postremum vitæ mortalis diem præter viles herbas & aquam omne alimenti genus excluderis: Pascabas inter eà mentem orationibus, à quibus te nullum tempus inveniebat vacantem, nisi cùm te charitas ad ob-eundas officii curas vocabat. *Sanè de salute mea æterna mul.ò essem securior, si & ego gemina hæc præsidia, sobrietatem & orationem virili magis animo apprehenderem.*

S. BERNARDUS, ser. 4. in XL.

*Oratio virtutem impetrat jejunandi,  
& jejunium*



& jejunium gratiam promeretur orandi. Jejunium orationem roborat, oratio sanctificat jejunium, & Domino representat.

Oratio  
& jeju-  
num.



8. Novembris. 5. Idus.

B. GOSBERTE, Monasterii Hemmenrodensis Converse: qui juxta consuetam aurei illius seculi felicitatem, post placidum inter preces agonem piè obdormisti, sed feretro jam parato in vitam revocatus ad multorum utilissimam instructionem triduo supervixisti. Quo tempore cum omnes à te avidè cognoscere cuperent, quid in altero orbe spectaveris, neminem dimisisti sinè singulari documento: id universim seriò inculcans; ut immensam illam in coelo paratam mercedem nunquam è memoria dimitterent: sic enim nec vigilias nec alium Ordinis rigorem iis gravem fore: sic futuros perpetuo liberos à disciplina regularis peste, quàm sævissimam affirmabas esse, torporem in obsequio Divino, & incuriam legum, quas aliqui inter minimas ineptè numerant: nihil enim parvum esse, quo DEUS vel offenditur, vel honoratur. Inter

Obijs  
anno  
1284o

In vitã  
revoca-  
tur ad  
suorum  
instru-  
ctionẽ.

Q 97

hæc pia



hæc pia colloquia consumpto triduo, ad notas jam sedes iter relegisti. *Orationibus tuis me juva, ut hæc monita cordi meo bene imprimam, & juxta illa dirigam actiones meas.*

Floruit  
anno  
1190.

Triste  
Funus  
tantæ  
Principis.

B. ADAME, Abbas Perseniæ, qui ob insignem eruditionem sanctimoniæ junctam non solum Romæ, sed passim apud terræ principes celebri auctoritate pollebas. Inter hos erat Maria Comitissa Campaniæ; filia, soror, & Mater Regum Galliæ: quæ cum transactis aliquot viduitatis annis horam supremam instare cerneret, te tanquam in illo temporis articulo unicum solatium accersiri jussit. Sed famulorum perfidiâ contigit, ut vitâ, fortunis, imò & vestibus spoliatam inveneris: & non indigno gemitu totum orbem ad tam lugubre spectaculum invitaveris, ut videret in hoc summæ originis & fortunæ ad summam ignominiam dejecto cadavere consuetum mundanæ gloriæ finem. *Discam & ego execrari, quidquid carni blanditur, & quidquid illam irucidat animo generoso amplecti. Quam amara est illa separatio à divitijs ac delicijs, quam dulcis transitus paupertatis ad cæli thesauros!*



S. BER.



S. BERNARDUS, s. s. de Nat.

Non consolatur Christi infantia gar- Paupe-  
 rulos, non consolantur Christi lacry- rum, &  
 me cachinnantes, non consolantur humili-  
 panni ejus ambulantes in stolis, non um cō-  
 consolantur presepe & stabulum a- solatio  
 mantes primas cathedras in sinagogis: Chri-  
 sed equanimiter fortè universam stus est.  
 hanc consolationem expectantibus in  
 silentio Dominum, lugentibus, panno-  
 sis, pauperibus cedere videbuntur.



9. Novembris. 5. Idus.

**N**ICOLAE, Converse Villarien- Floris  
 sis: qui veluti corpore pusillus & circa  
 fuscus eras, ita animo candido & san- annum  
 ctimonia magnus. Ultramque hanc 1301.  
 dotem à simplici obedientia habuisti:  
 per annos enim 40. dum opilionem e- Obedi-  
 gisti, non actiones duntaxat, sed & co- entiae  
 gitationes illa sola moderabatur. Et singul-  
 ne in piis etiam exercitiis aliquid po- laris a-  
 testatis sibi arrogaret propria volun- mator.  
 tas, à Superioribus obtinuisti manda-  
 tum, ut toto vitæ spatio semel tan-  
 tum vesperi pauxillo cibo te reficeres,  
 & asperrimum cingulum nunquam  
 deponeres.



376 ANNI CISTERCIENS.

*E pur-  
ga-  
torio a-  
nimas  
educit.*

deponeres. Post obitum anima tua ad ergastulum piacularis ignis delata, est non pœnam, sed gloriam reportatura. Cuidam enim notæ pietatis Eremicolæ illâ horâ cœlitus ostensum est, per merita tua plures ex illis pœnis tecum ad patriam evolâsse. *Doce me salubri nunc timore metuere illas pœnas, illisque materiam subtrahere, quæ sunt peccata & negligentia leviores, quæ sanè in illis supplicij onus erunt gravissimum.*

*Floruit  
anno  
1153.*

B. ALBERO, Abbas Dunensis: qui feliciorum te reputabas in paupere domo Clarævallis, quàm in aula Comitissæ Elsatii, quam ideo deseruisti, ut Parenti BERNARDO adhæreres. Post cujus obitum Dunas vocatus, cœnobii illius regimen non ultra biennium tenuisti: sed dilectam solitudinem repetens sub umbra humilitatis latere sanctimoniam tuam potius voluisti, quàm hominum oculis esse in publica dignitate conspicuam. *Præposteri sumus aestimatores, qui pro aura favoris humani sæpe ingentis labores vendimus: prudentius utique facturi, si bonas actiones soli Deo, qui nihil sinè mercede relinquit, notas esse vellemus.*

S. BERNARDUS, ser. 5. de Nat.

*Is verè fidelis est, qui nec sibi credit,  
nec in*



nec in se sperat, factus sibi tanquam vas perditum: sed sic perdens animam suam, ut in vitam æternam custodiat eam. Porro id quidem sola facit humilitas cordis, ut non sibi fidelis anima innitatur; sed deserens semetipsum ascendat de deserto innixa super dilectum.

DEI so-  
lius au-  
xilio  
inniti-  
tur hu-  
militas



10. Novembris. 4. Idus.

**B** ANDREA, Abbas Calisii, cujus *Floruit* monasterii prima jecisti funda-  
menta, tam celebri virtutum famâ in-  
clytus, ut statim à morte per populi  
acclamationem titulum sanctitatis  
obtinueris. *Duplicem plerumque Deus*  
*retribuit mercedem operibus piè susceptis:*  
*largitur famæ gloriam in hac vita, in al-*  
*tera vitam sinè fine. Sed utramque sola*  
*meretur, quam utinam meis actionibus*  
*semper præfigerem, Recta Intentio.*

**B.** ALQUIRINE, Clarævallis  
Monache: qui tanquam rutilans ex il-  
lo virtutum cœlo radius, charitatis ig-  
nem in domesticos & extraneos spar-  
sisti. Ansam præbuit Medicinæ scien-  
tia, quam ita morbidis adhibuisti, ut  
ad feli-

Obijt  
anno  
1169.



*Medi-  
cum a  
git ani-  
marum  
& cor-  
porum.*

ad feliciorē curæ methodum præ-  
mitteres pharmaca, interiores animi  
morbos sanantia. De cætero solum in  
ulcerosis Christum intuebaris, ac sine  
horrore fluentem ex parentibus mem-  
bris saniem non manibus solum sed  
& osculis premebas. Fuit id longè  
gratissimum. Medicorum principi  
Christo; qui, ut te ad heroicos hujus-

*Christi  
Vulne-  
ra sua  
ei ad  
osculū  
offert.*

modi actus audaciorem redderet, sua  
sacratissimā vulnera tibi amplexanda  
obtulit, relinquens in corde tuo tam  
dulce amoris vulnus, quod tum pri-  
mum coaluit, cum anima ad vitam  
immortalem evolavit. Quam horribi-  
lia infligat animæ vulnera peccatum,  
convincunt pretiosissima remedia, his ul-  
ceribus adhibenda: sanguis nempe ille  
Divinus, quem pro nobis effudit Serva-  
tor. Quis hæc audiat, & non summum  
concipiat in animo peccati odium?

S. BERNARDUS, ser. 3. de Nat.

*Peccati  
gravi-  
tas ex  
reme-  
dio æ-  
stima-  
tur.*

Ex consideratione remedij periculi  
mei æstimo quantitatem. Sanus mihi  
videbar: & ecce! mittitur Virginis  
Filius, Filius Dei altissimi, & jubetur  
occidī, ut vulneribus meis pretioso  
sanguinis balsamo medeatur. Agnos-  
ce, ô homo, quàm gravia sint vulnera,  
pro quibus



*pro quibus necesse est Dominum Christum vulnerari.*



II. Novembris. 3. Idus.

**B**ENARRANDE, gemina sub vexillo Cisterciensi militia clare: quarum priorem exercuisti juvenis inter Templarios Equites: tum gregarius tum supremus Ordinis Magister: posteriori emeritus in Claravalle gefisti, te solum pro hoste agnosens: galeam dedit humilitas, armorum vicem subiere flagella: vigiliae, preces, & inedia ludi militares erant, quibus denique melius quam ante Jerosolymam coelestem expugnasti. Dignum unquam stipendium est militia brevissima Civitas illa felicitatis aeternae. Tu accende animum meum ad pugnam, ut mori milles eligam, quam victas hosti infernali manus dare.

Floruit  
circa  
annum  
1190.

**B. HENRICE**, Abbas Heisterbacensis: qui juvenis a propinquis, suum magis commodum, quam tuum spectantibus, ad Canonicatum Bonnensem promotus, salutem in fuga ad coenobium Heisterbacense quaesisti. At illi te extra limites evocatum equo violenter imponunt, Bonnámque reducunt. Stra-

Obijt  
anno  
1219.



## 380 ANNI CISTERCIENS.

*Celivus  
ad Or-  
dinem  
voca-  
tur,*

*Et ad  
honores*

*Mortē  
visione  
præno-  
scit.*

cunt. Stratagematis igitur pugnan-  
dum effecernens, latens in corde de-  
siderium cautè celasti, donec opportu-  
nè ex eorum manibus elapsus sacra te  
veste tanquam vallo muniisti: haud  
parum adjutus precibus cujusdam piæ  
Reclusæ, quam sub tua persona An-  
gelus, ut pro te DEUM precari per-  
geret, fuerat adhortatus. Post admi-  
nistratum deinde aliquamdiu Prioris  
munus regimini Abbatiali prælusit  
vaticinium, quo B. Sifridus vidit à Re-  
gina cœlitum tibi annulum miræ pul-  
chritudinis donari. Industriam tuam  
sensere filii, quos quotidiano incre-  
mento catervatim ad condendas co-  
lonias emisisti: sensere etiam lustrali-  
um flammaram captivi, magno nu-  
mero tuis precibus libertatem conse-  
cuti. Laborum denique propinquan-  
tem mercedem præostendit Deipara,  
quam sub nocturnis vigiliis vidisti co-  
ronam aureâ catenâ suspensam in  
chorum dimittere, cui gemmarum lo-  
co tuum ac filiorum nomina erant  
inserta. *Ea nimirum est Divinæ Clemen-  
tiæ consuetudo, ut sua dona in nobis au-  
geat, si pro acceptis gratos nos inveniat:  
ingratis verò, Et malè utentibus etiam ea  
quæ dedit, auferat. Inter hos posteriores  
ne numerer, tu me ad agnoscenda divina  
in me beneficia exstimula.* S. B. E. R.



S. BERNARDUS, ser. 3. de Annunc.

Nos ergo, fratres, si gratiam cupimus DEUS  
 invenire, sic de cetero abstineamus à respicit  
 vitijs, ut de prateritis quoque peccatis absti-  
 dignè poeniteamus. Nihilominus quo- nentes  
 que solliciti simus, & devotos nos Deo à vitiis,  
 exhibere; huiusmodi nempe animas & ope-  
 gratanter respicit pio illo respectu, de rantes  
 quo sapiens ait: Et respectus in electos bona.  
 illius.



12. Novembris. Pridie Idus.

B. WALTERE, Abbas Villariensis. *Obijt*  
 Flos innocentiae, utpote quam ad *anno*  
 extremam usque horam ne levi qui- *1221.*  
 dem deliberatè admisâ noxâ libâsti.  
 Hunc maturè è divitiarum spinis,  
 quas generis nobilitas promittebat,  
 exemisti: ac ne marcesceret deinceps, *Dono*  
 continuo lacrymarum imbri rigabas: *lacry-*  
 fovisti etiam precum fervore: in quas *marum*  
 cùm te multis subinde horis proster *& de-*  
 neres, adedè inconnivis oculis cœlo in- *votio-*  
 hærebas, ut nulla molesta cogitatio a- *nis cla-*  
 nimum pulsaret. Animi demissio tum *rus.*  
 primùm clarissimè eluxit, cùm in sede  
 Abbatiali quiescebat. Gratulabatur  
 tibi



sibi copiosa filiorum multitudo, se-  
 tanti Patris curæ concreditam: sed &  
 plura Virginum cœnobîa eandem op-  
 tabant felicitatem. Nec exclusit illa-  
*Curam* rum votum benigna charitas: sed cùm  
*monia* in emittendis ad illas conscientiarum  
*litem,* moderatoribus multæ tibi occurre-  
*ut suis* rent difficultates, domesticæ discipli-  
*nocivâ,* næ periculum minitantes, illi juri ite-  
*deserit.* rum cessisti nunquam ultrâ repeten-  
 do. Occupaverat inter hæc oculos se-  
 nilis caligo, in cujus vicem successit è  
 cœlo illustratio mentis, quâ absentia  
 etiam & cordium intima spectabas.  
*Oculo-* Lux ista radios tunc maximè emitte-  
*rum u-* bat, cùm sacro Altari assistebas: licet  
*sum in* enim aliàs egeres duce ad viam, eo ta-  
*Sacrifi-* men tempore ex libro sinè vitri subsi-  
*cio re-* dio sacrificii verba legebas expeditissi-  
*met.* mè. Ingens beneficium eruditioni tu-  
 æ debuisset posteritas, nisi egregias lu-  
 cubrationes tua humilitas subtraxisset.  
 Multa tamen vivæ vocis oracula no-  
 taverat filiorum diligentia, quorum  
 illud repetebas ad eorum cautelam  
*Senten-* frequentius. [Justo Judicio DEUM  
*tia no-* permittere, ut is in peccata labatur,  
*tabilis.* quæ nunquam sit agnitus, qui post  
 cognitam peccati malitiam sciens vo-  
 lens divinam offendere majestatem  
 non vereatur.] *Sit ista non solum hujus*  
*diei,*



XII. NOVEMBRIS. 333

diei, sed omnium dierum tessera mea: quã  
in odium tam horrendi mali accendar: nõ  
anim gravius puni sceleratos Deus, quã  
ubi peccatum fit pœna peccati.

B. JOANNES Prior Clarævallis, Fl. circ.  
vir spectatæ doctrinæ simul ac pieta- <sup>annuo</sup>  
tis: qui postquam Provisoris officium 1300.  
in Collegio Parisiensi summa cum  
laude gessisset, nec minore virtutum  
præconio præfuit Monasterio de  
Albis Petris, plurimum Clarævallen-  
um more, terrenos honores tanquam  
onera ante mortem relinquentium, ad  
solitudinẽ privatæ cellulæ reversus,  
residuum vitæ tempus impendisti ad  
felicem ex hac orbe transitum. Utinam  
& ego has curas tandem seriõ susciperem!  
Quot horas, si non otiosè saltem inutiliter  
è manibus et labi dissimulo, quas aliquan-  
do forsitan nimis serõ revocare conabor.

S. BERNARDUS, c. 16. de cont. m.

Nihil pretiosius tempore, sed heu ho- <sup>Jactura</sup>  
die nihil vilius aestimatur. Transeunt <sup>tempo-</sup>  
dies salutis, & nemo recogitat, nemo <sup>ris do-</sup>  
sibi non reditura momenta perijisse <sup>lenda.</sup>  
causatur.



13. Novem-





13. *Novembris. Idibus.*

Sacrata est hæc dies felicitati vestræ, vos inclyti Proto-Patriarchæ Benedicti Filii: quam celebrem esse jussit Christi Vicarius Paulus V. nec planè immeritò; cùm per seculorum duodecim gloriosum decursum, sanctissima illa radix tot flores produxerit, qui propemodum soli Apostolicam Ecclesiæ orthodoxæ speciem poterant conservare in decore suo. Inter quos nobile præ aliis germen Cisterciense inter vaticinia & infinita prodigia natum & educatum, sæculo post partum Virginis undecimo totum terrarum orbem inumbravit celeberrimâ sanctimonix famâ & innumeris titulis auxit sanctorum catalogum, sed quorum majorem partem oblivione sepelivit injuria temporum. Vos itaque, quorum nomina exiguus iste libellus continet, singulari devotionis affectu veneror, invoco, ac saluto: id unum à vobis efflagitans, ut per merita vestra efficiatis me dignum nunc in terris, ac demum in cœlis vestro consortio.

Obijt  
anno  
1220.

B. EDILREDE, Abbas Warden-  
sis in Anglia: qui à politiore literatu-  
ra gradum altiorem conscensurus, to-  
tum te



tum te immeristi immenso illo pelago Divinae Scripturae, incitatus exemplo Melliflui Doctoris, cujus loquendi & scribendi modum viva repraesentabas imagine. Mirabantur simul ac venerabantur affabilem facundiam & eruditi & rudes, quae illis Christianam Doctrinam tam penetrabili suavitate exponebas, ut ad te audiendum ex tota Insula populi fieret quotidianus accursus. Nulla dies transit, quin & ego audiam verbum Dei: sed metuo ne similiter eos, qui ut auditores tantum & non factores ab Apostolo redarguntur. Adde tu gratiae supernae stimulos, ut in opus exeat, quod intrat per aures.

Imitatur stylo, & moribus S. Bern.

S. BERNARDUS, ser. I. in LXX.

Qui ex Deo est verba Dei audit. Nonnullos enim sic interdum audientes invenies, ac si nihil omnino ad eos pertineant, quae dicuntur: non intrare cor suum, non discutere mores suos, non cogitare, ne forte, quod audiunt, dictum sit propter eos.

Verba DEI varie auditur



14. Novembris. 18. Cal. Decemb.

B EUGENI Ogallahurre, Abbas Passus  
 Afferoënsis: qui generosum caput 1606.  
 R r nefandæ



## 386 ANNI CISTERCIENS.

nefandæ Anglorum hæresi opposi-  
tum, Angelorum manibus coronan-  
dum Martyrii laureâ obtulisti, dum il-  
lud sævi licitoris ferrum demessuit.  
*Pius ego licitor ero, si propriam volunta-  
tem capite, id est pertinacia sua minuero:  
fieret illud sinè dolore, sed non sinè utili-  
tate, de qua per totam eternitatem essem  
gavisurus.*

*Floruit* B. LETHALDE, columnarum u-  
*anno* na, quas nobilissimus Instituti Cister-  
*1090.* cienfis Architectus Robertus in solitu-  
dine Cisterciensi erexit. Hanc siue Ce-  
*Cum S.* drinam dixerò, illi nomen dabit vitæ  
*Roberto* puritas, à carie noxarum immunis: si  
*Cisterci-* affirmem fuisse adamantinam, invi-  
*um mi-* ctam comprobabit austeritas, qua na-  
*grat.* turæ humanæ terminos estis trans-  
gressi: si denique auream, id testabitur  
cœlestis in DEUM, & fraterna inter  
vos primos parentes charitas, qua ve-  
luti virtutibus armata phalanx sum-  
mas difficultates perrupistis. *Has do-  
tes tuas in me nunc transfunde: muta spe-  
ciem animæ meæ, heu tuæ longè dissimi-  
lem, & da illi formam veræ pietatis, &  
quæ omnia potest, omnia superat, charita-  
tis.*

S. BERNARDUS, ser. 2 de LXX.  
*Sit in nobis, charissimi, unitas animo-  
rum, uni-*



*rum; unita sint corda, diligendo u-* Unitas  
*num, quarendo unum, adhaerendo u-* cordiū.  
*ni, & idipsum invicem sentiendo.*



15. Novembris. 17. Cal. Decemb.

**B**EDMUNDA, Subpriorissa Mo- *Obijt*  
 nasterii Parcæ Dominarum: quæ *anno*  
 priscae sanctitatis redivivum exemplar *1638.*  
 huic nostro seculo exhibuisti: in teip-  
 sam omnis ignara clementiæ, in soro-  
 res solius memor mansuetissimæ cha-  
 ritatis: pro quarum salute promo ven-  
 da nec omittebas pia monita, nec ora-  
 tionum assiduitatem. Claustrali soli-  
 tudini tam eras addicta, ut jubentibus  
 pro restituenda valetudine egressum  
 medicis parere contempseris. Debile  
 ex morbis corpus roborabat animus,  
 qui gravissimos dolores adeo non sen-  
 tiebat, ut ab obsequio divino nullam  
 pateretur absentiam. Quo tempore *E vul-*  
 frontem non solum solito gerebas se- *tu ra-*  
 reniorem, sed sæpe etiam radios evi- *dios e-*  
 brantem. Tandem continuis suspiriis *mittit.*  
 ad coelestem patriam aspirans, in per-  
 vigilio sancti Patronitui suaviter ex-  
 spirasti. Quam ardentem tu ad vitam im-  
 mortalem aspirabas, tam frigidè ego ad il-  
 lam propero, magis verò hoc miseris om-  
 nibus



*nibus plenum amo exilium. Ejice hunc stultum amorem ex corde meo, illudque sacris desiderijs imple.*

*Floruit* B. CATHARINA Perezia, Mo-  
*circa* nialis Castrensis in Lusitania: quæ so-  
*annum* lenni more castarum Christi sponsa-  
 1400. rum dolorosam Dominicæ Passionis  
*Passio* historiam continua contemplatione  
*Christi* præ oculis habebas: illius in Cruce  
*illius* pendentis Imaginem ubicunque ob-  
*medita-* viam, non aliter lacrymis rigabas,  
*tio.* quam Pænitens illa pedes recumben-  
 tis. Unicum denique votum erat, do-  
 lorum communio, quam multo gemitu  
 impetravisti, gravi percussa vulnere  
 in pede: cujus acerbissimas molestias  
 mira cordis jucunditate pertulisti.  
 Horam, quæ vitæ simul & patiendi  
 finem sit allatura, divinitus multò an-  
 tè cognoveras: unde non minore gau-  
 dio illam expectabas, quàm nos mise-  
 ri eandem formidamus. Utinam tuo  
 mille aliorum Sanctorum exemplo per piæ  
 contemplationis affectus amplecterer ar-  
 ma Dominicæ Passionis! Imensum pa-  
 vit hæc pietas fructum, ac, quod omnia su-  
 perat, felicem mortem comparat.

S. BERNARDUS, s. 43. in Cant.

*Medi-* Ego, Fratres, ab ineunte conversione  
*atio* meo pro acervo meritorum, quæ mihi  
*Domi-* deesse



deesse sciebam, hunc mihi fasciculum <sup>nica</sup>  
 colligare, & inter ubera mea collocare <sup>Passio-</sup>  
 curavi, collectum ex omnibus anxie- <sup>nis.</sup>  
 tatibus & amaritudinibus Domini  
 mei.



16. Novembris. 16. Cal. Decemb.

SEDMUNDE, Archiepiscopo Can- <sup>Obijt</sup>  
 tuariensis: qui nominis tuo causam <sup>anno</sup>  
 insolita nascendi ratione dedisti, tam <sup>1227.</sup>  
 mundus ab utero tanquam ex lavacro  
 progressus. Huic puritati corporis & <sup>Sancte</sup>  
 animi conservandæ piissima Mater te <sup>educa-</sup>  
 instruxit adhuc penè infantem præsi- <sup>tur à</sup>  
 diis, quæ vel viro gravia viderentur: <sup>matre.</sup>  
 nam feria quaque sexta indixit jejuni-  
 um in pane & aqua, ac cilicio tenerum  
 corpus strinxit, quem utrumque rigo-  
 re cum ætate semper auxisti. Oxoni-  
 æ studiis liberalibus vacans celeritate  
 vivacis ingenii instructoribus summæ  
 eras admirationi. Sed ne mundi lu- <sup>Deipa-</sup>  
 brica vanitas te abriperet, singulari tu- <sup>re pa-</sup>  
 telæ innocentiam tuam Deiparenti <sup>tracinio</sup>  
 commisisti, fabricato gemino annulo, <sup>se tra-</sup>  
 quorum alterum Virginis Matris, al- <sup>dit.</sup>  
 terum tuo inseruisti digito, pro gem-  
 ma insculpta erant Angeli salutantis

Rr 3

verba:



*Et an-  
nulo se  
despon-  
sat.* verba: AVE MARIA. Æmulaba-  
tur hunc Matris Amorem Virginis Fi-  
lius, qui tibi ludentibus in campo so-  
dalibus obvius fronti suæ inscriptas  
horum verborum initiales literas.

*A Chri-  
sto re-  
mediū  
accipit  
contra  
mortem  
subitā.* *Jesus Nazarenus Rex Judæorum:* osten-  
dit, iussitque frequentius tuæ fronti  
inscribere, futurum tibi aliisque id fa-  
ctitantibus certissimum contra subi-  
tam mortem amuletum. Quantam  
verò de te curam Dilectus ille gesserit,  
in scholis expertus es, cùm interno im-  
petu è loco surgere es coactus, in quem  
decidens è pariete lapis te erat oppres-  
surus: quin & aliquando te alapâ ca-  
stigavit, ante obsequii Divini finem  
ex Ecclesia cum sociis egressurum.

*Mira  
illius  
afflicti-  
ones.* Crescebat in dies patiendi desiderium:  
unde in tormenta ingeniosus cilicium  
pro xenio à Matre mitti solitum exa-  
sperabas nodis, ac funibus, quibus vix  
ipsi olim tyranni athletas Christianos  
afflixisse leguntur: atq; in his te tortu-  
ris ultima vitæ hora deprehendit. Pa-  
risiis inde altiores facultates tam felici  
dexteritate complexus es: ut licet relu-  
ctans, Pileo Doctoris fueris donatus.

*Doctri-  
na cœ-  
lestis.* E cathedra linguæ tuæ instrumento  
Divinum Pnevma loqui facile sibi per-  
suasere alumni, qui Columbam nescio  
quid cœlestis nectaris ori tuo inferre  
videbant.



videbant. Sed & linguas igneas à te dispergi demonstrare septem illi auditores, qui sub stellarum rutilantium specie in schola lucere, & altera die Cisterciensem Ordinem amplecti, à te cernebantur. Acumen felicis ingenii te ad jucundiorum eruditionem attraxerat; sed post fata de te sollicita parens, per visum ostendit, cœlum te melius in studiis cœlestibus, quam terrenis inventurum. Sacrum lecturus Codicem nunquam sinè piæ reverentiæ osculo aperiebas. Primam collegisti sanctimonix famam ex promovendâ proximorum salute, cum te de rostris audiret nemo, qui non vehementissimè accenderetur odio vitiorum, & melioris vitæ amore. Hinc evenit, ut Crucis Prædicationem (quod iis ætatibus summis viris sæpius erat concreditum) Gregorius IX. Pontifex tibi injungeret: quod munus crebra miracula à te patrata reddidere illustre. Horum occasione offerebant plerunque morbi desperatissimi, quos solo Crucis signo profligabas. Vacabat intereà Sedes Ecclesiæ Cantuariensis: è qua cum tres vitiosè assumptos Sedis Apostolicæ Authoritas rejecisset, paribus Regis, Cleri & Procerum votis tibi fuit oblata: sed verè invito, & nunquam

*Mater per visum ei studia severiora suadet.*

*Crucem prædicat, car, inter pluri- ma mi- racula.*



*A Sede  
Cantu-  
ariensi  
exula-  
re cogi-  
tur.*

*Monas-  
terium  
induit.*

*Mira-  
cula  
post obi-  
tum.*

Electiōni consensuro, nisi sub noxæ  
lethalis interminatione te Provincia-  
les Episcopi coëgissent. Verūm An-  
glia jam tum hæreticos furores spirare  
incipiens, nec ferens tuam in defen-  
dendo Jure Ecclesiastico libertatem,  
licet venerabilem ex quotidianis mi-  
raculis, exilio multavit, incruento  
scilicet martyrio debitam meritis tuis  
coronam contextura. Itaque commu-  
ni Cantuariensium Præsulū usus a-  
sylo, ad Cœnobium Pontigniacense  
confugisti. Hic invenisti campum vir-  
tuti tuæ aptissimum. Nam statim as-  
sumpto Cisterciensi habitu aliquot  
annis ibi tanto rigore emeritus  
jam miles vixisti, ut infirmis tyronibus  
te humilitas, exercitatissimis senibus  
pietatis fervor æquaret. Propinqua-  
bat denique jure succedens exilio cœ-  
lestis patria; ad quam transeundum  
esse, te gravis monebat infirmitas.  
Aëris ergo mutandi gratiā Solciacum  
profectus, tristibus de tuo discessu  
Pontigniacensibus promissisti, te die S.  
Edmundo festiva ad eos reversurum.  
Et promissis stetisti fideliter pompa  
funebri inter admirabilem miraculo-  
rum gloriam eo die Monasterio illa-  
tus. Hujus triumpho trophæa crexe-  
runt afflicti innumerabiles ad tumu-  
lum tuum



lum tuum supplices, sed tu maximum eras (& adhuc perduras) trophæum: utpote qui meritis tuis corpus totum conservas ab omni corruptione à qua vide tuor ab obitu tuo seculis illæsum, spiranti simile, vivens patratione quotidiana prodigiorum. *Quemadmodum in cura corporaliū morborum; ita in petendis sanctorum suffragiis plurimum efficit fiducia in sospitatorem. Ecce! erecto in maximam spem animo coram te supplex procumbo: nihil à te peto, nisi quo salus animæ meæ promoveatur: id & me longè meliùs nōsti, & faciliùs quam ego à Deo impetrabis.*

B. MARTINE: qui in Monasterio *Floruit* Vallis-Ecclesiarum susceptione habi-*anno* tū Cisterciensis quoddam quasi classi-*1539.* cum cecinisti, quo inferni furias in te concitabas. Primo impetu emisit illa vomica larvas, nunc terrorem nunc illecebras oculis tuis repræsentantes. *A dæmone* His fortiter repulsis, truculentior ho-*ceditur* stis jam non animum sed corpus invadens, te tamdiu flagris cecidit, donec *ad mortem.* fatali morbo contracto exanime corpus doloribus succubuerit. In ipso tamen crudelis laniensæ epilogo præan præcinuit Gloriosissima Victrix antiqui serpentis M A R I A, quæ agoni tuo spectabilis & gratulabunda adfuit,

R r s                      & victo-



& victorem deduxit ad triumphum. Dubitari potest, an periculosior saluti nostræ hostis incumbat malignus dæmon, an quæ laet in sinu nostro infrenis concupiscentia. Tu in periculis pugnae utriusque mihi assiste, certius vincam, si non solus certabo.

S. BERNARDUS, ser. 5. de XL.

Hostem nostrum in sinu circumferimus. Ipsi, ut manifestum est, gestamus laqueum nostrum, ubique proprium circumferimus inimicum: carnem hanc loquor de peccato natam, in peccato nutritam, corruptam nimis ipsa origine, sed multo magis prava consuetudine vitiatam. Verumtamen in nobis est, si vinci nolumus: & nemo nostrum in hoc certamine dejicitur invitus.



17. Novembris. 15. Cal. Decemb.

Obijt  
anno  
1182.

B. GARIMUNDE: primùm Pontigniacensium, deinde exigentibus meritis electus Altisiodorensis Ecclesiæ Antistes. Sed posterioris promotionis gloriam turbavit æmulorum ambitio. Cum quibus ne disceptare cogereris Romam properasti, à Christi Vicari



sti Vicario facultatem cedendi petiturus. Litem tamen antè mors diremit, quæ in itinere illo priùs quàm Romam videres tibi pro temporali sede sedem cœlestem assignavit. *Quoties ita nobiscum ludit ille mortalium terror! dum numeramus futuros vitæ longioris annos, ille vix tot nobis relinquit momenta, ludimus tamen, & jocamur, quasi verò jocus sit immensa illa æternitas.*

B. EDMUNDE Monache Claræ. *Floruit*  
 vallis: qui cum vitæ tuæ ratione con- *anno*  
 ferens illud Servatoris monitum, ar- *1170.*  
 ctam esse ad cœlos viam, deprehendi-  
 sti, te inter Canonicos Regulares, la-  
 xius tunc degentes, haud parum à recta  
 via deflectere: aliam ergò in Clara-  
 valle quæsiisti. Sed maligni fraudibus  
 circumventus, damnato tam incle-  
 menti rigore, ad pristinam mollitudi-  
 nem redire decreveras, nisi clausis per  
 quietem oculis te toto cœlo aberrare *Confir-*  
 spectâsses. Videras in amplissimo illo *matur*  
 siderum teatro spatiosissimum simul *per vi-*  
 ac amænissimum occupare locum Ci- *sum in*  
 stercienses Monachos, è quorum me- *proposi-*  
 dio solis instar fulgebat BERNAR- *to.*  
 DUS: quibus cùm te avidè sociare  
 percuperes, gressum impediabant  
 compedes: sed statim soluti, postquam  
 constanter cum iis in cœnobio perfe-



verandi propositum renovâsti. Varijs  
hamis instructus est piscator ille nequissi-  
mus, quos plerumque obtegere solet com-  
moditatibus corporis, atque ita miserè se-  
ductos in socordiam ac ultimam pernici-  
em præcipitare. Tu me doce has illius fal-  
lacias pervigili diligentia vitare.

S. BERRARDUS, ser. I. in Pasch.

A Iuctu  
transi-  
tur ad  
gaudiū.  
Vos ergo, charissimi, ita in novitate vi-  
tae ambuletis, ut à seculari latitia &  
consolatione mundi per compunctio-  
nem & tristitiam, quæ secundum De-  
um est, ad devotionem sanctam, &  
spiritualem vos transire gaudeatis  
exultationem.



18. Novembris. 14. Cal. Decemb.

Floruit  
anno  
1150.

B. RICHARDE, monasterii Fonta-  
nensis Abbas in Anglia, nobilis  
propago nobilissimi Parentis BER-  
NARDI: cujus è disciplina prodiens,  
stylo, eloquentia, & prodigijs penè  
Magistrum æquavisti. Innumera intu-  
eor virtutum exempla in sanctissimo Pa-  
rente Bernardo: tu ejus studiosissimè amu-  
lator me excita, ut saltem unam ex ijs co-  
ner imitari.

B. ANIANE Converse Eberbacen-  
sis: qui



sis: qui cùm à DEO ob egregiam san-  
 ctimoniam potestate donatus esses pa-  
 trandi miracula, solóque Crucis signo  
 proscriberes ab infirmis languores; po-  
 puli accursum Regulari silentio & qui-  
 eti infestum cernens Abbas, sub Obe-  
 dientia tibi præcepit, ut nemini ultrà  
 manum imponas. Quod præceptum  
 tam æquo animo adimplevisti, ut po-  
 tiùs summopere tibi fueris gratulatus,  
 quòd humilitas in latebris securiùs  
 conservaretur. *Lydius lapis virtutum*  
*est humilitas, argenteam veritatem à*  
*plumbo hypocrisis discernens. Doce me*  
*huic Deo & hominibus gratissimæ virtuti*  
*sinceram operam dare, ut semper magis*  
*desiderem & gaudeam contemni, quàm*  
*laudari.*

Floruit  
 anno  
 1207.

Prohi-  
 betur  
 patrare  
 mira-  
 cula.

S. BERNARDUS, ser. 2. de Purific.

*Humilitatis virtus maxima, maxi-  
 méque necessaria est, ut honore prave-  
 niamus invicem: nec modò priores,  
 sed & ipsos juniores sibi quisq; præ-  
 ponat: qua nimirum humilitatis per-  
 fectio est, & iustitiæ plenitudo.*

Humi-  
 litas est  
 virtus  
 maxi-  
 ma.



R 17

19. No-





19. Novembris. 13. Cal. Decemb.

Floruit  
circa  
annum  
1300.

**B** JOANNES Abbas B. Mariæ de Salseda in Hispania: qui non solum dignitatem sed totam Cisterciensem familiam magnitudine virtutum ac eruditionis illustravisti, pro merito in coelis coronam, & apud posteros celebrem memoriam. *Erubescere cogimur nos Christiani ne dicam Religionis asseclæ, cum fortè in historijs priscis legimus, ad grandia facta incitatos fuisse antiquos heroes solo gloriæ terrenæ desiderio, nos verò jacemus desides, cum nobis pro labore modico promissa sit æterna felicitas.*

Floruit  
circa  
annum  
1256.

**B**. ELISABETH Montis Cornelii monialis: quæ consilio S. Julianæ relictis Beghinis, inter quas juventutem transegeras, Cisterciense Institutum amplexa, ad altum perfectionis gradum in tantæ virginis individuo consortio conscendisti: eo maximè felix, quòd omnium ejus ærumnarum & persecutionum particeps ingentium meritorum manipulos collegeris, & ipsa præsentem ex hac vita migraveris. Cùm enim loci Abbatica vidisset, quod Juliana tui in vivis amantissima nullas pro te ex Ordinis more preces funderet, duriùs ipsam increpuit: at

Beata



Beata modestè reposuit injuriam irrogari regnantibus in cœlo, si pro ipsis, tanquam ope mortalium indigentibus apud DEUM intercedatur. *Impetra mihi à Deo amorem veræ patientiæ: cumq; leves hujus vitæ miseriae malignus intolerabiles esse mihi persuadere voluerit, tu contrà æternæ gloriæ pondus oppone, quod utique dignum est emi modico dolore.*

S. BERNARDUS, s. i. in cap. jejun.

*Quidni caput suum membra sequantur? si bona suscepimus ab hoc capite, mala autem quare non sustineamus? An respuere tristia volumus, & communicare jucundis? si ita est, indignos nos capitis hujus participatione probamus.*

Cum Christo patientium, aut non regnandum.



20. Novembris. 12. Cal. Decemb.

S. BERTRANDE Grandis-Sylvæ Abbas: qui veluti rutilans Galliæ sidus, sanctimonix radiis longè lateque diffundebas. Quod manifestum fecit copiosissimus ille alumnorum numerus, ac Principum favor; quos intuiti amorem & venerationem virtutum splendore attraxisti. *Sim & ego hujus*

Floruit anno 1190.



## 400 ANNI CISTERCIENS.

*hujus lucis particeps, sint opera mea lucis non tenebrarum; sint talia, de quibus cum in lucem coram Judice Deo proferentur, non cogar erubescere.*

*Floruit* B. JOANNES, Prior Caroli-Loci, *sirca* magnanimo conservandæ disciplinæ *annum* zelo clare; quem etiam proprio sanguine testatum fecisti. Cùm enim grave quoddam crimen in Converso pro merito cortiperes, ille in medicum suum phrenetico furore insurgens, ferro, quod sub veste occultaverat, lætale vulnus tibi in ipso Capituli vestibulo infixit. Hoc corruens inter prima verba rogâsti accurrentes fratres, ut homicidæ parceretur. Quo obtento Psalmum trigessimum tibi prælegi iussisti, & inter illa verba: *In manus tuas, &c.* victricem animam emisisti ad coronam. *Ad hanc promerendam nemo queri potest occasionem deesse, modò non deesset animus. Sic enim nos instruit Christiana doctrina, animam perdere jubens, id est affligere & amarâ reddere hanc vitam, ut gloria æterna potiatur patientiâ temporalis.*

S. BERNARDUS, ser. in 8. Pasch.

*Martyrii generis varium* Memento & unicum & quotidianum esse Martyrium. Est enim martyrii genus quoddam effusio sanguinis in quoti-



in quotidiana corporis afflictione. Sic quippe infirmis, & pusillis corde necesse est, ut quem semel pro Christo ponere non sufficiunt, saltem mitiori quodam, sed diuturniori martyrio sanguinem fundant.



21 Novembris. II. Cal. Decemb.

**B**ANNA Abbatissa Agri-Clavium *Floruit circa an. num. 1260.*  
 in Germania: quæ mente ad æternas cœli delicias erecta, facile generis contempsisti splendorem. Et conversationem tuam fuisse in cœlis continuam, spiritus prodebat propheticus, quo te cœlitus esse donatam plurimi experiebantur. Innata est mortalibus ista curiositas de futuris eventibus, quam ego saluberrimè explebo, si diligenter inquiram de genere mea mortis. Facilis est questionis solutio: si enim piè vivam, quin piè sim moriturus, non conjectura est, sed infallibilis certitudo.

Beate **G**ELASI Oculénam, Abbas *Passi anno 1580.*  
 Boylensis in Anglia, genere nobilis, sed sanguine haud paulò nobilior, utpote quem pretiosissimo sanguini DEI Filii conjunxisti, dum ad publicum supplicium raptus, & cum socio Eugenio



Eugenio Omulkéram suspensus & in frustra concisus cum Christo compassus es, utique, quod tua infide constantia merita est, conregnaturus. *Qualem à nobis crucem quotidie tolli, ac portari Christus desideret, quærere simul & metuere ejus gravitatem infirmitas humana potest, cum pendentem in Cruce Deum suum cernit, sed hanc mihi levem reddere potest expositio, quam tradit*

S. BERNARDUS, s. I. in Paschate.

*Gemæ Crucis Christi* His quatuor virtutum gemmis quatuor cornua Crucis ornantur: est siquidem in eminenti Charitas, à dextris Obedientia, Patientia à sinistris, radix virtutum Humilitas in profundo. His ditavit trophæum Crucis consummatio Dominica Passionis.



22. Novembris. 10. Cal. Decemb.

*Passi hac die anno 1536.* BEATI Martyres Anglicani, jam Angelicis sociati choris, RICHARDE Abbas Glastemburiensis, JOANNES Torne, & ROGERI James, hac die ab impio Rege Henrico VIII. ad laqueum damnati, indéque membratim discerpti. Erravisti, vesana hæresis: auxisti coronas, dum plures in partes dila-



tes dilaceras non tam humana quàm Christi membra: totidem fecta tulere victores, quoties divisi de te, bestia, triumpharunt. *Sed nec ego, nisi victor, ad vestram audebo gloriam aspirare; nec etiam vincam, nisi vestro adjutus auxilio: hoc à vobis & peto supplex, & expecto spe plenus in extremo certamine.*

B. GREGORI, Obacinæ Abbas: *Floruit*  
 qui majorem temporis partem tibi ad *circa*  
 contemplationem rerum cœlestium *annum*  
 seponere solebas. In qua aliquando *1221.*  
 defixus duos soles vidisti in cœnobi-  
 um tuum dilabi, quorum splendor to-  
 tam circum circa viciniam illustrabat. *Reve-*  
 De hujus autem ostenti significatione *latio*  
 ambiguus cùm in Claustum oraturus *celebris*  
 descenderes, in duos Divi Dominici *de Ord.*  
 alumnos incidisti: quibus non sinè *Prædi-*  
 summa consolatione retulisti, quo *catorum.*  
 gratiæ loco apud DEUM sit illud no-  
 viter orbi exoriens Institutum, tibi  
 tam illustri visione ostensum. *Ea est*  
*intellectus humani natura, ut à perpetuo*  
*cogitationum motu nunquam quiescat.*  
*Sed felix est, qui instar primi mobilis men-*  
*tem occupat rebus cœlestibus: miser, qui*  
*vanas, inutiles, ne dicam sordidas quis-*  
*quillas in sua memoria circumfert. Illæ*  
*mentem instar sapidissimi cibi impingunt*  
*& nutriunt, hæ omni decore spoliant.*

S. BER-



S. BERNARDUS, *Ser. de S. Bened.*

Res spirituales ci-  
bus sūt anima.  
Cibat nos pane vite & intellectus, &  
potat aqua sapientia salutaris. Est  
enim intellectus rerum spiritualium  
& invisibilium verus anime panis,  
confirmans cor nostrum & ad omne  
opus bonum corroborans in omni ex-  
ercitatione spirituali.



23. Novembris. 9. Cal. Decemb.

Obijt  
anno  
1222.  
Scriptis  
elarus.  
& re-  
velasi-  
onibus.

B. GUILIELME, Episcopo Alti-  
siodorensis primū, dein Parisien-  
sis, utrobique magnus virtute & cru-  
ditione: quam præter alia opera pro-  
dit Theologiæ Summa à te doctissime  
juxtà ac subtilissime conscripta: sed  
tum denique eras maximus, quando  
spretis honorum ornamentis ultimos  
vitæ annos Monachus Pontigniacen-  
sis transegisti. Ibi animo semper inter  
cœlestia commorante plurima cog-  
novisti arcana: præsertim eorum pæ-  
nas vel præmia in orbe altero, quos  
monitis tuis habebas vel contempto-  
res vel obsequentes. Admittam & ego  
hanc considerationem frequen-  
tius de fu-  
tura alterius vite mercede. Serio ibi agi-  
tur, ubi in utramque partem pondus ad-  
dit im-



*dit immensa illa & infinita eternitas.*

B. A D A M, Abbas Ebracensis, con-  
 sortio dulcissimo BERNARDI felix  
 jam in tyrocinio Cisterciensi. Ali-  
 quamdiu inde moratus es Fusniaci,  
 morum modestia & monastica obser-  
 vantia omnibus venerabilis. Stabilem  
 porrò sedem in Morimundo fixisti.  
 At cum Arnoldus Abbas sanctimoni-  
 am tuam sat altis radicibus animo in-  
 hærentem cerneret, adeoque parem  
 singulari certamini, solitudinem sua-  
 sit: è quâ tamen te Mellifluus Parens  
 per literas revocavit, non ignarus, u-  
 tiliori te labori à DEO destinatum.  
 Statim enim te ad clavum vocavit  
 Monasterium Ebracense, summo tam  
 spiritualis quam temporalis regiminis  
 emolumento. Venerata quoque fuit  
 S. Hildegardis virtutum tuarum insig-  
 nia, à qua pluribus epistolis es hono-  
 ratus. Laudo & ego venerorque promp-  
 tam tuam ubique obedientiam: quam u-  
 tinam & ego simplici corde imitarer, cum  
 hæc sit & facillima & securissima ad cœ-  
 lum via.

Floruit  
 anno  
 1140.

Ejus  
 prom-  
 ptæ obe-  
 dientia

Solitudo

promo-  
 tio.

S. BERNARDUS, ser. 2. de Asc. D.

Perseverate, dilectissimi, in disciplina,  
 quam suscepistis, ut per humilitatem  
 ascendatis: quia hæc est via, non est a-  
 lia præ-

Humi-  
 litas u-  
 uica ad  
 cœlum  
 via.



*lia præter ipsam. Qui aliter vadit,  
cadit potius quàm ascendit; quia sola  
est humilitas, quæ exaltat, sola, quæ  
ducit ad vitam.*



24. Novembris. 8. Cal. Decemb.

*Floruit  
anno  
1500.*

*Amori  
Dei  
jungit  
amorē  
Mariæ.*

**B** ANTONIA, Monasterii S. Bene-  
dicti de Castris DEO sacrata Vir-  
go: quæ stemmatis nobilitatem sancti-  
monia sublimitate longè superasti.  
Ardebat animus tuus continua flam-  
ma divini amoris: cui rectè adjunxisti  
amorem in divinam Puerperam: qui  
quàm in te fervens, ipsi verò gratus fu-  
erit, experta es hoc exilium relicturas:  
in fatali enim hora illam vidisti Judi-  
ci Filio pro te supplicem, manúmque  
porrigentem, quâ in sponsi divini  
thalamum te lætabundam induxit.  
*Non sinè dolore senio, me visco quodam  
proprij amoris implicitum: tu hoc vene-  
rum à me expelle, & cor meum gemino il-  
lo sanctissimo amore occupa.*

*Floruit  
anno  
1224.*

**B. NICOLAE** Monache in Bra-  
bantia: qui tam benigno commiserati-  
onis affectu in egenos ferebaris, ut  
omnem laborem, quantum permitte-  
bat obedientia, iis sublevandis impen-  
deres. Quem amorem ut in te auge-  
ret, ac



XXIV. NOVEMBRIS. 407

ret ac simul consolaretur DEUS, sub  
 forma pauperis puelli & in nives ab-  
 jecti, tibi iter facienti se obtulit. Quem *Christi*  
 cum ineffabili pietatis sensu in ulnas *sub for-*  
 acceptum foveres, atque ad vicinum *ma ege-*  
 hospitium contenderes, se oculis tuis, *ni susci-*  
 at non animo subduxit: nam tam ve- *pit.*  
 hemens dilectionis incendium post se  
 reliquit, ut unum hoc in te desiderium  
 viveret, dissolvi, & esse cum Christo.  
 Ad cujus æternos amplexus post tole-  
 ratos aliquot annorum dolores feli-  
 citer es admissus. *Est vique dulce in-*  
*cendium cordis, quod ardet amore Divino.*  
*Quam dulcedinem & ego procul dubio*  
*sensirem, si hujus mundi amor, tanquam*  
*frigidissima nix, quodam desidiæ gelu non*  
*cor meum constringeret.*

S. BERNARDUS, c. 3. de dil. Deo.

*Fidelis anima & suspirat præsentiam* *Amo-*  
*Dei inhiante, & in ejus memoria re-* *ris di-*  
*quiescit suaviter: & donec idonea sit* *vini*  
*revelata facie speculari gloriam* *indo-*  
*Dei, crucis ignominia gloriatur.* *les.*



25. Novembris. 7. Cal. Decemb.

B CONRADE, Heisterbacensis fl. añ.  
 Monache: qui centum vitæ tuæ 1221.  
 annos



100. annorum  
miles.

annos in duas, easque diversissimas rationes distinguens, primos 50. militiæ profanæ, reliquos religiosæ assignasti: illis quidem non impiè transactis, his autem in admirabili fervore: quo tyrones tyro, & deinceps ætate compares longò post te intervallo reliquisti. Pro tot laboribus stipendium jam certa spe occupasti, paulo antè quàm stadium vitæ absolveris: dum Lamberto ejusdem coenobii monacho ostensa fuit gloria tibi in cœlis præparata. *Nota est & mihi ex fidei dogmatis divinisque promissis gloriæ illius cœlestis inscrutabilis magnitudo, quam scilicet nec oculus vidit, nec auris audivit. Hinc meritò damno cecitatem meam, quâ tantam felicitatem non pro dignitate aestimo ac desidero.*

Obijt  
anno  
1346.

B. GUILIELME, S. R. E. Cardinalis, titulo S. Stephani in Monte Cælio: ad quem honoris apicem non minùs reluctans promotus es, quàm antè ex solitudinis Bolbonensis quiete productus eras ad Episcopatum Arclatensem. Muneri tamen amplissimo generosum animum tuum non defuisse ad Ecclesiæ & S. Ordinis ornamentum, inter reliqua monumenta testatur Collegium S. BERNARDI Parisiis, quod ædificiis & proventibus liberabiter auxisti. *Apostolico munere à Christi*



Christi Vicario donatus, egregijs operibus ostendisti, sub quo duce militares. Tu fac ut & ego sequar Christum humilem, ut & exaltatum sequi merear.

S. BERNARDUS, s. 2. de Ascens. D.

Beatus, qui ubique te ducem habet Domine Jesu, non illum transfugam spiritum, qui statim ascendere voluit, & tota divinitatis dextera percussus est. Nos autem populus tuus & oves pascuæ tuæ sequamur te per te ad te: quia tu es via, veritas & vita: via exemplo, veritas in promisso, vita in premio.

Qui sequitur Christum beatus.



26. Novembris. 6. Cal. Decemb.

B. WALTERE, Prior Alnensis: qui Obijt tuis partim precibus, partim melli-  
 fluxæ BERNARDI suadæ debes do-  
 num vocationis ad S. Ordinem Cister-  
 ciensem. Leodii enim Canonicis ad-  
 scriptus, cum illo Legati Apostolici  
 munus obeunte in Ecclesia Cathedrali  
 inter lacrymas & preces DEO salutem  
 animæ tuæ anxie commendares, vo-  
 cem audivisti, quæ foras ire jubebat,  
 & quid facto sit opus audire. Egressus  
 incidisti

anno  
1200.  
Loque-  
la S.  
Bern.  
ad Cla-  
ram-  
vallem  
citur.

SS

incidisti



410 ANNI CISTERCIENS.

*Miracula  
patrat.*

*Mori  
desiderat.*

incidisti in suavissimum Ecclesiasten, cujus verbis cor tuum ferientibus, illico eundem secutus es ad Claramvallem. Ex qua postmodum ad Alnense Monasterium migrare jussus, Prioris officio non solum in pietate perquam celebri, sed inter plura miracula functus es: precibus impetrata sospitate animi (quod genus curationis difficilimum est) pluribus, qui tuam opem imploraverunt. Senile denique corpus occupante frigore inflammabantur interiora divini amoris ignibus: unde semper natabat in supremis labiis illud Psalmographi suspirium: *Quando veniam, & apparebo ante faciem Domini?* Nec surdum fuit ad has voces cœlum, quod paucis ante obitum diebus hunc reddidit echonem: *Regem in decore suo videbunt oculi tui: Stellam quoque misit, quæ te spiritum emittente, supra ædes lucere visa fuit. Fac, ut ego hunc psalmi versiculum ex æternæ patriæ desiderio frequenter revolvam: nunc seria penitentia tollam eas causas, propter quas erubescere debeo, cum apparere cogar ante faciem Domini.*

Beati Martyres insignium militiarum Cisterciensium de Calatrava, Alcantára, Avisio, Christo, & Montefia: qui soli DEO labores vestros consecraturi;



eraturi, vitam, sanguinem, fortunas pro convertendis, aut ex Hispaniæ regno ejiciendis Barbaris hilari fortiq; animo impendistis; vestros hodierna die triumphos Cisterciensis familia solenniter celebrat. Vos verò jam de felicitate securi nobis robur animi vestri supeditate, dum adhuc stamus in prælio contra illos hostes, quos vos quoque præter Saracenos vicistis.

S. BERNARDUS, s. r. in 8. Pasch.

Certum triumphati mundi testimonium est, si corpus castiges, & subjicias servituti, ne perniciosam libertate serviat voluptati; si fletui magis oculos præbeas, quàm petulantia vel curiositati.

Signa triumphati de mundo.



27. Novembris. 5. Cal. Decembr.

B. GAUFRIDE, ex Priore Claræ-vallensi Abbas Clarimarisci, ad utrumque dignitatis gradum suffragio, quo sanctius optare non poterat, BERNARDI promote. Adduxerat ille te ex Flandria unà cum alia cohorte juvenum generis claritate insignium: quo numero non tam Clarævallis alumnos quàm cives cœlestes auxit;

Obijt anno 1148.



utpote quos effecerat sui similes vitæ innocentia & religionis fervore. *Et ego quoque augere felicissimum illum numerum desidero: quod nempe fiet, si vestro quoque fervore accensus, virtutes vestras imitatus fuero.*

Floruit  
anno  
1110.

B. F A S T R A D E, Abbas Villarii, qui licet regendi artem sub disciplina sanctissima BERNARDI in Clara-valle, ac duobus in Villario prædecessoribus egregiè didiceris; præesse tamen non ultra biennium sustinuit: sed, quod totius vitæ decursu tibi unico fuerat solatio, sub obedientiæ scuto ictam fatalem mortis expectavisti. *Doce me verè agnoscere pretium obedientiæ & illius custodiæ tanquam firmissimo munimento, animæ meæ salutem committere. Excitet me ad ejus amorem vel unicum hoc solatium, quod mortem reddat non formidabilem.*

S. BERNARDUS, ser. 3. in Pasch.

Propria  
volun-  
tas De-  
um pe-  
rimit.

*Et ipsum (quantum in ipsa est) Deum perimit voluntas propria. Omnino enim vellet, Deum peccata sua aut vindicare non posse, aut nolle, aut nescire: vult ergo non esse Deum, quæ, quantum in ipsa est, vult eum aut impotentem, aut injustum esse, aut insipientem. Hæc*



*tem. Hæc est crudelis bestia, fera pessima, rapacissima lupa, & leana savissima.*



28. Novembris. 4. Cal. Decembr.

B. GUILLIELME, totius Ordinis Cisterciensis Caput ac Superior Generalis XIII. qui in quoddam rudimentum suscipiendi universalis regiminis Savigniacum per aliquot annos gubernavisti. Sed posteriores curas absolvisti compendio, brevitate temporis per negotiorum numerum & utilitatem compensans. Quærum immortalæ memoriæ sacer Ordo Cisterciensis deprædicat, te promotore primus, (si fides historiis) qui honorifico Exemptionis omnimodæ privilegio à Sede Apostolica donatus est. *Una est exemptio, quam per te mihi impetrari à Summo Pontifice Christo anxie rogo, nimirum à reatu peccatorum meorum: à quo si me eximere dignetur Dei clementia, verè & ego de exemptionis gratioso titulo æternùm gloriabor.*

Obijt  
anno  
1186.

Exemptionis  
promotor.

Beati quindecim Monachi Luken- ses: quorum merita Christus B. Rudolpho in læta simul & tragica scena manifestavit; dum oranti post nocturnas

Circa  
annum  
1190.



*Christi  
crux est  
vitare-  
ligiosa.*

vigilias vos omnes secum singulis crucibus affixos ostendit: adjecitque: vos rigidam disciplinæ regularis observantiam veros esse Crucis suæ bajulos, ideoque futuros sui regni coheredes. Licet *Aeterna Veritas* non pronuntiasset, *Jugum Crucis* sive esse; ex hoc tamen clarissimum foret, quod eos, qui illud spontaneis humeris suscipiunt, sapius in hac vita, & aeternum in altera consoletur.

S. BERNARDUS, s. 3. de dil. Deo.

*Cum  
Christo  
nolle  
pati e-  
rubescit  
anima fi-  
delis.*

Planè fideles norunt, quàm omnino necessarium habeant Jesum, & hunc Crucifixum: dum admirantes & amplexantes supereminens scientiæ charitatem in ipso, id vel tantillum, quod sunt, in tantæ dilectionis & dignationis vicem non rependere confunduntur.



29. Novembris. 3. Cal. Decemb.

*Obijt  
anno  
1197.*

B. GUILIELME, Abbas Villariensis, verè Pater, sive charitatem in domesticos, sive in paupertate oppressos extra cenobium considerem: utriusque enim tam liberalem porrexisti manum; ut vacuum aliàs ea tempestate penarium cœlitus redundasse, nemini non fuerit manifestum. Hæc nimirum  
*fiducia.*



*fiducia in Deum veræ est merces certissima. Quamvis enim non semper per prodigia Benignissima illa Bonitas suam circa nos curam declaret, nunquam tamen, ut canit Vates, deserit sperantes in se.*

B: R O B E R T E, Melliflui Parentis <sup>Obijt</sup>  
 B E R N A R D I consobrine, sed & non <sup>anno</sup>  
 absque dolore ejusdem bis genite filii. <sup>1190.</sup>  
 Primus circa te illius labor fuit, cum  
 te inter cæteros triginta tyrones Ci-  
 stercium deduxit. Admissionem ta-  
 men in annum differente S. Stephano,  
 primi propositi tenax emissis solenni-  
 ter votis cum eodem Claramvallem  
 petiisti. Ubi tam diu te ad severa licet <sup>Seduci-</sup>  
 iussa habuit obsequentem, donec te <sup>tur in</sup>  
 neræ ætatis tuæ malè misertus Clunia- <sup>mona-</sup>  
 census Prior ad mitiores sui coenobii <sup>sterium</sup>  
 leges te allexit simul, & absente S. Ab- <sup>Clunia-</sup>  
 bate abduxit. Datus est fugæ specio- <sup>cese.</sup>  
 sus color, quod infans Cluniaco fueris  
 Oblatus. Sed hunc B E R N A R D U S  
 unius epistolæ spongia ita excussit, ut  
 seductoribus ruborem, tibi veræ pæni-  
 tentiæ lacrymas expresserit. Hæc est <sup>Revo-</sup>  
 illa epistola toto celebris orbe, quam <sup>catur</sup>  
 Guilielmus, tunc sancto Patri à Secre- <sup>à Ber-</sup>  
 tis, in medio imbris scripsit intactam. <sup>nardo.</sup>  
 Itaque ad Claramvallem reversus ade-  
 ò te S. Parenti post hunc secundum  
 partum probasti, ut brevi post tempo-  
 re tibi



## 416 ANNI CISTERCIENS.

re tibi Abbatialem Domus-Dei curam commiserit: quam per annos quinquaginta cum celebri sanctimonie fama administravisti. *In finitis instructus est fraudibus hostis nostre salutis, quibus nostram in bono constantiam labefactet, & in vitiorum consuetudinem inducat. Tu me gemina virtute premuni: prudentia, ut ejus tela agnoscam, fortitudine, ut animose repellam.*

S. BERNARDUS, ser. I. de Adv.

Perseverare in malo, diabolicum est.

*Perseverare in malo, diabolicum est, & digni sunt perire cum illo, quicunque in similitudine ejus permanent in peccato.*



30. Novembris. Pridie Cal. Decembr.

Obijt  
anno  
1299.

B. RUFINE, Archicœnobii Cisterciensis Abbas, & S. Ordinis Generalis XXIX. Experta est prius felix tuo regimine Filia Firmitas, quam bene clavum Maternum sis moderaturus: hunc autem præter alia virtutum decora mansuetudine ac prudentia exornasti. *Has tu modò virtutes in me transfunde: utraque enim necessaria est, externam & internam pacem conservare volenti.*

B. BER-



B. BERNARDE, Converse Clavallis. Habuit clarissima illa BERNARDI schola variarum virtutum magistros; in te relucebat juncta charitati humilitas: id testabar, cum injustè accusatus ardentissimas pro delatore preces fundere soleres. Nec defuere hujus pietatis æmulatores, qui hanc vindictæ mirabilis artem imitabantur. Felicius hoc stratagema successit, dum in itinere in latrones incidens, etiam vestibus spoliatus, sinè ulla significatione doloris in genua procumbens pro prædonibus DEUM, ut iis hanc condonet injuriam, precabar. Illi autem re tam insolita in stuporem rapti, non solùm ablata restituerunt, sed etiam sui ipsorum dedicationem, pro quodam spoliatorum auctario, fecerunt; illico juratis verbis scelera sua detestantes, ac deinceps victuri ad leges, quas sibi à te præscribi supplices rogabant. Sed & parata huic tuæ charitati in cœlo præmia quidam in longè dissito cœnobio moriturus prævidit: qui cum plures horas in extasi jacuisset, tandem sibi restitutus, quid viderit in illo sopore, circumstantibus enarravit. Ductum se, agebat, in locum omni gloria & deliciis redundantem, & tunc à cœlestibus ephebis

*Floruit  
anno  
1125.*

*Orae  
pro suis  
delatoribus,*

*& spoliatoribus:*

*quos  
ad meliorem  
vitam  
convertit.*


*Cœlestis  
gloria  
illius  
revelatur.*



recentibus aulæis exornatum. Se verò hujus ornatûs causam ex ductore suo quærentem, audivisse; hac hora in cœlo expectari animam è Claravalle advolaturam cujusdam humilis & mansueti Conversi, ideóque majori apparatu à cœlitibus excipiendam. *Versor & ego inter latrones, qui ex infernali latibulo prodeunt nihil aliud querunt, quàm ut me suis suggestionibus veste supernæ gratiæ despolient. Tu indue me illa charitatis & humilitatis lorica, quæ te-ctus victor toties evasisti.*

S. BERNARDUS, s. 2. in cap. jejun. *Scindamus corda nostra dilectissimi, quatenus intacta proinde vestimenta servemus. Vestes enim nostræ virtutes sunt. Bona vestis charitas, bona vestis obedientia, Beatus qui custodit vestimenta hæc, ut non ambulet nudus.*

Vestis  
animæ  
sunt  
virtu-  
tes.







ANNI  
CISTERCIENSIS  
DECEMBER.

I. Decembris. Calenda.



HUGO, S. R. E. Car-*Promo-*  
dinalis Episcopo Osti-*tus añ.*  
ensis. Romam te ra-*1150.*  
puit Eugenius III. præ-  
teras enim Monasterio  
Trium Fontium in Ca-  
talaunia. Quam promotionem licet  
Pontifici ac S. Ordini gratuletur per e-  
pistolam BERNARDUS, absentiam  
tamen tuam gravissimè se ferre fate-  
tur, utpote quem amaverit non mi-  
nùs seipso, & cujus prudentia in con-  
siliis sibi tot inter curas fuerit pernecef-  
saria. Perseveravit utriusque amor,  
dum operâ tuâ alter Romæ, alter è  
Claravalle in summorum commen-  
datione negotiorum usus est. *Gravissi-*

SS6

*mum præ*



## 420 ANNI CISTERCIENS.

*num præ manibus meis versatur negotium coram cælesti curia pertractandum, cum nempe de vita mea rationem reddere cogar Deo Judici. Te in advocatum imploro, ne causa cadam, à qua pendet æternitas.*

Obijt  
anno  
1592.

Corpus  
manet  
incor-  
ruptum.

B. MARCE de Villalba, S. Congregationis Hispanicæ Generalis emerite: qui ob eminentem eruditionem ac pietatem Philippo II. Regi Catholico eras in deliciis. Is nete post absolutum triennii regimen in gradu inferiori, juxta Congregationis leges aspiiceret, nec tamen iis vellet derogatum, ad Fiteriensem Abbatiam promovit, à legibus illis exemptam. Duplex posteritati nominis tui monumentum reliquisti, quorum primum est industriæ, qua Collegii Salmanticensis fundamenta jecisti, gloriosa doctrinæ famâ totum orbem impleturi: alterum sanctimonix, cujus indicium prodigiosum perdurat in corpore tuo, inter vivæ calcis cumulos sepultum, & hactenus nulla carie libatum. *Vermes illos ex putredine miseri corpusculi nascituros non timeo; tu fac, ut viva penitentiæ calce irrequietum conscientix vermem, ex peccatis meis genitum, extingquam. Tormentum est omni gangrena voracius: sed heu! miseri huius malo quoties nimis serò medemur!*

S. B. E. R.



S. BERNARDUS, f. 4. in die Palm. Vermis  
consci-  
entiae  
malum  
horri-  
bile.  
*O vermis conscientiae! qui quamdiu  
vivit, nunquam interiora cordis co-  
medere & depascere omittit: qui nun-  
quam vivere, & per hoc rodere desi-  
nit, nisi eum mucrone puritatis suae  
humilis confessio jugulaverit.*



## 2. Decembris. 4. Nonas.

B. ROBERTE: qui Monasterium de Floruit  
anno  
1185.  
 Mata-Plana primus regendum sus-  
cepisti; sed labore tam felici, ut sterilis  
antè & inhabitabilis terra tuo parens  
imperio in lætissimam fertilitatem ef-  
floruerit. Quo mirabili privilegio  
DEUS tuas etiam exuvias donavit:  
cùm enim vicini agricolæ vel tempe-  
statum vel locustarum injuriis vexan-  
tur, solenni supplicationis ritu per  
campos sub tui nominis invocatione  
procedunt, semper votorum compo-  
tes. Nullam terram tam siccam ac steri-  
lem esse credo, quàm sit cor meum: tu illud  
imbres devotionis riga, ne hanc miseriam  
meam ultra cogar deplorare.

B. ANSELME monache in Ger- Fl. circ.  
annum  
1200.  
 mania: qui licet animi corporisque  
puritatem, uti & alia divinæ gratiæ  
 dona,




dona, sub quadam caligine humilitatis servares occulta, ea tamen. DEUS pluribus signis in lucem produxit. Quorum illud quemadmodum frequentius, ita & illustrius fuit; quando aut Diaconus Evangelium, aut Sacerdos Sacrum cantabas, visa est candoris splendidi columba capiti tuo imminere. Ex his tamen cœli favoribus ad eum non superbiebas, ut te maximum peccatorem, & hominum consortio indignum judicares: unde passim te omnium precibus commendabas, maxime Henrici Conversi pietate eximii. Is cum pro te aliquando preces funderet, hanc vocem audivit: Tu pro Anselmo oras, is tamen talis est, ut magis pro te orare possit. *Etiā pro me ora, cum te posse jam certum sit: fac ut orationes meæ à Deo exaudiantur: amore peccatorum meorum obstacula, quæ sola nempe occludunt aures Divinas.*

S. BERNARDUS, s. in cœna Dom.

Pedes animæ sunt ejus affectus. *Qui totus est, non indiget nisi ut pedes lavet. Id est, qui gravia peccata non habet: cujus caput, id est, Intentio, & manus, id est operatio & conversatio munda est. Sed pedes sunt animæ affectiones, dum in hoc pulvere gradimur ex.*



mur ex toto mundi esse non possunt, quin aliquando vanitati, aliquando voluptati aut curiositati plus quàm oportet, cedat animus vel ad horam.



## 3. Decembris. 3. Nonas.

**S** GALGANE: qui post triginta an- *Obijt*  
 nos inter seculi vitia transactos ab *anno*  
 Archàngelo Michaële per quietem mo- *1181.*  
 nitus es, ut reliquum vitæ in eremo  
 perageres. Sed à Matre persuasus ad  
 nuptias, cùm ad visendam sponsam *A S.*  
 properares, equo progredi reuente, *Micha-*  
 à monitore tuo ad cacumen Sepii *ele in*  
 montis ductus es. Ibi crucem è ligno *eremiũ*  
 fabricaturus, à maligno tamen hoste *duci-*  
 impeditus, ensẽm petræ infixisti, quæ *tur.*  
 instar ceræ liquidam ferro se præbuit.  
 At Mater ut te reduceret, destinatam  
 sponsam tibi exhibuit: quæ tuo allo-  
 quio statim mutata in aliam, ex dote *Sponsæ*  
 Cisterciense monasterium construxit, *persua-*  
 suscepto ibidem Virginali velo. Irrita *det vir-*  
 hæc cecidisse tela dolens infernus, a *ginita-*  
 perta vi de statione te movere conaba- *ter.*  
 tur, objectis variæ formæ larvis, a te  
 tamen facilè explosis. Frequens inte-  
 reà fuit ad te populi accursus, post-  
 quam nempe cæci, surdi, aliisque mi-  
 seris



*Apostolorum  
Limina  
visitat.* feriis afflicti corporum & animorum  
 sospitatem accipiebant. A quorum o-  
 culis te quietis gratiâ aliquamdiu sub-  
 ducens, Apostolorum Limina petii-  
 sti; ubi ab Alexandro Pontifice huma-  
 niter susceptus, multisque muneribus  
 donatus es. Te autem in Urbe morante,  
*à præ-  
donib⁹  
spolia-  
tur.* prædones cellulâ tuâ quam ex arbo-  
 rum ramis construxeras succensâ, en-  
 sem in frustra comminuerunt. Sed  
 statim ultione divina horrendo mor-  
 tis genere consumpti. Quo cœlitus  
 cognito ad fumantes adhuc cineres re-  
 versus, enssem per tuas preces & loco  
 & integritati restituiti. Excivit hæc  
 prodigiorum fama vicinos, ut vix un-  
 quam diu noctûque te solum relin-  
 querent. Itaque instanter DEUM ro-  
 gâsti, ut tibi aut securum secretumque  
 latibulum monstraret, aut ad patriam  
 cœlestem ex his turbis evocaret. Quod  
*Mori-  
turus  
habitū  
Cisterc.  
induit.* ultimum non sinè prodigio annuit di-  
 vina Bonitas. Ad radicem enim mon-  
 tis fortuitò ex diversis itineribus Epil-  
 copi duo, tresque Abbates convene-  
 rant; qui mutua adhortatione decer-  
 nunt te in visere; inveniuntque ultimæ  
 horæ jam proximum, ac supplicem,  
 ut in cuculla Cisterciensi mori liceret.  
 Desiderium implevit Casæmarii Ab-  
 bas, qui injecta sua tibi veste, post e-  
 missa



missa ritu consueto vota, te Cisterciensibus, ac mox coelitibus junxit. Quidum corpus ad sepulturam componeret, tanta accolarum multitudo confluit, ut omnem penè numerum tam fidelis populus, quam prodigia ibidem patrata excefferint. Exstructa est in loco sepulchri parva ædes, quæ deinde in insigne Monasterium post tria lustra centum septuaginta Monachos, pluresque Conversos continens, excrevit. *Doce me Angelo meo, me ad pietatem & vitæ emendationem tam suaviter adhortanti, fideliter obsequi: & vicissim generoso animo insultus maligni spiritus contemnere, cujus tu licet serò seriò tamen egregium exemplum mihi præluxisti.*

*Prodigijs post mortem clarus,*

B. ALBERTE, Abbas Olivensis in Prussia, qui post diuturni regiminis sanctissimos labores multis à DEO lacrymis petiisti, ut in Villariensi Cœnobio, mortem oppetere tibi concederet: illud Propheticum identidem lingua & animo revolvens: *Moriatur anima mea morte justorum. Occasione igitur itineris, quo ad Comitata generalia properabas, Villarium delatus es: ubi post aliquot dierum morbum, votite & (quod placidissima obdormitio fecit indubium) cœli competentem DEUS fecit. Fac, ut & ego moriar mor-*

*Obijt*

*anno*

*1272.*

*Mortē*

*obtinet,*

*qualē*

*optat.*

*riar mor-*




*riar morte justorum: quod certò futurum est, si nunc vixero vitam justorum.*

S. BERNARDUS, *l. de SS. Pet. & Paul.*

Vivere  
debet  
sanctè,  
sanctè  
mori-  
turus.

*Studeamus, fratres, vivere vitâ justorum, sed morte illorum mori multo magis desideremus. Sapientia enim justorum novissima præfert, ibi nos judicans, ubi nos invenerit. Omnino necesse est, vitæ præsentis finem futuro cohæerere principio, nec tolerabilis dissimilitudo est.*



4. Decembris. Pridie Nonas.

Floruit  
anno  
1227.

**B**. CHRISTIANE, Lubaviæ Apo-  
stole: qui jussu Innocentii Pontifi-  
cis ad barbaros illos rudésque populos  
Evangelii disseminandi gratiâ profe-  
ctus, intrâ paucorum annorum spaci-  
um innumeros ad ovile Christi addu-  
xisti. Eiusdem deinde Sedis authorita-  
te thronum Episcopalem Culmensẽm  
primus erexisti. Cùm verò finitimæ  
gentes tibi tuisque grave bellum mi-  
narentur, Poloniæ Regem, aliósque  
Principes ad societatem armorum in-  
citâsti: quorum ope, & miraculorum  
splendore totam illam provinciam à  
superstitionis errore immunem reddi-  
disti.



disti. *Converte cor meum in terram optimam, ut recipiens Verbi Divini semina, fructum plurimum afferat in patientia.*

B. JOANNA, Conversa Bellopra-  
 tensis: quam dum parentes genere no-  
 biles Abbatissæ traderent, sedulò pa-  
 eti sunt, ne ad munia unquam adhibe-  
 aris, quæ stemmati possent esse dede-  
 cori. Tu verò Christo potius quàm il-  
 lis placitura, votis solenniter emissis  
 non alibi majores delicias invenisti,  
 quàm in functionibus abjectissimis.  
 Hujus tuæ demissionis præmium sanè  
 nobilissimum cuidam piæ virginis o-  
 stendisti, post obitum gloriosè illi ap-  
 parens, gestansque in digito annulum,  
 cujus rutilantem gemmam afferebas  
 datam tibi in specialem humilitatis tu-  
 æ gloriam. *Mirandumne magis an mi-  
 serandum est cor humanum, quod post  
 Christi & Sanctorum exempla innumera  
 superbiam dediscere, & amare humilita-  
 tem nescit: cum hæc sit via ad vitam, alte-  
 ra ad mortem, utrobique æternam?*

*Humi-  
litatis  
mirè  
studio-  
sa.*

S. BERNARDUS, s. I. de Circumc. D.

*Qui peccatum non fecit, non dedigna-  
 tus est se peccatorem reputari: nos &  
 esse volumus, & nolumus aestimari. I-  
 tane sano opus est medicina, & non  
 potius malè habentibus?*

*Chri-  
stus ex-  
emplū  
humili-  
tatis.*

5. Dec.





5. Decembris. Nonis.

Floruit  
anno  
1213. B. GODEFRIDE, Episcopo Sylva-  
nectensis: qui tiaram Pontificiam,  
per annos triginta gloriosè gestatam,  
ne mortis spoliū fieret, spontè sepo-  
suisti, securior coram DEO Judice  
compariturus in humili veste mona-  
chi, quam in Monasterio Caroli-Loci  
assumptam, magnis virtutibus deco-  
rasti. *Vetus paræmia est: Mores, non ve-  
stes probare virum. Fac ergo tu, ut perso-  
nam, quam me agere vestis ostendit, non  
fictè, sed verè & serio agam: judicandus  
nempe olim non ex vestibus, sed factis.*

Obijt  
anno  
1244. B. JOANNA, Flandriæ Comitiss-  
sa, regendi artibus, ut quibus sola pie-  
tas pro lege erat, instructissima. Exi-  
mium ejus monimentum est Marche-  
tense Cœnobium: cujus ædificiis à tua  
liberalitate erectis adjunxisti peculiare  
pro te domicilium, ad quod sepositis  
subinde terræ negotiis soli tibi ac DEO  
vacatura te reciperes. Mortem deniq;  
vicinam præfentiens suscepto sacro  
habitu ibidem piissimam vitam pari  
obitu clausisti. *Quonam pacto de pretio-  
sissimo tempore Judici Deo rationem reddi-  
turus sum, qui tot horas ab ipso mihi ad  
pietatis exercitia donatas negligo, te verò  
considero*



considero inter amplissimas regiminis curas tam sedulam de aeterna salute? Doce me saltem saepius, si non semper tuam hanc sollicitudinem imitari.

S. BERNARDUS, s. 2. de SS. Pet. & c.

Hæc nempe spiritualis est exercitiij <sup>Vitz</sup>  
 summa, hæc forma gratia spiritualis; <sup>spiri-</sup>  
 ut sapienter disponamus presentia no- <sup>tualis</sup>  
 stra; recogitemus in amaritudine ani- <sup>officia.</sup>  
 ma præterita; futura quoque sollicitè  
 provideamus.



6. Decembris. 8. Idus.

B EDMUNDE, monache Pontini- <sup>Floruit</sup>  
 acensis; qui coronatam laurea Do- <sup>circa</sup>  
 ctoralis eruditionem Augustissimæ <sup>annum</sup>  
 Coelitim Reginae tandem unicè con- <sup>1221.</sup>  
 secrasti, ejus laudes per omnia faculta-  
 tum genera extollens, maximè orati-  
 one ligata, reportatâ sanè digniore in  
 coelis corona, quàm suis olim Poëtis  
 Pallas imposuit. Utinam & mea lingua  
 satis diserta foret ad canendas sacratissi-  
 mæ virginis laudes! Tu illam non fletibus  
 Parnassi, sed castissimis devotionis fonti-  
 bus imbue.

B. NICOLAE, Monasterii Val- <sup>Floruit</sup>  
 cellensis Abbas: maximarum virtu- <sup>circa</sup>  
 tum splen-



## 430 ANNI CISTERCIENS.

annuum  
1149.

tum splendore illustris, quem melliflua loquelæ suavitas singulariter ornabat, ad apicem verò perfectionis provexit invicta in doloribus tolerantia: quibus denique unâ cum ætate oppressus, honoris onus in humeros fortiores collocâsti, in solitaria pietate diem extremum expectans. Clariore è tumulto meritorum radii per multa prodigia eluxere: quorum intuitu Concilium Lateranense exuvias tuas ad excitandam populi devotionem honoratiori mausolæo honestari iussit. *Eleva & me in terra jacentem, & oppressum longo socordia veterno excita, ne sic stertentem mortis somnus occupet.*  
S. BERNARDUS, ser. 5. de Ascens.


Tepor  
provo-  
cat Deo  
vomi-  
tum

*Exurgamus, obsecro, resarciamus animas, spiritum recolligamus, abjicientes pernitiosam tepiditatem; etsi non quia periculosa est, & Deo solet etiam vomitum provocare; certè quia molestissima, plena miseria & doloris, & inferno proxima, umbra mortis jure censetur.*



7. Decem-





7. Decembris. 7. Idus.

**B** GERARDE, Farfensis monasterii *Floruit*  
 in Tuscia sub Instituto Benedicti- *circa*  
 no monache: qui Mellifluum *BER-* *a num*  
 NARDUM unà cum Abbate tuo in- *1156.*  
 visens, totus in amorem Clarævallis  
 primo illo congressu inaristi. Relin-  
 quendi tamen propriam domum po-  
 testas tibi non est antè ab Abbate con-  
 cessa, nisi ultimâ vitæ suæ horâ. Itaq;  
 ad locum desideratum festinans, cum *Mirus*  
 summo gaudio à dulcissimo Patre sus- *in sene*  
 ceptus es: at nemine non admirante *fervor.*  
 incredibilem in ætate tam provecta  
 fervorem. Licet enim S. Regulæ au-  
 thoritas senium à communi rigore in  
 multis eximat, tu juvenes prægressus  
 non gravari annorum pondere, sed re- *Dono*  
 levari videbaris. Inter plurimas virtu- *lacry-*  
 tes tuas eminebat præcipuè donum la- *marum*  
 crymarum, quarum integros penè ri- *insignis*  
 vos sub oratione & sancta Oblatione  
 emittebas. Nec deerant stygii hostis  
 crebræ infestationes: quas tamen, ve-  
 lut veteranus miles levi manu elusisti.  
 Vocandus tandem ad meritam in coe-  
 lo coronam, cùm lectulo decumbens  
 lumen ad legendum optares, absente  
 ministro, id coelum dedit. Huic aliud  
 multò



## 432 ANNI CISTERCIENS.

Mori-  
enti S.  
Bern.  
appa-  
ret.

multò jucundius successit: è cujus me-  
dio fulgentes radios evibrabat dile-  
ctus tuus BERNARDUS: qui te a-  
mantissimo alloquio ad patriam invi-  
tans, his verbis dicendi finem fecit:  
Hæc est domus, quam ædificavi, DE-  
US benedicat illam in æternum. Ora  
meo, *tanquam miserrimè peccatoris nomi-  
ne, Dulcissimum Patrem, ut & mihi bene-  
dictionem impertiatur, quâ cor meum a-  
more divino accendatur: atque ita vehe-  
menter ardeat, ut moriturus illius etiam  
tunc benedictionem obtinere merear.*

Obijt  
anno  
1177.

B. GERARDE, illustris pro Justi-  
tia Martyr, ac digne BERNARDI  
successor in regimine Clarævallis: cu-  
jus zelo accensus, cum pro muneris exi-  
gentia Filias tuas Visitans, quendam  
graviter reum paternè corripuisses, ille  
simulatâ poenitudine bonitate tua ne-  
fariè abusus, dum ex vigiliis ad Abba-  
tiale cubiculum inter diluculum redi-  
res, in Claustrum limine te sica transfo-  
dit, ac tam diu viscera dilaniavit, do-  
nec dolor immanissimi vulneris hæc  
pauca à te verba expressit: Cesset jam  
manus tua, jam enim certum est; me  
moriturum. Quo audito furiosus la-  
tro ferrum extraxit, & erupit, infamem vitam Judæ proditoris fato (ut  
non vana suspicio est) abrupturus. Tu  
verò



verò invicta animi tranquillitate bi-  
 duo supervivens, de nulla re magis *Oras*  
 quàm de percussoris salute sollicitus, *pro per-*  
 post recepta piissimè Sacramenta vi- *cussores.*  
 tricem animam emisisti ad palmam.  
 Pretiosam in conspectu Domini mor-  
 tem veluti plura miracula comitaban-  
 tur, ita eandem vaticinia præcede-  
 bant. Nam è Claravalle abeuntem  
 monuit notæ sanctimonix Conver-  
 sus, ne te in hoc iter conjiceres, gra- *Præ-*  
 vissima siquidem tibi pericula immi- *mone-*  
 nere: quorum eventum cùm parato in *tur de*  
 Divinam dispositionem animo Divis *immi-*  
 Valerio & Materno commendares, ex *nente*  
 sacra illorum a de egressus hilaritate *morte.*  
 vultus ostendisti, quàm non metueris  
 mortem. *Apicem felicitatis attingit, qui*  
*te imitatur, ad de paterna Divina provi-*  
*dentia manu equanimiter suscipit prospe-*  
*ra & adversa, læta & tristia: illud Ma-*  
*chabæi herois identidem sibi accinens:*  
*Sicut fuerit voluntas in cælo, sic fiat.*

S. BERNARDUS, *J de SS. Pet. & Paul Adver-*  
*Est quod à te pateris, quod à proximo, sa quo-*  
 quod à Deo: primum est austeritas pa- *modo*  
 nitentia, secundum vexatio aliena *tole-*  
 malitia, tertium flagellum correctio- *randa.*  
 nis Divina. In eo quod à te pateris,  
 Te debes



*debes voluntariè sacrificare; quod à proximo, patienter ferre; quod à Deo, sinè murmure & cum gratiarum actione sustinere.*



8. Decembris. 6. Idus.

Obijt  
anno  
1383.

**B. JOANNA** Abbatissa Castrensis in Lusitania: quæ cum zelo vindicandi honoris Divini quosdam milites suorum scelerum argueres, ab iisdem crudeliter occisa, candidum virginæ puritatis Velum martyrii purpura decorasti. Et coronæ tuæ primos quasi fructus illico percepere relictæ in Monasterio Virgines; dum latrones cæcitate multasti, qui illas in prædam suæ impietatis quærebant. *Defende & me ab infestis satellitibus principis tenebrarum: profliga illos ad suas tenebras; cum me ad perditionem quærunt.*

Obijt  
anno  
145.

**B. CONSTANTINE** Abbas Aureæ-Vallis. Demonstrasti aureis scilicet moribus, hoc te honore dignum esse, quando ex Claravalle ad Monasterium Trium Fontium missus, in erectione illius Asceterii strenuam operam locasti. Pedum pastorale ad laboris naturam fertile fuit: cujus nobilissimus fructus in hodiernum usque diem



diem florentissima illa Vallis ad S. Ordinis splendorem ostentat. Tu Gratia Divina per tuam industriam, & indefessos labores cooperando cœlestia in te dona auxisti: ut idem ego faciam, me doce, ne mihi contingat, quod Evangelico illi, qui talentum à Domino acceptum fodit in terra.

S. BERNARDUS, ser. 17. de div. Omnes nobis causamur deesse gratiam, sed justius forsitan ipsa sibi queritur gratia deesse nonnullos. Nempe res cordis est gratia devotionis ista, quam querimus: & hoc munere ipse se fraudat, qui internum ei dissimulat receptaculum exhibere.

Gratiæ  
coope-  
randū.



9. Decembris. 5. Idus.

B HUGO, Abbas Novi-Monasterii in Anglia, literarum scientia, & morum sanctitate clarissime: qui à seculi deliciis duce divino Spiritu maturè abstractus, multis tua pietate occasionem præbuiisti, ut monasticam vitam amplecterentur. In præfectura non minùs austeritate vitæ, quàm excellentia dignitatis subditos antecedebas. Ita etiam te non solùm Religiosi

Floruit  
circa  
annum  
1300.



## 436 ANNI CISTERCIENS.

fili, sed pari affectu pauperes Patrem appellabant. Amorem Divinum in te accendebas aut sacra lectione, aut contemplatione; quâ plerûnque majorem noctis partem insumebas. *Utinam & ego saltem illud tempus, quod mihi præscriptum est, piæ & ferventi contemplationi satis diligenter impenderem, arderet utique divinus ille ignis in corde meo, quem Dominus misit in terras & voluit vehementer accendi.*

Obijt  
anno  
1591.


B. LAURENTI, Abbas Vallis-Bonæ in Hispania, paternarum traditionum, & legum etiam minimarum observator diligentissime, præsertim silentii regularis, quod ita inviolabiliter colebas, ut seu privatus seu superior incommoda & dolores quantumlibet graves æquo ferres animo potius, quàm uno verbulo hoc præceptum transgredere. Sexto ante obitum die cum te infirmum Abbas inviseret, ac scribentem deprehendisset; mirabatur, quòd te hoc labore defatigares: cui tu retulisti: agere te, quod toto egeris vitæ decursu, ac notare quædam documenta ad aliorum profectum servitura; nec ab ista pietate cessaturum, quamdiu vires supersint, licet, non ignores, te brevi unâ cum duobus aliis hinc migraturum: quod statim  
compro-



comprobavit eventus. Cùm denique felix spiritus esset è corpore abiturus, extensis in cœlum manibus lætissima voce dixisti: Ecce video cœlos apertos. Nullibi necessaria magis est providentia, quàm in mortis negotio: hïc nulla diligentia potest esse nimia, nulla negligentia non perniciosissima: diu namque, ut sonat proverbium, deliberandum est, quod statuendum est semel.

S. BERNARDUS, s. 2. de SS. Pet. &c.

Utinam sapiamus ad presentis vite <sup>Vera Sapien-</sup> moderationem, utinam intelligamus <sup>tia.</sup> ad preterita correptionem, utinam devota in Deum fide provideamus, ut felicem habeamus (ipso miserante) consummationem.



10. Decembris. 4. Idus.

B. SBIGNÆE, Abbas monasterii <sup>Passi</sup> Claræ. Provinciae in Polonia: qui <sup>circa</sup> unà cum monachis à sævitia barbarorum interemptus exercitum candidatorum martyrum in cœlo auxisti. <sup>annum</sup> <sup>1200.</sup> Ti roboram animum meum, ut viriliter resistam impugnationibus infernalis tyranni, qui præsertim in ultimo praelio solet esse sevissimus.

Tt3

B.FLO.



Floruit  
circa  
annum  
1200.

B. FLORENTI, Abbas Carracceti: qui desiderio observandi Regulam S. Benedicti ea ratione, quâ tunc recens inducti in Hispaniam Cistercienses florebant, nigri coloris habitum permutâsti in candorem, quem non tam vestes, quàm morum innocentia demonstrabant. *Indue me vestimento salutis, quo anima mea cooperiat maculas peccatorum: atque ita in die illa magna non destituatur veste nuptiali, sinè quâ comparens projici meretur in tenebras exteriores.*

Obijt  
anno  
1198.


B. HERBERTE Episcopo Rhedonensis, flos sanctimonix, ex Claravalensibus hortis ad thronum Pontificalem elevate. Memoriam gloriosi nominis tui conservat marmoreus tumulus in choro Rhedonensis Basilicæ miraculis celeberrimus. *Fac ut & ego merear floris nomen: floreat in me corporis & cordis puritas; spargam moribus meis odorem bonum coram Deo, Angelis & hominibus: color externæ conversationis sit sincerus sinè fuce simulationis, &c.*

S. BERNARDUS, s. 3. de Annunc.

Flöres  
virtutü  
amat  
DEUS. *Commendat flores pulchritudo, suavolentia, & fructus: gratia triplex. Te quoque florem reputat Deus, & bene*



*bene ei complacet in te, si tamen nec honestæ conversationis decor, nec bonæ opinionis fragrantia, nec intentio desit futura retributionis: fructus enim spiritus est vita æterna.*



II. Decembris. 3. Idus.

**B** DAVID, Monache Hemmenrodensis: quem Florentia Clarævalli, & hæc Monasterio Hemmenrodensi dedit. Relictis profanarum literarum studiis fortiori animo quàm corpore tyrocinium ingressus, ob indolis tenebritudinem à Priore Clarævallis dimissus es. Cùm verò ex itinere reversus, mellifluus Abbas te ad Monasterii fores jam per aliquot dies supplicem offendisset, de futura sanctimonia tua cœlitus instructus, amantissimè susceptum ad emittenda Vota admisit: ac brevè post cum aliis colonis ad construendam Hemmenroden dimisit. Omnibus pro miraculo erant afflictationes, quibus tum robustiorum fervorem, tum planè vires humanas superabas. Non impar prodigium fuit precum tuarum efficacia, quibus omnia poteras: quod eo tempore manifestum

*Obijt  
anno  
1179.*

*A S.*

*Bern.*

*suscipi-  
tur.*

*Dirè a  
affligit*



*Multa  
precib<sup>9</sup>  
impe-  
trat.*

festum fuit, quo Fridericus Imp. minaces ad vos literas misit, monachis exilium, aut veri Pontificis abjurati-  
nem imperantes. Jámque collectis sarcinulis abituros bono animo esse iussisti, & alteram diem expectare. Nocte illa inter vigiles precestran-  
sata, alius statim nuncius supervenit, per quem tyrannus non solum ab in-  
dicta pæna liberos dixit, sed & se su-  
úmque Imperium tuis orationibus commendavit. Eandem precum tua-  
rum vim sensit tartareus hostis, quem

*Prodi-  
gia pa-  
trat.*

à possessione iniqua multorum corpo-  
rum dejecisti. Feliciùs experti sunt in  
morborum ærumnis non pauci, qui-  
bus emendationem vitæ priùs promit-  
tentibus sospitatem reddidisti. Quin  
& vestimentorum tuorum fragmentis  
tibi pio furto subtractis utebantur pro  
certissima medicina etiam longè disti-

*Solem  
intue-  
tur, o-  
culis  
illæsis.*

ti. Horum prodigiorum maximè ad-  
mirandum fuit, quod defixi aquila-  
rum more in solem intuitu oculi nihil  
læderentur, cùm tamen per aliquot  
subinde horas contemplatione rerum  
cœlestium absorptus, radians illud si-  
dus aspiceres. Lacrymas tamen copi-  
osas ciebat ille splendor, dum nempe  
gravissima mundi crimina, quibus  
Divina Bonitas à sceleratis offenditur,  
ibi de-



ibi descripta cernebas. Recreabar̄is vicissim, jucunda visione cœlestium gaudiorum: ad quæ tandem meritis & annis plenus die & hora à te prædictis evolâsti. Sacrum funerale pro te oblatur̄o cuidam suasisti, ut pro se DEUM precaretur, te enim eo loco esse, ubi mortalium precibus non egeas. Tantus autem prodigiorum numerus quotidie ad sepulchrum tuum fiebat, ut ad satiandam vulgi pietatem, ne quies solita turbaretur, corpus è claustro in exteriorem Ecclesiam fuerit transferendum. *Sentiam & ego vim tuarum precum: impetra mihi à Deo virtutes illas, quibus tu in hac vita abundabas, mihi que ad consequendam felicem mortem sunt necessariae. Expugna impugnantēs me pessimos hostes mundum, carnem & demonem, ne mihi morienti prædominentur.*

B. I D A de Rameya: quæ Nivellis in Brabantia è mediocri fortunæ parentibus orta, mirabili morum simplicitate ad eò placueras intuentibus, ut in quoddam futuræ sanctimonix vaticinium adhuc infantulam passim te appellarent Monialem Teutonicam. Parentibus orbata rudimentum virtutum in paupertate posuisti, famulata quibusdam piè congregatis Virgibus, quas

*Obijt  
anno  
1231.*



bus; quas emendicato per vicos victu aliquot annis penè sola sustentasti. Solitudinis inde & custoditæ devotionis: avida advenientibus è Germania Monialibus juncta es, qui tuâ maximè operâ Monasterium Rameyense construxerunt. Quo opere ad finem mi-

*Orando  
obtinet,  
quid.  
quid.  
petit.*

ra celeritate perducto, non tam celam, quàm cœlum habitabas, pennis orationis ad intima cœli secreta evolvans: neque ullam patiebaris repulsam, sive quis ab ægritudine animi & corporis, sive gementes in flammis piacularibus animas liberari rogaret. Insolitam aliquando lætitiâ vultu præferebas; cujus causam cum cuidam moniali secretè aperuisses, intra paucos nimirum dies te ad Sponsi nuptias

*Illi vi-  
ta pro-  
longa-  
tur.*

evocandam asserens: tanta mæstitia omnes invasit, ut in preces prostratæ DEUM fletibus suis expugnaverint, ut tredecim annos vitæ tuæ addiderit. Præstolabatur nempe miraculum illud sanctimonix Beatrix Nazarethana magisterium tuum; quæ tuo consortio ad supremum illum Angelicæ puritatis apicem erat provehenda. Erigenda quoque erant ante coronam magnanima de infernali hoste trophæa: quem cum sæpius signo crucis eminùs profligasses, tandem sub anis gibbolæ:



gibbosæ forma obvium virili manu  
 apprehendens, alapis & pedum ictibus bene saturum jussisti deinceps fanaticos ludos omittere. Urebat, miserum tenebrionem tam insignis victoria, sed acrius dolebat ex ardenti charitate, quam extrahendis è peccatorum cæno sceleratis exerebas: quorum de criminibus cœlitus edocta, non prius à subeundis pro eorum conversione suppliciis spontaneis, & fundendis inter lacrymas precibus destitisti, donec iis divinam misericordiam impetravisses. Eadem charitate subveniebas detentis in ergastulo piaculari: atque ut Justitiæ Divinæ sententia in reos illos lata non mutaretur, eorum è purpænas in te recepisti, quas aliquando per sex hebdomadas tolerâsti gravissimas. Hos inter dolores depluebant roris instar in te cœli deliciæ, quas tibi Virgo Mater frequentissimè propinabat, dum speciosum præ filiis hominum sacrati sui uteri partum tuis brachiis implicuit, jussitque cum illo diem festivum agere: à quo etiam rarissimæ felicitatis privilegium obtinuisti: ut anima tua adhuc in vita mortali eo modo cum sanctissima Trinitate per amoris influxum uniretur, quo jam inter sidera receptæ animæ illi

*Dæmonem egregiè verbis multat,*  
*Sceleratos convertit.*  
*Liberas gatorio animas*  
*Cælestibus delicijs irroratur*

T t 6                      junguntur.




Septem  
Dona  
Spiri-  
tūs S.  
recipit.

junguntur. Aliàs dum sacro assisteres, ex sacrato Pane septem radii in cor tuum dirigebantur, qui illud totidem Divini Spiritūs donis impleverunt. Adveniente tandem optatissima illa hora, qua in sponsi thalamum eras ingressura, nullo doloris sensu, sed liquescente præ lætitia spiritu suavissimè obdormivisti. Illud inter tua post obitum prodigia singulare, quod multis opitulata fueris, qui dubia tantum fide, & quasi sanctimonix tuæ periculum facturi tuam opem petebant. Ego nihil in fide hæsitans, tuum imploro auxilium, & humiliter tibi cor meum offero: purga illud à peccatorum maculis, accende in amore amantissimi sponsi tui, & fac ut quemadmodum tu per solum amoris somnum ex hac vita migrasti, ita & ego non alio quam Dei amore moriar.

S. BERNARDUS, s. 3. de Ascens. D.


Divini  
Spiri-  
tūs mi-  
ra vis.

Spiritus Jesu, spiritus bonus, spiritus sanctus, spiritus rectus, spiritus dulcis, spiritus principalis: Quidquid in hoc seculo nequam videtur difficile & angustum, leve facit & latum: opprobrium gaudium judicat; despectionem exaltationem esse persuadet.



12. Decem-





## 12. Decembris. Pridie Idus.

**B**ERNARDE Trejur, Anglica-*Passus*  
 ðnæ tyrannidis victima: qui non anno  
 prius propugnare desisti orthodoxam 1606.  
 fidem, quàm ubi sæva licitoris manus  
 caput detruncavit, animæque viam a-  
 peruit evolandi ad martyrii coronam.  
*Impetra mihi immobilem de singulis Eccle-*  
*sie dogmatis fidem, præsertim in ultimo a-*  
*gone, ubi hoc castrum tunc maximè hostis*  
*malignus impugnat.*

**B.** FRANCO, Converse Villarien-  
 sis; qui propagandæ fidei Christianæ  
 desiderio Crucis militiæ nomen dedi-  
 sti, comitantibus duobus filiis, eodem  
 sacramento adstrictis. Qui cùm in præ-  
 lio circa Ptolemaidem, primariam  
 tunc Palæstinæ Urbem cecidissent, tu  
 post multas ærumnas tandem patriæ  
 restitutus, armorum genus mutasti  
 quidem, sed laborum pondus longè  
 difficilius suscepisti in seniles humeros,  
 quos nimirum nec inedia quasi conti-  
 nua, nec vigilatæ inter preces pleræq;  
 noctes, nec flagella, sanguine tuo quo-  
 tidie manantia, defatigaverunt. Hila-  
 ri tandem fronte te fatalem mortis  
 ictum excepisse mirum non fuit, cùm  
 emerito militi lætissimum pæana ac-

*Floruit*  
*circa*  
*annum*  
 1251.



446 ANNI CISTERCIENS.

cinuerint. Militis & ego nomen in me  
recepisti, sanctique promisi, me Christo Im-  
peratori fore obsequentem: tu fac ne signa  
deseram, sed usque ad extremam pugnae  
hujus mortalis horam munia strenui mi-  
litis obeam.

S. BERNARDUS, s. i. in 8. Pasch.

Victo-  
riam  
dat so-  
lus DE-  
US.

Bene quod natum est ex Deo, vincit  
mundum, ut sit testimonium caelestis  
generationis victoria tentationis.  
Quoties ergo tentationi resistis, quoti-  
es vincis malignum, noli proprijs tri-  
buere viribus, noli in te, sed magis in  
Domino gloriari. Quando enim for-  
tis ille armatus tua cederet infirmita-  
ti?



13. Decembris. Idibus.

Vixit-  
se vide-  
tur cir-  
ca aññ  
1400.

B. MENCIA, Priorissa Monasterii  
Castrensis, à cunis avida summæ  
perfectionis: hanc cum non alibi certi-  
us te consecuturam esse sperares, quàm  
sub Instituto Cisterciensi, illud ita am-  
plexa es, ut statim in ipso tyrocinii ex-  
ordio ad eum sanctimonie gradum  
conscenderis, ad quem multi per diu-  
turnos labores vix perveniunt. Diem  
denique



denique felicis ex hac vita migrationis  
 cœlesti revelatione cognoscens, in  
 spectabili Angelicorum spirituum  
 præsentia animam tradidisti in manus  
 Creatoris: apud quem in altiori glori-  
 æ gradu te collocatam esse splendor  
 ostendit, qui per multos post obitum  
 dies è sepulchro tuo prodire visus est.

*In singula momenta appropinquat, & ve-  
 locissimo cursu. mihi imminet dies illa te-  
 nebrarum & caliginis, quæ corporis ocu-  
 los claudet: ut ora, ut non ex tenebris tem-  
 poralibus ad æternas, sed ad lucem im-  
 mortalem transeam.*

B. DIONYSI à S. Bernardo, qui *Floruit*  
 ex natali solo Helvetiæ Romam de- circa  
 votionis gratiâ profectus, cum de in- a. num  
 stituenda vitæ ratione per multas pre- 1600.  
 ces & lacrymas consilia cum Superis:  
 conferres; Divina motus inspiratione  
 Ordinem Cisterciensem sub legibus  
 Congregationis Fulienfis ibidem sus-  
 cepisti: quas tam rigidè observasti, ut  
 ob vitæ puritatem, silentii regularis a-  
 morem, & invictam cruciatuum to-  
 lerantiam summæ fueris omnibus ad-  
 mirationi. Effundebas aliquando, ut  
 penè quotidie solebas, in pervigili ora-  
 tione cor tuum ante conspectum Do-  
 mini, desiderio patriæ cœlestis accen-  
 sus: cum de cœlo vocem audisti: Re-  
 missa.

*Oratio-  
 ni fre-  
 quen-  
 ter in-  
 cumbis.*



*Remissa* missa tibi esse peccata, & post dies non  
*sibi pec-* multos impletum iri desiderium tu-  
*cata di-* um. Doce me preces meas eo modo divinae  
*vinitus* majestati offerri, quem tu scis illi esse gra-  
*cogno-* tissimum: ut cum filiali fiducia, & humi-  
*scit.* li resignatione in ejus sanctissimam vo-  
 luntatem necessitates meas illi exponam.

S. BERNARDUS, s. z. de S. Petr. & c.

*Com-* Discamus de nostra omnino industria,  
*mitte-* magis autem de nostris diffidere me-  
*re nos* ritis, & soli nos Divinae protectioni  
*debem'* vitis, & soli nos Divinae protectioni  
**DEI** committere, pio quodam mentis affe-  
*provi-* ctu pie intentionis in ipsum, cujus  
*dentiz.* datum optimum & donum perfectum  
 est, consummatio felix & mors preti-  
 osa.



14. Decembris. 19. Cal. Januar.

*Floruit* B. NICOLAE, monache cœnobii  
*circa* B. MARIE de Arcu in Sicilia:  
*annum* qui velut in vita patratiōe miraculo-  
 rum singularis Amici DEI nomen  
 1300. meruisti; ita post pretiosam mortem  
 eandem virtutem: experti sunt fideles  
 prout suspensæ in loco, ubi sacrae sui  
 corporis exuviæ quiescunt, tabulæ lu-  
 culenter testantur. Oraculum divinum  
 est, neminem posse duobus dominis servire:  
 tu fac



*tu fac ut amicitiam cum rebus terrenis rescindam, solúmque curem, ut Dei amicus esse merear.*

B. JOANNES, Converse Mona-*Floruit*  
sterii Sacrorum Mænium in Hispania: anno  
qui à juventute prima ad decrepitanam *1141.*  
ætatem in vasta eremo prope quan-  
dam sacram ædiculam, Mænia MA-  
RIÆ dictam habitans, non alio cibo, *Mira*  
quàm pane furfureo cum aqua vitam *absti-*  
sustentâsti: unde vulgo *Joannes de pa-*  
*ne & aqua* vocabaris. Cùm autem Rex  
Alphonfus locum pro Monasterio ap-  
tum jussisset inquiri, Monachi de Sca-  
la-Dei in te nutu utique divino inci-  
derunt, placuitque illis & locus, & in-  
cola. Ædificiis deinde ad fastigium  
deductis tu jam senex emeritus inter  
primos fuisti tyrones: priùs tamen vi-  
tæ, quàm probationis cursum absol-  
visti. Statim verò prodigiorum fama  
excitavit celebrem populi acclamati-  
onem, honore & cultu sancti te hæcte-  
nus prosequentis. *In illa diuturna ine-*  
*dia cælitèis nempe à superna gratia pasce-*  
*baris. Hanc mihi tu quoque impetra: si-*  
*cut enim sinè illa miseri sumus, ita per il-*  
*lam nihil non possumus.*

S. BERNARDUS, s. de Annunc.

*Nunquid non cibus anima gratia  
Dei sui?*



Gratia  
DEI  
cibus  
animæ.

*Dei sui? Dulcissimus sanè, & omnem habens in se suavitatem & delectamentum saporis: imò verò hæc sibi omnia vendicans, non solum delectat, sed & reficit & medetur.*



15. Decembris. 18. Cal. Januar.

Floruit  
anno  
1227.

**B.** PHILIPPE, Abbas Monasterii Ottiburgensis in Germania: qui in scholis Parisiensibus literis simul & pietate imbutus, clam parentibus ad Bonam-Vallem te contulisti; & ne genus tuum & opes ex vestibibus agnoscerentur, eas in itinere pauperi cuidam donasti, indutus illius centonibus. In tytocinium receptus ad eò te probasti, ut post paucos in Ordine transactos annos ad Monasterium Ottiburg vocatus, Abbatem egeris summa laude dignissimum. Intigni præditus eras prudentiâ, cœlitus utique hautâ, in iuvandis illis, qui à maligni suggestionibus premebantur. In quo conflictu maximè suadebas animi demissionem simul & corporis: & non rarò contingit, ut de remedio requisitus, nihil aliud jufferis, nisi ut impugnationem demonis sentiens sese profundè coram Christi



Christi imagine inclinet: quo facto sæpe visus est tentator sub tetra aliqua specie in fugam se vertere. Placet & mihi hoc tuum consilium, quod altius memoria imprimam: certum est enim superbia & spiritum nulla re magis torqueri, quam humilitate.

B. BONAVENTURA Lucensis in Italia Episcopus: qui cum gravissimas pro defensione Ecclesiasticæ Libertatis ætumnas aliquot annis sola patientia superasset, persecutorum denique furori cedens, ad Claram vallem confugisti: ubi per insignia sanctitatis opera tibi viam ab exilio ad Patriam paravisti. Nemo ab hac via aberraret, si nos tuo exemplo ducem divinam providentiam promptè sequeremur; dum enim nos ipsi nobis duces esse volumus, cæcus cæco ducatum præstat, & juxta Servatoris sententiam, ambo in foveam cadunt.

Obijt

anno

1294.

S. BERNARDUS, s. de Pass. Dom.


Felix, cujus cogitatio omnes actiones suas ad Justitiam dirigit, ut & intentio sana sit, & operatio recta. Felix, qui passiones corporis sui propter Justitiam ordinat, ut quidquid patitur, propter Justitiam patiatur: quatenus &

Justitia  
mode-  
ratrix  
actio-  
num



## 452 ANNI CISTERCIENS.

*nus & à corde tollatur murmuratio,  
& in ore versetur gratiarum actio &  
vox laudis.*



16. Decembris. 17. Cal. Januar.

*Obijt* BEATISSIME Pater, dignissime Petri  
*anno* Successor, GREGORI: inter Chri-  
*1187.* sti Vicarios, qui hoc nomen sibi as-  
*Sedit* sumpsere VIII. Alberti nomen tibi  
*mens. 1.* Cisterciensis Ordo dederat, Alexander  
*dies 27.* verò Antecessor Purpuram & munus  
Cancellarii: quo decedente, & sum-  
mam tiaram renuente Henrico, olim  
ex Abbate Clarævallis ad sacrum Car-  
dinalium collegium vocato, te vota  
Patrum Purpuratorum unanimi con-  
*Recu-* sensu Ferrariæ coronaverunt. Non-  
*perati-* dum Roma erat pacata, & Jerosoly-  
*onem* mam Saraceni occupaverant. Tu ve-  
*Pala-* rò Avitæ Sedis recuperandæ curis se-  
*stine* positis, pro restituenda Christo hære-  
*promo* ditate sua totam Europam per emissa  
*vet.* diplomata, & Legatos ad arma con-  
tra Barbaros excitasti. Sed tam egre-  
gios conatus succidit, tunc verè im-  
mitis falx mortis, non integros duos  
menses tam grandi animo susceptis  
negotiis indulgens; quo tamen tem-  
pore vix horam ab expeditione rerum  
summarum



summarum vacuum relinquens, con-  
 summatus in brevi, explevisti tempo-  
 ra multa. Integras viginti dies Eccle-  
 sia luctui impendit, quem nimirum  
 noverat ( ut scriptores insignes lo-  
 quuntur ) sapientia singulari, & vitæ  
 sinceritate conspicuum: virum appri-  
 mè facundum, sed vitæ sanctitate, a-  
 nimique integritate præclariorem, i-  
 mò splendidissimum Christiani orbis  
 lumen, sibi tam immaturè eripi. Nec  
 desunt, qui Martyrii te laurea coro-  
 nant, qui tuæ migrationi præsentis  
 testantur, solum dolorem amissæ Je-  
 rosolymæ pro telo fuisse, quo cecide-  
 ris. *Alloquor nunc te corde contrito &*  
*humili, Magne Pontifex, S. Ecclesiæ, cu-*  
*jus Caput fueras, verbis: Solve jubente*  
*Deo peccatorum meorum vincula: Esto Me-*  
*diator meus, ad Mediatorem Jesum, ut*  
*cum plenaria Indulgentia ex hac vita ad*  
*eternam transeam.*

*Ejus  
laudes.*

*Mori-  
tur ex  
dolore  
afflictæ  
Ecclesi-  
æ Oriën-  
talis.*

B. HUMBERTI, Sabaudix &  
 Maurianæ Comes: qui cum ex repeti-  
 to conjugio nullos tulisses liberos, ut  
 DEUM scriberes saltem ex parte he-  
 redem, Monasterium Altæ Cumbæ à  
 fundamentis erexisti, locum tibi para-  
 turus, in quo relictis seculi curis soli-  
 tariæ pietati vacares. Inde tamen à  
 subditis, te plusquam patrem aman-  
 tibus,

*Obiit  
anno  
1201.*



456 ANNI CISTERCIENS.

tibus, ad tertias nuptias revocatus es. Qui postquam natum ex te successorem, læti aspexerunt, redeuntem ad umbram quietis monasticæ, non tamen sinè lacrymis dimiserunt. Quod tempus quàm sanctè transegeris comprobavit sepulchrum tuum innumerus prodigus gloriosum. Meritò excitat *mentem constans tua inter seculi negotia pietas ad amplectendam in actionibus meis eandem regulam, ut unum hoc ubique respiciam, qua ratione uni Deo grata sint, quæ vel sponte, vel iubente obedientia sunt agenda.*

*Obijt* B. RAINARDE, Archicœnobii  
*hac die* Cisterciensis Abbas, Generalis IV. Si  
*anno* dus sacri Ordinis te meritò dixerim,  
*150.* sed cui splendorem Sol ille Claræval-  
*Dotes* lis BERNARDUS asperferit. Attu-  
*natura* listi ad ipsum ingentes naturæ dotes,  
 genus prænobile, raram corporis pro-  
 ceri elegantiam, animum rerum sum-  
 marum capacem, eloquentiam singu-  
 larem conjunctam suavissimæ mo-  
*Et gra-* rum comitati. His ille ornamentis pro  
*via.* suo more, & in animos dominio, ea  
 gratiæ cœlestis munera adjunxit, ut il-  
 lud Evangelicum in te transferre pla-  
 nè potuerit: Hic est filius meus dile-  
 ctus, in quo mihi bene complacui. Il-  
 lo deinde Romæ negotiis Ecclesiæ in-  
 sudante,



sudante, tertius Cistercii Abbas S. Stephanus successorem designaturus, male electum widonem amoverat; & invocato Mariæ auxilio, te per repetita suffragia ad clavum universalem Ordinis cum lætissima omnium gratulatione admovit. Sed & cœlum applausisse huic promotioni Christianus Eleemosynæ Conversus, cum à te Cistercium accerferetur, in itinere vidit. Patebant ejus oculis subito cœlorum intima, in quorum inferiori parte stabat monachorum Cisterciensium hilariter psallentium chorus: in superiore autem totidem Angelici choraulæ alternatis vicibus respondebant. Illis te in splendidissima luce Abbatis instar præsidere conspiciebat. Animo nimirum ibi morabaris, ubi te nobile illud consortium præstolabatur: & Principes illi cœlestes te ut præsidem venerabantur, qui Angelis terrestribus tam felici innocentiam præeras. Fortasse lux illa quâ splendebas, repræsentabat conservandæ disciplinæ zelum, quo accensus Abbatem Alberniæ ob leves noxas, & quas excusare necessitas poterat, amovisti: integro tamen illi Conventui Cistercium properanti, ac pro suo Patre supplici te non minùs mansuetum ac benignum, quam

*Inter  
Ange-  
los ap-  
paret.*

*Ejus  
fervor.*



458 ANNI CISTERCIENS.

*Mori-  
sur  
praece-  
dente  
revela-  
tione.*

quàm antè severum exhibuisti. Anno regiminis decimo septimo cùm Filias in Provincia Iultrares, morbo resolutus ad sedem illam tibi in Patria paratam evolasti. Eadem verò hora BERNARDUS in Claravalle cuidam fratri loquebatur: qui subito sinè ullo tamen tristitiæ signo turbatus: Dominus, inquit, Cisterciensis mortuus est. Cui quàm indoluerit, mox epistola ad Eugenium Pont. queritur; ajens: Dominus Cisterciensis deseruit nos, magna plaga in Ordine: mihi verò duplex incumbit mæroris ratio, qui in uno homine & Patrem amisi & filium. *Doce me ita psallere, ut semper meminerm me stare in conspectu Angelorum & ipsius Divinæ Majestatis, ne me feriat horribilis illa conminatio: Oratio ejus fiat illi in peccatum.*

*Atten-  
tè psal-  
lendum*

S. BERNARDUS. ser. 25. de divers.  
*Ingrediar in locum tabernaculi admirabilis, usque ad domum Dei? Omnino siquidem oportet nos orationis tempore curiam intrare cœlestem, illam utique curiam in qua rex regum stellato sedet solio, circumdat<sup>9</sup> innumera- bili & ineffabili beatorum spirituum exercitu.*

17. De-



17. Decembris. 16. Cal. Januar.

**B** LAMBERTE, monache Valcel-*Floruit*  
 B. lensis: qui ob continuum studium *circa*  
 preces DEO offerendi, quarum fami-*annuum*  
 liarissima erat Oratio Dominica, vul-*1201.*  
 gò *Pater noster* appellabaris. Quàm fa-  
 ciles verò aures cœlitum habueris, in-  
 ter alios experti sunt fabricatores ma-  
 chinæ cujusdam molaris, quâ stramen  
 ad saginam porcorum in pulverem te-  
 rebatur. Ex cujus insolito, præsertim *Questis*  
 Cisterciensibus, quæstu cum vicinos è medio  
 emptores offendi audires, ad tollen-*tallit.*  
 dam hanc petram scandali, precibus  
 in cœlum emissis effecisti, ut tota mo-  
 les subitò, quasi fulmine tacta corruerit:  
 ratus, minoris æstimandam lucri  
 quàm famæ jacturam. Porcos ego pascò,  
 quoies gula obsequor, & oblatas carnis  
 illecebras per consensum quasi deglutio.  
 Tu precibus tuis destrue machinationes  
 tam pravarum cupiditatum, quàm sug-  
 gestionum infernalium.

**B. RUDOLPHE, Converse Hei-*Floruit***  
 sterbacensis: qui sicut ad simplicis pie-*circa*  
 tatis legem actiones tuas ubique mo-*annuum*  
 derabaris, ita res sacras exacti. *1201.*  
 verentiâ tractabas. Contigit aliquan-  
 do, ut ex officina ad Ecclesiam prope-




Res sa-  
cras re-  
veren-  
ter tra-  
ctat.

rare, in cuius ingressu cum pro more  
te aqua lustrali aspersurus, videres ma-  
nus tuas à labore fuliginosas, ad eoque  
anxiè metueres, ne tali contactu aqua  
contaminaretur, quid agendum esset,  
vox cœlestis te docuit: Cor mundum à  
DEO respici, non manus. *Doce me eâ  
diligentia studere puritati cordis, ut tamen  
exteriores non negligam: illudque saepe  
revolvere, quod Mellifluus noster dicere  
solebat. Paupertatem amavi semper, sor-  
des nunquam.*

S. BERNARDUS, c. 19. de cont. mun.

Contē-  
ptus  
exteri-  
orum — *Sanè ut exercitiij spiritualis & cura  
cordis indicium evidens est contemp-  
tus exteriorum, sic eorundem sollicitu-  
do certum est nihilominus signum  
mentis inculta: scriptum est enim: In  
desiderijs est omnis otiosus. [Eccl. 22.]*



18. Decembris. 15. Cal. Januar.

Floruit  
anno  
1184.

B. PETRE, Generalis XI. Sacri Ordi-  
nis Cisterciensis, doctrinâ religio-  
ne, ac prudentiâ inter clarissimos:  
quod Alexandro III. Concilium La-  
teranense celebrante gloriosè testatum  
fecisti. A Lucio deinde III. confirma-  
tione universalis Exemptionis impe-  
tratâ, ad




tratâ, ad Sedem Episcopalem Atrebatensem vocatus, quam alii laudem reportant ex diuturno, tu ex brevi regimine tulisti. *Frustrâ nempe multos in religione numeramus annos, si bonis operibus vacuos transegimus: de actionibus enim non de annis Deo reddenda est ratio.*

B. WICBERTE Converse in Monasterio Nazarethano: ad quod insignem Sanctimoniâ parentem tuum, <sup>Floruit circa</sup> tam in susceptione religiosi habitûs, <sup>annus 1258.</sup> quàm virtutum actibus strenuè secutus, ab illo moriente audire meruisti, te de æterna felicitate certum esse cœlesti oraculo, quod paulo ante obitum cognoverat. *In hoc mirabiliter Deus suam nobis Bonitatem commendat, dum infinitos penè modos adhibet ad nos in sui amorem attrahendos: minis absterret à malo: allicit beneficijs ad bonum: quàm rarò tamen sequimur vocantem!*

S. BERNARDUS, ser. 3. de Annunc.

Propterea quater revocat animam, <sup>DEUS animã sæpius ad se vocat.</sup> quam respicit dicens: Revertere, revertere, &c. [Cant. 6.] Quò videlicet nec in peccandi consuetudine, nec in conscientia peccatorum; sed nec in repore & corpore ingratitude, aut in elationis cecitate persistat.





19. Decembris. 14. Cal. Jan.

Fl. circ. **B** JOANNES BAPTISTA, Mo-  
 annum **B**inache Clavae vallis: qui singularem  
 1220. pietatis affectum fovebas in animo tu-  
 o erga Domini Praecursorem, quod il-  
 la die in hanc mortalem lucem prodi-  
 eris. Sacro deinde Ordini mancipatus  
 S. Joã- **S.** Joã- **S.** Joã- **S.** Joã- **S.** Joã- **S.** Joã-  
 nem **Baptist.** **Baptist.** **Baptist.** **Baptist.** **Baptist.**  
 colinde- **colinde-** **colinde-** **colinde-** **colinde-**  
 vote. **vote.** **vote.** **vote.** **vote.**  
 amiro mentis júbilo decantabas, quid-  
 quid ad ejusdem Divi honorem refere-  
 batur. Erupit hic aliquando ignis a-  
 moris ex abundantia devotionis, dum  
 Zachariae Canticum in choro modu-  
 labaris: Guilielmus enim, notæ sancti-  
 moniæ monachus, luculentas flam-  
 mas de capite tuo coelum versùs vidit  
 ascendere. De cujus causa à Priore Si-  
 gero rogatus, retulisti: te eo tempore  
 optasse, ut inter coelestes spiritus con-  
 stitutus, Angelica voce DEUM lau-  
 dare posses. *Verè ignis est pia & fervens  
 oratio, quem calorem utinam frigidum cor  
 meum experiri mereatur!*


Floruit **B. MENGOSSE** Converse Hem-  
 anno **B. MENGOSSE** **B. MENGOSSE** **B. MENGOSSE** **B. MENGOSSE**  
 1185. **B. MENGOSSE** **B. MENGOSSE** **B. MENGOSSE** **B. MENGOSSE**  
 menrodensis, qui mirabili tua obedi-  
 endi promptitudine ostendisti, sacram  
 Obedientiam tenere imperium vitæ &  
 mortis. Post diuturnos in coquinae ob-  
 sequio labores, exerrante à destinato  
 ictu securi, letale tibi vulnus inflixeras,  
 quod



quod cum te jam ad extrema rede-  
 get, & pius Abbas Gisilbertus ad iter in  
 Cistercium esset accinctus, manda-  
 tum ab eo accepisti, ne decederes, do-  
 nec ille reverteretur. Jamque redux ex-  
 teriorem Monasterii portam subierat,  
 cum tu spiritum reddidisti. At ille ac-  
 currenste denuo vivere jussit, ac post  
 auditam narrationem de spectata glo-  
 ria coelesti, iterum moriendi latissi-  
 mam copiam fecit. Si mens humana si-  
 ne gratiae lumine sibi relinquitur, fatali  
 cecitate laborat. Sed huic miserie nostrae  
 medetur Obedientia: quam qui clausis pro-  
 priae voluntatis oculis sequitur, à caelo ab-  
 errare non potest.

S. BERNARDUS, s. 4. in die Palm.

Hierusalem Visio Pacis dicitur; ad  
 quam tunc recta & regia via pergi-  
 mus, si per Confessionis puritatem, per  
 Obedientiae humilitatem, & per Misericordiae  
 sublimitatem incedimus.



20. Decembris. 13. Cal. Januar.

B. PETRUS Monache Savigniacensis Circa  
 Monasterii: qui vigilantiam indefes-  
 sam hoc unum agebas, ne vel levissima  
 macula puritatem cordis offenderet:

V V 3

& cum



## 464 ANNI CISTERCIENS.

*Consciē-  
tia pu-  
ritati  
studet.*

*Glorio-  
sus ap-  
paret.*

*Floruit  
anno  
1500.*

*Odorem  
è sepul-  
chro  
spargit.*

& cū fortasse inutilis aliqua cogita-  
tio obreperet, sinè mora in te severè  
animadvertens ad sacrum properabas  
tribunal, & quasi grande scelus admi-  
sisses, cum gemitu & lacrymis te hu-  
millimè accusabas. Cujus in conscien-  
tia tua teneritudinis non ignarus S.  
Aymo, quo moderatore utebaris, post  
felicem tuum obitum extra se raptus;  
te inter cœli cives singulari splendore  
decoratum vidit, audivítque, eum  
gloriæ gradum præmium esse tuæ in-  
conservanda puritate diligentia. *Sit  
mibi hæc gloria tua stimulus ad te imi-  
tandum. Brevis est & jucundus labor,  
merces verò æterna.*


B. MARIA, Couversa Eboracen-  
sis in Lusitania, quæ exclusis ab ani-  
mo tuo terrenis amoribus, cor totum  
uni DEO junxisti: in cujus charitate  
absorpta summas delicias invenisti in  
tuimet contemptu & afflictionum to-  
lerantia. Qua egregia pietate quida-  
pud Superos merueris, tum in morte  
patuit, quam hilari & ad omnem lati-  
tiam composito vultu oppetiisti: tum  
aliquot post eandem annis, dum ex a-  
perto sepulchro tuo peregrinæ fra-  
grantia odor emanavit, qui continu-  
ato prodigio in hodiernam usque di-  
em ibidem perseverat. *Erubesco simul*  
*ac de-*



ac deploro tam diuturnam cordis mei duritiam, quòd post accepta. & agnita tam ingentia à Deo beneficia in eo amando tam rudis adhuc & frigidus sim. Tu esto mihi magistra amoris, & ita me instrue, ut nihil præter Deum amem.

S. BERNARDUS, l. 3. de Ascens. D.

Quis sufficiat cogitare, quomodo rerum Dominus prævenit nos, venerit ad nos, subvenit nobis? & singularis illa Majestas voluerit mori, ut viveremus; servire, ut regnaremus; exulare, ut repatriaremur; & ad servilissima opera inclinari, ut constitueret nos super omnia opera sua? Christi in nos benefi-  
cia.



21. Decembris. 12. Cal. Januar.

B. THOMA, Monache de Arnisburg <sup>Floruit</sup>  
in Germania: qui cum ex Divorum <sup>anno</sup>  
historiis non raro didicisset, quòd Pu- <sup>1121.</sup>  
rissima Coelitem Regina devotis famulibus se in augusta specie spectandam obtulerit, parem ab ea flagitasti favorem. Nec displicuit illi simplex desiderium. Cum enim quadam nocte nullum oculi tui somnum admitterent, in pomerium descendens duas primùm splendidis elegantiarum Virgines audisti



## 466 ANNI CISTERCIENS.

Canen-  
tem au-  
dit B.V.

nes audisti cantantes: quas secuta est ipsa, ad quam anhelabas. Mundi Domina radiis supra solem rutilantibus: noctis tenebras dispellens, quæ continentibus plenissimo choro Angelis: talem edidit cantum, ut ob illius dulcedinem deficiente corde in terram corrueris. In quo corporis situ cum in aurora semivivus inventus esses, atque ad infirmorum cellam deportatus, resumptis denique viribus, narrasti stupentibus, quid illa nocte fueris expertus. Sed & per reliquam vitam nec illud spectaculum nec in Misericordiae Matrem pietas è memoria tua evanuit. *Venerabile nomen Mariæ à multis retrò sæculis solatio fuit afflictis. Doce me illam tua devotione venerari, ei que ita famulari, ut vel illa sola precum mearum verba exaudiat, quibus oro, ut mihi succurras in hora mortis meæ.*

Floruit  
circa  
annum  
1140.

Devotè  
preca-  
tur.

B. JOANNES, Converse Grandissylvæ, singularis cliens Deiparæ Virginis; cujus Angelicam Salutationem cum juxta consuetas in Ordine Conversorum preces per diem sæpius repeteres, omnem adhibuisti conatum, ut nunquam sine pia mentis ad illam elevatione pronunciares. Non voluit esse posteris ignotam hunc tuum laborem. Nam è tuo post obitum tumulo



tumulo liliū pullulavit, in cujus fo-  
 liis auro picta apparebant dulcia illa *Lilium*  
 verba: AVE MARIA. Sit cor me- *prodigi-*  
 um tale liliū, sit etiam lingua radix hu- *giosum.*  
 jus floris: quæ gratos orationum fructus  
 germinet & offerat Virgini Matri. O quor  
 causas habemus ipsam toto mentis affectu  
 venerandi!

S. BERNARDUS, ser. Signum mag.  
 De plenitudine ejus accipiunt universi: *Omnia*  
 captivus redemptionem; aeger curatio- *implet*  
 nem; tristis consolationem; peccator *Mariæ*  
 veniam; justus gratiam; Angelus leti- *pleni-*  
 tian; denique tota Trinitas gloriam; *tudo.*  
 Filij persona carnis humanæ substan-  
 tiam: ut non sit, qui se abscondat à ca-  
 lore ejus.

22. Decembris. II. Cal. Januar.

BADAM Monache de Luka: qui te- *Floruit*  
 neris pueritiæ annos amori Mag- *anno*  
 næ Matris Deiparæ consecrasti: illi vi- *1213.*  
 cissim salutis tua cordi fuit; quod ipsa  
 dulci spectaculo tibi dignata est de-  
 monstrare. Cùm enim fada capitis  
 impetigo omnem medicorum indu-  
 striam duclisset, vera Salus infir-  
 morum, circum Virginum choro in  
 VVS Ecclesia



*R. V. eū  
à mor-  
bo libe-  
rat.*

Ecclesia illa spectandam se obtulit, in qua eam ter quotidie Salutatione Angelica venerari consueveras: suggessitque remedium, quod morbum depelleret: quin etiam manu capiti tuo imposita, liberum deinceps ab omni dolore capitis asseruit: suasit denique, ut in dilecto sibi Ordine Cisterciensi Domino famulareris. *Nemo frustra ad sacratissimam Virginem manus levat, praesertim puras: neminem à se repellit, sed de thesauris gratiarum copiosè largitur supplicibus.*

*Floruit  
anno  
1300.*

**B. ROBERTE**, Episcopo Sylvanectensis, ex Monacho Caroli-Loci assumpte ad eam dignitatem: ornavit illa te diademate Pontificio, tu vicissim illam decorasti vitæ innocentia, demissione animi, cæterisque monasticæ disciplinæ virtutibus, quas vera Præfulum ornamenta esse pluribus annis in te Pastore agnoverunt oves concreditæ. *Velut vitia omnem quantumcunque ornatum dehonēstant, ita virtutes rebus vilissimis pretium addunt. Tu doce me vitam meam sic institvere, ut majorem adhibeam curam pietatis, quam favoris humani.*

**S. BERNARDUS**, s. r. de S. Petr. & c.

*Putas, parva res est vivere? Magnum ali-*



num aliquid, imò maximum est. Non <sup>Vita ve-</sup> vivit, qui <sup>ra qua?</sup> superbiâ inflatur, &c. quoniam non est hoc vivere, sed vitam confundere. Bonam autem vitam ego puto, & mala pati, & bona facere, & sic perseverare usque ad mortem.



23. Decembris. 10. Cal. Januar.

**B.** JOANNES Cirita: qui post acceptum grave in bello vulnus, baltheum militare simul ac mundi amorem exuisti, adversus aëreas potestates deinceps pugnaturus. Et primo quidem conflictu parum abfuit, quin rudi adhuc tyroni extorsisset victoriam fraudulentus lanista, nisi cœlum tulisset suppetias. Fæminæ enim tectus vultu, admissum adulterium fictis lacryms detestantis, sese insinuaverat sub tectum, sed quod infernali flamma erat adusturus. Titubare jam animum paulatim senseras, sed nondum præcipitari in ruinam. Itaque novum Scævola aucturus brachium sinistrum igni, quem in hospitis gratiam excitaveras, tam diu immersisti, donec ossa carne nudarentur. Venerem scilicet, non te urebas, quod larva illa protinus eva-

Obijt  
anno  
1164  
  
A dæ-  
mone  
gravi-  
ter tenta-  
tur:  
  
sed vi-  
ctoriâ  
repor-  
tat.



## 470 ANNI CISTERCIENS.

*Cenobiticam vitam, ut securiorem, amplectimur.* lam devictorum hostium ejulatus testabatur. De copiis auxiliaribus deinceps sollicitus, te duobus in Eremonibus, ac deinde transmissis in Hispaniam Monachis Cisterciensibus sociasti: quorum institutione eò perfectionis progressus es, ut se felicissimos æstimaverint sub tuo imperio. Quod præter innumera alia prodigia celebri fama inclaruit vaticinio, quo Lusitanæ Reginae, jam diu sterili, heredem promisisti, & cum eadem lætus aspexisti. Hic fuit ille Magnus Alphonsus, quem nulla non historia meritissimis encomiis profèquitur. Verùm prægestatam olim beatæ solitudinis felicitatem imminenti mortis præmissurus, curas hujus mortalis vitæ seposuisti, ac diem ultimum, jam cœlitus cognitum Ambrosiano carmine *Te Deum laudamus*: clausisti: eundem jubilum inter Angelos mox æternum continuaturus: cui meritò accinebant in terris afflicti, variis à te jam in cœlis beato beneficiis donati. *Quàm plena periculis ac fraudibus sit nostra cum hoste infernali lucta discere possum ex tua victoria, in illius nequissimos insultus heroicè illo brachio tuo dissipa, illà præsertim horâ: quâ cum illo ætota æternitate erit determinandum.*

B. GODZ.



B. GODEFRIDE, Monache Heisterbacensis: qui post exantlatos in pulvere scholastico labores, & exinde ob-  
 tentum Canonici Coloniensis honorem, in hoc uno & universalilegis æternæ canone jam canus hælisti: *Moriendum esse. Quem ut tibi redderes favorabilem, arctioris disciplinæ Canonice inter Monachos antea actam circumscribere decrevist, magno qui dem animo tyrocinium ingressus, sed quem totius pietatis hostis per varia molimina labefactavit. Jamque persuasisset regressum, nisi pius commilito, B. Cæsarius, te ad sacrum Codicem duxisset. In cujus fortuita apertione cum illa psalmi verba occurrerent: In me psallebant, qui bibebant vinum: non malus hujus canonis interpres prudenter elegisti, cum Angelis in terra cœloque psallere, quàm cum insanabili rubore commessantium in tabernis vulgaris fabula fieri, si ad prioris vitæ normam redires. Ita resumpto fortiter animo talem sortitus es piæ mortis felicitatem, quali utique nunc æternum fruêris. Si hanc moriendi regulam, à qua nulla exceptio est, sæpius in consilium admitteremus, quàm salutaria suadentem audiremus: suaderet utique non otium, non ventris curam, non alia*

*Floruit circa annum 1190.*  
*Senex monachus induit.*  
*Tentationem vincit.*

V V 7      *vivia,*



vitia, sed Dei timorem, fervorem in divinis, aliisque, quæ terrorem legis hujus mitigant.

S. BERNARDUS, s. de S. Joan. Bapt.

Judicium Dei  
præven-  
nien-  
dum

Accendamus ad pœnitentiam, Fratres; interrogemus conscientias nostras, & animemur ad ultionem exigendam de nobis, ut horrendum possimus evadere judicium Dei. Quidquid verò minus est fervoris, humilitas suppleat pura confessionis.



24. Decembris. 9. Cal. Januar.

Floruit  
circa  
annum  
1213.

Appa-  
ret glo-  
riosa.

B. ANASTASIA, Monialis Ramensis: cujus innocentiam, ac præsertim invictam in doloribus patientiam, cum B. Ida Nivellensis haberet perspectam, tibi ex hac vita migraturæ injunxit: ut, si Divina voluntas permitteret, illi post mortem aperires, quem locum in altero orbe fueris sortita. Quod statim præstitisti, illi appa-rens in veste purpurea, & quatuor gemmis caput cingentibus: illique exposuisti, hunc ornatum vestis tolerantia præmium esse, gemmis verò designari quatuor primarias virtutes, quibus in altiori gradu fueris instructa.

Damnaremus



Damnaremus utique ignaviam nostram,  
quâ manibus pedibusque refugimus &  
amovemus, quidquid nos vel leviter affli-  
git, si patientiâ mercedem, æternam nempe  
in cælo gloriam aliis consideraremus.

B. HILDEBRANDE, Hemmen-<sup>Floruit</sup>  
rodensis Converse: qui transiturus de<sup>anno</sup>  
hujus vitæ laboribus ad meritam in<sup>1213.</sup>  
cælo requiem, longinqui illius in æ-  
ternitatem itineris duces habuisti lon-  
gè nobilissimos. Cùm enim circa mo-<sup>Ange-</sup>  
ribundi lectulum pro more candidis<sup>los vi-</sup>  
induti cucullis Monachi consisterent, det mo-  
aliam è regione candidatam cohortem<sup>riens.</sup>  
vidisti, quæ animam tuam sub pul-  
cherrimi puelli specie ad sidera depor-  
tabat. Tu jam inter candidatos illos felix,  
& ab omni metu mortis securus, succurre  
mihi in illis angustijs, in die illa tremen-  
da. Ora ut lacrymarum lavacro emun-  
dem animam meam, dignamque efficiam,  
quam Angeli suscipiant.

S. BERNARDUS, s. i. in Paschate.

Est Baptismus aliquis in compunctione<sup>Lacry-</sup>  
cordis & lacrymarum assiduitate.<sup>mæ snt</sup>  
Baptismi enim Sacramentum, quoni-<sup>alter</sup>  
am iterare non licet, his qui sæpius in<sup>Baptis-</sup>  
multis offendunt, frequenti oportet<sup>mus.</sup>  
ablutione suppleri.

25. Decem-





25. Decembris. 8. Cal. Januar.

*S. Ber-*  
*nardo*  
*Septen-*  
*ni ap-*  
*paret*  
*Christi*  
*Nati-*  
*uitas:*  
*anno*  
*1097.*

O Magneticum sancti amoris illici-  
 um, ô inexhaustum charitatis Di-  
 vinæ pelagus, P A R V U L E J E S U!  
 Qui ante secula genitus, miseris inde  
 mortalibus in paupere stabulo natus  
 ante septem prope ac decem secula;  
 denuo autem dilectissimo tuo B E R-  
 N A R D O, amans amanti, parvo par-  
 vulus, dulcissimum Cunarum specta-  
 culum, sexto abhinc seculo exhibuisti.  
 O gaudia! ô noctem supra mille so-  
 les illustrem! Quæ vel Angelica lin-  
 gua depingat amabilissimæ scenæ de-  
 licias? Poteras tunc verè cum sponsa  
 cantare, dulcissime B E R N A R D E:  
 Ego dormio, & cor meum vigilat.  
 Occluserat placidus sopor castissimas  
 palpebras, sed intrà præcordia radians  
 Divinum jubar tenebras omnes exclu-  
 serat. Vagiebat coram oculis tuis in-  
 ter paleas Candidus & Rubicundus  
 Pusio, ille electus ex millibus: fovebat  
 pauperculus pannis rigentia membra  
 Regina Mater: Virgineus Sponsus præ-  
 miraculi magnitudine liquecentem  
 animam penè per lacrymas effunde-  
 bat: occupabant cœlestes ephēbi obse-  
 quia, quæ homo ingratus contempe-  
 rat. Quàm



rat. Quàm dulces inter hæc, quàm ignei mentem tuam affectus concusserint, quantæ voluptatis torrens teneri cordis tui medullas inundaverit! Ex hoc nempe fayo bibisti coelestia mella, quæ deinceps universo terrarum orbiteras propinaturus, seu lingua seu stylo, utroque incomparabili. At ego nimis imperitam manum moveo de tabula, & ad te, ô felix Jesu nascentis amator ac spectator Bernarde, me converto. Esto interpretres meus ad Jesum, non jam iacentem in præsepio, sed in majestatis suæ gloria residentem: unica est, quam per te peto, Misericordia, in quâ me ab illo fac, ut suscipiar, cum anima mea per corporis mortem nascetur eternitati.

B. FULCO; qui ex Abbatiali sede *Obijt*  
 Monasterii Florentiensis ad thronum *anno*  
 Archiepiscopalem Tolosanae Ecclesiae *1231.*  
 translatus, hæresum fraude & Comitis perfidia extinctum veræ Religionis cultum magno animo ad pristinum *Fidem*  
 vigorem revocâsti: adductis in auxili- *ortho-*  
 um tum Principum Orthodoxorum *doxam*  
 armis, tum claris sanctimoniâ viris: *promo-*  
 inter quos Divum Dominicum, Inno- *vet.*  
 centio Pontifici commendâsti, ejusque  
 alumnos velut proprios filios fovisti.  
 Post gravissimos tamen labores furori  
 Comitis cedere coactus, excusso in  
 urbis



*Evchari-  
stiam  
è manu  
hæreticorum  
eripit,*

*quã ei  
sacrificanti  
colûba  
porri-  
git.*

urbis incolas pedum pulvere Brabantiam petisti, uno contentus thesauro Dominici Corporis, quod in exilii solatium, & ne à perditorum hominum petulantia violaretur, tecum asportasti. In iisdem partibus cum aliquando Sacrum offerres, & vi contemplationis absorptus diu circa sumptionem stares immobilis, visa est candida columba, quæ sacratissimum pignus rostro prehensum, ori tuo immisit. Reflorescente diu expectata cum Tolosatis pace ad propria redux, ipsum Comitem innumeròsque alios ab erroribus reductos gregi Catholico restituiisti. Finem denique & vitæ & laborum adesse sentiens ad Monasterium Grandimontense concessisti, ut ubi primum religionis spiritum hauseras, ibi eundem redderes Creatori. *Natum est hodie nobis Verbum Divinum. Tu fac, ut illud quoque nascatur in corde meo: ut illud in SS. Evcharistia vera & constanti fide humiliter adorem: hæreticorum circa divinam veritatem errores detester, ac denique moriturus piè in viaticum eternitatis suscipere merear.*

*Floruit  
anno  
1300.*

B. LUCIA, Spinosi-Loci ad Montes Hannoniæ Priorissa, quæ verè mundo mortua solo spiritu vivebas: in victus parcitate & afflictionibus ultrò sus-



trò susceptis omnibus eras pro miraculo. Morum modestia Angelum carne indutum repræsentabat: animi perpetua æquabilitas virile quidpiam spirabat: DEUM denique tibi intimè conjunctum prodebant, Seraphici amoris affectus, quibus ad ultimam vitæ horam indefinenter ardebas. *Utinam & ego cum Parvulo Jesu renascer, illi deinceps soli vivam, mundo & concupiscentijs ejus plenè moriar. Exorabilis est parvus ille Sponsus tuus, tu precare illum, ut quod ego suspiro, ille misericorditer in me perficiat.*

S. BERNARDUS, ser. 7. de XL.


*Mortui enim estis, & vita vestra abscondita est cum Christo in Deo. Mortuus, si desit etiam sepultura, non sentit: sic vituperantes, ut laudantes, sic adulantes audit ut detrahentes: imò verò nec audit, quia mortuus est. Omnino felix mors, quæ immaculatum servat, imò penitens alienum facit ab hoc seculo.*

Mors  
spiritu-  
alis.



26. Decem-





26. Decembris. 6. Cal. Januar.

*Floruit circa annum 1279.* **B. OBERTÉ**, Converse Hemmen-rodensis: qui vitæ stadium partim in supportandis aliorum ærumnis, annis enim triginta ægrotis serviebas, partim in tuis percurristi, dum ultimos viginti annos lectulo affixus, invictum animi robur, quod diu satis in patientiæ schola didiceras, usque ad ultimam horam conservasti: quæ cum

*Patientia præmium illi in celo promittitur.* jamjam immineret, aliquamdiu ita soporatus jacebas, ut mortuus esse credereris. Sed subito exprorectus: Quid hic, ajebas, moror, tristis nimium est cantus vester, jam lætiores audivi, illuc propero ad recipiendam mercedem pro tolerantia mea, quam Divo Stephano parem fore, mihi DEUS promisit. Quibus dictis suaviter caput reclinans obdormisti. *Si vitam hanc dixerero militiam, pugnandum est: si iter, currendum per spinas & tribulos: si stadium, sudandum: ubique labor: non coronabitur nempe, nisi qui legitime certaverit.*


*Floruit circa annum 1300.* **B. DANIEL** Monache Villariensis, qui etiam inter negotia officiorum, quæ varia administraveras, semper oratione seu vocali seu mentali placum DEO miscebas colloquia. Aspirabas



trabas olim ad secularem militiam, sed  
 gravis morbus salubriora te docuit ar-  
 ma capere, regularis disciplinæ, qui-  
 bus cælum feliciter expugnasti; emissio  
 inter precandum spiritu. *Non male o-  
 ratio à quibusdam Clavis cæli appellatur,  
 quâ thesaurus gratiarum aperitur. Sed  
 auream esse oportet, divino fulgentem a-  
 more, humili in Deum fiducia, & perse-  
 verantia. Tu me hoc modo doce orare.*

S. BERNARDUS, ser. 5. in XL.

*Nos quid oremus sicut oportet, nesci- Oratio  
 mus: sed miserator ille supremus igno- nulla  
 rantiam nostram benignè suscipiens, infru-  
 quod nobis aut omnino non est utile, etiosa.  
 aut non tam citò dari necesse est, mini-  
 mè tribuit; oratio tamen infructuosa  
 non erit.*



27. Decembris. 6. Cal. Januar.

B. MARINOCHE, Abbas in Hiber- *Floruit  
 circa  
 annum  
 1550.*  
 nia: qui solis occidentis instar po-  
 stremis sanctimonix radiis per mira-  
 cula tam in vivis quàm post obitum  
 patrata, Insulam illam perstrinxisti.  
 Eo enim tempore, quo sacra ossa tua  
 honoratiori sepulchro sunt condita,  
 erupit ex avernali specu sæva hæresis,  
 sub cujus



sub cuius detestabili jugo hucusque gemit Hibernia. Tu ora, ut verum fidei lumen nunquam occidat, sed me comitetur ac perducatur ad lumen æternæ gloriæ, in quo tu nunc feliciter lætaris.

Obijt  
anno  
1353.

B. GOSWINE, Loci S. Bernardi prope Antverpiam Abbas: qui licet summis infimisque ob insignem pietatem charus & venerandus esses; non tamen defuit ex propria domo, qui solam ambitionem virtutibus tuis opponens subreptitio Principis favore te de dignitatis gradu pelleret. Quam injuriam tanta mentis tranquillitate tulisti, ut præter te & incubatorem illum nemo sibi temperaret à lacrymis. Sed non potuit invidia præcludere viam ad cœlum, cui te sanctimonia tua inseruit. Experimento proprio didicisti, ac docuisti, quàm pleni dolis & fraudibus sint mundi hujus favores. Felix qui te imitatur, & firmiter radicatus in Dei amore, vel fuga declinat, vel patientiâ superat ejus tyrannidem.

S. BERNARDUS, ser. 5. de Ascens.

Mundi *Undique se ingerit amor mundi, cum*  
insidix. *consolationibus, imò desolationibus suis observat aditus, per fenestras irruit, mentem occupat: sed non ejus, qui dicit: Re-*



*cit: Renuit consolari anima mea: memor fui Dei, & delectatus sum.*



28. Decembris. 5. Cal. Januar.

**B** MARGARITA, dicta Jeroso-<sup>Obijt</sup>  
lymitana, quòd in ipso Christi Ser.<sup>anno</sup>  
vatoris natali solo à Matre illuc pere-<sup>1214.</sup>  
grinationem instituyente, progenita fu-  
eris: quam terram trigesimo ætatis an-<sup>Simu-</sup>  
no revisens, ut integritatem pudoris <sup>lat vi-</sup>  
conservares, militibus Christianis jun-<sup>rum.</sup>  
cta virum te simulasti. Fidem fecit mi-  
litaris audacia, cujus specimen vulnus  
ostendit, quod in fronte acceperas. E  
variis deinde periculis bis tẽrque capti-  
va ope Matris Virginis non sinẽ pro-  
digiis erepta, & auxilio Mercatorum  
Hispanorum in Gallias reversa, Fra-  
trem Germanum, in Fonte Frigido  
monachum invenisti: cujus consilio in  
Cisterciensium Virginum consortio  
reliquum vitæ in celebri sanctimonia  
transegisti. Non est necesse in regionibus  
longinquis quærere pericula, circumval-  
lant nos pessimi salutis nostræ insidiatores.  
Tu roga meo nomine Mariam, ut tanquam  
acies ordinata suam mihi opem non dene-  
get: illa protegente perire non possum.

**B. VIOLANTIA; Conversa Lu-Fl. añ.**  
**litaniæ;**



8500.

Mini-  
morum  
defe-  
ctuum  
curam  
agit.

Angeli  
accinū  
moriēti

sitanix; quæ ad conservandam animi corporisque innocentiam, præter diligentissimam minimarum noxarum cautelam, & continuum pœnitentiæ rigorem, certissimum invenisti præsidium, in precibus, quas admirabili pietatis fervore coram SS. Eucharistia in multas sæpe horas extendebas: Quin denique in eadem devotione purissimum spiritum emisisti: accitis Monialibus cantu Angelico, quem nihil tale cogitantes audierant. *Doce me diligenter ac sollicitè inquirere in quodidianos & frequentiores meos defectus, eosque pro viribus extirpare. Sicut enim qui spernit modica, paulatim decidit in majora: ita cavens minora, vix unquam in graviora labetur.*

S. BERNARDUS, Ser. in Cena Dom.

DEUS  
minora  
pecca-  
ta per-  
mittit,  
ad nos  
humi-  
liādos

*De minoribus istis peccatis piā nobiscum dispensatione agitur, ut non penitus auferantur, sed in illis nos erudiat Deus, ut cum minima cavere non possumus, certi simus, quod non nostris viribus majora superemus, semperque timorati ac solliciti simus, quomodo ejus gratiam non amittamus, quam nobis tam multipliciter necessariam esse sentimus.*

29. Decem-





29. Decembris. 4. Cal. Januar.

**S** T H O M A, Archiepiscopo Cantua-<sup>Passus</sup>  
 riensis, & fortissime pro Ecclesiasti-<sup>anno</sup>  
 ca Libertate Martyr. Utriusque glori-<sup>1170.</sup>  
 æ vaticinia prævidit nobilis mater tua,  
 gente Syriaca, & parentem tuum ibi  
 captivum Fidei Christianæ amore per  
 fugam secuta in Angliam. Hæc cùm <sup>Ejus</sup>  
 te in utero gestaret, visa sibi est ingens <sup>navales</sup>  
 flumen eniti, simulque septem stellas <sup>præce-</sup>  
 intrâ viscera recipere. Omen exposuit <sup>dunt</sup>  
 subsequens in cunis ostentum; in qui-<sup>vatici-</sup>  
 bus eadem te aspexit locò candidæ sin-<sup>nia.</sup>  
 donis purpureo panno involutum,  
 tam laxo, ut ultra Europam crederet  
 extendi. Libatis artium liberalium stu-  
 diis, jam utroque orbis parente, inter <sup>Libera-</sup>  
 venationis ludos accipitrem in flumi-<sup>tur è</sup>  
 ne periclitantem liberaturus, ipsemet <sup>vite</sup>  
 vortice raptus, impetu ferebaris ad <sup>pericu-</sup>  
 molam, certo interitu, nisi rota per  
 vim arcanam stetisset immobilis, fuis-  
 sètque pro scala, quâ ex procellis eva-  
 deres. Deinceps à Theobaldo Cantu-  
 ariensi Archiepiscopo in familiæ suæ  
 Procuratorem adoptatus, indolis can-  
 dore, & in tractandis negotiis dexteri-  
 tate adeò placuisti, ut te ad altiora na-  
 tum judicans, Henrico Regi pro meri-  
 to com-



to commendaverit, qui Cancellarii munus in te conferens, æmulum in te excitavit invidiam. Duo in te vitia reprehendebant, Urbanitatem & Liberalitatem: sed utramque cum Rex meritò pro virtute acciperet, te in Veneris castris clandestinè militare criminabantur. Et deprehensum te jam jam gloriabantur, quando nimis seduli exploratores lectulum tuum noctu

*Gravi calumnia impetitur*

*sed innocens invenitur.*

vacuum invenerunt: at postquam te in nuda humo dormientem, & dorsum recenti verberum dilaniatione livens aspexere, invidiâ in venerationem versâ, tam disertis virtutum tuarum fuere præcones, ut mortuo Theobaldo

*Eligitur Archiepiscopus Cantuarie.*

totius Insulæ suffragiis te Rex ad primariam regni sedem promoverit. Fuit Alexandro Pont. ea res longè gratissima: cujus auctoritate fretus te prope modum unus iniquis Henrici legibus contra Immunitatem Ecclesiasticam latis opposuisti. Contrà ille tum primis infaniæ motibus agitatus, ne reli-

*Discedit ex Anglia*

quum Angliæ Clerum intra justitiæ limites auctoritate tua continere posses explosâ ad Alexandrum Appellatione, ad carceres duci iussit. Sed tu ope divina ex tyranni manibus elapsus, mari transmissis Galliæ portum subiisti. Quo cognito Rex in Franciam Romanamque



mámque Legatos misit, sed adeò absurdè infacundos, ut te etiam tacente seipfos in utroque tribunali condemnarent: & in Purpurato quidem Senatu tanta verborum energia causam tuam perorásti, ut nec ipse Pontifex à lacrymis se contineret: quin imò anulum Pontificium ad ejus pedes depositum è vestigio restitueret. Te interim Guicardo Pontigniacensium Abbati commendavit: donatâ in singulare benevolentiae munus Cuculla Cisterciensi, quâ te Abbas Monachum inauguraret. Deprimebas summæ dignitatis fastigium infra tyronum vilitatem, psallentium omnium primus, in contemplatione rerum divinarum assiduus. Gestabas asperam ad nudum corpus vestem, ex pilis equinis contextam. Quæ cum usu diuturno detrita penè diffuere, tu verò ut artis sartoriæ imperitus nolles hoc arcanum per artifices prodi, non est dedignata Cœlitum Regina adesse spectabilis, & pio labori sacratissimas manus commodare. Hoc ipsum prodigium alio confirmatum est, cum tibi in Angliam reverso per Sacerdotem quædam mandata transmisit eadem Virginea Mater, asserens, ita jubere virginem illam, quæ olim in resarciendo cilicio suam

*Romæ  
causam  
agit.*

*Pontigni-  
niaci  
habitiũ  
Cister-  
ciensem  
induit.*

*Ciliciũ  
reficit,  
juvan-  
te B. V.*



*Rex ubique illum persequitur.* tibi operam locaverit. Non satiabat interea Regis furorem exilii tui miseria, quin datis ad Abbates Cistercii congregatos minacibus literis te Pontigniaco, & si liceret, ex toto orbe deturbaret. Cujus iracundiæ sponte cedens, tam diu Senonis latuisti, donec agente Pontifice & Francorum Rege post sancitam (an simulatam potiùs?) pacem cum totius regni gratulatione Cantuariam redieris. A quo itinere te adeò non absterruit, ut incitaverit magis gemina revelatio, quâ coelitus cognoveras, illud incendium non nisi tuo sanguine restinguendum. Cùm autem à Rege ejusque ministris exigeres, quæ sanctè erant polliciti: nova aggitatus rabie Rex publicè querebatur: Se propter unum Sacerdotem regni sui pace frui non posse. Qua voce quatuor milites incensi Cantuariam properant, & in Ecclesia vespertinis horis intentum furiosè aggrediuntur. Ædis sacræ fores obstruxerant Clerici, quas tu ultrò aperiens, non castra hæc esse militaria dixisti, sed DEI domum, in qua sanguinem fundere vero pastori non sit refugiendum. Fugatis itaque præter unum, qui tibi ad finem usque adhæsit intrepidus, reliquis omnibus in te involant inhumani latrones, & dum



dum in genua provolutus te, tuámque Ecclesiam Divorum Tutelarium patrocinio commendares, quatuor fata- *Imma-*  
 les ictus sacro capiti infligunt ; ita ut *niter*  
 sanguini commixtum cerebrum in pa- *truci-*  
 vimentum deflueret. Ad ultimum ge- *datur.*  
 nuflexus persistens, invictam constan-  
 tiam saltem in mortuo prostraturus  
 belluinus latro (quem vulgus aliás *Mal*  
*Clerc* appellabat) in terram dejecit. A-  
 trociora agitabant consilia sævi Ne-  
 rones, corpus exanime in lignum infame  
 suspensuri, nisi Monachorum Ci-  
 sterciensium celeritas illud in crypta  
 subterranea, & sarcophago marmoreo  
 occuivisset. Inter alia prodigia passim  
 post mortem celebrata primarium fu-  
 it, quòd post decantatas funerales in  
 odæo cantiones, elevata in altum è  
 feretro manu bene omnibus precatus  
 fueris. *Eleva eandem benedictam, & di-*  
*vina nunc virtute imbutam manum: be-*  
*nedic mihi luètanti cum hostibus non An-*  
*glis quidem, sed rebellibus Angelis: doma*  
*illos, gloriosissime Thoma, ne mihi in ulti-*  
*ma luèta prævaleant.*

*Suis ja*  
*mortu-*  
*us bene*  
*dicit*

B. VITALIS, Abbas Meyrensis, Floruit  
 id est alter BERNARDI in Gallæ-anno  
 cia. Ex sanctissima enim ejus discipli- *1144.*  
 na tam insignes virtutum dotes retu-  
 listi, ut quemadmodum ille cum toti-




us orbis admiratione propagines suas dilatavit, ita per tuam industriam Institutum Cisterciense tam firmas radices posuit, ut Gallia in hodiernum usque diem invidere possit Hispaniæ gloriose florens sub fervido illo horizonte Cistercium. Non aliter calore solis virescunt agri, in quibus per fructuum varietatem sibi invicem anni partes succedunt: quam in religiosis Ordinibus florens suum conservat fervens amor perfectionis. Hunc tu quovis die in me renova, accende, & auge, ne unquam tepescat.

S. BERNARDUS, s. 5. de Ascens. D.

Carnis  
deliciæ  
exclu-  
dunt  
delicias  
spirit.

*Præoccupatum secularibus curis animum delectatio sancta declinat: nec misceri poterunt vera vanis, eterna caducis, spiritualia corporalibus, summa imis: ut pariter sapias, quæ sursum sunt, & quæ super terram.*



30. Decembris. 3. Cal. Januar.

Floruit  
circa  
annum  
1110.

**B** RICHARDE Monache Cœnobii Aldvertensis in Frisia: qui mellifluum Patriarcham BERNARDUM jam ante Religionis ingressum æmulatus, quamplurimos ad contemptum mundi celebri eloquentia tua persuasisti. Quem




sti. Quem numerum ut etiam exemplo augeres, laureatum pileum cucullâ monasticâ permutâsti: ex priori famam eruditionis, ex altera sanctimonizæ posteris relinquens. *Pia & laudabilis cura est, de conservandâ apud homines vitæ inculpabilis famâ: diligentior tamen adhibenda est sollicitudo, ut conscientia servetur immaculata: illam enim ut invenerit Deus judicabit.*

B. ALBERTE, Monasterii Por-Floruitensis in Bohemia conditor, & strenue anno antistes: qui duplices in erectione Cœ. 1131. nobii tibi molestos obices duplicibus armis amovisti: primos authoritate Romana opprimens; alios virtute orationis non minùs gloriosè quàm feliciter superans. *Si totus cum omnibus suis furys in nos exurgat infernus, non est, quod timeamus, si apprehendimus arma orationis, præsertim tectâ scuto perseverantiæ.*

S. BERNARDUS, ser. 5. de Ascens.

*Apostoli decem dies in expectatione sederunt, perseverantes unanimiter in oratione. Et tu igitur orare disces, disces querere; petere, pulsare; donec invenias, donec accipias, donec aperiat<sup>Perseverandum in oratione.</sup>ur tibi.*





31. Decembris. Pridie Cal. Januar.

Floruit  
anno  
1143.

Libera-  
litalis  
in pau-  
peres  
fructus

**B**RADOLPHE, Abbas Valcellen-  
sis: qui celeberrima BERNARDI  
fama excitatus, ex Anglia in Burgun-  
diam juvenilem curiositatem expletu-  
rus properasti. Illo autem vel semel  
conspicte mox patriæ & ampliarum  
divitiarum, inò totius mundi oblitus  
in Claravalle hæsisti. Post paucorum  
annorum decursum erectioni cœnobii  
Valcellensis cum potestate Abbatiali  
præfectus præteralia virtutum insig-  
nia in te mirabantur ipsimet fundato-  
res profusam supra vires liberalitatem  
in egenos. Sed admirationem sustule-  
runt miracula, dum non semel tempo-  
re famis ex modico farris cumulo per  
totam hyemem usque ad novas fruges  
supra quinque mille homines quotidie  
aluisisti. Tantam providentiæ cœlestis  
fertilitatem æquavisti filiorum nume-  
ro, quorum ducenti tibi non sinè co-  
piofis de amisso tam charo parente la-  
crymis parentaverunt. Patrata ad tu-  
mulum prodigia Concilio Lateranen-  
si persuasere, ut tibi publicum in Eccle-  
sia mausolæum decreverit. *Unicus est,  
qui nos in alterum orbem comitatur, bo-  
norum operum thesaurus: su me pruden-  
tiam*



*tiam æconomicam doce, ut in horreum cordis mei quotidie fasciculos colligam, quorum fructibus æternùm gaudeam.*

B. REMYGI Converse Hemmen-*Floruit*  
rodensis: qui cùm oculorum cæcitate-*anno*  
tem multis annis equissimo animo to-*1220.*  
lerasses, alios è cælo accepisti, longè  
corporeis clariores, utpote quibus te-  
nebrarum principes, dum vel aliis insi-  
diabantur, vel aliorum pietati erant  
importuni, spectare meruisti. Feliciùs  
spectaculum fuit in ultima vitæ mor-  
talis hora: quando lucis Angelos tibi  
catervatim occurrentes vidisti: quibus  
ducibus non mirum est, te licèt cæcum  
invenisse rectam ad cælos viam. *Me*  
*in progressu periculosa ad æternitatem viae*  
*toties cæcum esse deploro, quoties recordor*  
*me mandatorum Divinorum oblitum in*  
*pravas concupiscentiæ semitas declinasse.*  
*Tu mihi lumen æternum à Deo impetra,*  
*ut saltem deinceps hos errores caveam.*

B. THOMA, sancti Thomæ Can-*Floruit*  
tuariensis comes individue: post cujus *circa*  
gloriosum martyrium repetens vetus *annum*  
asylum Gallix; in Monte-Frigido ha-*1175.*  
bitum Cisterciensem assumpsisti: ubi  
tempus à Chori laboribus vacuum non  
piis duntaxat sed & egregiæ doctis lu-  
cubrationibus impendisti. Exstat inter  
cætera nobilis ingenii monumenta E-  
X x 5 legiacum



legiacum opus: quo Margarithæ sororis tuæ Virginis itidem Cisterciensis virtutes tam eleganti stylo expressisti, ut dignissimum sit non tam in typographiæ formulis, quàm sanctimonialium moribus legi. Legi & ego per hujus ANNI CISTERCIENSIS decursum nobilissima virtutum omnium exempla, mihi ad imitandum proposita: tu ora Clementissimum Deum, qui est omnium rerum principium & finis, ut mihi peccatori per vestram omnium intercessionem largiri dignetur felicem hujus exiliij finem, & initium eternitatis. Proposuistis mihi ô Gentium variarum Apostoli Fidei orthodoxæ constantiam: in eadem me vestris meritis confirmate. Diversa patientiæ trophæa oculis meis exhibuistis invictissimi athlete, candidi & rubicundi in decore Cisterciensis cucullæ sanguine vestro purpuratæ: hæc vestra in Jesum crucifixum charitas cooperiat multitudinem peccatorum meorum. Sacratissimi Ecclesiæ Prasules, Cœnobiorum conditores, impugnatores hæresum, zelatores divini honoris, disciplinæ regularis, & pietatis monasticæ Lapidæ angulares, nimis honorati Amici DEI: Vos denique sacratæ Deo virgines, & amantissima sponsæ Filij Dei: juvate me vestris precibus, ut hunc annum sanctè finiam, sanctiùs exordiar sequentem




*sequentem, sanctissimè quocunque demum momento miserationi divine placuerit, ac non aliter nisi amore sancto moriar.*

S. BERNARDUS, Ser. 2. de omn. SS.

*Hac est animæ suavissima & saluber-  
rima requies, conscientia munda, qui-  
eta, segura. Sit ergo beata animæ cul-  
citra conscientia suæ puritas, sit capi-  
tale tranquillitas, sit opertorium ejus  
securitas, ut in hoc interim strato  
dormiat delectabiliter, feliciter re-  
quiescat.*

Requi-  
es vera  
consci-  
entia  
secura.

FINIS.







# INDEX NOMINUM.

*Numero paginam indicat.*

## A.

A Chardus monachus Clarævallis.	241
Adam Abbas Langheimensis.	99
Adam Episcopus Morinensis.	149
Adam Abbas Perseniæ.	374
Adam Abbas Ebracensis.	405
Adam monachus in Luka.	467
Adolphus Episcopus Osnaburgensis.	146
Ægidius Abbas Montis Regalis.	39
Ægidius monachus Castañedæ.	210
Ægidius Conversus Villarii.	81
Alanus Magnus Conversus Cistercii.	49
Alanus de Insulis Episcopus Altisiodor.	313
Alanus monachus Araucæ.	329
Albero Abbas Dunensis.	376
Albertus Abbas Olivenfis.	425
Albertus Abbas Portensis.	489
Alexander Generalis I X.	86
Alphonsus Conversus Hispaniæ	225
Alquirinus monachus Clarævallis.	377
Alvastren-	



# INDEX NOMINUM.

Alvastrenses tres monachi.	103
Amalricus Episc. Sylvanect.	138
Amadaeus Episc. Laufannæ.	252
Anastasia monialis Rameyæ.	472
Andreas Abbas Caroli Loci.	377
Andreas monachus Bonævallis.	68
Anglicani Martyres.	206. 402
Anianus Conversus Eberbacensis.	396
Anna Abbatissa Agri Clavium.	401
Anna Conversa Nazarethana.	79
Anna de Villaroel monialis Abulensis.	272
Anselmus monachus in Germania.	421
Ansulphus monachus Clarævallis.	119
Antonia monialis Castrensis.	406
Arnaldus Generalis XVIII.	98
Arnaldus Archiepiscopus Narbonensis.	265
Arnoldus monachus Hemmenroden. 56.	190
Arnulphus de Majorica Conv. Clarævall.	51
Assumptio B. MARIÆ V.	140
Athanasius monachus Nucalensis.	145

## B.

Balduinus Abbas S. Pastoris.	47
Balduinus Monachus Dunensis.	195
Balduinus Monachus Baudoloæ.	269
Balduinus Cardinalis.	293
Balduinus Archiep. Cantuariens.	320
Balsamus monachus S. Anastasii.	250
Bartholomeus Germanus S. P. N. Bernard.	1
Bartholomeus Prior Clarævallis.	110
Bartholomeus Conversus Nazareth.	186

X x 7

Beatrix



# INDEX NOMINUM.

Beatrix Abbatissa Nazareth.	90
Beatrix Abbatissa de Silos.	297
Benedictus monachus Morerolæ.	282
S. P. N. Bernardus.	143. 323. 474
Bernardus monachus Clarævallis.	145
Bernardus Alziranus.	179
Bernardus Escuderus.	309
Bernardus monachus Grandissylvæ.	334
Bernardus Episc. Maurianæ.	338
Bernardus Cathalanus.	357
Bernardus Martyr Anglus.	445
Bernardus Abbas Clarævall. XXXI.	417
Bertha Abbatissa Marchetensis.	58
Bertholdus monachus Lukæ.	329
Bertramus monachus Carixti.	9
Bertrandus Abbas Grandissylvæ.	399
Boemundus Abbas Taraucæ.	230
Bonaventura Episc. Lucensis.	451
Bonifacius Generalis XXIII.	256
Bonifacius Conversus Clarævallis.	145
Briolaya monialis Eboracensis.	342

## C.

Cæfarius Prior Heisterbacensis.	268
Casimirus Abbas Olivensis.	245
Catharina Monialis Parci Dominarum.	341
Catharina Monialis Castrensis.	388
Christianus Conversus Elcemosynæ.	81
Christianus Episcopus Dunensis.	358
Christianus Episcopus Lubaviæ.	426
Chrysofostomus Monachus Vallis Eccles.	322
Clara	



# INDEX NOMINUM.

Clara Abbatissa Bellopratensis.	286
Clarævallis Monachi & Conuersi.	135
Clemens Gimenez mon. Vallis Parad.	211
Conradus Conuersus Heisterbacensis.	144
Conradus Episcopus Pataviensis.	274
Conradus Cardinalis.	280
Conradus Monachus Heisterbacensis.	407
Constantinus Abbas Aureæ-Vallis.	434
Cornelius Prior Martyr.	148
Cornelius Abbas Martyr.	238
Coronæ Domini Festum.	133
Cuno Conuers. Hemmenrodensis.	73

## D.

Daniel Abbas Venetiis.	64
Daniel Abbas Camberonæ.	118
Daniel monachus Hemmenrodensis.	132
Daniel monachus Villariensis.	478
David monachus Hemmenrodensis	439
Desiderius Conuers. Alcobaciæ.	37
Didacus Velasquez monachus Fiterii	5
Dionysius Abbas Clarævallis.	336
Dionysius mon. Fulienfis.	447
Dominicus monachus Nucalensis.	234

## E.

Edilredus Abbas Wardenfis.	384
Edmundus mon. Pontiniaci.	221
Edmundus Archiepiscopus Cantuariæ.	389
Edmundus monachus Pontiniaci.	429
Edmundus monachus Clarævall.	395
Edmunda Subpriorissa Parci Dominar.	387
Egbertu	



# INDEX NOMINUM.

Egbertus Conversus Villarii.	343
Elias Abbas Dunensis.	299
Elisabeth Abbatiſſa Hovenenſis.	320
Elisabeth monialis Herkenrod.	326
Elisabeth monialis Aroucæ.	227
Elisabeth mon. Montis Cornelii.	398
Enatrandus Conversus Clarævallis.	379
Ervæus Abbas Urſi Campi.	290
Ero Abbas Armenteræ.	204
Eugenius III. Pont. Max.	20
Eugenius. Martyr.	385
Eugenius monachus Martyr.	402
Euphemia monialis de Hovenes.	214
Euſtachius Abbas Floreſſienſis.	307

## F.

Famianus monachus Urſariæ.	121
Faſtradus Abbas Villarii.	412
Florentius Abbas Carraceti.	438
Florentius Conversus Aureæ-Vallis.	17
Franco Conversus Villarii.	325, 445
Freſcendis Monialis Prætenſis.	15
Fridericus Episcopus Eiſtettensis.	216
Fulcardus Conversus Clarævallis.	276
Fulco Archiepiſcopus Tolofæ.	475

## G.

Gabriel monachus Nucalensis.	65
Garimundus Episcopus Altifiſiodorensis.	394
Garzia de Vera monachus Hortæ.	79
Gaufridus Episcopus Lingonensis.	66
Galganus monachus in Tuſcia.	423

Gaufridus



# INDEX NOMINUM.

Gaufridus Episcopus Sorensis.	314
Gaufridus monachus Clarævallis.	370
Gaufridus Abbas Clarimarisci.	411
Gelasius Abbas Martyr.	401
Gerardus Sacrista Clarævallis.	199
Gerardus Episcopus Tornacensis.	261
Gerardus Abbas Novæ-Vallis.	300
Gerardus Clarævallis monachus.	431
Gerardus Abbas Clarævallis.	432
Gerbrandus Abbas Clari Campi.	310
Gerekinus Conversus Alvastræ.	75
Gertrudis Abbatissa Bilocæ.	207
Gerwicus Abbas Waldsassenensis.	291
Gezelinus Anachoreta Angliæ.	117
Gilbertus Generalis VIII.	322
Gilbertus monachus Clarævallis	273
Godefridus Pachomius Mon. Villar.	285
Godefridus Abbas Schonaugiæ.	218
Godefridus monachus Villarii.	173
Godefridus monachus Heisterbacensis.	471
Gosbertus Conversus Hemmenrodensis.	373
Goswinus Abbas Loci S. Bernardi.	480
Grandissylvæ Monachi beati.	31
Gregorius Abbas Obazinæ.	403
Gregorius VIII. Pont. Max.	413
Gualterus monachus Rievallis.	306
Guerricus Abbas Igniaci.	150
Guicardus Archiepiscopus Lugdunensis.	84
Guicardus Monachus Clarævallis.	324
Guido Cardinalis Prænestinus.	97
Guido Generalis XXIII.	116
Guido Episc. Carcassonæ.	310
	Guido



# INDEX NOMINUM.

Guido Abbas Caroli-Loci.	263	H
Guilielmus Generalis XIII.	413	H
Guilielmus Abbas Villarii.	414	H
Guilielmus Episcopus Altisiodorensis.	404	H
Guilielmus Cardinalis.	408	H
Guilielmus Abbas Rievallis.	107	H
Guilielmus monachus Heisterbacensis.	203	H
Guilielmus monachus Fulienfis.	227	H
Guisbertus Prior Bebenhusanus.	372	H
Gunterus monachus Novi Castr.	205	H
Guntelinus monachus in Anglia.	235	
Gundisalvus Abbas Juniensis.	303	
Gumarus Rex monachus Clarævallis.	59	

## H.

Haketus Abbas Dunensis.	366	H
Havydis Abbatissa Clari-Fontis.	296	H
Hebertus Episcopus Rhedonensis.	438	H
Hedwigis Ducissa Poloniæ.	316	H
Henricus Generalis XXX.	83	H
Henricus Episcopus Trecensis.	213	H
Henricus Episc. Bituricensis.	231	H
Henricus Abbas Heisterbacensis.	379	H
Henricus Conversus Villarii	40	H
Henricus Conversus in German.	271	H
Henricus Conversus Villarii.	330	H
Henricus Conversus Hemmenrod.	364	H
Hermannus monachus Heisterbac.	18	H
Hermannus Abbas Waldsassenf.	271	H
Hervæus. v. Ervæus.		H
Heydenricus Abbas Zedelizensis.	161	H

Hilde



# INDEX NOMINUM.

Hildebrandus Conversus Hemmenrod.	473
Hildegundis Monialis in Germania.	114
Hugo monachus Portæ Cœli.	156
Hugo monachus Curiaë Dei.	291
Hugo Cardinalis.	419
Hugo Abbas Novi-Monasterii.	435
Hugo Episcopus Altusfiodorensis.	304
Humbelina Soror S. P. N. Bernardi.	164
Humbertus Comes Sabaudiaë.	453
Humbertus monachus Claraë vallis.	222

## I.

Jacobus monachus Dunensis	2
Jacobus Conversus Villarjii.	17
Jaquilina Abbatissa Flinensis.	69
Ida de Lewis.	348
Ida de Rameya.	441
Igniacenses Monachi.	57
Joanna Abbatissa Castrensis.	434
Joanna Comitissa Flandriaë.	428
Joanna Conversa Bellopratensis.	427
Joanna Abbatissa Clari-Fontis.	273
Joannes Abbas Salsedæ.	398
Joannes Abbas Alnensis.	339
Joannes Abbas Waldsassenensis.	182
Joannes Abbas Mulbrunnensis.	61
Joannes Abbas Jardineti.	254
Joannes Abbas Taraucaë.	469
Joannes Archiepiscopus Upsalensis.	7
Joannes Archiepiscopus Lugdunensis.	220
Joannes Generalis XXXIII.	312
Joannes	



## INDEX NOMINUM.

Joannes Prior Clarævallis.	383
Joannes de Monte Mirabili.	277
Joannes Sacrista Villarii.	200
Joannes Monachus Cistercii.	33
Joannes à S. Dionysio Fulienfis.	3
Joannes Baptista à S. Bernardo Ful.	115
Joannes Marione Fulienfis.	190
Joannes Jacobus Fulienfis.	302
Joannes Baptista Mon. Clarævallis.	462
Joannes Conversus Sacrarum Mænium.	449
Joannes Conversus Grandissylvæ.	466
Irmengardis Abbatissa Pondunii.	287

### L.

Ladislaus Conversus Poloniae.	352
Lambertus Generalis VI.	36
Lambertus monachus Valcellensis.	459
Lambertus Abbas Chesariaci.	173
Laurentius Abbas Vallis Bonæ.	436
Laurentius Conversus Dunensis.	109
Laurentius Conversus Clarævallis.	131
Lethaldus monachus Cistercii.	386
Lucia Priorissa Spinosi-Loci.	476
Ludo Conversus Hemmenrodensis.	147
Lukenses Monachi.	41

### M.

Magienses XL. Martyres.	139
Malachias Episcopus Jacensis.	201
Malachias Archiepiscopus Hybernicae.	359
Manfuetus monachus Cistercii.	335
Marcus Abbas in Hispania.	420

Marga



# INDEX NOMINUM.

Margaritha monialis Flinensis.	61
Margaritha monialis Sylvæ Benedictæ.	72
Margaritha Lovaniensis.	211
Margaritha Jerosolymitana.	481
MARIÆ Descensus in Cistercium.	114
Maria Conversa Nazarethana.	4
Maria monialis S. Dionysii.	44
Maria monialis Bellopratensis.	100
Maria monialis S. Clementis.	143
Maria monialis de Arroyo.	243
Maria Vela monialis Abulensis.	264
Maria Abbatissa de Carrizo.	289
Maria Priorissa Muydensis.	308
Maria Conversa Eborensis.	464
Marnochus Abbas in Hybernia.	479
Martha monialis Cameræ B. V.	13
Martinus Prior Montis Sion.	136
Martinus Cardinalis.	257
Martinus Cidis.	295
Martinus monachus Vallis Eccl.	393
Martyres Firmitatis.	26
Martyres Equites.	410
Masclinus monachus Clarævallis.	62
Mathæus Episcopus Cassiliensis.	34
Mauritius Abbas Carnoëti.	311
Mencia Priorissa Castrensis.	446
Menfridus Prior Eberbacensis.	339
Mengosus Conversus Hemmenrodensis.	462
Meynerus Prior Hemmenrodensis.	203
Michael Martyr de Montesia.	112
Michael monachus Hemmenrodensis.	220
	Milo



# INDEX NOMINUM.

Milo Abbas Caroli-Loci. 244

## N.

Nehemias Episcopus Cluacensis. 285

Nicolaus Episcopus Roschildensis. 265

Nicolaus Abbas Valcellensis. 429

Nicolaus monachus de Arcu. 448

Nicolaus monachus in Brabantia. 406

Nicolaus Conuersus Villarii. 375

## O.

Obertus Conuersus Hemmenrodensis. 478

Odanus Archiepiscopus Ardinacensis. 271

Odo monachus Cistercii. 293

Oglerus Abbas Locedii. 229

Omnium SS. Monachorum festum. 384

Otto Episcopus Frisingensis. 259

Otto Conuersus Villariensis. 263

## P.

Paulus Martyr. 371

Petronilla monialis S. Annæ. 32

Petronilla Conuersa Parci Domin. 103

Petrus Generalis XI. 460

Petrus Monoculus Abbas Clarævallis. 344

Petrus Abbas Morimundi. 238

Petrus Abbas Ottiburgensis. 450

Petrus Abbas Morerolæ. 102

Petrus monachus Saviniacensis. 463

Petrus monachus Morerolæ. 231

Petrus Conuersus S. Salvatoris. 160

Philippa monialis Lusitaniæ. 77

Quardus v. Famianus.

R. Radol



# INDEX NOMINUM.

## R.

Radolphus Abbas Valcellensis.	490
Rapato monachus Ebracensis.	199
Raynardus Generalis IV.	456
Raynerus monachus Villarii.	350
Remigius Conversus Hemmenrodensis.	491
Richardus Abbas Fontanensis.	396
Richardus Abbas Martyr.	402
Richardus monachus Aldvertensis.	488
Richmunda monialis S. Waldburgis.	332
Richwinus monachus Heisterbacensis.	319
Robertus Episcopus Sylvanectensis.	468
Robertus Abbas Mattæ Planæ.	421
Robertus Abbas Domus Dei.	415
Robertus Conversus Clarævallis.	18. 30
Rodericus monachus Morerolæ.	306
Rogerus monachus Meyræ.	121
Rogerus monachus Martyr.	402

## S.

Sagallo Abbas Clarimarisci.	12
Sbignæus Abbas Martyr.	437
Serlo Abbas Saviniaci.	228
Setinbekenfes Martyres.	262
Sibotus Episcopus Augustanus.	195
Sylesii Martyres.	262
Simon Conversus Alnensis.	367
Simon Abbas Caziaci.	215
Sophia Abbatisa S. Waldburgis.	250
Spinela monialis Araucæ.	356
Stephanus Abbas Clarævallis.	248

Stephanus



# INDEX NOMINUM.

Stephanus Prior Obacinæ.	106
Stephanus Conversus Grandissylvæ.	240
Stephanus Conversus Clarævall.	245

## T.

Tezelinus monachus Clarævall.	363
Theobaldus Abbas Vallium Sernai.	27
Theodardus monachus Caræ-Sylvæ.	209
Theodericus monachus Heisterbacens.	288
Theresia Abbatissa de Toledo.	351
Theresia de Vidaura monialis Gratia.	45
Thomas Archiepiscopus Cantuariæ. 1483. Ejus Martyrium secundum.	150
Thomas Prior Boni-Fontis.	8
Thomas monachus Superati.	111
Thomas monachus in Arnisburg.	465
Thomas monachus Montis Frigidi.	492

## V.

Udardus Episcopus Brechinens.	366
Udewolta monialis. S. Waldburg.	334
Violantia Conversa Lusitanæ.	481
Violantia Abbatissa Aroucæ.	226
Vitalis Abbas Meyrens.	487
Ulpho monachus Alvastræ.	13
Ulricus monachus Villarii.	284
Urraca Abbatissa Huelgens.	129
Vulchinus Abbas in Sichern.	247

## W.

Waleranus Abbas Ursi-Campi.	233
Walterus Abbas Dunens.	217
Walterus Abbas Villarii.	381

Walterus



# INDEX NOMINUM.

Walterus Prior Alnæ.	409
Walterus monachus Valcellensis.	224
Walterus Abbas Meylrosæ.	124
Walterus Conversus Meylrosæ.	42
Wernerus monachus Eberbacensis.	55
Wicbertus Conversus Nazareth.	461
Wigandus Prior Waldsassensis.	330



## INDEX

SENTENTIARUM S. P. N.

BERNARDI,

ad singulos dies appositarum.

A.

<b>A</b> bnegare seipsum res est ardua.	80
Adversa quomodo toleranda.	433
Amatorum mundi infania.	72
Amoris Divini indoles.	407
Amor facit nos Deo gratos.	309
Angeli assistunt orantibus.	291
<b>A N I M A</b> justis, sedes sapientiæ. 270. solo Deo impletur. 367. animæ verè spiritualis signa. 151. animæ humanæ dignitas. 359. Deum amantis. 208. ejus pedes sunt affectus. 422. cibus. 404. animam quater ad se vocat Deus.	461
Aurum offert Deo relinquens omnia.	259

B.

Beati in cœlo nostrum adventum desiderant.	316
Beatorum in cœlo felicitas.	283
Bellis undique cingimur.	321
Beneficia Dei in nos maxima. 78. & Christi.	200

Y y

Bona



# INDEX SENTENTIARUM

Bona nostra à Deo sunt.	227
C.	
Carnis consolationes sunt desolationes. 109. ejus deliciæ excludunt delicias spiritûs.	488
Charitatis ordinatio.	280
CHRISTUS exemplum humilitatis. 427. suam bonitatem manifestam fecit. 333. est nostra re- conciliatio. 231. quare quærat. 61. ejus exemplo amanda aspera. 240. ejus damnantis voce nihil durius. 297. Ejus in nos beneficia. 465. ei non compati erubescit anima fidelis. 414. eum se- quens beatus est.	409
Cœlum est consummatio felicitatis. 118. cœli glo- ria immensa.	322
Confessio impetrat justificationem.	152
Considerationis elogia.	26
Conversio non fit solo corpore.	256
Coronæ Christi diversæ.	134
Corporis custodia. 6. 217. ejus cura aliò refer- vanda.	149
CruX est terror dæmonis.	230
Crucis Christi gemmæ.	402
D.	
DEUS colendus, timendus, amandus. 328. quo- modo querendus. 350. ejus bonitas in genus hu- manum. 357. respectus in electos. 381. illi nec de- est potestas nec voluntas nos juvandi. 352. ejus be- nignitas. 54. 78. pro viribus diligendus. 75. ar- denter. 115. est seopus Amoris. 206. ejus miseri- cordia occupanda. 323. quomodo diligendus. 276. illi quantum homo debeat. 268. ejus filium pro- bat victoria tentationis.	66
Deserit suos, qui affectus deserit.	262
Diabolum fugant resistentes. 215. & negantes con- sensum.	242
Ducens se ipsum, se seducit.	64
E. Electus	



# S. BERNARDI.

## E.

Electus est, faciens voluntatem Dei.	252
Exemplo optimè docemus.	285
Exteriorum contemptus.	460

## F.

Fiducia in Deum.	167
Flores virtutum amat Deus.	438
Fragilitas hominis.	245

## G.

Gaudium est in virtutibus, non vitiis.	45
Gratia Dei est cibus animæ. 450. gratiæ lumen à Christo est. 120. gratiæ divinæ cooperandum. 435.	

## H.

Homo est peregrinus terræ.	325
Hostem nostrum in sinu gerimus.	394
HUMILITAS honorata magna est virtus. 59. sola Deo placet. 86. est in seipsa radicata. 247. soli Deo innititur. 377. est virtus maxima. 397. facillima. 287. unica ad coelum via. 405. humilitas Mariæ imitanda.	138

## I.

JESUS refugium nostrum. 272. nomen Jesu est electuarium salutiferum.	235
Ignorantiæ duplicis damna.	365
Judicium Dei præveniendum.	472
Judicari à Deo, formidabile.	41
Judicia Dei, non hominum, metuenda.	183
Justitia est moderatrix actionum.	451

## L.

Lacrymæ sunt alter Baptismus. 423. earum felicitas.	123
Laudantium Deum tria genera.	140
Luctus antecedit gaudium.	196

## M.

MARIA Janua est divinæ gratiæ. 237. Advocata nostra. 274. Domus sapientiæ. 307. ejus nomen amabile. 30. ejus plenitudo omnia implet. 467	
------------------------------------------------------------------------------------------------------------------------------------------	--



# INDEX SENTENTIARUM.

Martyrum robur est amor Dei.	338
Martyrii genus varium.	400
Merita ad quid sufficiant.	8
Mors mitigat mortem. 316. mors spiritualis.	477
Mundi tenebræ. 293. insidiæ.	480
Mundi devicti signa.	411
Mundo crucifixus omnia spernit.	343
O.	
Obedientia vera. 19. se non excusat.	249
Odor quinam placeat Sponso cœlesti.	146
ORATIO justici cœlos penetrat. 99. est boni operis condimentum. 191. sit humilis. 289. jejuniico- mes. 373. semper aliquid impetrat. 319. nulla est infructuosa.	479
Oratio devotissima ad B. V.	143
Orantibus Angeli assistunt.	291
P.	
Passionis Christi memoria utilis. 144. ejus medi- tatio. 388. Patiendum cum Christo, aut non reg- nandum.	399
Patientiam perdens, vitam perdit.	319
Paupertas Christi imitanda. 106. ejus amore Deus de cœlo descendit. 354. Pauperum & humilium solatium est Christus.	375
Peccatum magis fugiendum, quàm pœna. 312. ejus metamorphosis. 56. ejus gravitas ex remedio ex- stimatur. 378. peccata minora permittit Deus ad nos humiliandos.	482
Peccatoris insania. 341. maximè recidivi 371. pec- cator nullus desperet.	33
Perseverantia. 305. ejus elogia. 14. perseverare in malo diabolicum est. 416. perseverandum in o- ratione. 489. in Cruce cum Christo.	113
Pœnitentiã omnes indigemus.	210
Providentiæ Dei nos committamus.	448
Psalendum attentè.	458
Pugna levior est pœnã.	224
Q. Quies	



## S. BERNARDI.

Q.

Quies vera est conscientia secura. 493

R.

Regnum Christi in anima. 132

Relicturus omnia à seipso incipiat. 12

S.

Salutis cura. 202

Sapientia vera. 437

Scientia duplex utilis. 48

Solitudo utilis est, se solum observare. 4

Spes de Dei misericordia. 187

Spiritûs divini mira vis. 444

Superbia cavenda. 219

Superior magis aliis, quàm sibi vivit. 21

T.

Tentationum victoria. 66. iis invigilandum. 174

Tentatus recurrat ad Deum. 148

Temporis jactura dolenda. 383

Tepor provocat Deo vomitum. 430

V.

Vanitas divitiarum. 221

Verbum Dei variè auditur. 225. ejus virtus. 69

Verecundiæ bonæ elogia. 196. quæ vitiosa? 264

Vermis conscientiaæ malum horribile. 421

Vestibus mores consonent. 336

Via ad cœlum triplex. 463. est ardua. 301

Victoriam dat solus Deus. 446

Virtutes sunt vestis animæ. 418. earum imitatio. 363.

ejus scalæ latera. 204

Vita vera quæ? 469. vitæ spiritualis officia. 429.

vitæ futuræ initium pendet ex hujus fine. 161

Vitia semper refecanda. 17

Vivit verè, in quo Christus vivit. 327

Vivendum in umbra Christi. 332

Unitas cordium. 387

Vocatio Divina est varia. 300. 461

Voluntas propria est radix omnium malorum. 330.

Deum perimit. 412. Yy3 INDEX



*Index rerum memorabilium.*



I N D E X

RERUM MEMORABILIIUM.

*A.*

- A*bsentia, & arcana divinitus cognoscuntur. 96. 318. 349. 369. 404.
- Equanimitas.* 223. 318. 348.
- Aenea pelvis cedit digito impresso.* 301
- Amor Dei.* 61. *junctus amori Mariae.* 406
- ANGELUS* in Armiludio alterius personam agit. 27. debilem confortat. 53. hortatur moniales ad electionem Priorissae. 309
- Angeli accinunt morienti, vel alijs assistunt.* 79. 135. 144. 145. 174. 246. 310. 356. 445. 473. *Fugant demonem.* 156. *apparent spargentes flores.* 325. *ijs in caelo sociati spectantur.* 56. 457. *eorum consortio gaudent.* 216. 320. *ijs devotus.* 277
- Annulo se desponsat Mariae.* 389
- Antonius alter in pugna cum demone.* 242
- Apostoli ad Infideles.* 329. 426
- Apostatae interitus.* 242
- Apparitiones gloriosae post mortem.* 108. 166. 241. 306. 362. 472.
- Aquam lustralem aspergit B. V.* 158
- Arantem juvat Christus.* 276
- Araaea*



## *Index rerum memorabilium.*

- Aranea glutitur innoxie.* 125  
*Arbor prodigiosa nascitur ex ore mortui.* 353  
*Assumptionis Marianæ festum prodigio confirmatur.* 18  
*Aularum pestis invidia. 45. aulae sunt morum corruptelæ.* 156  
*Austeritas vitæ & spontaneæ afflictationes. 81. 92. 117. 122. 239. 279. 302. 327. 368. 372. 390. 439. 449.*

### *B.*

- Beneficia Eugenij III. in totum orbem.* 24  
*Benignitas in delinquentes.* 216  
*S. P. N. Bernardus agrum sanat. 315. à B. V. salutatur 323. agonizanti apparet. 2. alijs. 60. 68. 131. 273. 395. 432. fontem facit salubrem. 296. pisce piscatur Canonicum. 87. pollicetur salutem æternam. 53. miraculosæ ejus aliorum conversiones. 52. 62. 87. 165. 409. 411. 415. Ejus in suos charitas. 48. & aliorum erga ipsum. 160. 222. 298. 300. 419. Suos laudat. 258. 224. 263. ejus gloria ex filiorum honore. 313. ejus clemencia. 53. Vaticinia. 60. 233. 290. 301. illi similes æstimati. 66. 337. 385. ejus vitæ scriptor. 314.*  
*Bernardi elogia per ejus festi Octavam exposita. Ecclesiæ Doctor. 153. Eximius, Mellifluus, Theodidactus. ibid. Mariæ cliens inimicus. 162. Terror dæmonum. 168. Hæreticorum malleus. 170. Schismaticorum flagellum. 172. Humilitatis idæa absolutissima. 175. Seraphinus*



## Index rerum memorabilium.

amoris Divini. 176. Martyrj Laureæ corona- tus. 178. Propheta lumine divino illustratus. 183. Angelus puritate Virginea. 187. Thar- maturgus inter SS. maximus. 192. Patriar- cha Ordinis propagatione. 196.	
Brachium adurens Venerem triumphas.	459
C.	
Calatravæ militia instituitur.	6
Campanæ sonus moriem Abbatis prodit.	303
Caput mortui manet incorruptum.	112
Castitati structæ insidiæ eliduntur.	124
Cerevisia in vinum mutatur.	259
Charitas erga ægros. 104. 207- 278.	
CHRISTUS apparet vulneratus. 65. in for- ma pueruli. 76. 100. 124. 349. in specie Pa- storis. 94. egeni. 407. varijs formis. 332. in throno. 119. in Eucharistia sub forma homi- nis. 242. in Cruce pendens. 333. & de ea bene- dicens. 317. aliàs duobus benedicens. 120. Vir- ginem sensibili amoris jaculo transfigit. 95. Vulnera sua ad osculum offert. 378. sponsam sibi cooptat. 94. sperare jubet in sua Passione. 144. præsentiam continuam indulget. 349	
Cilicium reficit B. V.	485
Cingulum donat Spiritus S.	365
Cisterciensis Ordo confirmatur. 34. ejus commen- datio. 10. 31. est Petra Ecclesiæ. 256. Fons par- vus. 335. ejus insigne elogium. 361. eum re- cipiunt Ordines alijs. 228. 254. Primorum Pa- trum mores. 34. 82.	
	Cælestium



## Index rerum memorabilium.

<i>Cælestium favorum mira dulcedo.</i>	331
<i>Columba super caput sacrificantis apparet.</i> 21. 422.	
<i>Sacram Hostiam porrigens.</i> 476. <i>pellens dæmones.</i> 364.	
<i>Confidentia singularis in Dei misericordiam.</i>	18
<i>Conjugij sancti fructus.</i>	13
<i>Constantia in fide.</i>	113
<i>Corpus manet incorruptum diu in sole jacens.</i> 329.	
<i>adhuc hodie.</i> 420. <i>per annos quadraginta octo.</i>	
<i>129. annis trecentis.</i> 46. <i>annis quadringen-</i>	
<i>tis.</i> 305	
<i>Corona spinea in capite gestatur.</i>	92
<i>Crucibus affixi apparent monachi.</i>	414
<i>Cultus divinus promovetur.</i>	106
<i>Curiosorum librorum lectio nociva.</i>	42

### D.

<i>Dæmon superatur.</i> 368. <i>contemptu.</i> 32. 270. 315.	
<i>afflictionibus spontaneis.</i> 82. <i>alijs modis.</i> 93.	
125. 137. 265. 319. 349. 469. 471. <i>ejus insidiæ</i>	
<i>divinitus agnoscuntur.</i> 16. 491. 242. <i>fugatur</i>	
<i>nomine Mariæ.</i> 214. <i>ejiciuntur ex obsessis.</i> 229.	
311. <i>ad mortem cedit monachum.</i> 201. 393. <i>pu-</i>	
<i>gnis ceditur.</i> 242. 320. 443. <i>apparet specie</i>	
<i>serpentis in dorso pigrè psallentis.</i> 144. <i>formâ</i>	
<i>corvi.</i> 147. 364. <i>anûs gibbosæ.</i> 443. <i>monstri.</i>	
127. <i>dæmonum quindecim millia ad moribundum</i>	
<i>convolant.</i> 74. <i>scientiam offert idiotæ.</i> 239	
<i>Deus se præbet spectandum oculis humanis.</i> 29. 369	
<i>Devotionis alimentum triplex.</i>	30
<i>Digitum lucent instar lampadis.</i>	281
<i>Doctrinâ &amp; scriptis clari.</i> 151. 253. 260. 269. 396.	

### Yys

322.



## *Index rerum memorabilium.*

322. 390. 404. eam promovent. 248. 420.	
Donum ingens respuitur.	97
Dotes & gratia & natura insignes.	456
Duella proscribuntur.	230

### *E.*

Electio ad gloriam revelatur .11. 14. 65. 103. 186. 286 417.	
Epistola scribitur in imbre sine imbre. 107. è calo accipitur. 308. 128.	
Episcopi solertia singularis. 201. virtutes egregia. 253. episcopatum reformatores. 260. 267.	
Equi erga sessorem mira obsequentia. 127. equus renuens signari cruce corruit. 159.	
Error à via ducit ab errore in fide.	180
Eucharistia mira devotione suscipitur. 349. è ma- nibus hereticorum eripitur. 476. eandem de- votè venerantur. 272. 265. in os suscepturi vo- lat à terra. 368.	
Exempli boni vis. 121. 147.	
Exemptioni Ordinis via aperitur. 304. promove- tur. 413.	
Exules pro iustitia. 62. 275. 392. 484.	

### *F.*

Facere & Patri, est tessera religiosi.	3
Festum Corp. Christi inter hereticos celebratur	111
Fertilitate donatur terra sterilis.	421
Filia parenti salutem à Deo impetrat.	263
Fons salubris è petra educitur.	122
Flexis in genibus mortuus persistit.	183. 303
Fridericus Imper. moritur in habitu Cisterc.	257
Funus triste magnæ principis.	374

### *G*



# Index rerum memorabilium.

## G

Genus nobile. 9. 13. 15. 44. 51. 59. 61. 69. 77. 79  
118. 124. 179. 199. 231. 257. 259. 274. 289.  
290. 316. 344.

Globulos precatorios donat B. V. 110

Gula vincitur oratione. 9. impugnatur. 107

## H

Heretici oppugnantur. 51. 111. 112. 130. 231. 475

Honores recusantur. 15. 47. 67. 125. 190. 294.  
dimittuntur. 39. 49. 64. 68. 99. 136. 149.  
195. 215. 221. 268. 314. 383. 412. 428.

Humilitatis exempla. 20. 28. 58. 151. 223. 246.  
249. 271. 282. 286. 427. 451.

## I

Jesu amore incensus. 234

Illegitimus de salute certus redditur visione. 40

Inquisitor primus in Galliam mittitur. 267

Innocentia illibata. 152. 284. 309. à calumnijs  
vindicitur. 484.

Judicia Dei abyssus multa. 294

## L

Lacrymarum donum. 133. 381. 431. illis rigatur  
parvimentum. 123. oculus amittitur. 132.

Lacrymanium jucundum certamen. 207

Languens alios sanat. 128

Latrones converiuntur. 369

Libertas arguentis emendat Regem. 7

Liberalitas erga hospites. 100

Liber dedicatur Generali Cisterc. à Papa. 266

Lilium ex ore defuncti nascitur. 467

Linguarum donum admirabile. 77

Lites



*Index rerum memorabilium.*

<i>Lites cedendo componuntur.</i>	346
<i>Lupi &amp; mures pelluntur.</i>	311
<i>Lux insolita in obitu apparet.</i>	115

*M*

*MARIA V.* à morbo liberat. 467. 468. suadet  
 ingressum Ord. Cisterc. 65. morienti assistit. 55.  
 143. 212. 363. auditur cantans. 466. à morte  
 servat. 351. psallentes consolatur. 364. donat  
 favores mirabiles. 344. ingens damnum aver-  
 tit ab Ordine. 97. Cucullam albam donat. 114.  
 apparet in solio sublimis. 344. habitu monasti-  
 co. 298. notans electorum nomina. 43. ejus a-  
 mor in Cistercienses. 10. & favores varij. 141.  
 sub ejus pallio spectantur Cistercienses. 10. illi  
 se singulariter mancipant. 28. 357. cultores. 27  
 109. 237. 253. 429. ultor injuriæ. 9. virtutum  
 imitator. 212. ejus Imago annuit oranti. 274.  
 ad alium se vertit. 278. ejus vituperatores à  
 demonibus torquentur. 229.

*Mansuetudine hostis vincitur.* 361.

*Martyr ex dolore afflictæ Ecclesiæ.* 453. pro Fide.  
 112. 139. 179. 206. 262. 371. 385. 401. 402.  
 437. 445. 487. pro Justitia. 400. 433.

*Martyres cantant Vesperas.* 139

*Medicus corporum & animorum.* 377. tardus in-  
 crepatur. 70.

*Minimorum defectuum diligens cautela.* 482

*Miracula interdiciuntur.* 397. vide *Prædicia.*

*Monasticus rigor inter honores observatur.* 23. 213  
 294. 468. vide *Austeritas.*

*Monialium cura, ut nociva, deseritur.* 382

*Mortuus*



## Index rerum memorabilium.

- Mortuus ad vitam redit. 239. 373. 463  
Mors beata à S. Bernardo impetratur. 315. 410  
Mors læta 470. optatur in Claravalle. 275. 362  
Mortis hora præscitur. 75. 128. 159. 199. 206.  
290. 303. 323. 380.  
Mortuæ vultus pulchrior quàm vivæ. 318  
Mortuus suis bene precatur. 487  
Morienti assistunt Cœlites. 209. 343. 351. 358  
Moysi comparatur Conversus. 367  
Mula sessorem suum à prædonibus liberat. 251

### N

- Nascenti assistunt Apostoli. 328  
Nativitas Christi spectatur à S. Bernardo. 474  
Negligentes visione metuenda terrentur. 340

### O

- Obedientia simplex. 279. prompta. 405. singulare  
in morte solatium. 19. ejus vis mirabilis. 462.  
amator eximius. 375.  
Odor suavis emanat ex corpore defuncti. 4. 281. è  
tumulo. 146. 464.  
Oratio vincit tentationes. 9. movet saxum. 288. eâ  
prædones convertuntur. 417. dæmones fugan-  
tur. 74. scelerati emendantur. 443. amissa re-  
cuperantur. 196. servantur periclitantes. 191  
mira impetrantur. 278. 298. 440. 442. 459.  
orationi addicti. 32. 190. 203. 447. 466.  
Orantis labores peragunt Angeli. 76  
Orant pro delatoribus suis. 471. pro hoste. 433.

### P

- Panis datus egenis cœlitèis redditur. 127  
Passionis Christi sedula meditatio. 226. 388  
Passionum



## Index rerum memorabilium.

<i>Passionum humanarum dominium.</i>	39. 344
<i>Patientia. 70. 343. 480. ejus merces in cælo.</i>	478
<i>Paupertas vera. 105. juvatur cælitus.</i>	287.
<i>Pauperum cura. 25. 105. 202. 217. 247. 277. 286</i>	
<i>Pauperes quater mille modico farre aluntur.</i>	126
<i>Pestis animæ triplex.</i>	220
<i>Perfectionis summus apex.</i>	95
<i>Pontificatus summus recusatur.</i>	281. 452
<i>Posteritas duplex gloriosa.</i>	161
<i>Prædicatorum Ordo primò per Cistercienses confir-</i> <i>matur. 281. de eo celebris revelatio. 403.</i>	
<i>Prædones obcæcantur.</i>	131
<i>Prodigium mirabile ab ignaro patratum.</i>	345
<i>Prodigiorum magnus numerus. 308. 328. 360.</i> <i>391. 410. 440. post obitum. 25. 117. 128. 248.</i> <i>296. 392. 425. 441. collata dubijs in fide. 444.</i>	
<i>Prophetiæ dono clari.</i>	102. 126. 370. 470.
<i>Psalmi Pœnitentiales recitandi instituuntur.</i>	97
<i>Pulchritudo formæ insidijs obnoxia.</i>	45. 298
<i>Puritatis studium. 72. 91. post mortem. 209. con-</i> <i>scientiæ. 464.</i>	
<i>Purgandæ animæ liberantur.</i>	346. 376. 443
<i>Quæstus prodigio è medio tollitur.</i>	459
<b>R</b>	
<i>Raptus corporalis admirandus. II. in cælum.</i>	93.
<i>Raptor equi citatur ad Dei tribunal.</i>	74
<i>Regibus &amp; Principibus venerabiles.</i>	84. 119. 299
<i>Remedium contra mortem subitanæam.</i>	399
<i>Remissio peccatorum cælitus revelatur.</i>	448
<i>Resignatio perfecta in Divinam Voluntatem.</i>	94
<i>Rerum sacrarum reverentia.</i>	73. 460



## Index rerum memorabilium.

### S

<i>Sacrificium Missæ devotè celebratur.</i>	157. 237. 284
<i>Scala in cœlum moribundo apparet.</i>	204
<i>Senes Ordinem suscipiunt.</i>	73. 80. 122. 341. 424. 428. 431. 445. 449. 471.
<i>Sententia notabilis de peccatis.</i>	382
<i>Sobrietatis amantes.</i>	119. 223.
<i>Sol aspicitur oculis illæsis.</i>	440
<i>Tentatis prudenter succurritur.</i>	440

### U

<i>Verbi Dei prædicatores.</i>	227. 307. 321. 366.
<i>Vestem candidam donat Angelus.</i>	151
<i>Vindicta terribilis in obstinatos,</i>	218
<i>Virtutum ornatus.</i>	69. 289. 362
<i>Virum fœmina feliciter simulat.</i>	481
<i>Visiones lætæ. 158. 233. 236. 335. 443. tristis. 156</i>	
<i>Vivus sepultus in vita conservatur.</i>	278
<i>Vulnerum suorum stigmata imprimis Christi.</i>	326
<i>Vulnus prodigiosè infligitur.</i>	388
<i>Vulneris occasione mundus deseritur.</i>	291
<i>Uxor maritum ab hostibus liberat.</i>	317
<i>Waldtsassensis monasterij origo.</i>	293

OMNIA AD MAJOREM DEI,  
Gloriosissimæ MARIÆ Virginis,  
& S. Ordinis Cisterciensis  
GLORIAM.





## *Menda emendata.*

Paginâ 25. lineâ 18. deplorabant p. 34. l. 3. facundia 57. l. 26. irreparabile 60. l. ult: *virtutes* 69. marginali: *Charitate* 81. l. 20. hujus 89. l. 4. cathedræ ib. l. ult. divinorum 92 l. 26 charismata 104. marg. *afflictatione* 178. l. 15. inaugurâsset 192. l. 27. revocâsti. 193. l. 11. expetierant l. 12. Morbos 194. l. 28. conditione. 213. marg. *Christus* 292. l. 24. numeretur 296. l. 6. Philippus 318. l. 23. digitos 319 l. cujusdam l. 7. hujusmodi 324. l. 5. Spiræ 329. marg. *infideles* 334. l. 22. percurrens 352 marg. voluntas 360. marg. *Prodigijs* 363. mar. Imitatio 366. l. 24. confugiens 372. l. 4. orthodoxæ 379. l. agnoscens 383. l. 16. hoc 389 l. 12. Mater 445. l. 29. pæana adde Angeli 450 l. 15. tyrocinium. Nota, post numerum paginæ 471. vitiosè repeti num. 6. pro quo octies in seq. paginis ponendus est num. 7. &c.

Inadvertenter Sententia S. Bernardi bis posita est, p. 161. & p. 426. cujus loco, ut numero dierum conveniat numerus Sententiarum, hanc poteris, Amice Lector, supponere, ex sermone 25. in Cant.

*Nos qui in Christum credimus, Fratres, rectas studeamus facere vias nostras & studia nostra. Levemus corda cum manibus ad Deum, ut toti recti inveniamur, fidei nostræ rectitudinem rectis actibus comprobantes.*














T. 22







ANNALS  
GISTERO

TOM II

1432  
334